

hendi, semperque sis desideratus ac desiderabilis, nosque lateat, quandiu sumus in hoc corpore, quam magna sit multitudo dulcedinis tuæ, quam abscondisti timentibus te (*Psalm. xxx.*) . Fuge cautus nobis ac providus, ne unquam dum vivimus, nos comprehendisse arbitremur, sequentes ut comprehendamus. Montes, montes aromatum, ecce super vos dilectus, et assimilatus capreae hinnuloque cervorum. Dicat autem ad quemdam unus ex amicis sapiens admodum, si etiam scivisset afflictum vel percessum legitime consolari. Voca ergo si est qui respondeat tibi, et ad aliquem sanctorum convertere. O montes sancti, causam singulorum et omnium nostrum in uno illo, in quem hoc dictum est, recognoscimus, et idcirco quod illi ab animo indiscretu[m] datum est consilium, nos discrete suscipimus, et sequi desideramus. Ille enim, videlicet Job, quod interpretatur dolens, et in eo quod Satan exterrit eum ut tentaret (*Job 1*), et in eo quod tentatus fidelis inventus est omnium (*Ecclesiastes. xliv.*), qui volentes vivere in Christo persecutionem patiuntur (*II Timothy. iii.*), dolores et gemitus, et sub-

A sequentes consolationes in semetipso præmonstravit, et in responsis suis ab illis duntaxat cognoscitur, quicunque pro causa pietatis, seu foris visibiliter, seu intus invisibiliter ab invisiibilibus inimicis tribulatur. Ad quem igitur vestrum convertemur? In quo ex omnibus vobis fugientem dilectum citius consequemur et comprehendemus? O B. Maria, mons montium, virgo virginum, sancta sanctorum, ad omnes quidem convertimur montes aromatum, et vocamus ut respondeant nobis, et hoc est quod unusquisque nostrum dicit: « Levavi oculos meos in montes, unde veniet auxilium milii (*Psalm. cxx.*), sed ad te præcipue convertimur, ad te præcastoris oculos nostros levamus, tuum præ omnibus auxilium suspiramus. Per sanctum uteri tui sacramentum, et illum qui animam tuam pertransivit (*Luc. xx.*), gladium, obtine ut videamus ipsam illuminationem montium æternorum, scilicet dilectum et ex dilecto dilectum, simulque dilectionem amborum, id est Patrem, et Filium, et Spiritum sanctum Deum unum, vivum et verum, cuius regnum et imperium permanet in secula seculorum. Amen.

B

*Finis libri septimi, et ultimi in Cantica cantorum.*

## R. D. D. RUPERTI

ABBATIS TUTIENSIS

## IN S. JOB COMMENTARIUS.

### PROLOGUS.

(5) Hunc B. Job male, ut ait Hieronymus (5), quidam existimant de genere suisse Esau, cum scriptum sit in initio voluminis: « Vir erat in terra Hrs. » Siquidem Hus primogenitus fuit Nachor, sicut in Genesit scriptum est: « Nunitatum est Abrahæ, quod Melcha quoque genuisset filios Nachor : Hus primogenitum, et Bz: fratrem ejus. » Sed et Philo scribit (6) hunc Dina filiæ Jacob suisse maritum. Porro de genere Bz secundi, ut predictum est, filii Nachor, Balaam ille divinus extitit, ut Hebræi tradunt, qui in hoc libro dicitur Heilius (in vulgata eliu) Buzites, primus vir sanctus et prophetus Dei, postea per inobedientiam ei desiderium numerum, dum Israel maledicere cupit, divini vocabulo nuncupatus. Nec mirum illum usque ad exitum filiorum Israel de Ægypto vixisse, videlicet CXL annos, post mortem Joseph, quippe cum et ipse Job eodem tempore vixerit potuerit, qui quando percussus est, tam ipse, quam et amici ejus seniores illo erant, sicut testatur idem Helius cum dicit: « Junior sum tempore, vos aulem antiquiores », etc. Nam ponamus omnino eodem tempore suisse percussum quo mortuus est Joseph anno suo CX. Certe, quando percussus est, annorum erat CXXXVI, nam post percussionem CXL annos vixit, et tunc demum annorum CCCLXXVI illum obiisse haec ipsa Scriptura refert. Nihil igitur repugnans aut contrarium incurrit, quin et B. Job juxta Philonem maritus Dina fuerit, et Helius qui contra illum loquitur, idem ipse Balaam extiterit. Simulque et illud sciendum quod et ipse hoc librum hunc scribere potuerit, nec tamen haec antiquior Scriptura putanda sit, quam Scriptura legis Mosi. Nam, cum supra quam duplices annos Mosi iste habuerit, Moses quippe CXX, hic autem, ut praedictum est, CXXXVI annos vixit, plane et natu prior et obitu posterior quam Moses esse potuit.

Et hic liber apud Hebreos fers totus, scilicet ab ea loco ubi ait: Pereat dies in qua natus sum, usque ad illud: Et ago parentiam in savilla et cinere, hexametris versibus compositus est, dactylo, spondaeoque currentibus. Verumtamen propter linguae idioma crebro et alias pedes recipit, non earundem syllabarum, sed eorumdem temporum. Interdum quoque rhythmus ipse dulcis et tinnulus fertur numeris loge solutus, quod metrī magis quam simplex lector intelligunt. Subjacet autem maxime Ethicæ, id est, morali doctrina quāquam et sepe tractet de physica, et multa continet de theorica, quæ in sacris litteris habetur pro-

(5) Hieron. in trad. Hebr. in Genes.

(6) De antiquitatibus.

*Logica, quæ tres partes philosophiæ sunt. Porro ejus intentio talis est. Expertus in semetipso vir sanctus multos fore in hoc sæculo justos, quibus sic eveniret, tanquam iniquorum essent operum sicut contra multi sunt injusti, quibus ita evenit, tanquam bonorum sint operum, volensque ipse, imo Deus, qui illum tentari permisit, temeraria nimis hominum judicia compescere, qui merita hominis solent ex prosperitate vel aduersitate ejus pensare, Scripturam hanc edidit valde uilem, cunctis exsultantibus in hoc mundo civibus cali, qua instruerentur nequaquam peccatum hominis ex quantitate pensare flagelli, quod iniquum est cum ethniconum quoque aliquis dicat (7) :*

— Careat successibus opto,  
Quisquis ab eventu facta probanda putat.

*Ea temeritate ducti amici ejus, non sunt rectum coram Domino locuti. Itaque dicturus mata quæ pertulit, bona ipsius merita Domino quoque teste collaudata præmittens, incipit sic : « Vir erat in terra Hus, nomine Job. Eratque vir ille simplex et rectus ac timens Deum, et recedens a malo. »*

(7) Ovid. in epistola Phyllis ad Demopnoontem.

## SUPER JOB COMMENTARIUS.

**428** CAP. I. VERS 1. — « Vir erat in terra Hus. » Idcirco sanctus vir ubi habitaverit dicitur, videlicet in terra Hus, quæ terra gentilium est, ut hoc laudibus ejus proficiat, quod juxta præconium Sponsi : « Lilium inter spinas (Cant. 11), » id est bonus inter malos fuit. Qui quoniā singulariter cum diabolo fuerat certaturus quasi ante arenæ spectaculum sacrae textus Historiæ membra fortis athletæ, id est, quatuor principales mentis virtutes describit dicens : « Eratque vir ille simplex, » et cætera. Nam in eo quod dicitur : « Simplex, » prudentia quoque intelligenda est, videlicet, quia sanctorum simplicitas sine prudentia non est, juxta quod Veritas præcipiens, « Estote, inquit, prudentes sicut serpentes, et simplices sicut columbae (Matth. x). » In eo ergo, ut dictum est, quod simplex dicitur, prudentia, in eo quod rectus, fortitudo, in eo quod timens Deum, justitia, in eo quod recedens a malo, temperantia designatur. Post bona hæc interiora ordinate subduntur exteriora.

VERS. 2. — « Natiq[ue] sunt ei septem filii, et tres filiae. » Ac si diceret : Et quod magnum est, supradictas virtutes habuit in secunditate prolis. Sape enim cor parentis ad avaritiam allicit secunditas prolis. Amplius autem et hoc quod sequitur :

VERS. 3. — « Et fuit possessio ejus septem millia ovium. » Ejusdem proficit laudibus, ut consideres quantæ sanctitatis vir fuerit, quem nec tot hæredum affectus ad avaritiam inclinavit, quique ad tam sedula Dei obsequia, et sic occupatus, vacavit. De quo constat quod cuncta hæc sine amore possederit, quia sine dolore amisit. Eratque vir ille, scilicet tam justus, magnus, idest dives inter omnes Orientales. Quos quis ignorat esse prædivites? Ac si aperte diceretur : Dicitur fuit divitibus. Et vir ille, id est, talis, tam magnus, hoc modo filiis suis, etiam cum corpore absens esset, sollicitudine præsens aderat.

VERS. 4. — « Filii ejus, » quod magnum est in magna substantia multum concordes, « ibant et faciebant, » id est, ire et facere consuetu linem habe-

A paut « convivium, » quod celebrari sine culpa vit potest, « per domos, » scilicet omnes per domos suas, æquali dilectione nullam omittentes. « Facabant, » inquam, « convivium unusquisque » ceteris fratribus suis « in die suo, » id est, in die septimanae secundum ordinem ætatis sibi deputato. « Emissentes, » id est, inferiori sexui honorem imperficientes « vocabant tres sorores suas, » id est, charitate indivisa, « ut comedenter et biberent cœteris. » Quod totum est laus paternæ institutionis.

VERS 5. — « Cumque in orbem, » id est, in circuitum, « transissent dies convivii, » id est dies septem, « mittebat Job, » scilicet curam gerens salutis eorum, « et sanctificabat illos, » videlicet purgatione sacrificiorum ; hoc est quod sequitur : « Surgensque diu culto offerebat holocausta per singulos, » scilicet septem holocausta, filii quippe septem erant. Et nota quia qui octavo die sacrificia dicitur offerre, plenus Spiritu septiformis gratiæ pro spe resurrectionis, quæ octava mundi ætate celebrabitur, Domino deservisse perhibetur. « Offerebat, » inquam, « holocausta. Dicebat enim : Ne forte, » id est, non affir mans, sed pro sollicitudine dubitans, « ne forte caverint filii mei et benedixerint, » id est, deterrant Dominum, per antiphrasin, « in cordibus suis. » Temere namque de alienis cordibus judicare non debemus. Quod nota, quod perfectos esse in opere et sermone docuerat, quiq[ue] de sola cogitatione metuebat, dicendo « in cordibus suis. » — « Sic, » id est, tam sancte, tam sollicite, « faciebat Job cuncti diebus, » id est perseveranter. Allegorice. « Vir nomine Job, » quod interprater dolens, scilicet Dominus noster, qui « dolores nostros ipse portavit (Ier. LIII), » — « erat, » imo est, id est, habitus per fidem « in terra Hus, » id est, in corde populi os siliatoris, regnat. Hus quippe consiliator interpretatur. Et « sapientia » Dei, scilicet Christus, « habita inquit, in consilio, et eruditis intersum cogitatione (Prov. VIII). » — « Et ille vir erat simplex et rectus, » id est mansuetus et justus, et timens Deum juxta quod scriptum est : « Et replebit eum Spiritus

tas timoris Domini (*Isa. xi*) : — « Et recessens a malo, » videlicet quia « peccatum non fecit, nec inventus est dolus in ore ejus (*I Petr. ii*). » — « Nati sunt ei septem filii, » id est apostoli gratia septiformis Spiritus implendi, « et tres filiae, » id est, plebes infirmiores, sed tamen fide Trinitatis solidatae. « Et fuit possessio ejus septem millia ovium, » id est innocentia perfectorum ex legis paucis ad perfectionis gratiam venientium. « Et tria millia camelorum, » id est, in Trinitatem credentem fides gentilium, qui torti moribus, atque onus criminibus, ab idolorum cultura venerunt, sive plebes Samaritanorum, qui sicut camelii quasi ruminant, sed nequaquam ungulam findunt, videlicet quia legem ex parte recipiunt, et ex parte contemnunt, dum fidem resurrectionis nesciunt. « Quingenta quoque juga boum et quingentæ asinæ. » **429** Numerus hic ex quinquagenario decies multiplicato perficietur. Et quinquagenarius requiem jubilei, denarius autem summam exprimit perfectionis. Boum quoque nomine in praesenti Iudæa, asinarum vero nomine gentilium figuratur stultitia. Idem ergo hic quod superius nominatis ovibus et camelis, et per boves et asinas designatur, videlicet quia æternam et perfectam requiem Iudæa gentilesque quasi quingenta juga boum et quingentæ asinæ Christo colliguntur possidenda. Et quia per boum fidem prius stulta mundi, post etiam astuta collecta sunt, bene prius animalium multitudine descripta, in extremo ponitur, ac familia multa nimis. Eratque vir ille, scilicet de quo dictum est : « Ecce vir Oriens nomen ejus (*Zach. vi*), » magnus inter omnes Orientales, id est inter omnes sanctos in fide ejusdem Orientis consistentes, videlicet quia ceteros sanctos adoptio facit esse Orientales, illum autem Divinitatis natura verum Orientem exaltat. « Et filii ejus, » id est prædicatores ejus sancti apostoli, ibant per domos, » id est per diversas regiones, et faciebant convivium, » id est audientibus ministrabant epulas virtutum, « unusquisque in die suo, » id est in intellectu suo. « Cumque transissent in orbem dies convivii, » id est peracto ministerio prædicationis, mittens scilicet Spiritum sanctum, « sanctificabat eos, » videlicet quia pro prædicaturis apostolis Patrem Redemptor noster exoravit. Dicebat enim : « Ne forte peccaverint filii mei, » id est prædicatores mei, « et benedixerint, » id est maledixerint, « Deo in cordibus suis. » Maledicere enim Deo est, de ejus munere sibi gloriam præbere. Sic faciebat Job cunctis diebus, » videlicet quia sine intermissione pro nobis holocaustum Redemptor immolat, cum Patri suam pro nobis Incarnationem demonstrat. Moraliter : « Vir, » scilicet quisque electorum viriliter agens, « nomine Job, » id est dolens, videlicet de præsentibus, et ad æternam existans, erat, imo est, « in terra Hus, » id est minimum inhabitat consiliatorem, et omnia cum conilio agentem. « Eratque vir ille simplex, » etc. Hoc non mutatur ab eo modo, quo supradictum

**A** est in historico sensu. « Nati sunt ei, » videlicet per conceptum bonæ cogitationis, « septem filii, » id est virtutes septem Spiritus sancti, « Spiritus sapientiae et intellectus (*Isa. xi*), » etc. Nam, licet hæ gratiae in solo Christo plenariae requieverint, tamen eisdem quisque electus pro suo modulo participatur. « Et tres filiae, » videlicet fides, spes, caritas, quarum pulchritudine, quidquid viriliter agit perornatur intrinsecus, et perfectionis summa, in septem filii, et tribus his filiabus quasi denarius numerus impletur. « Et fuit, » scilicet in pascuis veritatis, « possessio ejus, » id est cogitationes ejus, « septem millia ovium, » id est innocentia cum perfecta cordis munditia. « Nam in septem millibus, » perfectio; in nomine « ovium, » munditia vel innocentia signatur. « Et tria millia camelorum, » id est item cogitationes sub cognitione Trinitatis sponte se in appetitu humilitatis inclinantes. Camelus enim portandis oneribus ultro dorsum præbet. Vel exemplo Domini, de quo dictum est : « Culicem liquantes et camelum glutientes (*Matth. xxiii*). » Aut certe qui habentes aliquid sæculi et aliquid Dei, non quidem se penitus findunt ab omni terreno opere, sed tamen ruminant, temporalia dispensando bene. « Quingenta quoque juga boum, » id est virtutes concordes sub jugo Christi, mentis duritiam exarantes, « et quingentæ asinæ, » videlicet motus lascivientes dominante restricti ratione. « Quingentæ, » inquam, id est æternæ pacis, ut supradictum est, requiem perfectam desiderantes. « Ac familia multa nimis, » id est cogitationes innumeræ, quæ velut annullæ, absente domina ratione, loquaciter perstrepunt, opus negligunt, sed illa redeunte conticescunt, propriumque opus repetunt. « Eratque, » imo est, « vir ille, » id est talis, « magnus, » scilicet contemplatione socius, « inter omnes Orientales, » id est mentes excedens inter cœlestes spiritus, Orientali, id est divinæ luci inhærens, dicensque : « Nostra autem conversatio in cœlis est (*Philip. iii*). » « Et filii ejus, » scilicet supradicti, eunt per domos et faciunt convivium, » id est virtutes singulæ juxta modum proprium mentem pascunt, « unusquisque in die suo, » id est unaquæque virtus in illuminatione sua. « Et mittentes vocant tertio sorores suas, » id est fidem, spem et charitatem, ut comedant et bibant cum eis, id est gaudeant in omne opus bonum cuiusque virtutis. Et quia nonnunquam aliquantula elatione ipsa bona nos opera pollunt, bene subjungitur : « Cumque in orbem transissent dies convivii, » id est ubi peractus est sensus vel effectus cuiusque virtutis, « mittebat Job et sanctificabat eos, » quia videlicet omne quod actum est districta retractatione vir sapiens studet emundare. « Consurgensque diluculo, » id est humanitatis noctem deserens, « diluculo, » inquam, id est in compunctionis luce « holocaustum per singulos offert filios, » id est pro unaquaque virtute devote precis immolat hostiam. « Dicit enim : Ne forte peccaverint filii mei, et benedixerint Deo in cordibus suis, » id est

ne forte virtutes meæ, dum bona in aperto exercitent, in occulto noxia molitur sint, et arrogando sibi quod sunt, Deo maledixerint. Quod bene et subtiliter Jeremias insinuat per viros quod ad offerenda Deo munera venientes in medio civitatis refert interfectos esse ab Ismael (*Jer. xl.1*), quia divinis deditas operibus mentes, nisi magna se circumspectione custodian, subripiente hoste, dum devotionis portant hostiam in ipso itinere, perdunt vitam thesauri; quibus se decem viri redemerunt ne interficerentur, spes est, quæ in agro paenitentie recondita supradictis sacrificiis omnem virtutem ad perfectum emundat. « Sic faciebat Job, » id est sic facit iste dolens vir, « cunctis diebus, » videlicet quia frustra velociter in bono opere currit, qui priusquam ad metas, id est ad bravium vitæ perveniat, a proposito deficit.

Ecce autem quasi quoddam speculum mentis nostræ oculis opponitur, cum talis viri tentatio describitur, qua diabolus non contra eumdem Job, sed ipsum habens pro materia contra Deum certamen hoc ordine proponit.

VERS. 6. — « Quadam autem die. » Primo notandum quia tentatio viri justi, qua ad victoriam ducitur, a die cœpta perhibetur. Econtra divitis anima in: Evangelio nocte repetitur (*Luc. xii*), et Salomon nocte sapientiam accepit non perseveraturs (*III Reg. iii*). « Quadam ergo die cum venissent filii Dei, » scilicet electi angelii, qui per Paulum omnes dicuntur administratori spiritus (*Hebr. ii*), cum inquam hi « filii Dei, » qui ad nos mittuntur « venissent, » videlicet spiritus conversione, et « assisterent coram Domino, » unde nulla discedunt mentis aversione, « adsuit inter eos etiam Sathan. » — « Adsuit, » inquam, ita ut videretur non ut videret, « inter eos, » id est cuncta videntem latere non valens, sicut caecus solem non videns solis radiis perfunditur.

VERS. 7. — « Cui, » videlicet non electis angelis, sed Satan quem nescit, id est quem reprobatur, « dixit Dominus : unde venis? » Videlicet quia dignum est ut itinera ejus, quæ judicans damnat, quasi nesciens requirat. Hoc est dicere Dei, « unde venis? » itineria malitia ejus inimicorum. « Respondens Satan, » cuius utique respondere est, omnipotenti majestati nil posse celare, ait : Circuvi terram, et perambulavi eam. » Bene, quia quietus in cœli culmine stare contempsit, **430** idcirco laborans et anxius terram non transvolat, sed peccati pressus pondere perambulat, et ad gyrum laboris circuit, juxta illud : « In circuitu impii ambulant (*Psal. xi*). »

VERS. 8. — « Dixitque Dominus : Nunquid considerasti servum meum Job, » subintellige qualis sit, et perspexisti, « quod non sit similis ei super terram? » Hoc dicere Dei est tales electos suos justificando facere, qualibus angelus apostata possit invidere. « Vir simplex, » etc. Hoc superius jam dictum est.

VERS. 9, 10. — « Nunquid frustra, » id est gratis, Job, qui tot bona in terra recepit, « timet Deum, » id est innocenter se gerit? Hoc dicere diaboli est,

A invidendo rimas reprobationis exquirere, et quæ vermem ad virientis arboris radicem ponere.

VERS. 11. — « Sed extende, » subintellige usque ad me, « manum, » id est potestatem tuam, videbit serendi licentiam, « et tange, » id est tangere me permitte, « cuncta quæ possidet. » Ac si dicat : Cuncta quæ dedisti subtrah; « nisi in faciem hædixerit tibi, » id est nisi gratiam favoremque tuam maledicendo contempserit. Hoc dicere diaboli est, ad afflictionem bonorum malitiæ testibus asperare.

VERS. 12. — « Ecce, » subintellige ad cursum malitiæ te relaxo, « universa quæ habet, » id est cuncta substantia ejus et filii ejus, « in manu, » id est in potestate tua sunt; « tantum, » subaudi, hoc prohibeo, « ne in eum, » id est in corpus ejus, « exteras manum. » Ac si dicat : Non sic laxo te hostem, ut undique feriam civem. « Egressusque, » id est relaxatus est « Satan a facie Domini, » id est a disciplinæ vinculis, videlicet, quia diu ligata voluntas ad opus processit.

VERS. 13. — « Cum autem, » subaudi illo quarente tempus aptum temptationi, « quadam die filii ejus et filiæ comedenter et biberent in domo fratris sui primogeniti, » videlicet dispensante et prodeente nobis Deo, quia prænuntiata tribulationis est lex talietatis.

C VERS. 14-19. — « Nuntius venit ad Job, qui diceret : Boves arabant, et asinæ, » etc. Hec et ceterorum verba nuntiorum, nunc interim in historicō sensu expositione non indigent, nisi quod callide tentatoris instinctu damna et multa nuntiantur et subita, dum adhuc illo vel illo loquente venit alius, et quod hic ait, « boves arabant, » ut videlicet memorato fructu operis causa crescat doloris, « aliis autem : Ignis, inquit, Dei cecidit de celo, » « ignis, » inquam, « Del, » tanquam si diceret, illius animadversionem sustines, quem tot hostis placare voluisti.

D VERS. 20. — « Tunc, » id est tandem, scilicet fermentis amissis, « surrexit Job et scidit vestimenta sua, » quod videlicet magni doloris indicium erat, « et tonso capite, » videlicet quia capillos temperantillitatis ad ornatum servaverat, « corrui terram et adoravit, » videlicet tenens duo praecipit, charitatis; corruit, amorem proximorum in dolore exprimeus, et adoravit amorem Dei non deserens, vigilanter attendit qualis huc venerit, id est quantum sit.

VERS. 21. — « Nudus, » inquit, id est nihil habens, « egressus sum de utero matris meæ, » ram videlicet quæ nos omnes genuit matrem suam nominans. Sequitur enim : « Nudus revertar illud, scilicet quando sepelier mortuus. Magis autem justitia Conditoris consolationem sibi subhibet, « Dominus, inquit, dedit, Dominus abstulit. » Minus, « inquam, non diabolus « abstulit. » Audo ergo qui dedit, sua recepit, non mea absidia. Et ad Deum, cui non nisi justum placet, sex vol-

tatis studium inclinans, « sicut Domino placuit, ita factum est. » Totumque quod rectum sentit benedictione concludit, gloriae personans hymnum : « Sit nomen Domini benedictum. »

**VERS. 22.** — « In omnibus his non peccavit Job labiis quis, » id est interioribus labiis, « neque » ore exterius « stultum aliquid contra Deum locutus est. » ALLEGORICE. Cuncti dies quibus sine intermissione, ut supradictum est, holocaustum corporis et sanguinis sui pro nobis Redemptor noster immolat, dies unus est, dies manifestatae sapientiae, dies salutis, de quo Apostolus : « Ecce nunc, inquit, tempus acceptabile, nunc dies salutis (*II Cor. vi.*). » Et Psalmista : « Hodie si vocem ejus audieritis (*Psalm. xciv.*). » De hac die nunc dicitur : « Quadam autem die cum venissent, » videlicet in recordationem, « filii Dei, » scilicet qui erant dispersi, « ut assisterent coram Domino, » id est « congregarentur in unum, » sicut ait evangelista (*Joan. xi.*), « adfuit inter eos, » scilicet servientes ad electorum adjutorium, « et Satan, » videlicet serviens ad probationem ipsorum. « Cui dixit Dominus. » Quid sit dicere Dei, quid respondere Satan, jam supradictum est. « Unde veis? » Increpatio est, videlicet quia qui ante quasi non visus tolerabatur, incarnato Domino, diabolus increpatur. « Circuivi terram, » videlicet gentes omnes post me traxi ab Adam, « et perambulavi eam, » id est nullum a reatu liberum reliqui. « Nunquid servum meum Job, » id est Christum in forma servi, « considerasti? » id est deprehendisti, videlicet quia dicas : « Quid mihi et tibi? scio quia Filius Dei es (*Marc. i.*). » — « Considerasti, inquam, quod non sit in terra, » id est in hominibus qui tantum homines sunt, « similis ei, » videlicet quia Deus et homo est. « Homo simplex, » etc. Hoc superius expositum est. « Et Satan, » quia id ipsum quod de divinitate ejus suspicatus fuerat, in dubium sibi venit praे superbia, « Nunquid, ait, frustra, » et non magis praesenti qua remuneratur miraculorum gloria, hic timet Deum, « adeo recedens a malo, ut Deus putetur, cum sit homo. » Nonne ideo absque peccato incedit, quia « tu eum, » id est animam ejus, ne possit tollari ut cæteri homines, « vallasti, ac dominum, » id est corpus ejus, « universamque substantiam percutiunt, » id est electos ejus ut invadere non præsumant? Operibus, » scilicet miraculis, « manuum, » est curationum, « ejus benedixisti, » videlicet ut talia sint, « et possessio ejus crevit in terra, » id est credentes in eum multiplicati sunt. Haec Satan dixisse, est, talia invidendo sensisse. « Sed tene, » et cætera usque : « Cum autem quadam, » sicut superius accipienda sunt, nisi quod ait, « manu tua sunt. » In qua nunc accipi debet potas non perdendi sed tentandi, et cribrandi sicut sicum (*Luc. xxii.*). « Cum autem quadam die, filii et filiae, » id est apostoli et inferiores discipuli, domo fratris sui primogeniti, « id est intra si-Judaici populi, qui ideo primogenitus dictus, quia ad cultum Dei prior venit quam gentes,

A « comedenter et biberent vinum, » id est prædixerent Evangelium, « nuntius » videlicet sermo propheticus, « venit, » id est impletus est, qui diceret : « Propterea captivus ductus est populus meus, quia non habuerunt scientiam (*Isa. v.*). » Videlicet hoc modo : « Boves arabant, » id est boni operatores concorditer verbo instabant, « et asinæ, » id est simplices « pascebantur, » id est docebantur, « juxta eos, » id est eorum doctrinæ consentientes, « et irruerunt Sabæi, » id est captivantes, videlicet spiritus maligni, « tuleruntque omnia, » videlicet in infidelitatis captivitatem, « et pueros, » id est nondum in fide robustos, « percusserunt gladio, » scilicet desperationis, « et effugi ego, » subaudi propheticus sermo, « solus, » videlicet quia cunctis superstes B persecutionibus Christum annuntiat sermo propheticus. « Cumque adhuc ille loqueretur, venit alter, » id est aliud de sermone propheticō impletum est, scilicet hoc : « Zelus ignis apprehendit populum ineruditum. » Quod tali modo impletum est : « Ignis Dei, » id est flamma invidiæ, Deo permittente, « cecidit, » id est exarsit, « de cœlo, » id est a prepositorum cordibus, qui cœlum dicuntur, juxta illud : « Attende, cœlum, et loquar (*Deut. xxxiii.*), » ob « tactas oves, puerosque, » id est ad consensum sui tactos simplices, « consumpsit, » id est a fide subvertit.

**431 VERS. 17.** — « Venit aliis, » id est, impletum est aliud de sermone propheticō, verbi gratia istud : « Et tenentes legem nescierunt me (*Jer. ii.*). » Impletum est, inquam, hoc modo : « Chaldae, » id est ferociæ, scilicet persecutionis auctores, « fecerunt tres turmas, » id est Pharisæi, Herodiani, et Sadduceæ, diviserunt se, « et invaserunt camelos, » id est, infirmorum mentes, verbi gratia Samaritanos, « et tulerunt eos, » id est, a fide et spe resurrectionis avertere moliti sunt, et cætera ut supra.

**VERS. 18, 19.** — « Et ecce intravit aliis, » id est, impletum est aliud de sermone propheticō, scilicet hoc : « Proximi mei a longe steterunt (*Psalm. xxvii.*); » vel illud : « Percutiam pastorem et dispergentur oves (*Zach. xiii.*). » Hoc, inquam, hoc modo impletum est. « Filiis tuis et filiabus vescentibus, » ut supra expositum est, « repente ventus vehemens, » id est tentatio fortis, « irruit a regione deserti, » id est, a Judæis Deo desertis, vel a spiritibus immunidis, « et concussit, » id est, ad persecutionem commovit, « quatuor angulos domus, » id est, quatuor ordines Synagogæ, videlicet sacerdotes, Scribas, seniores et Pharisæos. « Quæ corruebant, » scilicet in persecutionis crudelitatem, « oppressit liberos tuos, » id est, desperatione obruit apostolos.

**VERS. 28.** — « Tunc surrexit Job, » videlicet in mortuis, vel ad vindictam se erexit, « et scidit vestimenta sua, » id est, Synagogam quæ sibi adhæserat a se rejicit, « et tonso capite, » id est, a principibus abrasa sacerdotii dignitate, « corruuit in terram, » id est, venit ad gentium notitiam. Terra namque hoc loco est gentilitas peccatrix, videlicet

**quia peccanti homini dictum est :** « Terra es et in terram ibis (*Gen. iii*) : » — « Et adoravit, » id est, adorantes fecit juxta illud : « Propterea confitebor, » id est, confessores acquiram, « tibi in gentibus, et nomini tuo cantabo (*Psal. xvii*), » id est, cantari faciam.

**VERS. 21.** — « Nudus, » inquit, id est, homo purus et absque ornatu divinitatis esse reputatus, « egressus sum, » id est recessi « de utero, » id est, a carnali sensu, « matris meæ, » videlicet Synagogæ. In cujus rei typum cum mulier Ægyptia Joseph incestis amplexibus tenere vellet, ille reliquo pallio in manu ejus nudus profugit ab ea (*Gen. xxxix*). Sic Dominus noster, relicta in manu Synagogæ legis littera, qua ejus continguntur sacramenta, confugit ad gentes, dicens : « Nudus egressus sum de utero matris meæ, » ut supra dictum est. Nudus in divinitate, conspicuus reverar illuc, videlicet in mundi termino, cum multitudo gentium subintroiret (*Rom. xi*). Dominus a quo per hoc quod homo sum accepi omnia, dedit, scilicet Synagogam exspectantem meam incarnationem, Dominus abstulit, scilicet eamdem meam præsentiam contemnentem. In omnibus his non peccavit Job : « Peccatum quippe nou fecit, nec inventus est dolus in ore ejus (*Isa. lxx*; *I Petr. ii*). » **MORALITER.** Quia talis est unusquisque qualis et cogitatio ejus, tunc veniunt, scilicet filii Dei ut « assistant coram Domino, » cum cœlestia volvimus in palatio mentis per amplitudinem contemplationis, id est inter eos et Satan, cum se interserit, ut bene cogitata perturbet. Cætera, usque : « Egressus est Satan a facie Domini; » sic sunt accipienda pene ut superius. Egresso itaque Satan, id est, permisso eum tentari, quem necesse est temptationibus erudiri, sequitur : « Cum autem quadam die filii et filiae ejus, » id est, virtutes superius dictæ, « comedenter et biberent, » id est, epulas vita sumerent « in domo fratris sui primogeniti, » id est, in sacramentis fidei, primogenita namque virtutum omnium fides est, « sine fide quippe Deo placere impossibile est (*Hebr. xi*), » — « nuntiis venit, » id est, discretio ad conscientiam recurrit, quæ rereuntibus plerumque aliis virtutibus sola superstet. « Boves, » inquit, « arabant, » id est, graves meditationes in bonis studiis, verbi gratia, in sacra Scriptura, se exercebant, « et asinæ, » id est, simplices motus cordis, « pascabantur juxta eos, » id est, juxta sensum ejusdem Scripturæ regebantur, « et irruerunt Sabæi, » id est spiritus maligni, « et tulerunt omnia, » videlicet in malis desideriis juxta nomen suum captivantes ea, « puerosque » custodes, id est, cordis circumspectiones, « gladio percusserunt, » id est, suo præventu diruerunt. « Venit alter. » Eadem discretio nuntius alter dicitur, dum nuntiat aliud, et dixit : « Ignis Dei, » id est invidia permisso Dei, « cecidit de cælo, » scilicet aero, id est ab immundis spiritibus, qui in aere vagantur. « Et tactas oves, » id est innocentiam « puerosque, » id est, cordis munditiam tangendo inflam-

A matione prævæ suggestionis « consumpsit. » Dixit et hoc : « Chaldei, » id est feroce, scilicet iudei maligni spiritus, « fecerunt tres turmas, » id est, illico opere, superflua locutione, inordinata cogitatione mentem impetrare, « et camelos, » id est bonas rerum temporalium dispensationes, « et pecros, » id est sensus istis præsidentes, gladio imprudentiæ percussit [percusserunt]. Dixit et hoc : « filii tuis et filiabus, » et cætera ut supra, « repente ventus vehemens, » id est tentatio fortis, « irruit a regione deserti, » id est a spiritibus immundis Deo desertis, « et concusso quatuor angulos domus, » id est quatuor constantiæ virtutes, prudentiam, temperatiæ, fortitudinem, justitiam. « Quæ corruerit opressit liberos tuos, » id est, omnes virtutes extinxerit.

**B** « Tunc surrexit Job, » id est, post haec, respiciente Domino, is qui tentatus est, ad decertandum astigit, « et scidit vestimenta sua, » id est, curta sua retractat opera, « et tonso capite, » id est, rejectis cogitationibus vanis, « corruit in terram, » id est, constitetur infirmitatem suam, et « adorari, » peccata sua confitens : « Nudus, » inquit, « egressus sum, » id est, nullis meis meritis renatus sum, « de utero matris meæ, » videlicet præmio gratia. « Nudus, » id est, in sola misericordia, spem habens, « revertar illuc, » id est, ad eamdem gratiam. Dominus misericorditer dedit, Dominus juste abstulit, sicut Domino placuit, scilicet tollendi potestatem habenti sicut et largitatem dandi, ita factum est, videlicet et ad ejus judicium recurrere dignum est. « Sit nomen Domini benedictum, » id est in omnibus judiciis suis benedicat Dominum. Et hoc modo loquens, « in omnibus his non peccavil Job, » videlicet solerti cura custodire dolens animus debet ne ignis qui hunc velut aurum concremat, per excessum sermonis illiciti in paleæ favillam vertat. Hoc idem quod de virtutibus dictum est, de donis Spiritus sancti sentire nil obstat. Alii namque proprieæ, alii genera linguarum, alii virtutes curatione dantur (*I Cor. xii*). Sed quia ipsa dona non semper in mente eodem modo sunt, liquido ostenditur quod in se mens in præsumptione elevet, aliquando utiliter subtrahatur. Quod cum sit, dicatur recte : « Dominus dedit, Dominus abstulit, » etc.

Quia Satan in primo certainine se succubus considerat, adhuc imprudenter de sancto viro sperans, malus enim bona credere non potest vel experta, ad alia se temptationi bella hoc ordinatur.

**CAP. II, VERS. 1, 2, 3.** — : Factum est cum quadam die, « usque « Tu autem commode me. » Hæc superius disserta sunt, et hic non tantur. Non tamen ut prius, ita nunc accipiens est, quod ait, « unde venis. » Nam quia victus nunc infirmitas ejus superbiae increpatur, aperte dicatur : Ecce ab uno in infirma carne pro homine vinceris, qui te contra me auctorem nium erigere conaris? « Tu autem, » inquit, « movisti me adversus eum, » subaudi detrahe-

illi. « Commovisti » nostro more dicit qui nonnisi A commoti percutimus. « Ut affigerem eum, » subaudi tibi permittens, « frustra, » id est, pro nulla reci denda culpa, videlicet, 432 ut in dicto Domini veritas, in facto autem rectitudo teneatur, non frustra percutitur, quia augetur meritum : et tamen frustra perentitur, quia nullum punitur admissum.

VERS. 4. — « Respondens Satan, pellem, ait, pro pelle. » Adhuc detrahit, videlicet hoc asserens, quod idcirco Job æquanimiter flagela patitur, quia cavit ne ipse feriatur, sicut sæpe dum venire ictum contra faciem cernimus, manum palpebris apponimus, ut ab ictu oculos defendamus. Hoc est quod ait, « pellem pro pelle dabit homo. » Nam exponens quid dixerit, « cuncta, » inquit, « quæ habet homo dabit, » id est permettit auferri, « pro anima, » id est, pro vita sua, videlicet ne si irascatur et maledicat, percutiat et ipsa.

Vers. 5. — « Alioquin, » id est, si ita esse non concedis, « mitte, » id est, mihi permitte, « manum, » id est potestatem tuam, « et tange, » id est, tangere sine me, « os ejus et carnem, et tunc videbis, » id est, sic experieris, « quod in faciem bénedicat, » id est, maledicat per impatientiam, « tibi. »

Vers. 6. — « Ecce, » inquit Dominus, subaudi extendo. « In manu, » id est in potestate, « tua es : qualiter et quantum velis percutere ; » verum tamen animam illius serva, » id est non penitus occidas.

Vers. 7. — « Egressus ergo Satan a facie Domini, » scilicet eo modo quo jam superius dictum est, percussit Job ulcere pessimo. » In eo quod ait pessimo, « qualitatem ulceris, in eo quod ait, « a planta pedis usque ad verticem, » quantitatem exprimit.

Vers. 8. — « Qui, » subaudi recte pensans quid esset, videlicet quia corpus ejus vas fictile conformatum erat, « testa, » id est vasis fictilis fragmento, « saniem, » imo testa testam, luto lutum radebat, non digitos, non vestis mollitiem vel sic percussæ tari impertiens. « Sedens in sterquilinio, » videlicet ut fragilitatem suam considerans etiam ex circumstantibus vim suæ despectionis augeret, ponebat in sterquilinio corpus, ut quid esset carnis substantia perpendret animus, et hoc ex loci fetore caperet, quod festine corpus ad fetorem rediret. Cum autem in alto mentem fixerat, quererit hostis inferior scalam, id est conjugis cor, per quam ad cor ejus ascenderet, videlicet antiquæ artis insidias repetens. Nam, quia scit quomodo Adam soleat decipi, ad Eram recurrit.

Vers. 9, 10. — « Dixit autem illi uxor sua : Adhuc permanes in simplicitate tua ? » Verba sua Eva repetit. Nam quid est dicere simplicitatem deserere, nisi obedientiam contempnere ? Et quid est dicere, « benedic Deo et morere, » nisi transcendendo præceptum ultra quam es conditus vivere ? Sed Adam postea fortis in sterquilinio jacens, qui in paradyso quondam debilis stetit : Locuta es, » inquit, « quasi

una de stultis mulieribus. » Non ait quasi una ex mulieribus, sed « quasi ex ineptis mulieribus, » videlicet quia non sexus, sed voluntas mulieribus in vitio est, et quod pravum sapient, accendentis stultitiae, non autem condita est naturæ. « Si bona, » scilicet dona vel temporalia vel æterna « accepimus de manu Domini, « mala, » scilicet flagella præsentia, « cur non sustineamus ? » — « In omnibus his non peccavit Job labiis suis, » etc., id est, nec contra serientem superba dixit, nec contra suadentem recta reticuit.

VERS. 11. — « Igitor audientes tres amici Job, » etc. Quod boni studii fuerint, non solum ex eo liquet quod veniunt ad consolationem affliti, sed ex eo quoque quod tanti viri fuerunt amici.

B VERS. 12, 13. — « Cumque elevassent procul oculos suos, non cognoverunt eum, » videlicet quia plaga percussi speciem mutaverat. Cetera por se satis patent. Sed utrum « septem continua diebus et septem noctibus cum afflito sederint, » an certe diebus et noctibus totidem instantia visitationis adhaeserint, ignoramus. ALLEGORICE. Ibi nunc allegoriae initium ponendum est, ubi post verba sæpius repetita novi aliiquid adjungitur. « Commovisti me, » inquit, « adversus eum, » sed innocentem Christum, tunc scilicet, cum in primum hominem, propter quem hic secundus ad flagella venit, commotus sum. « Commovisti, » inquam, « frustra » scilicet, quia peccatum non fecit (Isa. LIII). « Pellem pro pelle, » et ut supra. « Verum tamen animam illius serva, » id est in inferno posse teneri ne confidas. « Egressus Satan, » etc. « A planta pedis usque ad verticem, » id est a puris hominibus, Abel et ceteris inchoant, usque ad ipsum caput Ecclesiae sœviendo pervenit. « Qui testa, » videlicet carne sua, per resurrectionem solidata, « saniem rasit, » id est peccata nostræ carnis delevit, « sedens in sterquilinio, » id est requiescentis in gentilitate quam prius abjecerat, et gaudens super peccatore poenitentiam agente. « Dixit autem illi uxor sua, » id est carnales quique qui sunt in Ecclesia dicunt corpori Christi, quod est vera Ecclesia quando est in afflictione posita. « Adhuc permanes in simplicitate tua, » videlicet transitoria despiciens, et sola æterna concupiscens ?

D « Benedic Deo et morere, » id est æterna despice et mala præsentia moriens evade. « Locuta es, » inquit electus quisque, « quasi una de stultis mulieribus, » scilicet de illis unus qui fluxa sectando merito mulieres vocantur. « Si bona suscepimus de manu Domini, » id est si ad bona æterna tendimus, « cur mala » temporalia « non sustineamus ? » — « In omnibus his non peccavit, » etc., ut supra. « Igitor audientes tres amici Job. » Amici heati Job hæreticorum speciem tenent, videlicet quia et si bona intentione conveniunt, ad culpam tamen indiscretæ loquendo dilabuntur. Quorum scilicet hæreticorum perversitas ex istorum quoque nominum interpretatione colligitur. Eliphaz namque Dei contemptus, Baldad vetustas sola, Specular speculum dissivans interpretatur. Specu-

lum, » inquam, id est mysteria fidei contemplantes, hæreticus impugnando dissipat. Nomine quoque locorum de quibus conveniunt, scilicet Theman, id est Auster; Sui, id est *loquens*; Naama, id est *decor*, ad idem respiciunt, videlicet, quia sunt hæretici calidi ut Auster, scilicet ad rixam calentes, sunt et elate eloquentes, sunt et decori, scilicet superfluo nitore eloquii. « Condixerant enim sibi, videlicet quia concorditer adversus Ecclesiam sentiunt, licet inter se discordes sint, ut pariter venientes, id est in falsitate sibi concordantes, visitarent eum et consolarentur, » videlicet quia dum sanctam Ecclesiam docere desiderant, ad eam quasi consolantes appropinquant. « Cumque elevassent procul oculos suos, » videlicet, quia in imo sunt qui terrena sapient, « non cognoverunt eum, » id est Ecclesiam in vulneribus positam pro spe futurorum non cognoscunt, quia presentia ipsi pro magno appetunt.

« Scissisque vestibus, » id est sequaces suos in multis scindentes partibus, « sparserunt pulverem, » id est terrenam intelligentiam, « super capita sua, » id est super corda sua in cœlum, id est contra supernæ locutionis præceptum. « Sederuntque cum eo in terra, » quia videlicet quasi infirmanti sanctæ Ecclesiæ se condescendere simulant, « septem diebus, » id est in cunctis in quibus verum lumen intelligunt, nam per septenarium universitas, per diem designatur intelligentia, « et septem noctibus, » id est in cunctis in quibus ignorantiae tenebras patiuntur. Vel in terra cum Job sedere est, cum sancta Ecclesia veram Redemptoris carnem credere. Unde Dominus ait: « Altare de terra facietis mihi (*Exod. xx*), » id est in incarnatione mediatoris sperabitis. « Et nemo loquebatur ei verbum, » scilicet eo tante, videlicet quia hæretici mutis nobis amici sunt, loquentibus adversantur, unde et causa subditur: « videbant enim dolorem esse vehementem, » videlicet quia tunc loqui metuit adversarius, cum per amorem **433** Dei vehementi dolore transfigimur. MORALITER. Quod Satan beatum Job « a planta pedis usque ad verticem » percussit, id significat juxta moralitatem quod cum licentiam percipit, omne corpus mentis illatis temptationibus transfigit: quod « testa saniem radebat, » hoc designat quod vigor distinctionis dijudicando mundat omnes pollutiones cogitationis. Quod « in sterquilino sedit, » illud innuit quod humiliatus animus poenitendo peccata sua sibi apponit. Quod « uxor ait: Adhuc permanes in simplicitate tua, » etc., id significat quod carnis suggestio mentem desperationis incursu fatigat. « Amici, » quasi pro consolatione conveniunt, vitia sunt quæ sub specie virtutum se contegunt, verbi gratia, cum immoderata ira justitia, dissoluta remissio videri vult misericordia. Quod « nemo loquebatur ei verbum, eo quod viderent dolorem vehementem, » id significat, quia triste cor mox ut vitia pulsaverint reprobata resilunt. Si enim cor veraciter dolet, linguam contra nos vitia non habent.

CAP. III, VERS. 1, 2. — « Post hæc aperuit Job os

A suum, » scilicet jam victor, in omnibus his non pectando labiis suis, « neque stultum quid contra Deum loquendo (*Job i*). » — « Post hæc, » inquam, jam quietus, non commotus; sed tranquillus, jam supergressis omnibus propter quæ moveri potuerat, « aperuit os suum. » Quæ positio reverenter exspectanda indicat ea quæ subjecta sunt, quia videlicet pretium est, quod in illo tanquam clauso vasculo continebatur, quod nunc aperto ore deponitur. « Et maledixit diei suo. » Non enim sicut littera sonat, ita simpliciter ea quæ loquitur sunt accipienda. Nam cur vir tantus malediceret rei, quam nequaquam subsistere non ignoraret? Nempe hoc esset verbum otiosum, de quo sine dubio in die judicii ratio redenda est (*Math. xii*). Maledicit ergo diabolum, et hoc non livore vindictæ, sed judicio justitiae, quasi victor super victimum dignas proferens sententias, hoc modo:

VERS. 3. — « Pereat dies in quo natus sum. » Ac si aperte dicat: Pereat angelus apostata, qui Adæ in paradiso diem se simulans promittendo divinitatem emicuit dicens: « Et aperientur oculi vestri (*Gen. iii*); » sed noctem se exhibens lucem immortalitatis eidem homini obscuravit. Non enim ait: Pereat dies in qua conditus sum, homo quippe in die justitiae conditus est, sed « in qua natus sum, » inquit, quia in tempore culpæ omnis homo nascitur. « Pereat, » inquam, non ita ut non sit, sed ita ut male sit. Sequitur enim paulo post: « Et involvatur amaritudine. » Involvitur namque amaritudine non potest, quod omnino perditum, penitus non est. « Pereat, » inquam, « dies, » scilicet diabolus. « et nox, » id est idem ipse qui simulate quidem dies, sed vere nox est, « in qua, » id est secundum cuius malitiam, « dictum est, » scilicet a Deo, « Conceptus, » id est deceptus est « homo. » Tunc scilicet quando dixit ironice: « Ecce Adam quasi unus ex nobis factus est (*Gen. iii*). »

VERS. 4. — « Dies ille, » videlicet qui illudit simulato lumine, « vertatur in tenebras, » id est qualis est, scilicet tenebrosus esse appareat, videlicet nefictis prosperitatibus, quasi diei lumine, illudat et veris tenebris ad peccati tenebras pertrahat. « Non requirat eum Deus desuper. » Ac si dicat: Hominem quidem, qui ex infirmitate in culpam aliena malitia cecidit, « requirat, » id est redimat; eum autem qui nihil infirmum ex carne gestans superbiendo propria malitia corruit, « non requirat, » id est non redimat, « et non illustretur lumine, » id est nunquam pristini status lumen recipiat.

VERS. 5. — « Obscurent eum tenebrae, » id est erroris sui cæcitas eum obruat, « et umbra mortis, » id est oblivio, quia sicut mors vitam, ita oblio extinguit memoriam, ut videlicet nequaquam ulterius ad lucem poenitentiæ per divini respectus memoriam surgat. « Occupet eum, » videlicet nunc ante extremum supplicium, « caligo, » id est sui erroris confusio, « et involvatur, » scilicet in futuro, « amaritudine, » id est æterno crucietur, et quasi in volvistro, ligetur tormento gehennæ.

VERS. 6. — « Noctem illam, » scilicet, quæ ut A dictum est, diem se simulat, « tenebrosus turbo possebat, » tunc scilicet quando « Deus noster manifester veniet, et in circuitu ejus tempestas valida (Psal. XLIX). » — « Non computetur in diebus anni, » id est cum electis hominibus vel angelis, qui quasi dies sunt illius anni, id est et pleni et perfecti temporis, imo infiniti saeculi, de quo Isaías in persona Christi : « Ut prædicarem, inquit, annum placabilem Domini (Isa. LX) : » — « nec numeretur in mensibus, » id est cum multiplicatis Ecclesiis, velcum ordinibus angelicis : nam sicut mensis multiplicatis diebus, sic singulae Ecclesiæ de multis hominibus, et singuli ordines angelorum de multis angelis persicentur.

VERS. 7. — « Sit nox illa solitaria, » id est separatur a supernæ patriæ frequentia, « nec laude digna, » laude scilicet divinitatis, cuius appetitu excedit, quamque sibimet usurpare ausus est in idolis.

VERS. 8. — « Maledicant ei, » subaudi nocti, qui tenellas ejus damnant omnes spiritus electi, « qui maledicunt diei, » id est qui flectæ ejusdem adversantur claritati, nolentes superbiam ejus sequi, « qui Leviathan, » quod interpretatur additamentum eorum, videlicet quia primis hominibus bene conditi divinitatem se addere sponspit, « Leviathan, » inquam, nunc in puto abyssi clausum, « suscitare, » id est ad apertiora certamina in fine mundi revereare et parati sunt. »

VERS. 9. — « Obtenebrentur, » subaudi nunc intem, « stellæ, » id est hypocritæ, « caligine, » id est malitia « ejus, » videlicet ut tales foris apparet, quales apud semetipsos intus latent. « Exspectet lucem. » Hoc ad corpus ejus referendum est, id est ad eosdem hypocritas, vel ad omnes qui fidem, quam nomine tenus tenent, operibus destruant. « Exspectet, » inquam, corpus ejus « lucem, » id est Christum, juxta illud : Tollatur impius ne videat gloriam Domini, « nec ortum, » subaudi, videat, « surgentis auroræ, » id est exordium in judicio clarescentis Ecclesiæ, quia in judicio quasi aurora, in regno autem erit quasi dies plena. Quod tamen in Iudea, quæ de hoc eodem est corpore, et dicitur Synagoga Satanaæ, jam impletum est in eo quod lucem, id est Christum venturum exspectavit, et præsentem videre noluit.

VERS. 10. — « Quia non conclusit. » Ad ipsum caput revertitur, causasque tantarum maledictionum reddens, « quia non conclusit, » ait, id est conclusa esse non permisit, « ostia ventris, » scilicet paradisi, « qui portavit me, » id est concepit genos humanum in plasmatione Adam et Evæ. « Non conclusit, » inquam, sed potius ut ad ejiciendum hominem aperiretur, in corde ejusdem hominis celestia mandata dissolvit. « Nec abstulit mala ab oculis meis, » id est irrogavit. Nam quasi auferret, si quiesceret, et quasi clauderet, si ab irruptione cessaret. Sic de latronibus loquimur, qui captis suis

donant vitam si non abstulerint. MORALITER. Beatus Job mortalitatis lapsus per prospera et adversa variantem cum despectabilem cerneret, maledicendo declaravit dicens : « Pereat dics, » id est prosperitas vel delectatio peccati, « in qua natus, » id est in opus peccati traductus sum, « et nox » id est adversitas vel cæcitas mentis, « in qua, » id est cuius occasione, « dictum est : Conceptus est homo, » id est ad consensum peccati perductus est infirmus. « Homo » enim aliquando pro infirmitate ponitur, sicut scriptum est : « Maledictus qui spem ponit in homine (Jer. VII). » — « Dies illa, » id est eadem delectatio, « vertatur in tenebras, » id est in ipso sui exordio cognoscatur, 434 ad quem finem perditionis rapiat, et cum blandiri culpa inchoat, finem quoque, id est pœnam subsequentem, mens sollicita prævideat. « Non requirat eum, » id est ignoscat, « Deus desuper, » subaudit veniens in judicio, « et non illustretur lumine, » id est tunc in conspectu omnium non publicetur. « Obscurant eum, » scilicet diem, « tenebræ, » id est misericorditer occupent inscrutabilia judicia Dei ; « tenebrae, inquam, et umbra mortis, » id est mors carnis Christi, quæ ideo dicitur umbra mortis, quia comparatione veræ mortis, quæ est animæ, qua nos mortui eramus, umbra tantum, id est quedam similitudo mortis existit. Unam enim et simplam tantum mortem, scilicet carnis misericorditer accepit, et duplam nostram, id est carnis et animæ, mortem subegit. Idem ipso quoque significare voluit, cum uno tantum die, sed noctibus duabus in sepulcro jacuit. Bene ergo dicitur, « et umbra mortis. » — « Occupet eum, » id est digno mœrore, perturbet « caligo, » id est pœnitentiæ afflictio, « et involvatur amaritudine, » id est cruciatu vel fletu ejusdem pœnitentiæ. « Noctem illam, » noctem scilicet supradictam, « tenebrosus turbo, » id est spiritus mœrore concitatus possideat vel conterat juxta quod scriptum est : « In spiritu vehementi conteres naves Tharsis (Psal. XLVII), » id est spiritu pœnitentiæ confundes explorationem gaudii. Hoc enim interpretatur Tharsis. « Non computetur, » id est et hoc modo flat, ut « non computetur in diebus anni, » videlicet completo vitæ præsentis tempore, quod significatur per annum, quando computabuntur hujus anni dies, id est præsentis vitæ virtutes, « non computetur » illa nox peccati « in diebus anni, » id est in virtutibus, quas, si in illis computetur, obscurabit, « nec numeretur in mensibus, » id est in multiplicibus factis virtutum, quæ facta ex virtutibus, sicut menses peraguntur ex multiplicatis diebus. Ac si aperte dicat : Quando bona computabis, Deus, ut remuneres, non etiam mala quæ commissa sunt, contra requiras. « Sit nox illa, » subaudi culpa, « solitaria, » id est nulla defensione geminata, quomodo geminavit Adam in eo quod ait : « Mulier quam dedisti mihi sociam, ipsa mihi dedit, et comedì (Gen. III). » — « Solitaria, » inquam, « sit, nec laude digna, » id est nulla adulatio fota, sicut sit « quando laudatur peccator in

C

« noctibus duabus in sepulcro jacuit. Bene ergo dicitur, « et umbra mortis. » — « Occupet eum, » id est digno mœrore, perturbet « caligo, » id est pœnitentiæ afflictio, « et involvatur amaritudine, » id est cruciatu vel fletu ejusdem pœnitentiæ. « Noctem illam, » noctem scilicet supradictam, « tenebrosus turbo, » id est spiritus mœrore concitatus possideat vel conterat juxta quod scriptum est : « In spiritu vehementi conteres naves Tharsis (Psal. XLVII), » id est spiritu pœnitentiæ confundes explorationem gaudii. Hoc enim interpretatur Tharsis. « Non computetur, » id est et hoc modo flat, ut « non computetur in diebus anni, » videlicet completo vitæ præsentis tempore, quod significatur per annum, quando computabuntur hujus anni dies, id est præsentis vitæ virtutes, « non computetur » illa nox peccati « in diebus anni, » id est in virtutibus, quas, si in illis computetur, obscurabit, « nec numeretur in mensibus, » id est in multiplicibus factis virtutum, quæ facta ex virtutibus, sicut menses peraguntur ex multiplicatis diebus. Ac si aperte dicat : Quando bona computabis, Deus, ut remuneres, non etiam mala quæ commissa sunt, contra requiras. « Sit nox illa, » subaudi culpa, « solitaria, » id est nulla defensione geminata, quomodo geminavit Adam in eo quod ait : « Mulier quam dedisti mihi sociam, ipsa mihi dedit, et comedì (Gen. III). » — « Solitaria, » inquam, « sit, nec laude digna, » id est nulla adulatio fota, sicut sit « quando laudatur peccator in

desideris animæ suæ (*Psal. x.*). » Qui vero culpam A suam veraciter insequitur, designatur, cum subditur: « Maledicant ei, id est pœnitendo feriant eam, subaudi culpam, illi « qui maledicunt diei, » id est qui despicientes calcant mundana, lucem prosperitatis videlicet, quia tales veri sunt pœnitentes. « Qui parati sunt suscitare Leviathan, » id est qui vera conversione sua malitiam contra se diabolii invidentis inflammant, videlicet ita ut quasi excitatus tentationum jacula intorquendo confodere appetat cor sibi repugnantis, quod dudum quieto jure possidebat. Quod quia culpæ ejusdem meritum exigit, ut quādū hic vivitur, nemo quamlibet sanctus ad plenam contemplari queat lucem divinitatis, per concessiōnem justitia subdit: « Obscurerunt stellæ caligine ejus, » id est hi qui magnis virtutibus jam splendent, invisa tamen claritate adhuc noctis ejusdem reliquias patientur. Quod hæc eadem nox, id est ejusdem culpæ conscientia « expectet, » id est desideret, « lucem, » subaudi æternam, et quādū hic vivitur « non videat, » videlicet sicuti est, « nec ortum surgentis auroræ, » id est novam nativitatem resurrectionis futuræ. « Quia non conclusit, » id est aperuit, sicut superius dictum est, « ostia ventris qui portavit me, id est desideria concupiscentiae carnales, quæ pervertit me, » et non abstulit mala, » scilicet corruptionis, « ab oculis meis, » id est irrogavit et experiri fecit. Hactenus in ipsam noctem, id est diabolum peccati auctorem invectus est, nunc in seipsum invehitur in persona generis humani, videlicet quia verus pœnitens, non sic accusare debet deceptorem diabolum, ut excusat seipsum, cum scriptum sit: « Justus in principio accusator est sui (*Prov. xviii.*). »

VERS. 11. — « Quare, inquit, non in vulva mortuus sum? » etc. Quia quatuor modis peccatum perpetratur in corde, videlicet suggestione, delectatione, consensu et defensione: quod item quatuor modis consummatur in opere, scilicet quia prius culpa latens agitur, postmodum impudenter aperitur, deinceps in consuetudinem dicitur, ad extremum obstinatione desperationis enutritur, ipsos eosdem modos vel perfectius tali conquestione insequitur: « Quare non in vulva, » id est in prima serpentis suggestione, « mortuus sum, » id est quæ me mores sequeretur agnovi. « Egressus ex utero, » id est ab interiori suggestione ad exteriorem delectationem « non statim perire, » id est interius perire me non intellexi.

VERS. 12. — « Cur exceptus genibus, » id est cur delectationi adminiculatus est consensus? « Cur latitatus uberibus? » id est cur excusatione blanditus sum mihi dicendo: « Mulier quam dedisti mihi sociam, ipsa dedidit mihi, et comedi (*Gen. iii.*). »

VERS. 13, 14. — « Cur, » inquam, sic et sic feci? « Nunc enim, » id est si enim non fecisset, « nunc dormiens, » id est nullam contentionem carnis patiens nullumque habens tumultuantis infirmitatis certamen, « silerem et somno meo, » id est profunda pace et securitate, « requiescerem, » videlicet sine

A morte carnis tandem ad æternæ patriæ ductus requietem. « Requiererem, inquam, cum regibus, » id est cum summis angelicæ potestatis dignitatibus. Qui bene reges dicuntur, juxta illud: Princeps Persarum restitit mihi (*Dan. x.*), « et consulibus terræ, » videlicet cum eisdem spiritibus. Qui adeo bene consules vocantur, quia nos in ipsis voluntatem Conditoris nuntiantibus consultum ab angustia nostræ tribulationis invenimus. Vel ita: « Cum regibus, » id est cum venturis Ecclesiæ Christi rectoribus, quia videlicet quo nunc post passionem Christi homo Redemptus ascendit, illuc profecto si non peccasset, etiam sine redemptione pertingeret. Qui prædicatores bene reges et consules terræ vocantur: reges, quia semetipsos regunt; consules, quia peccatoribus extinctis, vitæ consultum præbent.

VERS. 15. — « Qui ædificant sibi, » scilicet fugiendo curarum sæcularium frequentiam, « solitudinem, » id est vitam tranquillam. « Qui » hoc modo « possident aurum, » id est sapienter vivunt, sapientiam vocavit aurum de qua Salomon: « Thesaurus, inquit, desiderabilis et oleum in habitaculo justi, requiescit in ore sapientis (*Prov. xxi.*). »

VERS. 16. — « Et replent domos suas, » id est ornant conscientias suas, « argento, » id est eloquis divinis. Nam « eloquia Domini eloquia casta, argentum igne examinatum (*Psal. xi.*). » Cum talibus, inquam, requiescerem. « Aut sicut abortivum absconditum, » id est sicut electi, qui ante tempus redemptionis, imo ante legem datam exorti, tamen seipso mortificare naturai lege curaverunt, et ideo dicuntur abortivum, et quasi prætor paucos, de quibus Moses scripsit: « Occultata est nobis multitudine illorum, » ideo cum dixisset « abortivum » addidit, « absconditum. » — « Sicut abortivum, » inquam, « vel sicut qui concepti, » scilicet, per admonitionem acceptæ legis, « non viderunt lucem, » id est non pervenerunt ad Christi Incarnationem. De quibus ipse: « Multi, inquit, prophetæ et justi cupierunt, desideraverunt videre quæ vos videtis et non videbunt (*Luc. x.*). »

VERS. 17. — « Ibi, » id est in hac luce, quæ electorum omnium locus est, « impii, » scilicet gemitiles populi, « cessaverunt a tumultu, » id est requiem suis invenerunt animabus, videlicet in adventu ejus conversi quem diu præstolati sunt patres in lege positi, « et ibi 435 requieverunt, » videlicet, quia suave jugum ejus super se tulerunt, « fessi labore, » id est desipientes ab illa qua in terrenis fortes erant, inutili fortitudine.

VERS. 18. — « Fessi, » inquam, salubri defectiōne, « et quondam vinciti, » id est, qui antequam ad illum lucem pervenirent, fuerant vinciti, videlicet, molestia suæ corruptionis, pariter, subaudi requieverunt, « sine molestia, » scilicet corruptiæ animam aggravantis. Quare? Propter hoc quod sequitur: « Non exaudierunt vocem exactoris, » id est, testati in præsenti vita, audierunt quidem vocem exa-

ctoris, id est diaboli, qui inde exactor dicitur, quia A homini in paradiſo pecuniam, peccata, commodavit, et hanc iniqutitate crescente quotidie cum usuris exigit. « Audierunt, » quidem, inquam, sed non exaudierunt, quia consentire contempserunt.

**VERS. 19.** — « Parvus et magnus ibi sunt, » id est, ibi, in illa luce, differentia est meritorum, juxta illud: « In domo Patris mei mansiones multæ sunt (Joan. xiv.). » — « Parvus, » inquam, « et magnus, » videlicet quia secundum merita illic in retributio- nem, alius alium transcendit, « et servus, » id est, qui fuerat servus peccati, ibi est liber a domino suo, videlicet ab eodem peccato liber, inquam, quia transacti nullam omnino patiuntur confusione peccati.

**Vers. 20.** — « Quare data est misero lux? » Supra dixerat, « quare non in vulva mortuus sum, » et deinceps contemplando supernam requiem, quam peccando perdidit homo, tandem et hoc dixit: « Parvus et magnus ibi sunt, et servus liber a domino suo. » Nunc perpendens quod præsentis mundi pro- speritas vel honor homini miseræ sit augmentum potius quam solatum; furtive namque blanditur, et fallit eum, ne peregrinum se esse sentiat, aut quid perdidit recognitet. Hoc, inquam, perpendens ait: « Quare data est misero lux? » id est, quare hi, qui in hac peregrinatione miseros se agnoscunt, claritatem transitorię prosperitatis accipiunt? « Et vita » subaudi quare data est, id est, quare gloria tempo- ralis arridet « his, qui in amaritudine animæ sunt, » videlicet pro eo quod longe hic a facie conditoris projecti sunt.

**Vers. 21.** — « Qui exspectant mortem, » id est, desiderant plenissimam in se perfici ab omni vita glorie temporalis mortificationem. « Et non venit, » videlicet, quia sæpe occultis Dei iudiciis, vel præesse in regimine compellentur, vel injunctis occupari ho- noribus. « Exspectant, » inquam, « mortem, quasi effodiētes thesaurum, » id est, ad modum eorum, qui effodiētes thesaurum tunc enixius in effossione laborant, cum se thesauro abscondito appropinquare existimant, ipsi quoque, quanto sunt viciniores ad finem, tanto se in opere ardenter exhibent.

**Vers. 22.** — « Gaudentque vehementer cum inve- serint sepulcrum, » id est divinæ contemplationis secretum, in quo sic anima a terrenis tumultibus, sicut in sepulcro corpus absconditur.

**Vers. 23.** — « Viro, » subaudi quare data est lux, « cuius abscondita est via, » id est qui sollicite cogitans ignorat ad quem finem perventura sit sua qualiscunque vita, vel, utrum Deo placeat, etiamsi videatur bona. « Et circumdediḡ eum Deus tenebris, » id est ignorantia, videlicet quia lucem suæ visionis nobis auferendo, « posuit tenebras latibulum suum (Psal. xvii.). »

**Vers. 24.** — « Antequam comedam suspiro, » vi- delicet tenebris circumdatus, ut prædictum est, « an- tequam comedam, » id est, supernæ lucis contemplationibus pascar, « suspiro, » id est, gemitu affli- tor, et sic, cum per gemitum acquisiero, vix tan-

dem contemplatione reficior. Nisi enim suspirem, non comedo, juxta illud: « Fuerunt mihi lacrymæ meæ panes (Psal. xl.). » — « Suspiro, » inquam, « et tanquam inundantes aquæ, » id est, multiplici- bus fluminibus intumescentes, « sic rugitus meus, » videlicet dum occultam sententiam Dei trepido, per- venire ad Deum confidens, sed ne non perveniam metuens, præterita deflens, et futura pertimescens.

**Vers. 25.** — « Quia timor quem timebam, » sci- licet ne desererer, « evenit mihi, et quod verebar, » scilicet ne potestatem iræ tuæ incurrerem, « acci- dit. » Quam ob causam hoc accidit?

**Vers. 26.** — « Nonue dissimulavi? » Id est, nonne me potestate cæteros præire conspiciens, quasi hæc nescirem, ita humilier de me in corde meo sensi?

**B** « Nonne zilui, » subaudi ore? « Nonne quievi, » sub- audi in opere? Videlicet quia per hæc tria, scilicet in corde, in ore, in opere, animus effrenatur, cum mundi hujus prosperitate sublevatur. « Et venit su- per me indignatio, » subaudi cum sic bene egerim. Unde quisque consideret quæ peccantes supplicia maneant, si etiam justos hic tam valida flagella cas- tigant. Amici beati Job in hoc, ut superius dictum est, hæreticorum speciem tenent, quod quædam valde recte sentiunt, sed inter hæc ad perversa dilabuntur, quæ jam subtiliter pensanda sunt. Ubi duas partes, videlicet accusationis et defensionis, in audi- torio totius Ecclesiae Christi compugnantes audis, videlicet hinc amicis accusantibus, hinc beato Job seipsum ab illorum accusationibus defendant. Idcirco nunc locus admonet, ut utriusque partis intentiones manifestius discernantur. Quid ergo intendunt accusantes? Videlicet in conjecturali constitu- tione causam ejus ponentes, multa pro argumentis conserunt, quorum omnium haec summa est, ac si hoc modo proponant. Palam ostendimus quod Deus æquo iudicio percusserit Job; ac deinde rationem inferant, nam secundum quantitatem flagelli, quo durius feritur quam homines cæteri, quantitas quoque in eo est peccati, quo gravius quam cæteri ho- mines Deum offendit. Hanc intentionem depeller, vel infirmare nitens, ipse defensor suus beatus Job multa econtra et ipse reddit, quorum hæc summa intentio est, ac si ipse hoc modo proponat: Intelli- D gat hoc universa quæ ab initio usque ad finem sæ- culi peregrinatur in hoc mundo, Ecclesia Dei, quod non æquo juxta sensum vestrum, iudicio Deus me affixerit; ac deinde rationem subjiciat. Nam non secundum quantitatem flagelli, quo durius ferio- quam homines cæteri, quantitas quoque in me est peccati, quo gravius offenderim Deum quam homi- nes cæteri. Et hanc rationem confirmat, ubi inter cætera ait: « Non enim reprehendit me cor meum in omni vita mea. » Sed jam intentione præmissa, disputatio ipsa hoc modo intensa sic incipit:

**CAP. IV, VERS. 1, 2.** — « Respondens Eliphaz The- manites dixit: Si cœperimus loqui tibi, forsitan mo- leste accipies. » Hoc quoque hæreticorum est, ut loqui molliter inchoent, et blanda proponendo aspera.

subinserant. « Si cœperimus, » inquit, « loqui, » id est, causas tibi ostendere tuæ percussionis, « forsitan moleste, » id est impatienser, « accipies. » Sed, quanquam ita sit, « conceptum sermonem tenere quis possit [poterit]? » subaudi nullus. Hoc ex sui experimento colligit, quod desperate de omnibus sentit. Sed vitiosa ratio est quorumdam vitium commune facere omnium.

**VERS. 3.** — « Ecce, » inquit, « docuisti plurimos [multos], » etc. Ac si dicat: Ecce claret qualis vitæ eras qui alios decebas. « Docuisti plurimos, » subaudi, dicens et non faciens, « et manus lassas, » id est, ab opere bono deficiente « roborasti, » subaudi tu ipse operans nihil. « Vacillantes, » id est, propositum firmum non tenentes, « confirmaverunt sermones tui, » id est admonitiones tuæ, « et genua trementia, » subaudi arduum iter aggredi, « confortasti. »

**VERS. 5.** — « Nunc autem venit super te plaga et defecisti, » id est, sed nunc claret quam infirmus eras ipse, qui alios confortabas, in eo quod « veniente plaga super te defecisti, » in eo quod « tetigisti et conturbatus es, » subaudi statim.

**VERS. 6.** — « Ubi est timor tuus, fortitudo **436** tua, patientia tua, et perfectio viarum tuarum? » id est, ubi est hoc quod videbaris esse timoratus, et fortis, et patiens, et perfectus? Bene quatuor gradibus vitam ejus numerando distinxit. Nam in via Dei non audacia, sicut in via sæculi, sed timor fortitudinem gignit, idcirco post timorem recte, fortitudinem posuit. Et quia fortitudo non nisi in adversitate ostenditur, mox post fortitudinem patientia, et post patientiam viarum perfectio subinfertur, videlicet quia perfectio de patientia nascitur. Sed per hypocrisin virtutes illas eum habuisse criminatur cum subjungit:

**VERS. 7.** — « Recordare, obsecro, quis unquam innocens periit, aut quando recti deleti sunt? » Vitiosum argumentum dedit. Si enim nullus innocens periret, propheta non diceret: « Justus perit, et nemo [non] est qui recognitet (*Isa. LVII.*). »

**VERS. 8, 9.** — « Quin potius vidi eos qui operantur iniquitatem, qui seminant dolores, » scilicet perversa agendo, « et metunt eos, » videlicet inde temporaliter excrescendo, « flante Deo perisse. » Appellatione flatus anima adversionem Dei voluit exprimere, videlicet ad similitudinem nostri, qui cum irascimur, flatus furoris inflammatur. Nam sequitur exponens quid dixerit: « Et spiritu iræ ejus esse consumptos. » Sed et hoc vitiosum est. Nam tales plerumque diu subsistere et felices esse permittuntur, et « in labore hominum non sunt, et cum hominibus non flagellantur (*Psal. LXXII.*). » Postquam quasi clementer admonuit, jam aperta increpatione subjungit:

**VERS. 10.** — « Rugitus leonis, » id est severitas tua, « et vox leænæ, » id est loquacitas conjugis tuæ, « et dentes catulorum leonum contriti sunt, » id est edaces filii tui convivantes extincti sunt. Quæ

A cuncta rigidus Eliphaz quasi jure damnata denuntiat, et exsultationem dominationis sic ingeminat:

**VERS. 11.** — « Tigris periit, » id est, varietas tuæ simulationis extincta est. Tigris enim animal aspersum maculis, beatum Job nota varietatis hic designat. « Tigris, » inquam, « periit eo quod non haberet prædam, » id est, hypocrisis tua deficit, eo quod ablata est adulatio laudis. In Septuaginta non tigris, sed myrmicoleon scriptum est, quod Latine dicitur *formicarum leo*, vel certe *formica et leo*. Et recte. Nam volatilibus formica est, ipsis autem formicis leo. Ac si aperte dicat: Non injuste percussus es, quia contra erectos timidus, contra subditos audax fuisti. Typice autem leo diabolum, leæna civitatem diaboli Babyloniam, catuli leonum quolibet B reprobos malignorum spirituum sequaces designant. Ac si aperte hæretici dicant: Nos ideo nullis flagellis atterimur, quia diabolum et terrenam gloriam, omnesque reprobos vita meritis superando calcamus. Tigris quoque vel myrmicoleon, id est, vetus adversarius, in nobis prædam non habet, quia nostris studiis victus jacet. Hæc insultando dicta sunt. Deinde his quæ dicturus est, reverentiam exigens, qui mos est hæreticorum.

**VERS. 12.** — « Porro, » id est, longe aliter, « al me dictum est verbum absconditum, » id est sanctum, profundum, non de communi scientia ceterorum. « Et quasi furtive, » id est, non per communis intellectus ostium, « suscepit auris mea, » id est intelligentia mea, « venas, » id est, intimum sensum « susurri, » id est clausæ dictionis « ejus. » Et altiora dicere nitens ipse sibi testis fit, quia que profert vera non sunt, subjungendo:

**VERS. 13, 14.** — « In horrore visionis nocturnæ, » Sic namque dubie cernitur, quando solet sopor occupare homines, sed nobis, qui ad superna vigilamus multum inferiores. Et ne quasi vile despicias, pavor, scilicet mentis, tenuit me, et tremor, scilicet corporis.

**VERS. 15.** — « Et cum Spiritus, » scilicet divinus « me præsente, » id est, sensu meo pervidente, « transiret; » — « transiret, » inquam, non stare, ne facile comprehendi potuisse putas quod visum est, « inhorruerunt pili carnis meæ, » id est, adeo vertuit visio ut corpus quoque divino palpitarer horrore. Et unde fuerit horror subjungit.

**VERS. 16.** — « Stetit quidam, » inquit, scilicet invisibilium, « cuius non agnoscebam vultum, » ut pote qui non erat de cœtu mortalium. « Stetit, » inquam, « imago, » scilicet hominis potius quam homo, « coram oculis meis, » et adhuc ne mortalem quempiam fuisse putas, « vocem » non crassi corporis sed « quasi auræ lenis, » audivi. « Talis quidem hæreticorum arrogantia est, ut de se jactent hæc vel his similia. Sed quia hæc in sanctis viris in veritate fiunt, eadem dicta subtilius disserenda sunt. Verbum absconditum, tum electorum mentibus diciur, cum potestas unigeniti Filii Dei, qui est Verbum, quod absconditum erat in principio, apud Deum (*Joan. I.*),

per locutionem Spiritus sancti creditibus in corde manifestatur. « Et quasi sartive, » inquit, id est raptim et occulte « suscepit auris mea, » id est intelligentia mea, non tantum susurrum, id est locutio-  
nem ejus, subaudi spiritus, sed « venas susurri, » id est origines, causarum ejusdem locutionis, quae sunt timor, amor, et talia. Quanquam intelligi et aliter valeat. Scilicet quandiu « ex parte cognoscimus, et ex parte prophetamus (*I Cor. xiii.*), » ipsa aspiratio qua in mente docemur, nondum locutio, sed quasi susurrum, vel venæ susurri recte dicitur. Et quia mens virtutem illius considerans repressa formidat, recte subditur : « In horrore visionis nocturnæ, » id est in pavore contemplationis occultæ, et ideo nocturnæ, quia non constanter quod futurum est, sed dubie videmus, et ex parte. Quia vero mens ad alta contemplationis non rapitur, nisi prius a terrenis desideriis sopiatur, recte subjungitur : « Quando solet sopor occupare homines. » Tunc enim anima sentire meretur coelestia, quando veraciter dicit : « Ego dormio et cor meum vigilat (*Cant. v.*). » — « Pavor, » inquit, « tenuit me et tremor, » id est, cuncta humanarum virium soliditas contremuit, « et omnia ossa mea, » id est acta fortia, « perterrita sunt, » id est, nullius momenti apud me repulata sunt. Et unde apprime fortem me credidi ante conspectum judicis, inde titubavi. « Et cum me presente, » id est invisibilia cognoscente, « spiritus, » scilicet Dei « transiret, » id est non solide, sed raptim se videri sineret, « inhorruerunt pili carnis meæ, » id est, aufugerunt cogitationes superfluae. Ut tamen paulo latius speculationi inhærerem, « stetit quidam, » scilicet idem Spiritus Deus qui transibat. Ipse enim est qui transit, quia cognitus teneri non valet, ipse qui stet, quia videlicet in quantum cognoscitur, incommutabilis appareat. « Cujus non agnoscet vultum, » videlicet a visibilibus, quibus assuetus grossescit animus, ad invisibilem Deum vix parum quid intuitum mentis erigere valens. « Stetit, » inquam, « quidam, » scilicet « imago coram oculis meis, » id est Filius Dei. Imago quippe Patris Filius est, et, ut ait Apostolus, « figura substantiæ ejus (*Hebr. 1.*). » — « Et vocem quasi auræ lenis, » id est, cognitionem Spiritus sancti interius, « audivi. » — « Auræ, » inquam, « lenis, » quia videlicet Spiritus sanctus lippientibus mentis nostræ oculis claritatem suam, quandiu in hac vita sumus, tenuiter ostendit. De hac aura leni ad Heliam dicitur : « Post commotionem ignis, » id est, post divinum terrorem pœnitentiae, ignis amoris cor concremat conversi peccatoris, peccata sua erubescens, quod significatur per hoc quod Helias « pallio vultum suum operuit : et post ignem sibilus auræ tenuis (*III Reg. xix.*), » qui dicitur hic vox auræ lenis, id est, sensus brevis et subitus de incomprehensibili substantia æternitatis. Jam qui vocem auræ lenis audivit dicat quid ei ipsa didicerit :

*Vers. 17.* — « Nunquid homo comparatione D. iustificabitur, » subaudi, non, videlicet hominis ju-

A stitia justitiae Dei **437** comparata sic annullatur, quomodo lucerna in solis radio posita tenebratur. « Aut factore suo purior erit vir ? » Subaudi, ut tibi videris, qui contra flagellum querelam parans justitiam accusas ferientis? Subaudi, non.

*Vers. 18.* — « Ecce qui, » subaudi, argumentum de majoribus. « Qui serviant ei, » scilicet in celestibus, « non sunt stabiles, » id est immutabiles, quod ab effectu probat subjungens, « et in angelis suis, » id est in apostolis spiritibus, « reperit pravitatem. » Sola quippe Divinitas immutabilis naturæ est, semperque id quod est. Et angeli sancti, qui cadentibus apostolis mutabilitatis suæ motum bona voluntatis studio fixerunt, hoc in remunerationem acceperunt, ut ei qui semper idem est, vinculis amoris colligati, amplius mutari non possint. Illi, inquam, « non fuerunt stabiles. »

*Vers. 19.* — « Quanto magis hi, » scilicet spiritus humani, « qui habitant domos luteas, » id est corpora de luto facta, « qui terrenum habent fundatum, » id est terrenam de qua facta sunt materiam « consumentur, » scilicet vitiis « velut a tinea, » subaudi, consumitur vestis? Ac si dicat : Sicut de veste tinea nascitur, et ipsam consumit sine scitu sic peccata a te commissa consumperunt te, dum nescis et dum videris justus. Alter : In angelis reperitur pravitas, quia ipsi sacerdotes qui, ut Malachias ait, « angeli sunt Domini exercituum (*Malach. II.*), » sine peccato non sunt, « quanto magis hi qui habitant domos luteas, » id est qui carnales sequuntur voluptates, « qui terrenum habent fundatum, » id est « qui terrenam vitam ducunt, » videlicet multo magis hi in peccatis sunt. Hoc est quod sequitur :

*Vers. 20.* — « De mane usque ad vesperam, » id est ab exordio vitae usque finem ejus « succiduntur [al. succidentur], » id est iniquitatis ictibus vulnerantur.

*Vers. 21.* — « Qui autem reliqui, » id est despiciuerint, « videlicet quos præsens sæculum quasi minimos indignosque se derelinquit et abjicit, « auferentur, » id est erigentur « ex eis, » Paulo attestante, qui ait : « Non multi sapientes secundum carnem, non multi potentes (*I Cor. 1.*), » etc. Quod bene in libro Regum, per puerum Ægyptium signatur, qui lassus in via ab Amalechitis derelictus est, et a David inventus, atque refectus eundem David super convivantes Amalechitis perduxit (*I Reg. xxx.*). « Succidentur, » inquam, hi, quos supra dixi, hoc modo : « Morientur, et non in sapientia, » id est vitam simul et sapientiam perdent, et non intelligentes « peribunt, » scilicet « in æternum. » Talibus similem B. Job Eliphaz æstimans cum irratione subjungit :

*Cap. V, vers. 9.* — « Voca ergo si est qui tibi respondeat, » ac si aperte dicat : Quia tu talis es, quantumlibet afflictus clames, Deum respondentem, id est adjuvantem non habes. Post hanc irrationem in-

fert sententiam, veram quidem, sed in tantum virum inuste prolatam.

**VERS. 2.** — « Virum [al. Vere] stultum interficit iracundia. » Ac si aperte diceretur: Ira per zelum sapientem turbat, te autem, qui stulte contra Deum murmuras, per vitium trucidat. « Et parvulum occidit invidia. » Invidere non possumus nisi his quos nobis in aliquo meliores putamus. Qui ergo livore occiditur, parvulus est, videlicet comparatione ejus contra quem livore mordetur. Sed contra B. Job falso hoc dicitur, quia miser factus non invidebat felicibus.

Amici B. Job multa ex familiaritate ipsius mystice didicerunt. Unde eorum verbis etiam Paulus utitur, et hæc in assertionis suæ adjutorium assumens, proleta esse ex veritate testatur. Possunt ergo mystice Eliphaz verba pensari quibus ad B. Job loquuntur dicens:

**VERS. 3.** — « Ego vidi stultum, » etc. « Vidi, » scilicet cum admiratione, « stultum, » videlicet Iudaicum populum, qui ipsam incarnatam sprevit sapientiam, « firma radice, » id est constantem ad extinguendam electorum vitam, « et maledixi pulchritudini ejus, » id est prosperitati ejus, « statim, » id est nihil hæsitans. « Maledixi, » inquam, id est perditionis ejus judicio consensi, dicens :

**VERS. 4.** — « Longe flant filii ejus, » id est omnes qui generati sunt prædicatione ejus, « a salute, » subaudi æterna. Quod sic erit. « Longe flent, et conterentur in porta, » id est in Christo, qui dicit: « Ego sum ostium (Joan. x), » — « et non erit qui eripiat [al. eruat]. » Quod ita siet. « Non enim est in alio aliquo salus (Act. iv). »

**VERS. 5.** — « Cujus, » subaudi stulti, « messem, » id est scientiam legis litteralem, « famelicus comedet, » id est gentilis populus quondam a scientia Dei jejunus spiritualiter intelliget, « et ipsum, » subaudi Iudaicum populum, comedere, id est intelligere nolentem « rapiet armatus, » scilicet diabolus qui in Evangelio dicitur fortis armatus, qui non inveniens requiem in gentibus conversis, dicit de hoc stulto, id est de Judæis: « Revertar in domum meam unde exivi (Luc. xi). » — « Et bibent, » id est suaviter accipient « sipientes, » id est iidem gentiles, « divitias, » id est divina eloquia « ejus » quæ bene appellat D divitias: nam et alibi dicuntur « argentum igne examinatum (Psal. xi). » Comedere et bibere hoc loco differunt, quia quædam obscura, dum nounisi interpretata intelligimus, quasi comedimus; illa autem quæ facilia sunt, quasi non mansa bibimus, dum ita sumimus ut invenimus. Moraliter de eodem stulto. « Ego vidi stultum. » Inter stultum et insipientem hæc distantia est quod insipientis dicitur qui nescit, stultus qui non cavit malum quod scit. « Vidi, inquit, stultum firma radice, » id est temporali stultum prosperitate, « et maledixi, » id est, damnationem futuram dixi « pulchritudini, » id est

A gloriæjus, « statim. » Nota quod addidit, « statim, » id est non more quorundam infirmorum hæsitavi, quorum est illa vox: « Mei autem pene moti sunt pedes, quia zelavi super iniquos, pacem peccatorum videns (Psal. lxxii). » Nonnunquam, more illorum qui tunc primum quando vident gloriosos morientes, dicunt: Ecce quam nihil est homo. Sed « statim, » id est in ipso cursu felicitatis « maledixi. » — « Longe flant filii ejus, » id est imitatores ejus, « a salute. » Quod sic erit, videlicet quia « conterentur in porta, » id est in die judicii qui exitus presentis et introitus erit futuri sæculi. « Et non erit qui eripiat, » scilicet quia redemptio non erit ultra.

**B** « Cujus, » subaudi stulti « messem, » habet eam stultus messem, id est prædicationis facultatem et interdum etiam officium; hujus, inquam, « messem famelicus comedit, » videlicet quisquis scientiam non habens, tamen ad Deum sanctis anhelat desideriis, et juxta præceptum Domini dicentis: « Quæ dicunt facite, quæ autem faciunt, facere nolite (Matth. xxiii) (8), » a quoque audiat discit quod audit, agit quod didicit, bonum. « Et ipsum rapiet armatus, » id est stultitia ejus et fraude sua tectus diabolus. « Et bibent, » id est utiliter audient, « sientea, » id est hebetes quidem, sed amantes « divitias ejus, » id est eloquia ejus. Hæc dicendo beatum Job stultitiae redarguit, cui et supra dixerat: « Ecce docuisti plurimos (Job iv), » etc. Et quasi quereres cur negligenti donum intelligentiae tribuitur, et studioso plerumque non datur, protinus subdit: « Nihil fit in terra sine causa, » videlicet quia et stultus ideo donum accipit, ut justius prematur, et studiosus tardius consequitur, ut de labore querendi amplius remuneretur. « Et de humo non, » subaudi, sed de dispensatione divina, « egredietur [al. oritur] dolor, » videlicet vel tuus qui nunc est, vel stulti alicuius cum punitur.

**VERS. 7.** — « Homo, » id est carnalis, videlicet similis tui, « ad laborem nascitur, » quia videlicet in omnibus laborat. Si acquirit, curis torquetur; si perdit, subaudi, ut nunc tu perdidisti, dolore fatigatur; « et avis ad volatum, » id est ad gaudium, quia sicut Salomon ait: « Non contrastabit justum quidquid ei acciderit (Prov. xii). »

**VERS. 8.** — « Quamobrem 433 et ego deprecabor, » id est non ut tu murmurabo, sed « deprecabor Dominum, et ad Deum, » id est ad Dei placitum, « pouam eloquium meuni. »

**Vers. 9.** — « Qui facit magna, » subaudi mutando prospera in adversa, « et inscrutabilia, » subaudi humanæ rationi, « et mirabilia absque numero, » subaudi tam in terra quam in celo. Et in hoc beatum Job percudit quasi superiorius de adversis suis quæstiones contra Deum proposuerit, dicendo: « Quare data est misero lux (Job. iii), » et cetera. Et de mirabilibus mystice aliquid tangit, dicens:

(8) « Omnia quæcumque dixerint vobis, servate et facite; secundum opera vero eorum nolite facere »

VERS. 10. — « Qui dat pluviam, » id est supernæ A predicationis gratiam, « super faciem terræ, » id est in cordibus hominum, « et irrigat aquis, » id est donis Spiritus sancti, « universa, » id est non solum Iudeam, sed omnem absque personarum acceptione hominem.

VERS. 11. — « Qui ponit humiles, » id est humili- ter eisdem donis utentes, « in sublimi, » videlicet ut cum Christo judices sint, « et moerentes, » id est pro ipso prospera fugientes et adversa patientes, « erigit sospitare, » id est hilares facit de salutis aeternæ certitudine.

VERS. 12. — « Qui dissipat cogitationes malignorum, » scilicet contra bonos insurgentium, « ne possint implere manus eorum quod cœperant, » id est ne quantum volunt nocere prævaleant.

VERS. 13. — « Qui comprehendit [al. apprehendit] sapientes in astutia eorum, » vertendo scilicet in bonum hoc quod ipsi malevoie agunt, sicut venditionem Joseph (Gen. xlvi), sicut intentionem Saul, quando petivit a David centum præputia Philistinorum (I Reg. xviii). « Et consilia pravorum dissipat, » videlicet ut non secundum eorum intentionem quidlibet proveniat, sicut verbi gratia, consilium quod de occidendo Domino dedit Caiphas (Joan. xi). Nunc quia persecutorum memoriam fecit, hæc de eorum cœcitate justo Dei iudicio illata subjungit;

VERS. 14. — « Per diem incurrit tenebras, » id est in ipsa veritatis præsentia sua illos cœcabit per- filia, « et quasi in nocte, » id est sicut in antiqui erroris caligine, « sic palpabunt, » id est offendentes sunt in meridie, » id est præsente sole justitiae. Quod Judæis congruit dicentibus : « Quousque animam nostram tollis? si tu es Christus, dic nobis palam (Joan. x.). »

VERS. 15. — « Porro salvum faciet. » Ac si dicat : Ipsi in cœcitate sua consequentur, sed ipse, scilicet Deus, salvum faciet de gladio oris eorum clamantium, et dicentium : « Crucifige, crucifige (Joan. xix), » — « et de manu violenti, » id est gentilitatis, quæ manus illum crucifixit, « pauperem, » id est Christum, videlicet resuscitando eum.

VERS. 16. — « Et, » illo resuscitato, « erit egeno, » id est humili fidelium populo, « spes, » id est æternæ vite vel resurrectionis fiducia. Et quia, cum venerit ut judicet, qui judicatus est, infideles obmutescent, bene subditur : « Iniquitas autem contrahet, id est continebit, » os suum, » vel claudet, videlicet bactenus in contumeliam Conditoris dilatatum. MORALITER. Nunc moraliter indaganda sunt qualiter a pravis generaliter siant. Quia de bonorum actibus reprobi in extenso livoris sui aculeo torquentur, recte dicitur : « Per diem incurrit tenebras, » id est in luce bonorum operum clausis oculis aliquid quod in electis accusare possint, quasi palpantes querent. Unde et subditur : « Et quasi in nocte, » id est in tenebroso labore, « sic palpabunt in meridie, » id est in plena boni operis luce. Quod bene

A signatum est in eo, quod Loth protegentibus angelis Sodomitæ cœcitate percussi sunt, et ostium domus ejus inventire non poterant (Gen. xix), videlicet quando lux honorum lucet coram hominibus (Matth. v), mali telo cœcantur invidiæ, nec possunt bonum in proximis agnoscere, nec rursus circumneuntes criminandi aditum queunt invenire. « Sic, inquam, palpabunt. Porro salvum faciet, » subaudi Deus, « de gladio oris eorum, » id est de detractio- ne, vel persuasione linguae eorum, « et de manu violenti, » id est de adversitate elatæ potestatis, « pau- perem, » videlicet, quales beatificat Dominus, di- cendo : « Beati pauperes spiritu (Matth. v). » — « Salvum, inquam, faciet pauperem, » id est hemi- lem. Quod hoc modo flet : quod « erit egeno spes, » B ad cuius spei cum pervenerit fructum, flet quod hic subditur : « Iniquitas autem contrahet os suum, » id est omnis elatus qui nunc derogat obmutescet. Nec idcirco Eliphaz contra beatum Job loquitur, quia taleni illum fuisse, et ob hoc percussum suspicatur : unde et subdit :

VERS. 17. — « Beatus homo qui corripitur a Do- mino. » Nam non probari putabat illum, sed corripi. Et ut ad beatitudinem tibi quoque proficiat, « increpationem ergo, inquit, Domini ne reprobes. » Nam ea quæ supra beatus Job dixerat, murmu- rando illum dixisse aestimabat. « Ne reprobes, » in- quam.

VERS. 18. — « Quia ipse vulnerat, » scilicet car- nem, « et medetur, » scilicet mentem ; « percutit, » scilicet te nunc, et in futuro « manus ejus sanabunt, » scilicet ne pereas in perpetuum. Hoc est quod sequitur :

VERS. 19. — « In sex, » id est in cunctis tribulationibus, » scilicet mundi, qui in sex diebus perfec- tus est (Gen. ii), et sex ætibus volvit, « libera- vit te, » scilicet, a peccatis tuis in mente, tribulando in carne, « et in septima, » scilicet ubi depositis corporibus requiescunt animæ. Septima namque die requievit Deus (Gen. ii) : et ob hoc septima mundi ætas, qua nunc animæ requiescunt, signifi- catur. « In septima, » inquam, tribulatione, « non tan- get te malum, » subaudi, quod tangit nunc arte resurrectionem animas reproborum. Et his modis D omnibus liberabit te, subaudi, si increpationem ejus non reprobes.

VERS. 20. — « In fame, » scilicet verbi, « eruet te de morte, » id est « pane vitae et intellectus cibabit te (Eccli. xv); » — « et in bello, » id est in tentatione, « de manu gladii, » id est ab opere peccati, subaudi, « eruet te. »

VERS. 21. — « A flagello linguae, » id est ab expro- bratione illate contumeliae, « absconderis, » videlicet ut non querens laudes, etiam non sentias contume- lias detractionis. « Et non timebis calamitatem, » subaudi multiformis adversarii, « cum venerit, » id est cum te impugnaverit, videlicet quia paratus et munimine ejus septus eris.

VERS. 22. — « In vastitate, » scilicet reproborum,

« et fame, » scilicet eorum quæ tollentur ne manducent panem in regno Dei, « in vastitate, inquam, et fame illorum ridebis, » id est de tua securitate, et illorum interitu in æterno convivio gaudebis. Ridebis, inquam, quia tunc impiis et perditis compatiendum vel miserendum non erit. « Et bestias terræ, » scilicet diabolum qui de terra facto homini bestialiter invidit tunc sœuentem « non formidabis, » videlicet quia nunc ab ipsa blandiente non seduceris.

**VERS. 23.** — « Non formidabis, inquam, sed cum lapidibus regionum, » id est cum sanctis et electis Ecclesiarum, quæ plures sunt pro diversitate dunt taxat locorum, « pactum tuum, » id est cohabitatio tua erit. « Et bestiae terræ, » id est malignus spiritus, « pacificæ erunt tibi, » id est pacem invenies eos fecisse tibi, videlicet in eo quod te impugnando ad amorem Dei nolentem impellunt. « Pacificæ, inquam, » non pacatae, quia pacem nullo modo habent, sed sua impugnatione, nolentes, ut dictum est, ad desiderandam pacem impellunt. Vel ita : « Bestiae terræ, » id est motus carnis, « pacifice erunt tibi, » quia dum te tentando lassunt, ad amore in quietis intimæ tendere cogunt. Utroque modo idem efficitur, scilicet hoc quod sequitur.

**VERS. 24.** — « Et scies, » videlicet per præsentem inchoationem, « quod pacem, » scilicet plenam et perfectam in futuro, « habeat tabernaculum tuum, » id est habiturum sit corpus tuum, quod mens inhabitat. Pax enim a vitiis hic inchoatur, quæ tunc plena erit, cum caro per resurrectionem immutata fuerit. Et quia nulla est castitas quam non commendat charitas, subjungitur : « Et visitans speciem tuam, » id est diligens proximum **439** tuum, « non peccabis, » videlicet, quia non facies alii quod tibi fieri non vis (*Tob.* iv, 16; *Matth.* vii, 10; *Luc.* vi, 31). Recte proximus noster species nostra dicitur, quia in illo cernimus quid simus, aut quid fuimus, aut quales fieri possumus. Sed et juxta sœculares philosophos, unus homo et plures secundum speciem unus homo est.

**VERS. 25.** — « Et scies illud quoque, » scilicet hoc faciendo quod dictum est, « quoniam multiplex erit semen tuum, » id est præ numeratione multiplicabitur tibi prædicationis verbum, « et progenies tua, » id est imitatores tui, sicut herba terræ, id est innumerabiles, exsurgent, vel viriditatem omnium terrenorum contemnent. « Multiplex, » inquam, « erit semen tuum, » adeo quod

**VERS. 26.** — « Ingredieris in abundantia sepulcrum, » id est contemplationis secretum. Sepulcrum hic significat vitæ contemplativæ quietem, ad quam non nisi vitæ activæ exercitatus labore debet quisquam aspirare. Alioquin non in abundantia, sed in penuria, sepulcrum ingreditur, timendumque est illi quod in *Exodo* dicitur : « Bestia si tetigerit montem lapidabitur (*Exod.* xix), » videlicet, quia mens irrationalibus desideriis subdita, si ad alta contemplationis erigitur, lapidibus, id est superni

A ponderis ictibus necatur. Sicut ergo Jacob quoque ante Rachel pulchram quidem, sed sterilem, accipit Liam, lippam quidem, sed plus patientem (*Gen.* xxix), ita si activam, quæ operosior est, prius exercetas vitam, bene et ordinate ingredieris contemplativam. Vel ita : « Ingredieris in abundantia sepulcrum, » id est post congesta bona vita præsentis opera, in secreta requie patriæ cœlestis absconderis : « sicut infertur acervus tritici, » subaudi, in horreum, « in tempore suo, » scilicet post pluvias et ventos, post solis æstum, post trituram et separationem palearum. Sic, inquam, post eloquia veritatis, quibus quasi pluviis fidelis quisque nunc pinguescit, post ventorum, id est temptationum concussionem, post solis, id est superni luminis illustrationem, recedens a societate carnalium, tanquam ab involutione palearum, infertur in supernæ pacis horreum. Quod non hæc juxta litteram dixerit ipse innuit, qui post cuncta subjungit :

**VERS. 27.** — « Ecce hoc quod [al. ut] investigamus ita est. » Quia nimirum quod investigatur non jacet ante faciem; unde patet quia in his verbis sensus subtilior excedit litteræ superficiem. Sed post cuncta ad stultitiam jactantia pervenit dicens : « quod auditum mente pertractas : » quia videlicet gravem suam ostendit imperitiam in eo, quod vult docere meliorem.

**CAP. VI.** — Quædam in verbis beati Job admistunt, quæ apud humana judicia patientiæ limitem transire videantur. Sed internus Judex et ante probationem prætulit illum dicens : « Quod non sit similis ei super terram (*Job* i), » et post probationem ejus amicos redarguit dicens : « Non es tu locuti rectum coram me sicut servus meus Job (*Job* xlii). » Recta ergo sunt, nec patientiam excedunt, nec de percussione murmurant : sed potius mortem, quæ per peccatum introiit in mundum (*Rom.* v), hoc modo.

**VERS. 2.** — Utinam appenderentur, » etc. Non vane aut superflue quod nunquam futurum sit, optat, sed quod vere futurum est prophetat, et cum desiderio expectat, voce humani generis dicens : « Utinam peccata mea, quibus iram, » id est mortem, « merui, et calamitas quam patior, » id est ipsa æterna mors, non enim ait, et calamitas quam videtis, sed « quam patior, » id est pro qua suspirio « cunctis diebus quibus nunc milito (*Job* xiv), » — « peccata, » inquam, « et calamitas, quam pro peccatis patior, utinam appenderentur in statera, » id est in mediatore Dei et hominum homine Christo Jesu (*I Tim.* ii). Quem idecirco stateram appellat, quia in illo « misericordia et veritas obviaverunt sibi (*Psalm.* xxiv), » et positis peccatis nostris in lance veritatis vel, judicij, nostram econtra calamitatem, quam pro ipsis patimur, in lance misericordia appendit, moxque misericordia pondus calamitatis nostræ non sustinens, stateram ipsam, id est Deum et hominem Christum usque ad mortem inclinavit, et judicij lancem tanto impetu sustulit, ut peccata nostra decuteret, et, juxta pro-

phelam, in profundum maris projiceret (*Mich. vii*). Et hoc est, quod dicit :

Vers. 3. — « Quasi arena maris, » videlicet quæ valde gravis est, « hæc » scilicet calamitas, « gravior appareret. Unde, » scilicet, quia nondum hoc factum est, « verba mea dolore sunt plena, » videlicet,

Vers. 4. — « Quia sagittæ Domini minæ [in me], » id est sententiæ damnationis, quas homini pro peccato intulit. « Quarum indignatio ebabit, » introrsum trahit exterioribus intentum « spiritum meum, » videlicet carnalem et elatum « et terrores Domini, » id est minæ futuri judicii, « militant contra me, » id est ab inepta lætitia reprimunt me. Nunc ostendit oppositum, quod jure verba sua dolore sunt plena.

Vers. 5. — « Nunquid rugiet onager, » id est gentilis populus, qui quasi onager, id est agrestis asinus, nullis præceptorum Dei vinculis, nullis discipline tenetur stabulis; « nunquid, » inquam, « rugiet, » id est jejonus, ut nunc, a verbo Dei gemet, « cum habuerit herbam, » id est cum præsentem supradictam Redemptoris acceperit gratiam? « Aut mugiet bos, » id est Judaicus populus, qui jugum legis consuevit trahere, « nunquid mugiet, » id est nunquid dicet, putas videbo? putas durabo? putas hic me inveniet illa nativitas? « Nunquid, » inquam, sic « mugiet, cum ante præsepe plenum steterit, » id est cum ille carnem suam comedendum, et sanguinem suum bibendum dederit pleno præsepi (*AUGUST., in Purif. B. V.*), id est in sancto altari? Aut si quæras cur non ante illud tempus gratiae gentilitas ad Deum converti voluerit per instructionem Veteris Testamenti.

Vers. 6. — « Nunquid, » ait, « poterit comedi insulsum, » id est nunquid poterit a gentilibus liberter accipi litterale Judaicæ legis mandatum insulsum, verbi gratia, circumcisio carnis, et tale quid, « quod non est sale conditum, » id est vivificante Spiritu temperatum. « Aut gustare, » id est observare, « aliquis, » subaudi gentilium, « poterit, quod gustatum affert mortem, » id est per quod invalescens peccatum, sicut apostolus ait (*Jac. i*), operatur mortem [Cum consummatum fuerit, generat mortem]: « Nam concupiscentiam nesciebam, » inquit, « nisi lex diceret : Non concupisces (*Rom. vii*). » Non, inquam, tunc « mugiet onager, » sed dicet :

Vers. 7. — « Quæ prius tangere solebat anima mea, » videlicet illa Scripturæ veteris sacramenta, « nunc præ angustia, » id est præ amoris vi, « cibi mei sunt. » Et « nunquid » tunc « mugiet bos? » Non, sed idem dicit : « Quæ prius tangere solebat anima mea, » id est gentiles, quos prius ut brutos et immundos despiciebam, et illud genus hominum, « quod gustatum, » id est mihi confederatum, afferebat « mortem, » videlicet prohibente Deo, ne cum alienigenis fœdus inirem, « nunc præ angustia, » id est præ filiorum Israel inopia, qui converti nolunt, « cibi mei sunt, » id est mihi per fidem corporati

A sunt. Quando hoc bos, id est Synagoga, dixerit, habemus in Actibus apostolorum, dicentibus eisdem apostolis : « Quia vos indignos judicasti æternæ vitæ, ecce convertimur ad gentes (*Act. xiii*). » MORALITER. Moraliter hæc ita accipi possunt, ut dicat fidelis anima, timore poenarum correpta : « Quia sagittæ Domini minæ sunt, » et cetera. Quæ non mutantur a supradicto sensu. Sed quia « perfecta charitas foras mittit timorem (*I Joan. iv*), » ut videre cupiat eum quem prius serviliter formidabat, apte subditur : « Nunquid rugiet onager, » etc. Hic onager illos signat qui in campo fidei constituti illius officii loris ligantur, bos vero illos quos suscepti officii vel ordinis jugum premit. Qui **440** nunc quasi rugiunt et mugiunt, cum a visione Dei, quem desiderant exclusi sunt. Sed « nunquid rugiet onager, » id est aliquid fidelis privatus, « cum habuerit herbam, » id est semper virentem ejusdem visionis Dei gloriam? « Aut mugiet bos, » id est aliquis sacri ordinis jugo pressus « cum ad præsepe plenum steterit, » id est cum ad plene videndum Deum admissus fuerit? Aut, si quæras quare ante illud cessare a mugitu vel satiari non potest, quid interim comedet? « Nunquid poterit comedi insulsum, » id est nunquid illum delectare poterunt fabulationes, quas iniqui narraverunt (*Psal. cxviii*), aut aliquid tale, « quod non est sale, » id est divina sapientia, conditum? Aut si quæras : Quare non festinat ut hinc effugiat per martyrium? Nunquid sua virtute poterit « aliquis gustare, » id est dicere vel facere pro veritate, « quod gustatum, » id est dictum vel factum, « affert mortem, » id est martyrium? Sed magis ac magis proficiens postmodum dicit quod sequitur : « Quæ prius tangere solebat anima mea, » id est amaritudines persecutionum, quas prius formidabam, « nunc præ angustia, » id est præ tadio peregrinationis meæ, « cibi mei sunt, » id est deletabiles mihi sunt, in tantum ut desiderans dicam :

Vers. 8. — « Quis det ut veniat petitio mea? » Videlicet, quia peto ut de illis saturetur anima mea. « Et quod exspecto, » scilicet illud, propter quod has amaritudines desidero, « tribuat mihi Deus? » Videlicet, ubi sanctorum patientia remunerabitur. D Hoc desiderium ipse exaudiat.

Vers. 9. — « Et qui cœpit, » subaudi, conterere me, sicut videtis, « ipse me conterat, » videlicet, usque ad perfectam purgationem, ne quid remaneat in me rigidum, propter quod desertum me adversario ad contritionem tradat.

Vers. 10. — Ipse, inquam, « solvat, » id est nulla recessione vel aversione ligatam habeat « manum suam, » nec dicat, Zelus meus recessit a te (*Ezech. xvi*), « et succidat me, » subaudi, a statu elevationis meæ, id est humiliet me. « Et hæc mihi sit consolatio, » id est in hoc scire me faciat, quod non sim suo dignus odio, « ut affligens me dolore non parcat, » videlicet, in præsenti. « Quem enim diligit Dominus corripit [castigat] (*Hebr. xi*). »

« Nec contradicam sermonibus Sancti, » id est non murmurabo de rationibus adversum me propositis : Sancti dico, ne me lumenti aut reprehendantem animo haec loqui arbitremini. Haec est petitio mea præ angustia supradicta.

**VERS. 11.** — « Quæ est enim fortitudo mea, » id est quantam enim putatis esse cordis mei duritiam ? Nunquid tantam, « ut sustineam, » id est non moleste feram peregrinationem meam ? « Aut quis finis meus ? » subaudi, nonne Deus, ad quem tendo toto cursu vitæ hujus ? « Quis, » inquam, id est qualis est, « hic finis meus ? » Nunquid talis, tam levis, « ut patienter agam, » id est ut me nondum comprehendisse non doleam, vel patienter feram ? Non. « Ista fortitudo, » id est duritia, « lapidum est, » id est insensibilium hominum, qui sæpe et supernos ictus accipiunt, et nulla tamen disciplinæ percussione mollescunt. Sed :

**VERS. 12.** — « Nec fortitudo lapidum, » scilicet talium, « fortitudo mea, nec caro mea ænea est, » id est non sicut æs absque sensu sonitum reddit, sonat enim et non sentit, non, inquam, ita caro mea quæ percussa est, vocem confessionis absque devotione cordis emittit. Ne autem arbitremini quod hanc teneritudinem cordis mihi arrogem,

**VERS. 13.** — « Ecce, » subaudi dico, « non est auxilium mihi in me. » Sed nec in alicujus hominis exhortatione quæ ædificet me. Quod per hoc satis patet quia « Necessarii quoque mei recesserunt a me. » Quos nunquam tempore prosperitatis sibi per dilectionem adhaesisse comprobat, universalis sententia subjungendo :

**VERS. 14.** — « Qui tollit ab amico suo misericordiam, » id est qui in adversis amico suo non est, neque compatitur, « timorem Domini derelinquit, » id est non habere se convincit : scilicet ejus timoris Domini partes sunt amor Dei et amor proximi. Non ergo in prosperitate me proximum vel amicum suum amaverunt, quem in adversis absque misericordia dereliquerunt. Consequitur quod mea dilexerunt, id est non propter me, sed propter mea mihi adhaeserunt. Et hoc est quod per simile ostendit.

**VERS. 15.** — « Fratres mei præterierunt me, sicut torrens, qui raptim transit in convallibus, » id est sicut torrens inundat pastus aquis, quæ currunt de montibus, et arescit eisdem aquis deficientibus, sic amici mei confluabant prosperis manentibus, nunc defluxerunt eisdem deficientibus. Nunc de talibus judiciale quoque profert sententiam.

**VERS. 16.** — « Qui timent pruinam, » id est qui abhorrent temporalem miseriam; pruina namque inferius congelascit, et ideo frigus significat terrenæ adversitatis, qui, inquam, abhorrent pruinam ejus, quam in me vident, miseria temporali, « irruunt super eos nix, » id est gravius judicium de supernis. Nix enim de superioribus ruit, et ideo significat de super venientem iram Dei.

**VERS. 17.** — « Tempore quo fuerint dissipati pe-

A ribunt. » Permanet in metaphora. « Irruet, » inquit, « super eos nix, » et sicut nix ad horam nitet, et mox ut incaluerit liquefit, et perit, sic ipsi ad tempus nitid, « tempore quo fuerint dissipati, » scilicet per separationem animæ et corporis, « peribunt. » Et cum incaluerint [ut incaluerit], id est examine divino anxiati fuerint, « solventur, » scilicet sicut supradicta nix, « de loco suo, » id est de eo cui inhaeserant suæ carnis oblectamento.

**VERS. 18.** — « Involutæ sunt semitæ gressuum eorum, » id est quia terrenorum amore nimio prædiuntur, etiamsi velint peccata effugere, in semetipsos relabuntur, et unum vitantes, in aliud, velut cæci, replicantur. Qui, quia sola quæ transeunt cogitant, et de his quæ secum permaneant, nihil curant, « ambulabunt, » inquit, « in vacuum, » vide licet nil secum præter peccata portantes, « et peribunt. » Ab illorum imitatione compescens auditores suos, convertitur ad eos, et dicit :

**VERS. 19.** — « Considerate semitas Theman, » id est Austri. Theman enim interpretatur Auster, et significat nunc fluxum vivendi remissionem, quæ tepidus ventus est. « Itinera Saba, » scilicet, « considerate. » Saba interpretatur rete. Ac si dicat: Considerate vitam eorum, ad quem finem deveniat, qui fluxit et remisso vivunt, et ideo peccatorum retibus involvuntur gressus eorum, ut supradictum est. « Exspectate paulisper, » id est differte temporales hujus mundi delicias, ut inveniatis semipternas.

**VERS. 20.** — « Confusi sunt, quia speravi. » — « Expectate, » inquam, « paulisper, » et videbitis quomodo gementes turbabuntur timore horribili, qui jam confusi sunt et erubescunt (*Sap. v.*), « quia speravi, » id est quia spem nequeunt extorquere nisi quam in Deo posui. « Venerunt quoque usque ad me, » id est non solum corporis vulnera viderunt, sed et mentis constantiam inter adversa deprehendendo nunc, in die autem judicii meam cum sancta Ecclesia gloriam conspicio, « venerunt » et revertent « usque ad me, et pudore cooperati sunt, » nunc, quia, ut supradictum est, « speravi, » tunc autem et pudore cooperientur, cum a gloria, quam videbunt, fuerint repulsi. Haec sub persona Ecclesiæ locutus est de his qui ab illa tempore tentationis recedunt (*Luc. viii.*): nunc ex illorum numero amicos suos esse redarguit, dicens :

**VERS. 21.** — « Tunc [Nunc], » id est paulo ante, « venistis, » subaudi me consolari, et nunc [modo], id est tam cito, « videntes plagam meam timelis, » id est abhorretis, et cum horrore mei nunc primum tremendi judicii Dei recordamini, ac si dicat: Cur vobis tam cito gravis sum ? Nunquid in aliquo volis onerosus fui ? Hoc est, quod subjungit :

**VERS. 22.** — « Nunquid dixi, Afferte mihi, **441** et de substantia vestra date [al. donate] mihi, » videlicet quia pauper factus sum ? hoc non dixi, quod vobis forsitan esset grave. Aut nunquid dixi :

**VERS. 23.** — « Liberate me de manu hostis, » id est de fortitudine vel percussione Satanae ? « Et de

manu robustorum, » id est de viribus malignorum spirituum « eruite me? » Nec hoc dixi, quod profecto vobis esset impossibile. Nunc concedendo dicit ironice:

Vers. 24. — « Docete me, et ego tacebo, » videlicet quia hoc vultis, ut vobis docentibus, id est reprehendentibus, « ego taceam, » scilicet veritatem conscientiae meae, « et si quid ignoravi, » id est ignoranter peccavi, « instruite, » id est corrigite me. Quam ironiam absque ullo tumore a se prolatam, manifeste innuit per hoc quod paulo inferius subjungit: « Super pupillum irruitis. » Ac si dicat: Hoc non est docere vel instruere, sed super me pupillum irruere. Qui in eo pupillus sum, quod totus mundus dereliquit me.

Nunc eosdem et corripit humiliter et docet sa- pienter.

Vers. 25 — « Quare detraxistis, » scilicet in superiori sermone, quem sic finivit Eliphaz, « quod au- ditum mente pertracta (Job v). » — Quare, inquam, detraxistis sermonibus veritatis, » videlicet quos ego sic finivi, « et venit super me indignatio (Job iii), » — « cum e vobis nullus sit, » subaudi, adeo simplicis oculi erga me, « qui possit arguere me, » subaudi, jure. Non euim debet arguere, nisi is qui irreprehensibiliter loquitur et ex charitate. Vos autem:

Vers. 26, 27. — « Ad increpandum tantum, » videlicet non etiam ad proficiendum « eloquia concinnatis, et in ventum, » id est absque pondere discretionis « verba profertis, et subvertere nimini, » subaudi a spe sua, « amicum verum, » id est amantem vos etiam nunc, cum debitam subrahitis benevolentiam. Sic videlicet sancta Ecclesia obrectantium quoque haeticorum salutem amat.

Vers. 28. — « Verumtamen, » id est licet ego vos non amantes amem : « quae cogitasti [al. cœpi- stis] explete, » videlicet si non cessatis solo veritatis amore. « Explete, » inquam, scilicet ne putetis rationis conventum subterfugere. « Præbete aurem, » id est cordis benevolentiam, et illa purgante oculum intelligentie: « videte an mentiar, » et hoc videntes, id est discernentes :

Vers. 29. — « Respondete, obsecro, » id est sensibus vestris consona dicite: « absque contentio- ne, » videlicet quia servor vel intentio contendendi facit haeticos, et omnes perversos, cum verum sentiant, mendacium loqui, quod est dicere verbum contra Spiritum sanctum. « Respondete, inquam, et loquentes id quod justum est judicate, » id est ab injusto discernite.

Vers. 30. — « Et » cum sic intenderitis, « non in- venietis, » id est non confingetis, in lingua mea ini- quitatem, » subaudi esse, « nec in fauibus meis stultitia personabit, » scilicet vestro quoque judicio. Abhinc incipiens et interloquentibus amicis prose quens omen, quod recte sentit, latius aperit.

CAP. VII, VERS. 1. — « Militia est vita hominis

A super terram. » Ac si dicat: Quid putatis, cur dixerim: « Pereat dies in qua natus sum (Job iii), » et cætera. Putatis quod de particulari die nativitatis meæ dixerim, et non potius de universo humanæ mortalitatis tempore, quæ in maligno die posita est, et ut verius dicam, in nocte, id est in tenebrarum principe. De illo die dixi, ideo scilicet, quia in illo, id est propter illum, « vita hominis, » quæ debuerat esse visio æternæ pacis, « militia est super terram. » — « Et sicut dies mercenarii, » scilicet in labore et æstu præstolantis finem operis, ita « dies, » id est vita, « ejus, » subaudi hominis, videlicet qui ad hoc conditus est, ut non mercenarius esset, sed filius, civis; non peregrinus, non mendicus, sed do- minus. Unde ego nunc doleo, videlicet quia:

B VERS. 2. — « Sicut servus desiderat umbram, » sic in præsenti exilio serviens in æstu afflictionis desidero umbram, id est refrigerium illius quietis, cuius plenitudinem primus homo perdidit: « et sicut mercenarius præstolatur finem operis, » videlicet a mercede vacuus antequam finiatur :

VERS. 3. — « Sic et ego habui, » id est transegi, « menses, » id est circuitus vite mutabilis. Luna namque circumeundo, ac se permutoando mensem perficit. « Menses, inquam, vacuos, » id est circuitus nondum remuneratos, et adhuc sui finis ignaros, videlicet quia quamvis fideliter militans non me comprehendisse arbitror (Philip. iii); « et noctes laboriosas, » id est adversitates non solum inopia, sed et cruciatibus plenas « enumeravi mibi, » scilicet mercedem in spe computans mibi pro singulis. Satis perspicuum est qualiter hæc dicta Ecclesiæ congruant universaliter. Quæ sequuntur, aperte in pro- pria ejus patent persona, sed minus aperte, id est nonnisi per expositionem, hæc intelligiunus in sancta Ecclesia.

VERS. 4. — « Si dormiero, dicam: Quando con- surgam? Et rursus evigilabo [al. Et rursum expec- tabo vesperam]. » In nocte quippe dics, inde vespera desideratur, quia nimis dolor non permittit placi- cere quæ adsunt; « et replebor doloribus usque ad tenebras. » Et hoc in persona ejus clarum est, quia mens affliti semper ad alia per expectionem in- tendit. Sed et causa ejusdem doloris nota in eo, quam D exprimit, dicendo :

VERS. 5. — « Induta est caro mea putredine » et cætera. Videlicet quia « a planta pedis usque ad verticem non erat in eo sanitas (Isa. i). » Sed et hæc in persona Ecclesiæ, quam sua mutabilitas in hac pe- regratione fatigat, exponenda sunt. « Si dormiero, » id est si in contemplatione rapta fuero, ita sum mu- tabilis ut « dicam: Quando surgam, » id est, quando ad exteriora relaxabor: dicit enim palpando sibi non nunquam etiam fortis animus: Non semper tenditur arcus. « Et rursum, » scilicet cum fuero remissa in exterioribus, « expectabo vesperam, » id est deside- rabo contemplationis silentium, « et replebor doloribus usque ad tenebras, » id est donec præsens finiatur vita. Vcl ita: « Si dormiero, » id est si in

torpore otii fuero, exercitationem desiderans dico : « Quando consurgam? et rursus expectabo vesperam, » id est et in quiete exercitium actionis, et in exercitatione, quero otium quietis. Et hanc mutabilitatem mihi, scilicet Ecclesiae, causa haec maxime importat, quod « caro mea; » id est carnales, qui sunt membra mea, « induit sit putredine et sordibus pulveris, » id est per fidem quidem mundi, sed per operationem sunt immundi. Et haec causa, « quod cutis mea, » id est hi qui solis exterioribus intendunt, sicut cutis exterius in corpore tenditur. « aruit, » scilicet ab humore coelestium, « et contraacta est, » scilicet diligendo presentia, et non tendendo ad aeterna.

**VERS. 6.** — « Dies mei, » scilicet dies presentis mortalitatis, « velocius transierunt, quam a texente tela succiditur. » Congrua valde similitudo. Nam, sicut tela infra supraque ligata, duobus lignis innescitur, sic vita praesens ortu et mortis occasu concluditur. Et sicut tela quanto inferius texta involvitur, tanto superius texenda deuplicatur, et fit minus; sic vita nostrae dies quo plures sunt praeteriti, eo pauiores sunt futuri. Sed « velocius, inquit, transierunt dies mei, » videlicet quia in texendo sepe mora fit, et laborantis manus otio figitur, sed nulla est in evolvendis mora diebus. « Et consumpti sunt absque ulla spe, id est prætereundo nil reliqui faciunt cur in illis debeam sperare. Nunc ad Deum a predictis miseriis erigens oculos dicit :

**VERS. 7.** — « Memento mei Deus, scilicet « quia, nisi memineris, « ventus est, » id est inanis, et perdita est « vita mea et non revertetur, » scilicet ad pristinam tui visionem, « oculus meus, » videlicet suau serpentis tenebratus, cum ille diceret, « Aperiuntur oculi vestri (Gen. iii). » — « Non, 442 inquam, revertetur ut videat bona. »

**VERS. 8.** — « Nec aspiciet me, » subaudi si non memineris mei, « visus hominis, » id est misericordia, scilicet Redemptoris. Non « aspiciet me, » dico, id est non visitabit me Verbi tui humanatio. Nam visitatio Filii Dei humanam formam assumentis, pulchre notatur hic per visum hominis. Vcl ita: Memento mei, scilicet dum vivo, quia jam exutam carne animam, nequaquam visus hominis, id est gratia Redemptoris ad poenitentiam respicit. « Oculi tui in me, » id est districtio judicii tui, si non prius memineris, id est resperxeris, stabit contra me, « et non subsistam, » id est ad perferendum judicium tuum non assurgam. Non subsistam, dico, sed,

**VERS. 9.** — « Sicut consumitur nubes et pertransit, » videlicet impulsa et calore solis dissipata ut evanescat, « sic qui descenderit ad inferos, » videlicet maligno spiritu abstractus, et calore solis, id est respectu superni judicii liquefactus, « non ascendet, » id est ad operationis usum non redibit.

**VERS. 10.** — « Nec revertetur ultra in domum suam, » id est in presentem vitam, vel in corporis

A habitationem, vel ad Conditoris sui contemplationem, « neque cognoscet, » id est non requiri eum amplius locus ejus, « id est conditor Deus, qui fugitivum subsequens, ut ita dixerim, ad retinendam quem amiserat hominem locus invenit.

**VERS. 11.** — « Quapropter et ego, » scilicet dum vivo, dum poenitentia locum habeo « non parcam ori moe, » id est contra meipsum os aperiam, et verbis propriis confessionis saeviam. « Loquar, id est iniuriam meam annuntiabo, « in tribulatione spiritus mei, » id est in planctu et lacrymis; « confabulabor, » id est consilium in ibo « cum amaritudinibus desperationis, quas in acerba adversitate suggestis amaritudine animae est ratione obviare cogitationibus, hoc modo :

**VERS. 12.** — « Nunquid mare sum ego, aut cetus? » id est nunquid habitatio diaboli sum ego, aut ipse diabolus, « quia circumdedisti me carcere, » o amaritudine animae meae! id est quia cogis me desperare, neque sinis meipsum in gaudio spirituali dilatare, multum me cogis.

**VERS. 13.** — « Si dixeris: Consolabitur me, » scilicet in mea afflictione, « lectulus meus, » id est secretum conscientiae meae, « et relevabor, » scilicet ab hoc tristium curarum pondere « loquens tecum, » id est recognitans aliqua bona quorum mihi conscientius sum, « in stratu meo, » id est in cordis mei secreto.

**VERS. 14.** — « Terrebis me per somnia, » id est per imaginationes reduces mihi ea quae passus sum adversa vel quae restant adhuc in futuro iudicio metuenda, « et per visiones, » id est, per cogitationes, « horrore » scilicet malorum meorum, concuties.

**VERS. 15, 16.** — « Quamobrem elegit suspendi anima mea, et mortem ossa mea. Desperavi, nequam jam vivam. » Haec ad litteram stare non possunt, maxime quia mox sequitur: « Parce mihi, Domine, quod non consonat cum desperatione. Nisi ita accipiatur quod ait, « confabulabor cum amaritudine animae meae, » ut ea quae supra dixit: « Nunquid mare sum ego, aut cetus, » et cetera, verba sint rationis, et haec dicta, « suspendi elegit anima mea, Dei [f. despera.], » verba sint amaritudinis desperationem male suggestentis. Sed sic bene possunt mystice accipi. « Suspendi, » id est cor suspenderem sursum ad Deum, « elegit anima mea, » id est intentio mea; « et mortem, » id est mortificationem, subaudi elegerunt, « ossa mea, » id est carnis fortitudo nociva, juxta illud: « Mortificate membra vestra, quae sunt super terram (Coloss. iii), » et huc modo sequitur hic sensus: « Desperavi, » id est, bona presentis vita sprevi; « nequaquam jam vivam, » subaudi in illis, videlicet quia elegi mundo morti. Sic non repugnat hoc quod sequitur: « Parce mihi, Domine, quod dictum patet desperationis non esse. » Parce, » inquam: nam expedit ut parcas:

et nihil enim, » subaudi te non parcente, facti sunt A dies mei, id est dies vite presentis, et hoc affirmat subjungendo:

Vers. 17. — « Quid est homo, » videlicet cum sit mortalis factus peccando? subaudi nihil. Hoc ideo miror, « quia magnificas eum? » scilicet largitate rationis et honore ditando collatae virtutis; aut quis potius [al. quid apponis] caga eum cor tuum? id est adducis ad inquisitionem examinis tui tam infirmum?

Vers. 18. — « Visitas, » id est luce tua cognitionis illustras, « eum diluculo, » id est post fugatas erroris sui tenebras, « et subito, » id est post visitationem, repentina tentatione probas illum.

Vers. 19. — « Usquequo, » subaudi extenderat hoc quod « non parcis mihi, » sicut supra dictum est, « nec dimittis me, » subaudi ab hac satigatione mortalitatis respirare ita « ut glutiam, » id est in ventrem animae, qui est ipsa mens, « excipiam [al. glutiam] salivam meam, » id est divinitatis tuae dulcedinem? Saliva, que a capite descendit, significat suavitatem divinitatis. Caput enim Christi Deus, qui quasi saliva in ore tenetur, sed praet infirmitate non glutitur, quia dulcedo divinitatis nunc quidem a perfectis valet degustari, sed quia plenitudinem ejus mortalitatis infirmitas non capit, quasi saliva non potest glutiri. Cujus infirmitatis causam consteado subiectum.

Vers. 20. — « Peccavi. » Et satisfacere cupiens addit: « Quid faciam tibi, o custos, » id est inspector, « hominum? » Subaudi, nescio. Nam quidquid possum, tibi deberem, etiamsi non peccasssem. Prosequitur per conquestationem: « Quare posuisti me contrarium, » id est inimicum tibi? Unde Apostolus: « Cum, inquit, inimici essemus, Christus pro nobis mortuus est (Rom. v). » — « Posuisti, inquam, me contrarium tibi, et idcirco, « factus sum mihi metipei gravis, » id est aggravato animam meam corpore corruptibili. Si ideo quia peccavi, in quo nam ideo quia peccavi « factus sum mihi metipei gravis. »

Vers. 21. — « Cur non tollis peccatum meum? » subaudi, originale; « et quare non auferis iniquitatem meam, » subaudi actualem? « Cur, inquam, non tollis, » vel per adventum Redemptoris, qui tollit peccata mundi (Joan. 1), vel per imitationem resurrectionis? « Ecce, » scilicet quia peccavi, « nunc, » id est in morte carnis, « in pulvere dormiam, et si nane, » id est in die iudicii, « me quæsieris, » id est sollicite remota pietate discusseris, « non subsistam, » id est damnationem non evadam.

CAP. VIII, Vers. 1, 2. — « Respondens autem, » id est eruditioris verba diuitius non serena, « Baldad Sabites dixit: Usquequa loqueris talia? » Injustis enim semper gravia sunt verba justorum. Unde et hic qui « usquequo » dicit, quod edificationis verba non portari non possint, ostendit. « Usquequo, inquit, loqueris et spiritus multiplex, » id est affluens, non dico sapientie cordis tui, sed « sermonis oris tui, » subaudi usquequo se non continebit? Hoc di-

cendo notat eum quod habeat eloquentiae multum, sed sapientiae parum.

Vers. 3. — « Nunquid Deus supplarat judicium, aut Omnipotens subvertit quod justum est? » Hoc ex eo, quod beatus Job dixerat: « Utinam appendentur peccata mea, et calamitas quam patior, in statera, quasi arena maris haec gravior appareret (Job vi), » prave intellectus, et hanc in eum calamitatem struit, quod dixerit, Deum supplantatorem esse judicii. Et superni examinis rectitudinem praetendens, ne non sua solummodo peccata optet appendi in statera.

Vers. 4. — « Etiamsi filii tui, inquit, peccaverunt, et dimisit eos in manu iniquitatis sue, » et cetera. Ac si diceret: Non solum pro tuis, sed et B pro suis peccatis, filii tui juste extincti sunt. Sed licet ita sit,

Vers. 5. — « Tu tamen, » subaudi cuius negligencia perierunt, quia corripere eos debueras 443, « si diluculo, » id est peccatorum tuorum nocte per penitentiam deleta, « surrexeris ad Deum, » videlicet a quo elongatus es, dum in peccato jaces? « et Omnipotentem fucris deprecatus; » et quia deprecatio exauditur, nisi mundo corde fundetur.

Vers. 6. — « Si mundus, » videlicet in cogitatu, « et rectus, » scilicet in opere, « incesseris coram eo, » id est ubi ipse vides in interiori tuo, « statim evigilabit ad te, » subaudi, qui nunc ab adjutorio errantis videtur dormire, « et pacatum reddet, » subaudi quod nunc eversum est, « habitaculum justitiae, » id est statum presentis vite eo modo quo dixi, justifica te. « Pacatum, inquit, reddet. »

Vers. 7. — « In tantum ut si priora tua fuerint parva, et revissima tua multiplicentur nimis. » Sic haeretici afflictis catholicis pacem, videlicet a contentione sua, et multiplicatione bonorum temporallium reprobant, si convertantur ad sectam ipsorum, quam putant puram esse quasi diluculum. Et quia sententias quoque Patrum antiquorum in argumentum sui erroris proferunt, recte subditur:

Vers. 8, 9. — « Interroga generationem pristinam, et diligenter investiga patrum memoriam. Hesterini quippe, » id est rudes, « sumus et ignoramus, » subaudi aliud quod a patribus discimus. « Investigiga, » inquam, subaudi, et hoc ex praeteritis invenies, « quoniam sicut umbra dies nostri sunt super terram » videlicet, quia sicut illa fugerunt quæ preterita sunt, sic ista quoque fugiunt quæ nunc praesentia sunt.

Vers. 10. — « Ipsi, » scilicet patres, « docebunt te, » subaudi, hoc quod non vis a nobis discere, « et de corde suo » scilicet, non ut in ore superfluo, « proferent eloquia. »

Vers. 11. — « Nunquid virescere potest scirpus absque humore? » In hac sitnilitudine intendit Baldad ostendere quod beatus Job, velut hypocrita, dum in laude vel cultu Dei propter dona ejus temporalia viruerit, et nunc subtractis eisdem donis contra justitiam ejus murmurando nimium aruerit.

Et quidem fortia sunt valde quæ dicit, sed quia contra sapientem profert ea, sequere dicere debuerat stultis, quasi hortis sipientibus aquam in flumina fundit, more haereticorum, quorum linguam persaepe sic moveat veritas ut vitam ipsum seriat. • Nunquid virescere, ait, id est virorem, att speciem alicujus virtutis habere, potest scirpus, id est hypocrita, absque humore, id est, absque aliquo dono supernæ gratiae, vel sine incitamento laudis humanæ? Scirpus enim est herba absque nodo, qua segetes continguntur, significans hypocritam, qui absque virtute se esse ostentans, veros justos opinione sanctitatis supergredi nititur. • Aut subaudi nunquid, caretum crescere potest sine aqua, id est hypocrita nunquid conspicuus esse potest sine aliqua data sibi desuper scientiae vel signorum potentia? Carex enim est herba acutissima et durissima, sparto siliulis, hypocritam significans per hoc quod sequitur, videlicet quia:

VERS. 12. — « Cum adhuc sit in flore, id est in laude, nec carpatur manu; quisquis enim hypocritam corripere audet, protinus asperitate illius vita corripiens secatur; ante omnes herbas arescit, id est ante vitæ terminum, quo omnis caro arescit, de qua dictum est: « Omnis caro fenum (*Isa. xl.*), ante vita terminum, inquam, vitæ, hypocitarum vita siccatur, id est ab assumptione rectitudinis viriditate arescit. In hoc acerbe nimis beatum Job denotat, quod velut scirpus cito in zetu tribulationis aruerit, eo quod hypocrita fuerit, et velut caretum manum carpentis secuerit, eo quod superioribus dictis Eliphaz tanquam spinosis obviasset sententiis.

VERS. 13. — « Sic vita [vitæ], inquit, omnium qui obliviscuntur Dominum, subaudi ante vitæ terminum a virtute deficit; et spes hypocritæ, id est humana laus, quam magnis laboribus appetit, peribit, id est decrescat temporum impulsa momentis.

VERS. 14. — « Non ei placebit, scilicet ea quæ nunc placet, vescordia sua, quia videlicet multum vecors est, qui, unde coeli regnum mereri potuit, inde transitorii sermonis nummum querit. • Et sicut tela aranearum, subaudi grandi labore texta levi vento dissipatur, sic fiducia ejus, id est opus bonum, de quo sibi confidit, levi aura favoris humani tollitur.

VERS. 15. — « Innitetur subaudi in examine interni judicis, super domum suam, id est super laudatam ab adulatoribus vitam suam; et non stabit subaudi sed cadet, sicut in parabola decem virginum liquido cunctis appareat (*Matt. xxv.*). Fulciet eam, scilicet enumeratione operum suorum, et non consurget, videlicet dicente Iudice: « Nunquid novi vos? discedite a me (*ibid.*). • Sic in iudicio reprobandus.

VERS. 16. — « Humectus charitate, irriignus videntur scirpus, id est hypocrita, antequam veniat sol, scilicet Christus ad judicandum, et in ortu suo germen ejus egredietur, id est sicut

A scirpus cum flore suo nascitur, quod cætera herbes non faciunt, sic hypocrita mox, ut boni quid agere incipit, querit quod sancti viri non faciunt, ut a cunctis honoretur.

VERS. 17. — « Super acervum petrarum, id est propter turbam hominum admirantium, radices ejus densabuntur, id est cogitationes ejus ad ostensionem boni operis multiplicabuntur, et inter lapides, id est inter homines illum aspicientes, commorabitur, id est in bono opere stare conabitur.

VERS. 18. — « Si absorbuerit eum, scilicet internus arbiter, de loco suo, id est a presentis vite favoribus, in quibus tota mente colloctatur, negabit eum, et dicet: Non novi te, id est non approbo te; sicut in Evangelio fatus virginibus: Amen, inquit, dice vobis nescio vos (*Matt. xxv.*); Et merito:

VERS. 19. — « Hæc est enim latitia vite, id est presentis vite, ejus ut rursum de terra, id est de imitatione sua, alii germinentur, id est multi hypocritæ propagantur.

VERS. 20. — « Deus non projicit simplicem. • A si dicat: Illum noli imitari, sed esto simplex quia Deus non projicit simplicem subaudi cuius nunc despiciunt simplicitas ne porrigeat [nec porrige] manum malignis, scilicet supradictis, id est quarrentes terrenam, gloriam non elevabit ab imis.

VERS. 21. — « Donec impleatur risu os tuum, id est exhibetur abundantia latitiae semperne os tuum, et labia tua jubilo, id est ineffabilis supernæ laudis cantico. • Donec autem dicitur, non quod post electorum jubilum Deus malignis porrigit manum, sed, sicut dictum est: « Donec ponam inimicos tuos scabellum pedum tuorum (*Psal. cix.*), quod postquam factum fuerit, Filius ad dexteram Patris residere non desinet. Sic nunc dicitur, donec impleatur risu os tuum, quod postquam factum fuerit, malignos percutere, id est in inferno punire Deus non desinet.

VERS. 22. — « Qui oderunt te, subaudi si fueris simplex, induentur confusione, videlicet in extremo examine, quando confusio plena erit, scilicet quia et foris interius iudex videbit, et intus ante oculos culpa versabitur. • Et tabernaculum impiorum, id est ædificatio terrenæ felicitatis eorum, non subsistet, scilicet quia veritatis fundamentum non habet, irrecuperabili ruina in æternum interitum corruct.

CAP. IX, VERS. 1, 2. — « Et respondens Job ait: Vere scio quod ita est. • Beatus Job discernens contradicentium sensibus æquissimus arbiter residens, qui bonorum omnium mos est, sic studet eradicare quod pungit, ut noverit servare quod reficit, id est sic perversos dijudicat ut quæ recte dicuntur, assumat, dicens: « Vere scio quod ita est, scilicet quia, sicut dicas, Deus non supplantat iudicium et quod non subsistet fiducia hypocitarum (*Job viii.*). Moxque eundem prosecutus quem inceptum

Baldad interruperat sermonem, recurrens ad verba Eliphas, et per disjunctionem interpositam hoc modo continuans: « Vere scio quod ita sit, » subaudi et Baldad dicit, « et quod non justificetur homo compositus Deo, » subaudi sicut Eliphaz superius dixit. Dixerat enim: « Nunquid justificari potest homo compositus Deo? (Job xxv). Subaudi non. Homo quippe suppositus Deo justitiam percipit, compositus amittit. Hoc est quod ait:

Vers. 3. — « Si voluerit contendere cum eo, » id est, si voluerit gloriam suæ virtutis sibimet arrogare, et non Deo, « non poterit respondere ei unum pro mille, » id est non poterit initium bene vivendi in se ostendere dum presumat de perfectione vitæ. Unum enim pro bene vivendi initio, millenarius pro perfectione vitæ ponitur hoc loco. Nam quomodo dearius per semetipsum ductus in millenarium tenditur (decies enim decies mille sunt), sic monas multiplicando in denarium ducitur, hoc modo: Semel decem, semel decem sunt. Hic ergo per unum bene vivendi initium, per mille perfectio designatur. Ac si aperte dicat: Si perfectionem sibi arrogat, nec initium bene vivendi habet. Et ne quis facile putet esse cum Deo inire contentionem,

Vers. 4. — « Sapiens, inquit, corde est, » scilicet quia occulta nostra subtiliter agnoscit; « et fortis robore, » videlicet quia valenter cognita percutit. Et hoc probat ab effectis. « Quis, inquit, restitit ei et pacem habuit? » Videlicet nec angelicus spiritus, qui resistendo cadens impacatus et inquietus factus est ipse sibi, nec primus humani generis parens, qui mox ut præcepto restitit, primus contumeliosam in carnis pugnam sensit.

Vers. 5. — « Qui transtulit montes, » Hoc ad illud respicit quod superius Eliphaz adversus eum dixerat. « Ecce qui serviunt ei non sunt stabiles (Job iv), » etc. Non quia contra ipsum hoc ille de superbientibus angelis dixerat, mira Dei cum beato viro agitur gratia, ut virtute propheticæ spiritus remunera ea patientia, simile aliud futurum prævideat de humana superbia, id est de gente Israelitica, quia quod in illa gente Deus superbam reperit incredulitatem, simile est ei quod in angelis suis, ut sit Eliphaz, repererit pravitatem. Hinc est quod ait: « Qui transtulit montes, » id est apostolos, scilicet a Iudeis ad gentes, « et nescierunt hi, » subaudi Iudei « quos subvertit in furore suo, » subaudi quantum lumen amitterent interior vel quod expellente apostolos ipsi a gratia Dei subverterentur.

Vers. 6. — « Qui commovet, » subaudi per Tulum et Vespasianum, « terram, » scilicet Judæam, « de loco suo, » videlicet subversa civitate et templo, « et columnæ ejus, » id est sacerdotes, principes, legis doctores atque Pharisei, « concutientur concutiuntur, » id est in illa terra habitare non permittenter.

Vers. 7. — « Qui præcipit soli, » id est prædicant-

A tium vitæ fulgenti « et non oritur, » scilicet Iudeis a quibus animum prædicantium Deus avertit. « Et stellas, » id est eosdem prædicatores, noctem vitæ præsentis doctrinæ claritate illustrantes, « claudit, » id est amovet ab illis, « quasi sub signaculo, » id est ita ut iterum ad eos quandoque mittantur, sicut aliquid idcirco sub sigillo claudimus, ut hoc, cum tempus congruit, ad medium proferamus.

Vers. 8. — « Qui extendit, » id est, in cunctarum gentium cognitionem dilatat, « celos solus, » id est apostolos a Iudeis expulsos, de quibus dictum est: « Cœli enarrant gloriam Dei (Psal. xviii), » — « et graditur, » scilicet per eosdem apostolos miraculorum operatione, « super fluctus maris, » id est super elationes persécutionis, quas mundus extulit, scilicet ipse sublevata prædicantium virtutem mirabiliter stravit.

Vers. 9. — « Qui, » subaudi hoc modo vel ordine, « facit arcturum, » id est sanctam Ecclesiam, quæ, sicut arcturus, septem stellis tota nocte versatur, et non occidit, imo versando erigitur, ita quodammodo septiformi Spiritu disposita cunctis tribulationibus fatigata non deficit, sed potius adversis reficitur et convalescit; « et oriona, » id est sanctos martyres. Oriona quippe in ipso pondere temporis hiemalis oriuntur, et ortu suo tempestates excitant. Sic martyres persecutionis molestias passuri ad cœli faciem quasi in hieme venerunt, et ipsis fideli testimonium perhibentibus, frigida mens in fidelium tempestatem persecutionis excitavit (9). « Et hyadas, » id est sanctos doctores, qui dum subductis martyribus fide Christi clarus lucente, ad mundi notitiam venerunt, quasi verbo tempore hyades post oriona ad cœli faciem prodierunt, « et secundum nomen hyadum (dicuntur enim hyades a Græco ὑάδες, quod latine dicitur pluvia, quia ortæ procul dubio imbres ferunt) secundum nomen, inquam, hyadum super arenem terram humani pectoris sanctæ prædicationis imbrem fuderunt (10). « Et interiora austri, id est occultos ordines angelorum, in quibus est quasi calor austri, id est plenus amor Spiritus sancti; angelorum, inquam, ordines, quos per interiora austri significans, ideo post oriona et hyadas posuit, quia supradictis martyribus atque doctoribus Deus angelorum cohabitationem præparavit.

Vers. 10. — « Qui, » subaudi Deus, præter hæc quæ dicta sunt, « facit magna et inscrutabilia, quorum non est numerus. » « Magna, » scilicet virtute, et inscrutabilia ratione, innumerabilia multiplicitate. Hic tantus ac talis, heu!

Vers. 11. — « Si venerit ad me, » videlicet alicuius doni largitione, « non videbo eum, » id est ignorabudo dantis judicium, videlicet utrum sit remuneratio, an ad meliora provectio, id est utrum desertum hic remuneret, an in via nutriat ut ad patriam perducat. « Et si abierit, » id est si tentari me permise-

(10) Ibid.

(9) D. Gregor. Moral lib. ix, cap. 11.

rit, « non intelligam, » scilicet utrum ad probatio-  
rem fiat, an ad damnationem. « Non intelligam, »  
inquam, quia postquam semel sponte perdidit men-  
tis oculos, quasi nec ortum jam nec occasum solis  
agnoscet.

VERS. 12. — « Si repente interroget, » videlicet  
ad suum examen inopinatos vocando, vel duris per-  
cussionibus pulsando, « quis respondebit ei » subaudi  
de suis confidens meritis; « vel quis dicere potest ei :  
Cur ita facis? » subaudi nemo. Nam, « o homo, » in-  
quit Apostolus, « tu quis es qui respondeas Deo? nun-  
quid potest dicere [nunquid dicit] signum ei qui  
se fixit: Quare me fecisti sic? » (Rom. ix.)

VERS. 13. — « Deus » subaudi sic sapiens corde,  
et sic fortis robore est « cuius resistere iræ nemo  
potest, » videlicet nisi ab ipso accipiat, quemadmo-  
dum Moses, cui dicebat ipse: « Dimitte me ut ira-  
scatur furor meus contra eos» (Exod. xxxii), quod  
dicendo, qui utique, si nollet, teneri non poterat, de-  
precandi magis ausum præbebat. Ceterum invito eo  
iræ ejus verbi gratia, dum eamdem gentem Judai-  
cam abjecere vult, « nemo resistere potest, sub  
quo curvantur, » id est econtra dum Judæi abje-  
ciuntur, ad fidem ejus inclinantr « qui portant or-  
bem, » id est reges quoque gentium. Portant enim  
qui regunt orbem. Unde et dicuntur Græce *basiæ*,  
id est bases populi. *Basiæ* quippe componitur  
ex Latino basi et Græco λαός, quod Latine dicitur  
*populus*. Vel ita, « qui portant orbem, » id est an-  
gelici spiritus, qui cum omnibus administratori spí-  
ritus sint (Hebr. ii), bene portare orbem dicuntur,  
sub illo curvantur, id est fortitudini ejus tremen-  
tes inclinantr.

VERS. 14. — « Quantas ergo ego sum, » subaudi,  
qui pondere corruptionis angustor « ut respondeam  
ei, » videlicet quem angelica quoque, ut dictum est,  
creatura tremit, vel considerare non sufficit, « et lo-  
quar verbis meis, » 445 subaudi multum in compa-  
ratione sapientiae ejus infantilibus, cum eo, subaudi  
de judiciis ejus disputando?

VERS. 15. — « Qui si habuero gridpiam justum,  
non respondebo ei, » subaudi si districte judicare  
velit, « sed meum judicem deprecabor, » videlicet  
quia imperfecta et timida hominis justitia est, et  
ideo prece indiget.

VERS. 16. — « Et cum invocantem me exaudierit, »  
quod videlicet agnoscitur interdum per hoc, quod  
infusione amoris sui attentius oranti gratiam suam  
ostendit, « non credo, » id est, non secure confide  
« quod audierit vocem meam, » videlicet repentina  
tentatione animam, que ad Deum erecta fuerat,  
percutiente, juxta illud Psalmistæ: « Ascendunt usque ad celos, et descendunt usque ad abyssos  
(Psal. cvi, xxvi). »

VERS. 17. — « In turbione enim, » id est, in ele-  
mentorum commotione, scilicet quando manifeste  
veniet, « conteret me, » videlicet, nisi me conteri nunc  
metuam sollicite: « Et multiplicavit (al. multipli-  
cat) vulnera mea, etiam sine causa. » Ac si dicat:

A Et ex eo quoque colligitur, quam terribilis est, quod  
multiplicavit vulnera mea, id est, damnationem hu-  
mani generis, « sine causa; » quod maxime in parvulis  
mirum, non tamen injustum est, qui « sine causa, »  
scilicet actualis peccati, pro solo originali peccato  
detruduntur apud inferos. Quod tamen in beato Job  
specialiter accipi potest, eo modo quo et Dominus  
dixerat de illo: « Tu autem commovisti me ad-  
versus eum, ut affligerem eum frustra (Job ii). »

VERS. 18. — « Non concedis requiescere spiritum  
meum, » scilicet de mala opinione sollicitum, quid  
erudiant me homines ob sclera mea percussum.  
« Et compleat me amaritudinibus, » scilicet hoc mo-  
do, dum exterius tormenta lacerant, et interioris  
tentationes turbant.

B VERS. 19. — « Si fortitudo queritur, » subaudi ad  
evadendum haec mala, « robustissimus, » id est  
omnipotens est, scilicet et ideo frustra queritur.  
« Si iniquitas [al. equitas] judicii, » subaudi queri-  
tur, videlicet, ut non sive causa multiplicet vulnera  
mea, frustra queritur et hoc, videlicet cum in ju-  
dicio soleat res testibus agi, « nemo audet pro me  
testimonium dieere. » Sed ne ego ipse causam  
meam audere justificare, quia :

C VERS. 20. — « Si justificare me voluero, os meum  
condemnabit me, » videlicet ipsa sua præsumptione  
damnabilem me ostendet esse. « Si innocentem me  
estendero, pravum me comprehabit, » videlicet  
quia, ut supra dictum est, « sapiens corde est (ver.  
4). »

VERS. 21. — « Etiam si simplex, » id est innocentis,  
« fuero, » videlicet propter illa que supra  
dicta sunt, « hoc ipsum ignoravit [al. ignorabit], »  
id est non sibi arrogavit « anima mea. » Vel certe,  
« quia nemo seit utrum amore an odio dignus sit  
(Eccl. ix, 1). » Cui sensu bene congruit quod se-  
quitur: « Tædebit me vita meæ, » subaudi pro hac  
incertitudine.

D VERS. 22. — « Unum est quod locutus sum, »  
id est summa est eorum que locutus sum. « Inno-  
centem et impium ipse consumet, » videlicet, quia  
innocens justitiae ejus comparatus, non esse inno-  
cens convincitur, et sic innocentem ipse consumit,  
impium autem poena æterna consumit. Vel certe in-  
nocentem et justum ipse consumere dicitur, quia  
quævis in mentis vita divisi sint, prime tamen  
culpæ merito æque ad earnis interitum pertrahuntur,  
et moriturque, ut ait Ecclesiastes, « doctus similiiter ut indoctus (Eccl. ii). » Quod remedium  
exoptet, indicat adjungens :

E VERS. 23. — « Si flagellat, » id est, quia flagello  
vindice pro culpa alteritur vita nostra, « occidat so-  
mel, » id est, ille veniat, qui pro nobis semel mor-  
tificatur sine culpa, suaque simila, id est solus car-  
nis morte, duplam nostram, id est, corporis et ani-  
mæ mortem auferat. « Et non de peccatis innocentium  
rideat, » id est longa desideria justorum. Omnes  
enim desiderium cum differtur poena est, unde dicitur:

Solomon ait : « Spes quæ differtur affligit animam (Prov. xiii); » longa, inquam, desideria exspectantia Salvatorem pro peccato semel moriturum, non rideat, id est non parvipendat. Ridere namque Dei est humanæ nolle afflictioni misereri. Hoc optando dixit, et protinus ipsum ordinem passionis ejus adiungit, dicens :

Vers. 24. — « Terra, » id est, caro Christi quam de terrena materia sumpsit, « data est, » scilicet crucifignenda, « in manus impii, » id est in ministros et satellites diaboli. « Vultum judicum ejus operit, » id est mentes sacerdotum et principum, Pilati atque illudentium militum, ne auctorem suum cognoscerent, malitia nubilo diabolus velavit. « Qued si non ille, » subaudi diabolus vel judaicus populus, qui hoc egit, « est, » subaudi impius, « qui ergo est, » scilicet putandus impius ? Unde suspirans, videlicet quod ad tempus illud pervenire non mereatur, subiungit :

Vers. 25. — « Dies mei velociores fuerunt eursore. » Cursoris quippe officium est tantillum exspectare, donec videat quid nuntiet. Unde omnes electi cum ante præstolatum redemptionis tempus dies suis finiri prævident, recte subtrahi se velocius cursore dolent. Unde aperte subditur : « Fugerant, » id est, ante adventum Christi elapsi sunt, « et non viderunt bonum, » id est eundem Christum, qui cum sit Deus, summum est bonum.

Vers. 26. — « Pertransierunt, » scilicet sola spe politi, « quasi naves poma portantes, » id est sicut hi qui poma aliis deferunt, quorum ipsi solo odore perfruuntur. Sic, inquam, sola spe venturi Redemptoris dies mei potiti sunt. Vel certe sicut cum navibus poma portantur, paleis admiscentur, ut illæsa ad terram perducantur, sic in Scripturis suis frumentum spiritualem per interfusam historiæ stipulam preferunt dies electorum adventum Christi præcedentium. « Pertransierunt, » inquam, sicut aquila volans ad escam, « id est, et erecta mente Creatoris lucem contemplantes more aquilæ solis radios asperientis irreverberata acie, et incarnandum illum proposcientes, atque anhelanti spe hoc perfici exspectantes, more ejusdem aquilæ de supernis ad imam avide volantis ad escam.

Vers. 27. — « Cum dixero, » scilicet ego antiquus Dei populus; in persona namque hæc dicuntur antiquorum, qui adventum Christi præcesserunt : « Cum, » inquam, dixero : Nequaquam ita loquar, » id est, cum Christum præsentem negavero, quem præstolabor venturam « commuto faciem meam, » id est, interioris hominis aspectum ita confundo et perverto, ut jam non cognoscatur a Creatore meo, « et dolore torqueor, » id est æternæ damnationi addicor. Moraliter eadem hoc modo replicanda sunt : « Dies mei, » id est dies hominis, qui ad hoc conditus fuit, ut ad videndum lucem staret, velociores fuerunt cursore, id est, ad finem tendunt quotidie velocius cursore, videlicet quia evolvuntur absque illa intermissione, cursor autem non omnino currit

A absque illa respiratione. « Fugerunt, » scilicet a suo statu, « et non viderunt bonum, » videlicet quia gustando velutum oculos perdidit homo, quibus videre non poterat summum bonum. « Pertransierunt quasi naves poma portantes, » scilicet fructus terræ per fluctus ferentes : sic homo naturalia bona animi, quæ in paradiso conditus accepit, nunc periculose vehit inter fluctus sæculi. Et sicut in pomis est odor sine pondere, sic nobis memoria spirat boni, quod perdidimus absque fruendi virtute, « pertransierunt, » inquam, sicut aquila volans ad escam, « id est sicut aquila volans, subaudi rursum per appetitum ventris sese deorsum fundit ad escam, sic ipsa, quæ solum Deum contemplari debuerat mens, quia contra præceptum cibum contigit, nunc corporeis voluptatibus latatur.

B « Cum dixero, nequaquam ita loquar, » id est, nequaquam perscrutari tentabo cur Deus 446 qui summe bonus est, hominem, cuius dies ita, sicut dictum est, pertransituros sciebat, fecerit, « commuto faciem meam, » id est, supernæ reverentiae consideratione refreno mentem meam, « et dolore torqueor, » hoc videlicet dolens quod ad ea, quæ de me ipso sunt, intelligenda coarctor. Neque nunc primum pro eo quod sub flagello positus sum, ori meo silentium indico, sed et in omni vita mea communis humani generis damnationi propria metuens adjungere peccata.

C Vers. 28. — « Verenar omnia opera mea, » id est, ipsa etiam in me timebam bene gesta, videlicet ne forte interveniret aliqua humanæ ambitionis fraus vel desidia, quæ semper in bonis operibus studiis sunt formidanda. Verebar, inquam, « sciens quod non parcis [al., parcer] delinquenti, » videlicet quia delicta nostra sive per nostram penitentiam sive per temetipsum resecas, etiam cum relaxas. Unde et David dicenti : « Peccavi, » dictum est per prophetam, « Dominus quoque transtulit peccatum tuum (II Reg. XII), » scilicet ab æterna damnatione ad temporalis angustiæ flagellum. Hinc et ego sub occulto iudicio trepidans, dico :

D Vers. 29. — « Si autem et sic impius sum, » subaudi et tibi displicant opera mea, sicut nunc videntur hominibus per hypocrisim fuisse gesta, « quare frustra laboravi, » scilicet absque pondere præmii ? Quod a majori probat subjungendo :

E Vers. 30. — « Si lotus fuero quasi aquis nivis, » etc. Ac si aperte dicat : Vere si ita sum impius, tum frustra laboravi. Nam etiam « si fuero lotus, quasi aquis nivis, » id est, lacrymis carentibus coram te nitore vere humiliatis, vel desiderio noa terreno, sed superno perfusis, sicut nix non de terra, velut fons scaturit, sed ab aere descendit ; si, inquam, sic fuero lotus, « et fulserint, » subaudi eoram te, « velut mundissimæ, » non vere, inquam, mundissimæ, quod impossibile est, quædiu sum in hoc mortali corpore, sed « velut mundissimæ manus.

meæ, » id est, habentes pro posse aliquam imita-  
tionem perfectæ munditas :

**VERS. 31.** — « Tamen sordibus intinges me, » id est, sordibus intactum esse demonstrabis me, « et abominabuntur, » id est, abominabilem facient, « me vestimenta mea, » id est membra corruptibilia. Unde hoc sequitur :

**VERS. 32.** — « Neque enim viro qui similis mei est respondebo, » id est : Neque enim tu, cui respondere babeo, talis es sicut vir similis mei, videlicet qui benevole quidem laudat quod laudabile esse conspicit, sed nescit quid desit perfectioni. « Nec, » subaudi tu es sicut vir, « qui mecum in iudicio ex æquo possit audiri, » videlicet quia et patent tibi cuncta quæ facio, et tamen ipse nescio per quanta reprehendor. Æquum hic pro pari accipe, qualia sunt audiri et audire, videri et videre, quæ non disparantur, cum judicatur homo cum homine. De qua æquitate adhuc subditur :

**VERS. 33.** — « Non est qui utrumque valeat arguere. » Ac si dicat : Neque ego per me ex æquo possum audire, neque mediator adhuc venit, « qui utrumque, » id est, hinc Deum iudicio præsidentem, hinc hominem sub iudicio stantem, « et valeat arguere, » videlicet hoc modo quo sequitur, « et ponere manum suam in ambobus, » id est, ut et culpam hominis justitiam aspirando corripiat, et iram Dei moriendo temperet.

**VERS. 34.** — « Auferat a me virgam suam, » id est ille veniat et auferat a me legis severitatem dicentis, qui hæc vel illa fecerit, morte moriatur, « et pavor ejus, » scilicet servilis timor, « non me terreat, » videlicet consolante me spiritu adoptionis filiorum.

**VERS. 35.** — « Loquar, » subaudi haec fiducia, « et non timebo eum, » videlicet quia « perfecta charitas foras mittit timorem (Joan. iv). » « Neque enim possum metuens, » id est, « spiritum servitutis in timore (Rom. viii) » habens « respondere, » id est, factis illius digna opera repensare.

**CAP. X. VERS. 1.** — « Tædet animam meam vitæ meæ, » id est, cum sicut dictum est profecero, tunc dilectio præsentis vitæ vertitur mihi in tedium prædesiderio futuræ. Et qui me ante desendebam, tunc « dimittam adversum me eloquium meum, » id est quod erravi, accusare incipiam, et non sicut multi, qui lugenda gaudentes dicunt : sed « loquar in amaritudine animæ meæ, » id est, confitebor peccatiæ mea in tristitia poenitentiae.

**VERS. 2.** — « Dicam Deo : Noli me condemnare, » quod utique non est culpam defendere, sed confitendo veniam implorare. « Indica mihi, » subaudi tu qui me judicas, « cur me ita judices, » id est, ostende quod ad iudicium futurum per flagella secundum reddas, et non sicut impio per mala præsentia interrogare jam tormenta sequentia incipias. Vel si specialiter ad ipsum referatur, hoc querit quia, ignorat pro qua, qui simpliciter vixerat, feriatur

A culpa. Nam quia dolet in verbere, et causam verbum non valet deprehendere. Sequitur :

**VERS. 3.** — « Nunquid bonum tibi videtur, » subaudi qui summe bonus es, « si calumnieris me, » id est, conquitis circumvenias causis, « et opprimas me opus manuum tuarum, » id est, vim facias mihi tuo plasmati, videlicet quod te gratuito fecisse recordaris, « et consilium impiorum, » id est, intentionem spiritum malignorum « adjuves, » scilicet libenter suscipiendo illorum accusationes?

**B VERS. 4.** — « Nunquid oculi carni carnei sunt, » id est, nou valentes interius hominis pervidere spiritum, videlicet, ut non me aguoscas nisi alienis accusationibus publicatum? « Aut sicut videt homo, » scilicet tentando et inquirendo, « ita et tu videbis? » tu, inquam, qui me perfecte et ante tempora scisti ?

**VERS. 5.** — « Nunquid sicut dies hominis dies tui, » scilicet temporales et fugitivi, « et anni tui, » subaudi deficientes et transitorii, « sicut humana sunt tempora, » subaudi nunquam in eodem statu permanentia (Job xiv).

**VERS. 6, 7.** — « Ut queras iniquitatem meam, et peccatum meum scruteris? Et scias quia nihil impium fecerim, » id est, nescies utrum mali quid gesserim, nisi dicatur tibi, « cum sit nemo qui de manu tua possit eruere, » id est, testimonium perhibeo de homine apud te, quia scis quid sit in homine (Joan. ii). Materiam tam piaz confessionis sumpsit ex eo quod Eliphaz adversus illum dixerat : « Quanto magis hi qui habitant domos luteas, qui terrenum habent fundamentum, consumuntur velut a tinea? » (Job. iv.) Unde et subditur :

**VERS. 8.** — « Manus tuæ fecerunt me et plasma-  
verunt me. » Ac si dicat : Domus corporis lutea quidem, sed a Deo facta; fundamentum terrenum quidem, sed a Deo plasmatum. Quibus etiam verbis  
perversum Manichæi dogma destruitur, qui a Deo spiritum, a Satana vero carnem conditam asserere conatur. Misericordiae quoque judicis dignitatem sue conditionis opponit. « Cuncta quippe dixit et facta sunt (Psal. cxlviii). » Cum vero facere hominem decernit, hoc quod reverenter pensandum est, præmittit dicens : « Faciamus hominem ad imaginem et similitudinem nostram (Gen. 1). » Hoc igitur pietati opificis opponit. Ac si dicat : Cur tanta vili-  
tate despicias, quem cum tanta dignitate fecisti, quod « manus tuæ, » id est studium et consilium tuum, « fecerunt me, » videlicet non ut exteris creaturas sola iussionis voce, sed operationis dignitate, « et plasmaverunt me totum in circuitu, » subaudi cæteris animalibus elegantius? Et, cum ita fe-  
ceris, « sic repente præcipitas me, » scilicet sicut angelum, qui ex infirmitate nullam habuit occa-  
sionem peccati; et idcirco irremissibiliter præcipi-  
tari debuit?

**D VERS. 9.** — « Memento, quæso, » id est, considera-

ra infirmitatem meam, « quod sicut lutum, » subaudi sit aqua terrae se conspergente, sicut anima carnem rigante, « feceris me, et in pulverem, » videlicet materiam originis meae, per mortem « reduces me. » Et qui hoc modo quo dictum est condidisti, quo ordine infirmitatis propagasti?

Vers. 10. — Nonne sicut **4.7** lac mulsisti me, » videlicet in serpente, « et sicut caseum me coagulasti, » scilicet in carne?

Vers. 11. — « Pelle et carnis, videlicet per coagulationis incrementa, » vestisti me ossibus et nervis, » subaudi paulisper bororatis, « compiegisti me. » Et quia angusta essent haec dignationis beneficia:

Vers. 12. — « Vitam et misericordiam tribuisti mihi, » scilicet mira aspiratione non solum vivificationis quae mihi communis est cum bestiis, sed et iudice rationis. « Et rursus, quia dona tua custodia indigent, » visitatio tua custodivit spiritum meum. » Sed haec eadem, quae dicta sunt de exterioris hominis formatione, hoc modo rursus accipi possunt in interioris hominis reformatione. « Memento, queso, quod sicut lumen feceris me, » videlicet sancti Spiritus gratiam terrena menti infundendo, sicut aqua pulveri infunditur ut lumen fiat; « et in pulverem reduces me, » scilicet per subtractionem ejusdem gratiae aliquantulum in hora tentationis deserta maente. Qua temptatione concussus dona tua jam subtilius cogitans, dico: « Nonne sicut lac, » videlicet per dulcedinem sancti Spiritus, « mulsisti, » id est abstraxisti me? subaudi ab usu conversationis vetustae, « et sicut caseum me coagulasti, » videlicet ut nequaquam jam diffuerem per desideria carnis? Et ne nunquam caro submyraret (aliquando enim tentatio utilis est) « pelle et carnis vestisti me, » id est carnarium motuum obsecione vallasti me; sed ne ab illis concussus deficerem, « ossibus et nervis compiegisti me, » id est virtutibus et praecceptorum vinculis bororasti me. Et huius modo vel ordine, « vitam, » subaudi quia a peccati morte resurgerem, « et misericordiam, » videlicet in bono opere subsequenter adjuvantem, « tribuisti mihi, » scilicet quia sine te nihil facere potui, « et visitatio tua, » id est vel flagelli percussio, vel amoris tui compunction, « custodivit spiritum meum, » scilicet humanum, ne non custoditus dum perdat acceptum.

Vers. 13. — Licet haec, » subaudi opera vel beneficia tua, « celes in corde tuo, » scilicet ita ut « finem suum nesciat homo (Eccl. ix), » et sciens qualis hodie sit, ignoret qualis cras futurus sit, « tamen, » cur de me trepido, qui « scio quod universorum memineris, » id est quod universas gentes colligis? et hoc sciens cur desperem?

Vers. 14. — « Si peccavi, » id est si volens culpam feci, « et ad horam, » id est protinus « percipisti mihi, » scilicet in eo quod concessis fletibus penitentiae culpam diluisti, « cur ab iniuitate mea mundum me esse non pateris, » videlicet ut nolens

A quoque ejusdem culpe memoriam cum delectatione tolerem? Si, inquam, venia culpam abstulit, carbone et a memoria non deterret?

Vers. 15. — « Et si impius fueris, » id est si ad culpam rediero et te reliquero, « vix, » id est asterna damnatio, « est mihi. Et si justus, » id est in culpa perseverare cavens, subaudi fueris, « non levabo caput, » videlicet dum culpe resisto labore certaminis afflictis. Hoc est quod sequitur: « Saturatus afflictione et miseria, » quia videlicet cum hoste concertando vulnera doleo praeterita, timeo futura.

Vers. 16. — « Et propter superbiam, » id est ideo ne mens conscientia virtutis in superbiam se elevet, « quasi lezenam capies me, » id est sicut lezena querens escam catulis in foveam lapsa per appetitum suppositae pecudis et in caveam recepta, vectibusque circumsepta levatur, ita propter cibum vetatum in hac mortalitatis foveam dejectum hominem, misericordiae subsidiis ad superna unde corrigit sublevabitis. Sed et quotidie « propter superbiam, » quis « quasi lezena » capit per vitium elationis in foveam concupiscentiae dispensatione divina ruere permisus, infirmitate sua cognita, tandem superna miseratione ad veniam reducitur. Unde et apte subditur: « Reversusque mirabiliter me crucias, » id est, qui relinquendo me insensibiliter reddideras, « reversus, » scilicet tangendo cor meum, et quam sim lugendum demonstrans, « mirabiliter » per lacrymas et gemitus « me crucias. » C — « Mirabiliter, » inquam, non penaliter, quia videlicet mens in fletibus compunctionis suae poenam gaudens miratur. Et ne per otium remissa mens torqueat, imo nigredinem suam in se erubescat.

Vers. 17. — « Instauras, » id est multiplicas testes tuos, » id est electos pro veritate passos, « contra me, » ut videlicet eorum exemplis protocler viriliter agere. « Contra me, » inquam, quia cuncta quae agunt illi vel egerunt, pravitati nostrae adversa sunt, sicut et ipse tuus sermo, de quo dicas mihi: « Esto consentiens adversario tuo (Matth. v). » — « Et multiplicas, » subaudi per illos quos cum ames sic mirabiliter crucias, « multiplicas, » inquam, id est multiplicem esse ostendis « iram tuam, » videlicet, dum argumentamur quod multiplici distinctione vel judicio percutias pravorum duritiam, qui levem illorum sic punis offensam, vel exerces constantiam. « Et posse, » id est afflictiones ponit, « militant in me, » videlicet exagistate ex illorum consideratione. Tandem redditia ratione cur vel quomodo superius dixerit, « quare non in vulva mortuus sum (Job iii), » nunc quasi per complexionem hoc ipsum repetit, dicens:

Vers. 18. — « Quare de vulva, » videlicet in qua conceptus sum, id est de paradiiso in quo plasmatus sum, « eduxisti me? » — « Qui, » videlicet quoniam juste educendus eram, « utinam consumptus, » id est in humilitate absconditus essem, ne oculus meo videret, « subaudi diaboli, id est ne sentiret me per-

mentis elationem in præcipitem posse abduci transgressionem. Si ita consumptus essem,

VERS. 19. — « Fuisse quasi non essem, » videat quia a diabolo inventus non essem, « de utero, » id est de paradiso absque morte carnis « translatus ad tumulum, » id est ad quietam cohabitationem angelorum.

VERS. 20. — « Nunquid non, » subaudi inde est hoc quod, « paucitas dierum meorum finietur brevi, » videlicet cum ita conditus fuerim, ut possem esse vita interminabilis. « Dimitte ergo me, » id est sensum doloris noli tollere, vel culpas meas oculis meis objiciendo adjuva, « ut plangam paululum dolorem meum, » videlicet quia nisi a reatu culpe misericorditer me dimittas hoc modo, exire ad penitentiam non valeo, ligatus consuetudine conscientiae sepulcro. Ut plangam, inquam,

VERS. 21. — « Antequam vadam, » subaudi illuc ubi fructuosus planctus non est, « et non revertar, » videlicet quia nequaquam ultra misericordia parentis liberat, quo semel in locis penalibus justitia judicantis damnat. « Antequam vadam, » inquam : Quo? « Ad terram tenebrosam, » id est ad infernum, qui non immerito terra dicitur, quia quicunque ab eo capti fuerint stabiliter tenentur. « Tenebrosam, » dico, et opertam mortis caligine, « id est dannatos disjungentem a vera luce perenuis vita.

VERS. 22. — « Terram miseræ, » id est doloris, « et tenebrarum, » id est æternæ cæcitatris, « ubi umbra mortis, » id est obscuritas separationis a Deo sine quo anima non vivit; « et nullus ordo, » subaudi ibi est, non quod datum quemque non juxta modum criminis retributio sequatur ultionis, sed quia nec flamma lucet ibi sicut hic, nec praesente dolore abest timor, sed timor in dolore, et dolor est eum timore. Unde et subditur : « Et [al. Sed. semipernus horror inhabitat, » videlicet quia traditi ignibus, et in suppliciis dolorem sentiunt, et in dolore semper diro pavore seruntur.

CAP. XI, VERS. 1. — Beato Job in hominum angelorumque spectaculum tanquam fortis athlete prodeunti, ubi primum Eliphaz, secundo Baklad indissenso robore repugnavit, ad extremum Sophar Naamathites sese opponit, cuius responsio 448 a contumeliis inchoatur, cum ait :

VERS. 2. — « Nunquid qui multa loquitur non et ipse audiet? » Qui mos procacium esse solet, ut recte dictis semper e diverso respondeant. « Nunquid, ait, qui multa loquitur, » id est qui nimis loquax est, subaudi ut tu (sapientia quippe ab ore justorum superfluam sonat loquacitatem in auribus stultorum), « non et ipse audiet, » subaudi responsum juxta stultitiam suam, ne sibi sapiens videatur? (Prov. xxvi.) — « Aut vir verbosus justificabitur? » Subaudi, non; sed e contrario, cultus justitiae silentium. Sed veræ sententiae jaculum virus perdit, imo retusum resilit, quia forte est quod ferit [al. videt], dum boni viri rectitudinem impedit; et

A more pravorum omnium, qui audire bona patienter nequeant, ad respondendum se accingens.

VERS. 3. — « Tibi soli, » inquit, id est propter te solum, « tacebunt homines, » scilicet nos, et plures et sapientes; « et cum cæteros irriseris, » id est nimia verborum fatigaveris, « a nullo confutaberis, id est longe minus quam tibi videtur sapiens esse convinceris? Subaudi nequaquam ita fiet, quia confutandus es.

VERS. 4. — « Dixisti enim : Purus est sermo meus, et mundus sum in conspectu ejus. » Habet hoc pravorum malitia proprium, ut eo se criminosos non æstiment, si crimina fingant de innocentia honorum, sicut hoc voci beati Job falso impingitur, quod supra dixisse nusquam legitur. Quos et in hoc B Sophar exprimit, quod cum ironica concessione verbotenus bona præoptans, ait :

VERS. 5. — « Atque utinam Deus loqueretur tecum, » id est utinam non tu ipse loquereris inflatus sensu carnis tuæ, sed Deus loqueretur in te, « et aperiret labia sua tibi, » id est nota faceret iudicia sua tibi, quorum effectu Dei voluntas innescit, sicut animus hominis apertis per sermonem exprimitur labiis.

VERS. 6. — « Et ostenderet tibi secreta sua, » videlicet illa de quibus ait : « O altitudo divitiarum sapientiae et scientiae Dei, quam incomprehensibilia sunt iudicia ejus, et investigabiles viæ ejus! » (Rom. xi.) Qui etiam eorumdem secretorum scientia se super amicum pollere ostentans, protinus addit : « Ea quod multiplex sit lex ejus. » Vere enim multiplex est lex Dei, id est charitas, quæ plenitudo legis est (Rom. xiii), « quæ ideo vere multiplex dicitur, quia studiosa sollicitudine ad cuncta virtutum facta expanditur, sicut una radix in multis ramos dilatatur. Hoc, inquam, utinam tibi ostenderet, et intellegeres, » subaudi hoc modo, « quod multo minora exigaris, a Deo, » id est minus vapules quam mereatur iniquitas tua. Jam hoc dictum a magna iniquitate non vacat, quo virum justum usque ad objectionem iniquitatis increpat, et tanquam turbidus lignorum cæsor, dum incaute vibrat securim, ferro labente de manubrio acriter amicum percutit. Et adhuc ironice adjungit :

D VERS. 7. — « Forsitan vestigia Dei comprehendes, » id est unde, quo, quibusve modis Spiritus ejus dona venient : scies quoties vocem ejus audieris; et usque ad perfectum omnipotentem reperies, « quem videlicet nec angelica nec humana mens, quantumvis dilatata, comprehendere sufficit.

VERS. 8. — « Excelsior cœlo est. » Et in hoc magna est injuria, quod supradictam propositionem ironicam tanquam beatus Job concebat, id est vere Omnipotentem reperire, et usque ad perfectum vestigia ejus comprehendere se posse confidat, repugnantiam multitudine destruit, dicens : « Excelsior cœlo est, » etc., in quibus argumenta ejus sic colliguntur. Tu per angustiam sensus tui, utpote cum sis homo, altitudinem cœli, cursumque vel loca stet-

lurum facturi vel attingere non potes. At ille « ex- A celsior celo est, » non tantum coeli fabrica, dico, quam sicut altissima sapientia stabilivit, ita circumscriptio sui spiritus transcendent; sed his qui in celo sunt electis spiritibus excelsior est, quia vide- licet visionem tanta celitudinis perfecte non pene- trant. Ergo, « et quid facies, » subaudi ut illum comprehendas? Item tu profunditatem inferni non pervides. At ille « profundior inferno » est, non tan- tum loco illo tenebroso et paenali, quem transcen- dendo subvehit, sed et eunctis qui in inferno sunt malignis spiritibus, quorum astutias longe subtilius, quam ipsi putaverant judicans damnat. Ergo, « et unde cognosces, » subaudi tam profundum sensum Domini? Item : Tu terra longitudinem nescis, nisi forte de geometricis praesumas conjecturis, et maris B latitudinem non potes metiri. At ille

Vers. 9. — « Longior est terra, et latior mari, » ton solum quia sub potentiae sua præsentia coagulando circumdat haec elementa, sed quia longan- imitatem justorum omnium qui in terra sunt, et fa- cia peccantium qui per mare significari possunt, et investigat, et pro meritis damnat aut remunerat. Ergo, « et quid facies? » Vel moraliter ita : « Ex- celsior celo est, » id est quovis homine justo, cuius conversatio in ecclesia est (*Philip. 3:11*), quem sua magnitudine vincit. « Profundior inferno » est, id est homine peccatore concupiscentiarum suarum taligine perturbato, quem investigat et judicat plus quam se ipse homo investigare possit; « longior terra » est, id est homine fixo et fructuante in libertate spei, qui fructus quos retribuet nequaquam duse ipsa spes nostra comprehendit; « latior mari » est, id est homine qui adhuc fluctuat et aura ause mutabilitatis agitatur, quem consolatur et instruit majori quam putat ipse latitudine charitatis. Dixi qui de tua solius subversione murmuras, et tantam majestatem te comprehendisse putans præ- faire audes quid tibi dobeat, et quid non debeat. Die, inquam,

Vers. 10. — « Si subverterit omnia, vel in unum coactaverit, » videlicet ita ut cœlum ruat et terra dehiscat, itemque cœlum et elementa cætera in unum antiquum chaos coactentur, aut ita ut is qui per celestem conversationem, cœlum erat, repente tenebris temptationis possessus, infernus fiat. « Si, » inquam, « sic vel sic subverterit omnia aut in unum coactaverit, quis, » scilicet fortior, « contradicet ei, » vel quis videlicet sapientior dicere ei potest cur ita facis? subaudi nemo.

Vers. 11. — « Ipse enim, » subaudi solus « novit hominum vanitates, » id est vanas comprehendit et prevenit cogitationes, unde et nemo ei resistere posset. Et videns iniquitatem, « quod peius est, a vanitate enim deceptus animus ad iniquitatem labitur, » nonne considerat, id est, juste et competenti tem- pore judicat? Ita plane : Tunc scilicet quando.

Vers. 12. — « Vir vanus, » videlicet a vanitate

A ad iniquitatem lapsus, idem adhuc etiam ab iniqui- tate « in superbiam erigitur, et quasi pollum ona- gri, » id est quodlibet agreste animal quod nullius possessione tenetur, « liberum se, » subaudi a lege vel imperio Creatoris, « natum putat. » Quod pec- catum jam diabolicum est, et veniam non meretur. Hoc universaliter propter ipsum proposuit; quod sine dubio concedendum, quia verum est; nunc do ipso particulariter assumit, non solum false, sed et nimis, injuriese.

Vers. 13. — « Tu autem firmasti, » id est obdu- rasti, « cor tuum, et expandisti, » id est in super- biam extulisti, « ad Deum manus tuas, » id est opera tua, videlicet quia dona Dei tibi arrogasti.

Vers. 14. — « Si iniquitatem, » etc. Ac si aperto concludens dicat : Ergo, o homo, judicium quod pateris non aliter effugies nisi ita. « Si iniqui- tatem quae est in manu tua, » id est, culpam quae in aperto est opere, « abstuleris a te, et non man- serit, » id est non perseveraverit, in tabernaculo tuo injustitia, « id est, in mente tua superbia.

Vers. 15. — « Tunc levare poteris » videlicet per stadium orationis, « faciem tuam absque misera, » id est, animum tuum non accusante conscientia; « et eris stabilis, » scilicet nequaquam **449** fa- ciendo quod iterum plagas, « et non timebis, » videlicet via timorem pellet conscientia stabili- tatis.

C VERS. 16. — « Miserie quoque, » id est omnium malorum vita præsentis, « oblivisceris, » subaudi præ dulcedine Dei quam prægustabis, « et quasi aquarum prætereuntium [al. quæ præterierunt], (præterit enim calamitas vita præsentis) non recordaberis, » videlicet quia nulla concessione obrueris.

D VERS. 17. — « Et quasi meridianus fulgor, » sub- audi qui cum fervore fulget, « consurget tibi, » sub- audi lucida et servida renovatio virtutis, « ad vesperum, » id est post tentationem. Vel ad vesperam, id est ad vitæ præsentis finem, « quasi meridianus fulgor, » id est externa claritas consurget tibi, juxta illud : « Timenti Deum bene erit in extremis (*Ecli. 1*). » « Et cum te consumptum putaveris, » id est cum antea pene usque desperationem incli- natus fueris, « orieris ut lucifer, » videlicet qui so- lem præcurrat, et advenientis diei præsumptius est, id est qui casurus paulo ante timebas noctem culpæ, nunc aliis annuntiabis futuræ claritatem vita, et monstrabis diem justitiae. Vel ita : « Et cum te con- sumptum putaveris, » videlicet exterioribus pressu- ris, « orieris ut lucifer, » id est foris cadens intus renovaberis.

Vers. 18. — « Et habebis fiduciam, » subaudi quod in gaudio metes, « proposita tibi spe, » vide- licet pro qua seminatur in lacrymis. « Et defossus, » id est exterior inquietatus, « securus dormies, » id est ad perpetuam securitatem pervenies. Vel ita : « Et defossus, » id est intima tua penetrans noxiæ- que cogitationes effodiens, « securus dormies, »

juxta illud : « Ego dormio, et cor meum vigilat A tempus est illorum, apud quorum cogitationes contemnuntur; tempus, inquam, illorum est, ut divites sint; sed mihi in sterquilino sedenti quae cura de hujusmodi divitiis? quas, quia falsæ erant, et ego perdidit.

Vers. 19. — « Requiesces, » subaudi, in suavitate conscientiae, « et non erit qui exterreat, » id est qui te a charitate Dei separet. « Et deprecabuntur faciem tuam plurimi, » videlicet ut pro illis apud Deum intercessor adsis. Sic haeretici seu perversi quilibet dum sancta loquuntur, in suis repente sponzionibus ostendunt quod amant, videlicet quod ideo quasi innocenter vivunt, quia videri pro hominibus intercessores volunt. Sed mox ad verba rectitudinis recurrens,

Vers. 20. — « Oculi autem, inquit, impiorum, » id est intentiones eorum, oculus enim intentionem significat, juxta illud : « Si oculus tuus fuerit simplex (Matth. vi.), » etc. « Oculi, inquam, impiorum, » id est intentiones carnalium desideriorum, « deficient, » id est cum vita terminabuntur, « et effugium peribit ab eis, » id est quo se ab ira judicis occultare valeant, non invenient. « Et spes illorum, » id est illud quod ipsi appetiverunt, « et abominatione animæ, » subaudi erit videlicet quia desideria hominum abominabitur quisque spiritualis, et arbitrabitur ut stercora (Philip. iii).

Cap. XII, Vers. 1. — Beatus Job, qui utique sanctæ Ecclesiæ membrum est, quæ elatos quoque ab estimationis suæ culmine revocat et discretionis manu ad æqualitatis compaginem reformat, videns quod amicorum mens per verba prolatæ eruditio nis intumuit, « respondens dixit :

Vers. 2. — « Ergo vos estis soli homines? » Videlicet, quoniam jam cuncti vobis viciassim, diversa licet derisione, pari tamen intentione, adversum me successistis, dum unus leoni rugienti et contrito; aut tigridi pereundi eo quod non habeat prædam; alius scirpo qui apparente sole arescit; tertius pullo onagri qui se liberum natum putat, me comparavit. « Ergo vos estis soli homines, » subaudi et non ego, « et vobiscum oritur [al. morietur] sapientia, » scilicet tanta, ut vestri comparatione sim bestia? Non ita estimare debetis. Nam :

Vers. 3. — « Et mihi est cor, » subaudi rationale, « sicut et vobis, nec inferior vestri sum, » id est non minus quam vos rationis et disciplinae perceptibilis sum.

Vers. 4, 5. — « Qui deridetur ab amico suo sicut ego, » videlicet immerito, qui rationabiliter loquens bestiis comparor, « invocabit Deum, » videlicet quia foris non habet in quo requiescat, fiducialius intus recurret ad Deum, videlicet ita ut cum sit modo. « Lampas contempta apud cogitationes divitum, » id est vera lucens scientia, sed propter vilem personam, aut temporalem miseriam despactus in cordibus superborum, testimonium ex Deo habeat, « narrata, » scilicet in oculis omnium, non ad præsens. sed « ad tempus statutum, » videlicet quando oportebit nos stare ante tribunal ejus, ut recipiat unusquisque propria corporis sui prout gessit sive bonum sive malum (II Cor. v.). Nunc autem

B tempus est illorum, apud quorum cogitationes contemnuntur; tempus, inquam, illorum est, ut divites sint; sed mihi in sterquilino sedenti quae cura de hujusmodi divitiis? quas, quia falsæ erant, et ego perdidit.

Vers. 6. — « Talibus abundant tabernacula prædonum. » Et ipsi abundantes in sæculo, de ipsis divitiis quas obtainuerunt (Psal. LXXII), « audacter provocant Deum, » videlicet superbe sapiendo et sperando in incerto divitiarum, « cum ipse dederit, id est permiserit « omnia in manibus eorum, » videlicet quia nonnunquam eis quos prædantur proficit ad purgationem, sibi autem ad ampliorem damnationem. Quod intelligi potest, et de his qui doctrinæ dona percipientes ex eisdem donis intamerunt (I Tim. vi), et magni præ ceteris videri volentes, tali superbia provocant Deum, vere prædones, quia dum loquuntur quæ non faciunt, in usum locutionis suæ verba justorum tollunt. Hæc ad tres amicos communiter dicta sunt. Nunc ad Sophar sermo convertitur, qui novissime locutus dixerat : « Excelsior caelo est, profundior inferno est, et unde cognosces? » (Job xi).

Vers. 7, 8, 9. — « Nimirum, ait, interroga jumenta, » etc. Ac si dicat : Cur cognitionem Dei quarenti mihi altitudinem caeli et profunditatem inferni objicis? Et « interroga, » id est considera, « jumenta, » videlicet quia ex operibus, quæ nobis quoque multa præsto sunt, opificem cognoscimes.

C Vel ita : « Interroga jumenta, » id est sensibilires, « et docebunt te. Volatilia caeli, » id est sublimia sapientes, « et indicabunt tibi. Loquere terræ, » id est terrena sapientibus, « et respondebunt tibi, et narrabunt pisces maris, » id est curiosi hujus sæculi docebunt, inquam, hæc diversitates hominum, « et indicabunt tibi, respondebunt et narrabunt tibi, » videlicet aliquam laudem vel confessionem de majestate Creatoris, quia « unusquisque in sensu abundat (Rom. xiv), » licet altitudinem caeli non ascenderint, neque profunditatem inferni penetraverint quam tu objicis. « Quis ignorat quod omnia hæc manus Domini fecerit, » subaudi et idecirce ex his debeat agnoscere? Tam juxta litteram quam juxta moralitatem, hæc possunt utiliter accipi, quia D omnis respecta creatura quasi dat vocem proprie attestationis ipsam quam habet speciem suam. Ex his, inquam, debet agnoscere ipse :

Vers. 10. — « In cujus manu, » id est potestate, « est anima omnis viventis, » subaudi sive ad dannum sive ad auferendum, « et spiritus universæ carnis hominis, » id est spiritualis intelligentia, qua vivificare potest animas in carne commorantes ex gentibus universis.

Vers. 11. — « Nonne auris verba dijudicat, et fauces comedentis saporem? » Ac si dicat : Quid mirum si non omnes æqualiter intelligentiam accipiunt? Nonne et quinque sensus corporis de uno cerebro prodeunt, et tamen dispares sunt? Nonne auris verba tantummodo dijudicat, solummodo se-

nitum patiens, et fauces comedentis etiam agendo, id est salivam cibis admiscendo saporem dijudicant. Sic non in omnibus, sed tantum

Vers. 12. — « In antiquis est sapientia, et in molto tempore prudentia, » id est hi qui jam in usu honorum operum exercitati sunt, verba Dei non solum audiunt, sed et per intelligentiam gustant et sapiunt, tantumque ab intellectus eorum prudentia differt auditor piger, quantum **450** ab auditu fau-ces quæ saporem dijudicant. In quo amicorum quoque imperitiam [om. fort., redarguit], quibus ipsa doctrina verba quæ proferunt, per arrogantiam non sapiunt. Qui et verba Sophar quæ imperite protalit, ad usum rectitudinis pertrahit cum subjungi:

Vers. 13. — « Apud ipsum est sapientia et fortitudo. » Ac si dicat: De fortitudine Dei multa dixisti, sed de sapientia ejus, quæ sese revelat parvulis (*Neuh. xi.*), tacuisti. Sed apud ipsum non sola est fortitudo, sed et sapientia. Et primum sapientia, deinde fortitudo, videlicet quia prius per incarnationem veniens sapientia, id est Verbum Dei, sese revelat parvulis, deinde fortitudo contra superbos per judicium sese exerit. « Ipse habet consilium, » scilicet disponendo sua, « et intelligentiam, » cognoscendo nostra. De fortitudine, inquam, Domini multa dixisti, quod verum est. « Si subverterit omnia, vel in unum coarctaverit, quis contradicet ei? » (*Job xi.*) Et ego sic dico, sic sentio.

Vers. 14. — « Si destruxerit, » id est hominem reliquerit, « nemo est qui sedificet, » id est replete, juxta illud: « Nisi Dominus sedificaverit domum, in vanum laborant qui sedificant eam (*Psalm. cxxvi.*). » « Si incluserit, » id est si aperire noluerit ei qui se misera consuetudine involvit, « nemo est qui aperiatur, » videlicet ut per penitentiam effugium inventat. Sic inquam, de fortitudine quod dixisti sentio, sed de sapientia, de qua tacuisti, adjicio:

Vers. 15, 16. — « Si continuerit aquas, » scilicet sapientia sua: omnia siccabuntur, » videlicet quia nemo nisi illo dante aqua sapientiae salutaris potabit (*Ecclesiasticus. xv.*). « Si emiserit eas, » subaudi per septem sancti Spiritus derivationes, « subvertent terram, » id est humanæ mentis terrenitatem, et quod mirabile est, ubi terra erat, ibi celos appa-re facient, qui gloriam Dei enarrant (*Psalm. xxviii.*), ut sit unde cognoscatur, qui dixisti, unde cognosces? » (*Job xi.*) Nunc quasi per complexio-nem repetit quod proposuerat: « Apud ipsum est fortitudo et sapientia, » scilicet hic praeposteratum est, quia supra dixerat: « Apud ipsum est sapientia et fortitudo, » nunc ait, « fortitudo et sapientia, » vi-delicet quia supra innuit, quod ea quæ prius docuit post exiget in fortitudine judicii. Hic demonstrat quod prius reprobos destruet in fortitudine judicii, et post electis plenitudinem sapientiae perficiet in tunc sua visionis. Quod nunc latius de utroque, id est de fortitudine et sapientia disserit. « Ipse novit, » id est deprehendit, « decipientem, » et tamen deci-

A pere permittit, juste, ut semper de malo proruat in pejus, juxta illud: « Qui nocet, noceat adhuc (*Apoc. xxii.*, 11). » « Et eum qui decipitur, » scilicet novit, et tamen decipi permittit, nihilominus juste, ut quia a sepe faciunt mala quæ sciunt, cadant etiam in mala quæ nesciunt. De fortitudine simul et sapientia dicturus, premisit a sapientia incipiens, causa exer-cenda fortitudinis, quæ hoc modo cum eadem sa-pientia exeritur.

Vers. 17. — « Adducit consiliarios, » id est præ-dicatores illos qui iudeo consilia vite praedican, ut temporalia lucra consequantur, « in stultum finem, » id est in eum finem ad quem stulti deveient; « et judices, » scilicet non recte vel ante tempus jadi-cantes, « in stuporem, » id est in mentis confusio-nem. Et in hoc amicos suos percudit, ut per arro-gantiam doctrinæ consilia fundantes, et percussum incaute judicantes.

Vers. 18. — « Balteum regum, » id est castitatem illorum qui seipsos regere sciebant, « dissolvit, » videlicet propter superbiam quæ spiritum illorum erexit, « et præcinctus fure, » id est carnalis peccati delectatione, « renes eorum, » scilicet ut luxuria dominetur in renibus eorum.

Vers. 19. — « Dicit sacerdotes, » scilicet eos qui sacerdotio indigni sunt, « inglorios, » juxta illud: « Qui autem contemnunt me erunt ignobiles (*1 Reg. xi.*), » videlicet ut de subditorum salute quam non quæsierunt, nulla habeant gloriam ante Deum, « et optimates supplantat, » videlicet ut pro æterna gloria de principatu temporaliter gratulentur.

Vers. 20. — « Commutans labium veracium, » videlicet ne loqui audeant verum quod non operentur. « Et doctrinam senum auferens. » Quod aperi-tius de Judeis valet intelligi, quorum labium com-mutatum est, quia quem venturum dixerant, nega-verunt præsentem, et doctrina eorum quasi senum ablata, et juvenilæ Ecclesie de gentibus tradita est. Quæ et dicit: « Super senes intellexi (*Psalm. cxviii.*). » Et hoc modo:

Vers. 21. — « Effundet despectionem super prin-cipes, » id est Judæos qui principari videbantur, despicabiles faciet et « eos, » subaudi gentiles, « qui oppresi fuerant, » id est in infidelitate jacuerant, « relevans, » scilicet in veram fidei libertatem.

Vers. 22. — « Qui revelat, » subaudi eisdem genti-bus, « profunda, » subaudi mysteria, « de tenebris, » id est de occultis prophetarum verbis, « et producit in lucem, » videlicet per allegoricum sensum, « um-bram mortis, » id est legem quæ peccantes sancie-bat morte corporis puniri. Sed et in omni gente vel ordine quotidie « effundit despectionem super prin-cipes, » id est despicabiles facit superbos et humiliat de sua virtute præsumentes, et « eos qui oppressi fuerant, » scilicet a vitiis, elevat scilicet in virtuti-bus cum fuerint peccatis suis humiliati. Quod hoc modo « revelat profunda de tenebris, » id est oper-tam sententiam indicat ex occultis suis consiliis. Et perducit in lucem umbram mortis, id est pravam

operationem, quæ imitatione agitur antiqui hostis, de qua scriptum est: « Nomen illi mors (Apoc. vi). » Hanc, inquam, umbram mortis producit in lucem, id est peccatori antea non videnti, ut evadat, facit conspicabilem. Sequitur de eadem fortitudine et sapientia:

VERS. 23. — « Qui multiplicat gentes, » subaudi quotidie nascentes, « et perdit eas, » videlicet quotidie morientes, « et subversas, » scilicet per mortem, « in integrum restituet, » videlicet quia mortui resurgent. Vel ita: « Et perdit eas, » videlicet quia nunc in infidelitate relinquit, « et restituet, » id est quandoque statum fidei reducit.

VERS. 24. — « Qui immutat cor principum populi terræ, » id est scribarum et Phariseorum, id est corda sumorum sacerdotum gentis Iudaicæ, « et decipit, » id est decipi sinit eos, justæ, « ut frustra incedant per invia, id est ut frustra moliantur extinguere nomen Christi, ad quod pergendum nulla patet via. Ideo dixit, « per invia. »

VERS. 25. — « Palpabunt quasi in tenebris, et non in luce, » id est tentabunt Christum et errabunt, quasi sint in tenebris ignorantiae, « et non in luce, » subaudi scripturæ propheticæ, et præsentium miraculorum ejus, per quæ poterant credere, « et errare eos faciet, » videlicet, non admirantes mortuos suscitantem, nunc despicientes quem conspiciebant mortalem.

CAP. XIII, VERS. 1. — « Ecce omnia, hæc » scilicet, de sapientia et fortitudine ejus, « vidit oculus tuus, » scilicet interior prophetico spiritu, « et audiuit, auris mea, » scilicet intus ex voce divina, « et intellexi singula, » videlicet quo ordine vel sine semper sint agenda. Qui autem non intelligit quod videt, sicut Pharaon somnum (Gen. xl), vel sicut Balthasar scribentis manus articulum, propheta non est (Dan. v). Hactenus ab eo loco quo ait nimirum: « interroga jumenta (Job xii), » dictis Sophar respondit; tunc tribus pariter amicis, quia cunctos audierat, hoc modo respondet:

VERS. 2. — « Secundum scientiam vestram, » subaudi quam vicissim ostendistis, « et ego novi, nec inferior vestri sum. » Nisi humilitate se depremeret, poterat dixisse superior vobis sum, utpote quos transibat prophetæ spiritu. « Et ego, inquam, novi, » subaudi, quia apud ipsum est fortitudo et sapientia.

VERS. 3. — « Sed tamen ad Omnipotentem loquar, videlicet quia charitas foras mittit **451** timorem illius magnæ fortitudinis. Tali fultus præsidio « disputare cum Deo cupio, » videlicet quia fiduciam dat ipse, qui loquitur per prophetam, « venite et disputemus (Isa. 1). » Hoc postmodum facturus est, ubi dicet, « responde mihi, quantas habeo iniquitates, » etc. Prius, subaudi, quam cum Deo disputem [arguite me].

VERS. 4, 5. — « Vos ostendens, » scilicet esse « fabricatores mendacij, et cultores perversorum dogmatum, » videlicet quia vera dicenti contradic-

entes, libenter ac studiose perversa configitis. Quibus verbis aperte ostendit quod ex haëreticorum specie suis adversentur judiciis. Atque utinam tacretis, ut putaremini esse sapientes. « Statutus enim si tacuerit, inquit Salomon, sapiens putabitur (Prov. xviii). »

VERS. 6. — « Audite correptiones meas, scilicet prædictas et judicium labiorum meorum, » subaudi quod dicturus sum, « attendite, » id est attente audite.

VERS. 7. — « Nunquid Deus » subaudi apud quem fortitudo et sapientia sibi sufficiens est, « indiget vestro mendacio, » id est vestra adulazione, « ut pro illo loquamini dolos, » scilicet falso me criminate!

VERS. 8. — « Nunquid faciem, » id est auctoritatem ejus, « accipitis, » videlicet quasi vos ita ut ille irreprehensibilis sitis, « et pro Deo, » id est sicut Deus, qui alienus a peccato est, « judicare uitimini, » videbet, absque respectu communis infirmitatis?

VERS. 9. — « Aut placebit ei, » subaudi præsumptio talis, quem celare nil potest, « subaudi quæ mente quis judicet, vel qua culpa judicantem quoque redarguat? » Aut decipietur ut homo, « scilicet quædam vobis consentiat, et judicium suum vestro sensu super me disponat? » Decipietur, inquam, vestris fraudulentiis ut homo, « subaudi decipitur ab adulatoriis suis? » Non ita, sed

VERS. 10. — « Ipse vos arguet, » scilicet, dicendo: « Non estis locuti rectum coram me (Job xiii), » quoniam in abscondito, « id est in duplicitate faciem ejus accipitis, » id est auctoritatem judicandi pro illo vobis arrogatis, videlicet aliter sentientes et aliter loquentes, quod est judicare in abscondito vel duplicitate,

VERS. 11. — « Statim ut se commoverit, » id est mox ut is qui nunc tacet suam de me, ac de vobis sententiam, elocutus fuerit, « turbavit vos, » scilicet dicendo tale quid, quale est hoc contra vos: « Existimasti inique quod ero tu similis (Psal. xlix); — et terror ejus irruet super vos, » id est a somno torporis, quo vestros contra veritatem clausistis oculos, evigilare faciet vos.

VERS. 12. — « Memoria vestra, » scilicet quam terreno seusu vobis in sæculo extruitis, « comparabitur cineri, » videlicet « quem ventis a facie terre projicit (Psal. xlii), » subaudi nisi penitentiam egreditis. Hæc ita accipienda sunt, ut in persona illorum cunctis dicta credantur haëreticis. « Comparabitur, inquam, cineri memoria vestra, » subaudi quæ nunc agitatur inflante scientia, « et redigentur in lutum, » id est despectæ in putredine jacebunt, « cervices vestræ, » id est omnes gestus vel affectiones superstite vestræ.

VERS. 13. — « Tacete paulisper, » id est nocte contentiose agere, « et loquar quodcumque mihi mens suggesterit, » id est non ut vos sensu carnis, sed sensu mentis, id est virtute intellectuali.

VERS. 14. — « Quare lacero carnes meas, » — « quare, inquam, id est quid putatis, qua spe, nunquid pro humanæ laudis intentione, « lacero carnes meas, » id es-

districto: compesco carnales cogitationes? « Lacero, in quam, dentibus meis, id est interioribus sensibus mentis, ad modum ejus qui iratus cuilibet hosti indignationem animi strictis dentibus ostendit. « Quare, in quam, lacero,» id est viles habeo, « carnes meas, et animam meam,» scilicet pretiosiorem, « porto in manibus meis,» id est servo, ne propter curam carnis peccet in omnibus his quae patitur.

Vers. 15. — « Etiamsi occiderit me, » subaudi ipse qui percussori tradidit me, « in ipso sperabo, » id est diligam, cum neque stultum quid loquar contra ipsum. « Verumtamen vias meas in conspectu ejus arguam, » id est non de meis meritis resumam hanc spei mea fiduciam.

Vers. 16. — Et ipse erit Salvator meus, » videlicet, dum non in meis meritis fuero confusus. Hoc probat a remotione contrarii dicens : « Non enim veniet in conspectu ejus omnis hypocrita, » videlicet quia non arguit coram eo vias suas, sed seipsum eorum hominibus justificat.

Vers. 17. — « Audite sermonem meum » id est aper tam locutionem meam, « et ænigmata mea, » id est verba mystica virtutem intus habentia, « percipite aribus vestris, » id est audite interioris hominis.

Vers. 18. — « Si fuero judicatus, » scilicet ego talis, qui non ut hypocrita defendo, sed in conspectu ejus, « ut dixi, vias meas arguo, » scio quia justus inveniar, « non ut vos asseritis, hypocrita; » « justus, » inquam, videlicet purgata iniquitate per presens iudicium. Sed altius considerare hoc tota quæ sequitur disputatio compellit. Abhinc enim incipit disputatio, de qua paulo ante dixit, « disputare cum Deo cupio. » Quæ ergo causa propouatur discutienda querendum est, in qua justum se inveniendum esse confirmat. Non enim hoc propondere vult ad discussandum vel concludendum quod sine peccato sit; quippe qui paulo ante dixit, « vias meas in conspectu ejus arguam, » et paulo post dicturus est, « quis potest facere mundum de immundo conceptum semine (Job xiv), » et pene ubique continuet id quod et superius dixerat : « Abominabuntur me vestimenta mea (Job ix). » Quam ergo nunc inter se ac Deum causam cum tanto vigore vult proponere? Illam utique, surum deceat Deum adducere hominem secum in iudicium. In hac propositione per miram humilitatis virtutem securus quod perveniat ad victoriam iudicium ejus ait :

Vers. 19. — « Quis est qui judicetur tecum, » id est pro Deo contra me respondeat, « veniat. » — « Quare taceens consumor? » Non tacebo, audientiam postulo. Superatum te fateberis, Deus, cum hominem eliges assumere potius quam tecum in iudicium adducere.

Vers. 20. — Duo tantum ne facias mihi, » videlicet quæ mox præficiam, « et tunc a facie tua non abscondar, » id est apposita tecum disputatione non fugiam. Ac si dicat : Quoniam in hac disputatione tu idem qui adversarius es, judex mihi presides, benevolentiam praebet per hæc duo tantum quæ postulo.

A VERS. 21. — « Manum tuam, » id est fortitudinem tuam, videlicet legem in fortitudine percutierem, « longe fac a me, » videlicet, ut non multa fortitudine, vel magnitudinis tuae mole, sed sola nunc utaria ratione, et formido tua « non me terreat, » videlicet sed potius dilectio fiduciam loquendi præbeat.

Vers. 22, 23. — « Voca me et respondebo tibi, » etc. Ac si jam captata benevolentia dicat : De eo utrum peccator sim, nulla nunc quæstio; nulla inter me et te controversia est. « Voca me, » id est interroga me, « et respondebo tibi, » quantas habeo iniquitates. « Aut certe loquar, » id est interrogabo, « et tu responde mihi quantas habeo iniquitates, » videlicet quia de meis iniquitatibus idem sentio quod tu. Hanc quasi divisionem more peritissimi rhetoris faciens prudenter excipit, in quo sibi et Deo conveniat, mox dicturus in quo sit controversia. Prius notandum quia ait, « iniquitates et peccata, » quæ in usu loquendi hoc differunt, quod plus iniquitas quam peccatum sonat. Et omnis homo libere se peccatorem fatetur, iniquum vero dicere nonnunquam erubescit. Item quod ait : « Sceleræ meæ et delicta ostende mihi, » subaudi, aut ego tibi. Sceleræ namque et delicta hoc distant quod scelus magis quam delictum pondus peccati transit. Et nonnunquam scelus in opere est, delictum vero plerumque in sola cogitatione. De his, inquam, idem sentio quod tu. Illud jam dicam unde disputare cupio.

C VERS. 24. — « Cur faciem tuam abscondis? » Id est cur visionis tuae lumine me privasti, « et arbitraris, » subaudi tu tantus, me, 452 scilicet tantillum, « inimicum tuum, » at si peccavi, decet fortitudinem tuam, decet sapientiam tuam hoc quod facis.

VERS. 25. — « Contra folium quod vento rapitur, ostendis potentiam tuam, » id est contra hominem, qui in paradiſo ab arbore vetita eccecidit, id est caddendi vel transgrediendi materiam habuit, et ideo bene folium dicitur, unde et Isaia ait : « Cecidimus quasi folium universi (Isa. Lxv). » Contra hominem, inquam, qui ita temptationibus, quomodo folium vento rapitur, « ostendis potentiam tuam, » id est dignaris exercere fortitudinem tuam, « et stipulam siccam, » id est eundem hominem de terra ortem, quondam in gratia tua virentem, beatitudinis grano copiosum, nunc in peccato aridum, et immortalitatis beatitudine, tanquam grano sue viduatum, et ja centem tanquam stipulam siccam, « persequeris, » videlicet ut ignibus tradas æternis. Hanc propositionem acerrimam subjecta ratione probat, totamque argumentationem partibus quinque perficit, quæ distinguere libet, et hoc non incassum, quoniā disputationem ipse facere proposuit hoc leco, dicens : « Disputare cum Deo cupio. » Propositionem ergo subjecta ratione probat dicens :

Vers. 26. — « Scribis enim, » id est diligenter notas contra me amaritudines, « id est amaritudinum causas, scilicet peccata tanquam persecutor. Illoc est quod sequitur : « Et consumere me vis peccatio adolescentie mee. » In quo considerandum est quæ

sint gravia peccata juvenum et senum, si et illud justi sic metuant, quod in infirma aetate deliquerunt. Et hanc rationem confirmatione reborat.

**Vers. 27.** — « Posuisti, inquit, in nervo pedem meum, » id est forti sententia ligasti sensum meum propter originale peccatum, ita ut volens quoque non possim evadere hoc exsilium, « et observasti omnes semitas meas, » id est actualia quoque peccata, « et vestigia pedum meorum, » id est exempla actuum meorum, « considerasti. » Tanta intentione persequeris me talem.

**Vers. 28.** — « Qui quasi putredo consumendus, » id est carnis corruptione conterendus, « sum et quasi vestimentum quod comeditur a linea, » id est qui plerumque etiam nesciens in mente peccatis confunditor, sicut sine sonitu vestimentum a linea comeditur.

**Cap. XIV, Vers. 1.** — « Homo natus de muliere, » etc. Ab hoc loco exornationem facit, quæ quarta pars est argumentationis, in qua videlicet exornatione, tota pene consistit columna fortitudinis, id est nimis humilitatis qua Deum premit; per quam et Moses eum dicentem: « Dimitte me ut irascatur furor meus (*Ezod. xxxii*), » tenere potuit, stans in conspectu ejus in confractione cordis (*Psal. cv*). « Hominis, » inquit, subaudi quem tu persequeris, « natus de muliere. » id est de infirmitate, sive, per quam coepit initium culpæ, « brevi vivens tempore, repletur multis miseriis, » quod videlicet infelissimum est, quia et tempore angustiatur et miseriis dilatatur utpote.

**Vers. 2.** — « Qui quasi flos egreditur, » id est nitens in carne nascitur, et hujus mundi varietibus, tanquam multis aurarum injuriis, tener et frangilis exponitur, « et conteritur, » id est per mortem carnis in putredinem redigitur, et non cum longa mora, sed certatim, « fugit velut umbra, » id est frigidus a calore divini amoris instabiliter praetervolat, et donec omnino conteratur nunquam « in eodem statu permanet, » videlicet ab infanthia ad pueritiam, de pueritia in adolescentiam, et sic per singulas aetas et ad ultimum in mortem transieus.

**Vers. 3.** — « Et dignum ducis super hujuscemodi aperire oculos tuos, » id est exercere iram tuam. Hoc est quod sequitur, « et adducere eum tecum in judicium, » videlicet de eo quod sibi est impossibile?

**Vers. 4.** — Nam « quis potest facere mundum de immundo conceptum semine, nisi tu qui solus es? » subaudi per te ipsum mundus? Adhuc de brevitate vite ejus adjungit:

**Vers. 5.** — « Breves dies hominis sunt, » subaudi tu aeternus es, « numerus mensium ejus, » subaudi quantus sit, « apud te, » id est in tua potestate, « es. » Unde sequitur: « Constituisti terminos ejus, » scilicet tam vivendi quam proficiendi, « qui praeteriri non poterunt. » Statutum quippe est a te quantum temporaliter vivat, nec potest vivere ultra, licet Ezechiae quindecim ad vitam annos esse additos historia sacra referat (*IV Reg. xx*; *Isa. xxxviii*). At ille tem-

A pus quo mori merebatur, praeterire meruit per veniam, non autem terminum quem tu illi constitui, praeterire potuit per totam regni sui potentiam. Finita exornatione jam complexionem subinfert vera sapientia totius eloquentiae dominatrix:

**Vers. 6.** — « Recede » ergo, inquit, id est iram tuam amove, « ab eo, » non quidem jam ex toto, sed « paululum, » id est « ut » poenam quidem mortalitatis in corpore sustineant, sed in anima « quiescat, » videlicet a perturbatione vitiiorum, a quibus te irato nullus quiescere potest, sed traditur ignominie passionibus is cui tu propter superbiam ejus fueris irritus. « Quiescat, » inquam, subaudi interim, « donec optata, » id est ea quam ipse optat, « veniat dies ejus, sicut mercenarii, » id est quando aeternam requietum accipiet pro recompensatione laboris sui?

**Vers. 7.** — « Lignum habet spem. » Jam in fine orationis quæ flectere intendit judicium nunc in conclusione instruit misericordiam, per simile indicans quam praedictis miseriis sperat vel optet medelam. « Lignum, » inquit, id est Christus, bosorum omnium robur, in quo omnis justitia radicatur, « habet spem, » subaudi, meam in se reconditam, certam et magnam, pro qua se praecidi patietur. Nam, « si praecisum, » subaudi per passionem mortis, « fuerit, rursum virescit, » scilicet per gloriam resurrectionis, « et rami ejus pullulant, » id est fides eius multiplicantur.

**Vers. 8.** — « Si senerit in terra radix ejus, » id est si viluerit, et abjecta fuerit in gente Iudaica praedicatio ejus, « et in pulvere mortuus fuerit truncus ejus, » id est extincta et sepulta fuerit caro ejus.

**Vers. 9.** — « Ad odorem aquæ germinabit, » id est per virtutem Dei surget a mortuis, « et faciet comam, » scilicet apostolorum et omnium fidelium collectionem, « quasi cum primum plantatum est, » id est talis esse agnitus vel creditus, qualis erat antequam Deus homo fieret, et clarificatus apud Patrem claritate quam habuit priusquam mundus esset (*Joan. xvii*).

**Vers. 10.** — « Homo vero, » id est peccator, qui cuncte noluerit huic per fidem se inservere ligno, « cum mortuus fuerit, » scilicet in culpa, « et undatus, » videlicet a justitia, « atque consumptus, » subaudi in poena, « ubi queso est? »

**Vers. 11.** — « Quomodo si recedant aquæ de mari, » subaudi sic « in illa die peribunt omnes cogitationes ejus (*Psalm. cxlv*), » et quomodo? « si flaves vacuafactus arescat, » cui videlicet post subductam animam vacuum corpus recte comparatur.

**Vers. 12.** — « Sic homo, » scilicet talis, « cum dormierit, » videlicet in morte, « non resurget, » subaudi seculo huic, ut vel adversis, quæ significantur per mare, vel prosperis mundi, quæ per fluvium intelliguntur eo quod sit dulcioris aquæ et potabilis, rursum inundetur. Nam alii seculo resurget, non huic quod amat. Hoc est quod sequitur.

¶ Donec alteratur eccl<sup>m</sup>, id est donec mundi huius finis.

Quo hic desiderantur, vide in Moralibus B. Gregorii l. XIII, cap. 5 post principium, usque ad 17 cap. quidem libri, Patrologie, t. LXV.

CAP. XV, VERS. 45. — « Ecce inter sanctos, subaudi quod maius est, nemo innocens [immutabilis] est, et coeli, id est hi, qui cum essent per naturam homines utique terreni, ecclesia sectando facti sunt coeli, non sunt mundi in conspectu ejus, scilicet asseret iudicio, quorum unus ait : Si derelinximus quia peccatum non habemus, nos ipsos decidimus (*I Joan. 1.*). »

VERS. 46. — « Quanto magis abominabilis et inutilis homo, scilicet **453** qualis tu es, qui bibit quasi aquam, id est qui operatur absque ulla retractatione, iniquitatem ? »

VERS. 47. — « Ostendam tibi, subaudi quid de te sentiam. Audi me; quod vidi, id est non aliquos rumores, sed quod vidi, quod intellexi, quod expertus sum, narrabo. Et narrare debeo.

VERS. 48. — « Nam sapientes, subaudi quos imitari debeo, conscientur et non abscondunt patres suos, id est patrum suorum sententias.

VERS. 49. — « Quibus solis, subaudi non etiam stultis, data est terra, id est stabilis et fructifera electorum Ecclesia. Et haec quoque haereticorum propria est jactantia. Et non transibit, inquit, alienus per eos, id est non prævalebit diabolus adversus eos, subaudi qui adversum te prævaluisse probatur. Alienus dicitur diabolus iusta illud, quoniam alieni, id est spiritus maligni, insurrexerunt in me » (*Psal. LIII*).

VERS. 50. — « Cunctis diebus impius superbit. Hoc est quod narrare proposuit, et nimio præjudicio ausu, quem in prima locutione suo de hypocrisi coarguerat iste Eliphaz, in hac secunda congreSSIONe impium esse confirmat. Nam sic de impio loqui incipit, tanquam in beato Job expertus sit id quod universaliter de omni impio se didicisse asseruit supra dicendo, quod vidi narrabo tibi. Adhuc tamen parvum quid habet de reverentia amici, in eo quod non ipsum nominatim impium esse dicit, sed propter ipsum de impio universaliter proponit dicens : Cunctis diebus suis impius superbit. Ac si dicat : Quod in te palam est, qui in prosperitate superbieras, et nunc in adversitate desperas quod et ipsum magna est superbia. Nam in sequentibus sic contra eum vel propter eum loquitur, tanquam si impius vel desperatus. Superbit, inquam, et mirum est. Nam numerus annorum incertus est tyrannidis ejus, id est mirum est quod quasi de certo extollitur, cuius vita sub poena incertitudinis tenetur.

VERS. 51. — « Sonitus terroris, id est expectatione damnationis, semper in auribus illius, id est in conscientia a qua accusatur, et cum

pax sit, id est cum veria peccatorum poenitentibus promissa sit, ille, scilicet desperatus, insidias, id est falsum, suspicatur, hoc est quod sequitur :

VERS. 22. — « Non credidit, id est non sperat, quod reverti possit, scilicet per penitentiam, de tenebris, scilicet sue damnationis, circumspectana undique gladium, id est certum habens ejusdem damnationis iudicium.

VERS. 23. — « Cum se moverit ad querendum panem, id est, praesentis vitæ stipendium, novit, scilicet accusante conscientia, quod paratus sit in manu ejus, id est in opere ejus, tenebrarum dies, id est quod facit, pavet, sed non cavit quod pavet.

VERS. 24. — « Terrebit eum tribulatio, scilicet eadem tenebrarum dies parata, et angustia vallabit eum, scilicet semper anxie agitantem quid contra veritatem objiciat, sicut regem qui preparatur ad prælium, videlicet, contumacias, legatione missa rogare ea que pacis sunt (*Psal. CXXI*).

VERS. 25. — « Tenebit enim adversus Deum manum suam, quod videlicet maxime facturus est iniquorum omnium caput Antichristus, et contra omnipotentem roboratus est, scilicet ad breve tempus prosperatur.

VERS. 26. — « Cucurrit, id est sine obstaculo egit, adversus eum erecto collo, id est cum audacia, et pingui cervice, id est superbia, rerum affluentia quasi multus carnis fulta, armatus est. »

VERS. 27. — « Operuit faciem ejus, id est mentem ejus, crassitudo, id est terrenarum rerum desiderata abundantia, et de lateribus ejus, id est de conjunctis illis atque adhaerentibus, a ruina dependet, videlicet quia quisquis potentia et iniquo adhaeret, ipse quoque de ejus potentia, vel ex pinguedine rerum tumet.

VERS. 28. — « Habitabit in civitatibus desolatis, id est placebit perversorum cuneis a Deo desolatis, et in domibus desertis, id est in laudibus hominum quos Deus deseruit, que tumulos sunt redacte, id est que de seditione vite occidere.

VERS. 29. — « Non ditabitur, subaudi interior, nec perseverabit substantia ejus, scilicet quia tumet exterior. Nec mittet in terram radicem ejus [al. suam], videlicet quia cito ad motum occulte sententiae vita ejus eruitur, et quia nunquam in æternæ vite desiderio cogitatio ejus plantatur.

VERS. 30. — « Non recedet de tenebris, id est nunquam poenitendo lucem justitiae requirit. Ramos ejus, id est adhaerentes illi clientes ejus, arefaciet flamma, id est accendent carnalia desideria. Auferetur, id est condemnabit spiritu oris sui, id est propter effrenationem oris sui, quod in eccl<sup>m</sup> posuit, et contra Deum loqui non cohibuit.

Vers. 31. — Non credit, » subaudi quisquis **A** frustusmodi est « frustra errore deceptus, » scilicet si crediderit, « quod aliquo pretio, » id est elemosyna quæ de rapina est, « redimendus sit, » sci-licet quia se a vitiis non compescit.

Vers. 32. — « Antequam dies eus impleantur, » scilicet quos longos animo suo proponit, « perit [ad. peribit], » id est « presenti vita rapitur, » et manus ejus arescit [ad. arescat], » id est ab omni operatione bona siccata invenitur.

Vers. 33. — « Lædetur quasi vinea in primo flore, » id est sicut levi aura lreditur vinea, sive oliva dum florem projicit, « botrus ejus, » id est operatio ejus, quæ per hypocrisin perfecta videbatur. Hoc est quod sequitur:

Vers. 34. — « Congregatio hypocrite sterilis, » In quo beatum Job, sicut et in cæteris supradictis, adhuc oblique percudit; quod quasi qui in prosperitate fructum Deo fecisse videbatur, nunc flagello discussus ita cito laesus sit, ut in rebellionem contra Deum effetur. De cuius quasi merita damnationem universalē profert sententiam dicens. « Et ignis, » scilicet gehenna, « devorabit tabernacula, » id est corpora eorum, in quibus anime illorum haldant, « qui munera libenter accipiunt; » sive munus a manu, quod est nummus; sive munus ab ore, quod est laus quam audent hypocrites.

Vers. 35. — « Conceptit dolorem. » Tandem in tale sermone ad auditores sese convertit, et impium supra dictum, qualem procul dubio beatum Job vult intelligi, quasi supremo ictu persecutiens, « conceptit, inquit, dolorem, » quod est malum mente pertractare, « et peperit iniquitatem, » quod est malum opere perpetrare, « et ute-  
rū ejus, » id est sensus cordis ejus, « preparat dolos, » quod est excusationes in peccatis querere.

CAP. XVI, VERS. 1, 2. — « Respondens autem Job dixit: Audivi frequenter talia. » In hac re-sponsione beatus Job in seipso ostendere intendit, quod sancta Ecclesia in tempore afflictionis libertatem quoque loquendi perdat, quia videlicet apud reproborum mentes nulla est auctoritas, quam non commendat temporalis prosperitas. Agit et de patientia ejusdem Ecclesie, quæ mala aliena quasi sua falso sibi objecta, consuevit patienter tolerare, et ab ejusmodi injuria suos studet hoc modo amicos compescere. « Audivi frequenter talia, » subaudi, qualia vos dicitis: « Audivi, inquam, frequenter, » id est consuevi ferre patienter. « Consolatores onerosi vobis vos estis, » videlicet quia cum consolatoriis officiis sit dolorem lenire, non debet tempore luctus verba increpationis inferre. Nam et si sunt quædam quæ increpari jure debeant, in afflictione postponenda sunt, ne increpando dolorēm afflicti augeat, quem lenire proposuerat.

Vers. 3. — « Nunquid habebunt finem, » id est

**A** certitudinem, vel aliquam utilitatem « verba ventosa, » id est inflationi potius quam rectitudini servientia? « Aut aliiquid tibi molestum est, si loquaris? » subaudi non. Ac si aperte dicat: « plus loqueris, quod à me molestum aliud de teipo non audis. Unde et subditur:

Vers. 4. — « Poteram et ego similia vestri loqui, » subaudi nisi justitiam servando similia loqui declinarem. « Atque utinam esset, » id est potius si esset « anima vestra pro anima mea. » Hoc dictum oratio potius quam **454** maledictio esse monstratur videlicet ut amici, qui dolori illius per charitatem compati nesciebant, ab experimento discerent alienæ afflictioni qualiter misereri debuisseant.

Vers. 5. — « Consolarer et ego vos sermonibus, » **B** id est non sicut vos me, ita ego vos importunus onerarem increpationibus. « Et moverem caput meum, » id est commoverem mentis meæ affectum, « super vos, » subaudi qui super me sine affectu mentis, imo cum exultatione, capita vestra movistis.

Vers. 6. — « Roborarem vos, » subaudi ne in tribulatione desperaretur, « ore meo, » id est ore concordante affectui vel compatienti animo, « et moverem labia mea, » id est temperarem verba mea « quasi parcens vobis. » subaudi qui mibi nullū modo parctis. « Quasi parcens, » inquam, id est non quidem parcens, « sed quasi parcens, » videlicet si qua in verbis reprehendentes essent, non parcerem, quia non omnino tacerem, et quasi parcerem, quia tempus increpationi opportunitum exspectarem.

Vers. 7. — « Sed quid agam? » **C** Haec assumptio ad illud respicit quod dixerat, « poteram et ego similia vestri loqui. » « Sed quid agam? Si locutus fuero, non quiescet dolor meus. Et si tacuero, non recedet a me. » Sic profecto sancta Ecclesia, quando locutione sua perversos corrigi non consipic, dolor ejus non quiescit, et cum tacet, pro illorum incorrectione hoc ipsum quod tacet, amplius gemit.

Vers. 8. — « Nunc autem oppressit me dolor. » **D** Haec alia assumptio ad illud respicit quod dixerat: « Utinam esset anima vestra pro anima mea, consolarer et ego vos sermonibus. » Ac si dicat: Nunc autem auctoritas sermonis mei per hoc frangitur, quod vita mea dolorem, quem patior, commeruisse judicatur. Haec et cætera quæ sequuntur pene omnia qualiter beato Job congruant nullus ignorat. Sed ad statum sanctæ Ecclesiæ trahuntur hoc modo. Dolore suo sancta Ecclesia prurit, quando in malitia sua crescere perversos intuetur, « et ad nihilum rediguntur omnes artus ejus, quando ex imitatione pravorum infirmi quique deterius infirmantur.

Vers. 9. — Et rugæ meæ, » inquit, id est duplices qui in corpore meo duplicitatis suæ malitiam non emendant, ipsi adversitatis tempore me insequende increpant. « Et suscitatur, » id est confortatur, « falsiloquus, » videlicet omnes, qui de aeternitatis promissione diffidunt, « contra faciem meam, » id

est in aperto, et contradicens mihi, et subaudi quam in prosperitate non audentem palam contradicere, quasi post dorsum patiebar.

Vers. 10. — « Collegit furorem suum in me, et subaudi malignus spiritus mentibus eorum principatur, et furorem, et suum, qui hactenus per occultas tentationes sparsus erat, et collegit in me, id est in afflictione mea tota coacervat et constringit intentione, et comminatis dentibus suis, id est saeviens in persecutoribus et carnificibus suis, et hostis meus, et scilicet diabolus, et terribilibus oculis me intuitus est, id est pravorum consilii, qui propter astutiam vel saecularem scientiam oculi ejus recte dicuntur, crudelia in me supplicia machinatus est.

Vers. 11. — « Aperuerunt super me era sua, id est mala erroris sui contra me praedicare non metuant, et exprobrantes, id est rectae fidei praedicatione irritentes. Percusserunt maxillam meam, id est illos præcipue persequuntur, quos in aperto positos, et aliis utiliter prælatos esse conspiciunt, quia vitam carnalium verbo correptionis quasi quiosdam dentibus conterunt, ut eos mihi incorporent. Juxta litteram quoque satis dolenter abjectio nem suam exprimit, quia videlicet qui in maxilla percussitur, omni honore vel reverentia reputatur indignus. Et hoc faciendo, et satiati sunt paenit meis, et videlicet quia tunc reprobi grande aliquod se fecisse testantur, cum vitam prædicatorum necant.

Vers. 12. — « Conclusit me Deus, et subaudi his omib[us] modis, et apud iniquum, id est apud hominem antiquum, videlicet carnem meam, potestati ejus permittens, et manibus impiorum, et scilicet spirituum malignorum vel hominum crudelium, et tradidit me, et subaudi in interitum carnis, non animæ.

Vers. 13. — « Ego ille quondam opulentus repente contritus sum. Et hoc in ipso beato Job nimis claram est. Sancta vero Ecclesia in eo repente centeritur, quod infirmorum mentibus improvidis mala tanto graviora sunt, quanto ab eis inopinate tolerantur. Tenuit cervicem meam, id est repressit libertatem meam. Nam cervix, sicut in malis superbiam, sic in bonis libertatis erectionem significat. Hoc contra illud redditur, quod Eliphaz superioris de impio loquens in beati Job suggillationem dixerat hoc: Cucurrit adversus Deum erecto collo, et pinqui cervice armatus est (Job xv.). Ac si dicat: Neirco nunc videor adversus Deum erecto collo et pinqui cervice armatus cucurrisse, quia nunc hostis tenuit cervicem meam, id est compressit libertatem meam, et confregit me, et scilicet primum in seru[m] exteriorum perditione, deinde mei quoque corporis pessimo ulcere, et posuit sibi quasi signum, id est nullo resistente multis oneribus ictibus, sicut signum licentiose ad hoc ponitur, et sagittarum emissione seriatur. Hoc tam in littera quam in typo satis patet, quia et beatus Job undique plagi operatus est, et sancta Ecclesia persecutoribus suis, quasi in signum posita est, juxta quod ait Apo-

A stolus: ipsi enim scitis quod in hoc positi sumus (I Thess. iii), id est quod ad hoc venimus, ut seriamur.

Vers. 14. — « Circumdedicit me lanceis suis, convulnervavit lumbos meos, non perpercit, Et haec tam ipsi quam universaliter sanctæ Ecclesiæ congrunt. Sed quod sequitur et effudit in terram viscera mea, nequaquam ad litteram stare potest, nisi per viscera in terram effusa filiorum affectum, qui oppressi et extincti sunt, accipias. Et fortassis ita congrue potest intelligi. Sancta vero Ecclesia, dum lanceis ab hoste suo circumdatur, id est tentationum jaculis in membris suis impetratur, viscera ejus, id est hi qui interioribus sacramentis deservire videntur, in terram effunduntur, id est plerumque ad B saecularia negotia pertrahuntur.

Vers. 15. — « Concidit me vulnere supra vulnus. Et hoc in beato Job juxta litteram perspicuum est, quia cum nuntius quilibet damna ejus nuntiaret, adhuc illo loquente veniebat alius, et tandem ipse in semetipso percussus est (Job i). Ecclesia vero in infirmis suis vulnere super vulnus conciditur, quando peccatum peccato additur, ut culpa vehementius exaggeretur. Et quia tali successu antiquus hostis roboratur, recte subjungitur: Irruit in me quasi gigas, et quia videlicet malignus adversarius, dum sibi resisti non valet, quasi more gigantis pugnat. Sed et in hoc, et in omnibus supradictis juxta litteram beatus Job pie intelligentibus aperte innuit, quia non sic impius erat, ut merito dicerentur in eum illa quæ paulo ante Eliphaz de impio protulerat, videlicet dum invidiam diaboli contra se exarsisse tali similitudine describit, quæ perduellionem eundem diabolum adversus se hostiliter insurrexisse, et corporalia tantum bona sibi ademisse per odium ipsius animæ, quam a Deo non poterat avertire, solerter intuentibus indicat luce clarus. Unde et sequitur:

Vers. 16. — « Saccum consulit, id est visibilem afflictionem continuavit, et super cutem meam, id est super exteriorem hominem meum, et operuit cinere carnem meam, id est ad hoc tam valuit saccus, id est asperitas plagæ, quam mihi intulit, ut me cinerem esse recognoscerem. Quod si ad universam referre libet Ecclesiam, ipsius quoque caro vel cutis sacco et cinere operitur, dum propter peccatum 455 carnis poenitentia quibuslibet membris ejus inditur. Unde et bene subditur.

Vers. 17. — « Facies mea intrinquit a fletu. Quod dictum, in illo quidem perspicuum exprimit doloris magnitudinem, in Ecclesiæ autem, prælatorum, qui, quasi facies in aperto positi sunt, magnum nihilominus significat dolorem, subditorum suorum mortem interiore materno affectu plangentium. Et palpebrae meæ, inquit, caligaverunt, quod et ipsum quidem in littera patet, quia videlicet præ nimio fletu oculi plorantium nonnunquam obscurantur. Typice vero illi sanctæ Ecclesiæ palpebrae sunt, quia prævidenda, subje-

etæ plebis itinera per noctem vite præsentis in vigilant. Qui dum occulta Dei judicia non intelligunt, profecto palpebræ sanctæ Ecclesiæ caligant.

VERS. 18. — « Hæc, » videlicet omnia quæ prædicta sunt, « passus sum absque iniuitate manus meæ » id est non propter peccatum aliquod certum aut nominatum, quod mihi sim conscius me admississe, « cum habcrem mundas ad Deum preces, » id est cum absque fermento hypocrisy, de qua me arguitis, hostias Deo offerrem acceptabiles. Quod tamen verius atque constantius sanctæ Ecclesiæ congruit dicere de illo suo capite, de quo scriptum est : « Qui peccatum non fecit, nec inventus est dolus in ore ejus (*I Petr. ii*). » Et tamen passus est, cum haberet mundas ad Deum preces, id est cum etiam pro persecutoribus suis exoraret (*Luc. xxiii*). Sed et ipse beatus Job in eo mundas ad Deum preces habuit, quod conviantibus quoque amicis benevolus exstitit, et accepta Deo sacrificia pro illis obtulit.

VERS. 19. — « Terra, ne operias sanguinem meum. » Mira intentione per propheticam gratiam terram illam, quæ sanguinem Christi non operit, sed confitetur, et utrumque postern, scilicet animæ et corporis, manifesta et publica passionis ejus confessione consignat; terram, inquam, id est sanciam Ecclesiam, obtestatur ne operiat, id est ne opertum esse sinat, sanguinem ejus in sanie defluente, hoc scilicet magna devotione peroptans ut in memoria æterna inter eos inveniatur, qui ab initio sæculi sanguinis Christi testimonio communicaverunt. « Neque inveniat, inquam, locum, » id est occasionem, « latendi in te, » id est absque memoria transeundi. « Clamor meus, » id est desiderium meum, quod interius vociferatur ad Deum.

VERS. 20. — « Ecce enim in cœlo testis meus, » in cœlo, » inquam, tantum, nam in terra amici quoque mei me detestantur. « Et conscius meus, » scilicet qui solus cor meum cognoscit, « in excelso, » subaudi est, ubi ab homine mortali conveniri non potest. Quod si in typum ipsius Salvatoris accipitur, cuius sanguinem, ut prædictum est, terra, id est Ecclesia, non operit silentio, sed et in sacramento celebrat, et fide publica confitetur, testis « et conscius » ejus ipse et Pater, de quo idem ait : « Et testimonium perhibet de me, qui misit me, Pater (*Joan. viii*). » Item in Psalmo : « Domine, probasti me et cognovisti me (*Psal. cxxxviii*), » etc.

VERS. 21. — « Verbosi amici mei, » subaudi estis, videlicet, quia rebus omissis verba tantum concinatis loquentes quæ ad rem non pertinent, idcirco « ad Deum stillat oculus meus, » id est desult lacrymosa compunctione intentio mea, dicendo : « Ecce in cœlo testis meus, et conscius meus. »

VERS. 22. — « Atque utinam sic judicaretur. » id est et si (quod utinam fieret), « sic judicaretur vir cum Deo, quomodo judicatur filius hominis cum

A collega suo, » videlicet ut sicut sentit quod dicit, sic etiam agnosceret quidquid contra dictum. Hic subaudiendum est : Aliam profecto, quam vos opinamini, percussionis meæ audiremus ab illo causam. « Ad Deum, inquam, stillat oculus meus. » Nec frustra.

VERS. 23. — « Ecce enim breves anni transerunt, id est tempus interest modicum, subaudi ut testem illum inveniam, » et semitam, per quam non revertar, ambulo, » semitam utique mortis, quæ via est universæ carnis, angusta et difficilis, per quam non revertar ad hæc mala quæ nunc patior, iterum toleranda.

CAP. XVII, VERS. 1. — Cujus semitæ recordatione, imo divini judicii timore, « spiritus mens B attenuabitur, » id est non crassescet ex superbia, sicut iniquorum spiritus, sed « attenuabitur, » id est humiliabitur. « Dies mei breviabuntur, » id est breves esse, ut vere sunt, a me reputabuntur, et solum mihi superest sepulcrum, » videlicet quis cuncta præsentia negligenti hoc solum restat considerare, qualis in sepulcro futurus sum.

VERS. 2. — « Non peccavi, » scilicet tantum ut, sicut opinamini, impius vel hypocrita sim; « et in amaritudinibus morabitur, » id est in flagellis presentibus, non, uti vos existimatis, desperabit, sed « morabitur » et perseverabit, « oculus meus, » id est intentio mea.

VERS. 3. — « Libera me, Domine, » subaudi, hoc dicam non desperans. « Libera me, inquam, Domine, » id est liberatorem meum Christum, quem missurus es, mitte, « et pone me, » id est, substantiam meam in illo Unigenito tuo fac consedere, « juxta te, et cujusvis manus, » id est sive Judæi, sive pagani, sive hæretici crudelitas, « pugnet contra me, » id est contra fidem Ecclesiæ, quæ mea fides est.

VERS. 4. — « Cor eorum, » scilicet quorum in typum amici mei contra me pugnant, « longe fecisti, » id est longe esse justo judicio permisisti, « a disciplina, » — « cor, » inquam, quia et si corpus sub disciplina est, dum forte aliquando flagellatur, sicut, verbi gratia, Judæi a Romanis occiduntur, et in omnes gentes captivi ducuntur, ceterum, subaudi disciplina, non est, dum tot malis ad humilitatem et pœnitentiam non reducitur, « propterea non exaltabuntur, » subaudi apud te, quia videlicet exaltantur apud se, imo propterea dejicientur, sicut scriptum est : « Dejecisti eos dum allevarentur (*Psal. lxxn*). »

VERS. 5. — « Prædam pollicetur sociis. » Cum de multitudine iniquorum loqueretur, subito ad caput rediit, qui mos est frequens in Scripturis. « Prædam, inquit, pollicetur, » scilicet hostis antiquus, « sociis, » id est spiritibus malignis, videlicet eorum animas, quorum cor, ut dictum est, longe est a disciplina. « Oculi filiorum ejus, » id est præve intentiones sequacium ejus, « deficient, » quia videlicet hoc amant, quod diu tenere non possunt. Quod

amen in ipso maxime patet, quem hostis suus, ut supra dixit: « Lanceis suis circumdedit (Job xvi), hoc utique intendens, tamen animam hac tentatione viola tolleret in praedam; de quo et subdit:

Vers. 6.—« Posuit me in proverbium vulgi. » Quod consequenter exponit dicens: « Et exemplum sum coram eis, » videlicet quia dum quilibet cuiquam maledicere appetit, ex mei similitudine maledictionem sumit, eamque poenam suo optat adversario, quam mihi evenisse conspicit. Quod et sanctae Ecclesiae, cuius hic typum gerit, in suis martyribus multis formiter accidit.

Vers. 7.—« Caligavit ab indignatione oculus meus, » id est sensu alicujus in sese lumen veritatis habentis admiratione divini judicii turbatus est, dum se a pravis despici, ac dedighari conspicit, et membra mea, membrorum, inquam, sola, non etiam anima, tamen quasi in nihilum redacta sunt, » videlicet quia sanie defluunt.

Vers. 8.—« Stupebunt justi super hoc, » scilicet quod bonis eveniunt mala plerumque et malis bona. Hoc est quod supra dixit: « Caligavit ab indignatione oculus meus, » — « et innocens, » scilicet, qui nequam perfectus est, innocens enim dici potest qui nec boni, nec mali quidquam gessit, « innocens, » inquam, id est imperfectus, contra hypocritam suscitabitor, » id est temporalem illi gloriam invidebit, dicens tale quid quale est illud: « Mei autem pene moti sunt pedes, pene effus sunt gressus mei, quia zelavi super iniquos, patem peccatorum videns (Psalm. LXXII). » Hoc modo contra hypocritam suscitabitur innocens, si imperfectus scilicet est; si autem perfectus est, melius suscitabitur, » videlicet quia florentem illum cum fore suo contemnet.

Vers. 9.—« Et tenebit justus viam suam, » id est non omittet propositum suum diligens: « Mihi autem adhaerere Deo bonum est (Psalm. LXXII), » et mundis thanibus, » id est sanctis operibus, addet fortitudinem, » bona scilicet initia provocando ad perfectionem.

Vers. 10.—« Igitur, » id est cum haec ita sint, auditores, « convertimini et venite, » id est humilitatem habete, et benevolentiam praebete, « et don inveniam in vobis, » subaudi si convertamini, ullum sapientem, » id est qui sibi videatur sapiens, et non potius velit ea quae a vobis dicta sunt contra me innocentem. Hoc est quod auditoribus suis sancta et apostolica dicit Ecclesia: « Si quis in vobis videtur esse sapiens, stultus fiat, ut sit sapiens (I Cor. III). »

Vers. 11.—« Dies mei transferunt, » id est prospera mea defecerunt, subaudi quae veram, ad quam vos invito, solent impedire sapientiam, cogitationes meae dissipatae sunt; » id est curae terrene, quae non desunt in prosperitate, a cordis meo deposita sunt, et torquentes cor meum, » id est quae torquent cor meum.

Vers. 12.—« Noctem, » id est ipsam percut-

A siobis ite adversitatem, cogitationes meae, in eo quod dissipatae sunt, et verterunt in diem, » id est in magnam exultationem, videlicet quia justis non nunquam amplius placet ex adversitate mala perpeti quam ex prosperitate terrenis curis fatigari. » Et rursum post tenebras, » scilicet praesentis vita, apero lucem, » id est quem perdidi in primo parente divinae claritatis visionem. Vel quia hic adversitas et prosperitas vicissim sibi succedere non desinunt, sicutque fit ut in luce nocte in suspitione, in nocte vero lux in presumptione sit. Ita dictum potest accipi, et rursus post tenebras spero lucem, » ac si dicat, post praesentem doloris adversitatem exspecto divinae consolationis prosperitatem.

B Vers. 13.—« Si sustinero, » id est etiam patienter mala praesentia portavero, « infernus domus mea est, » videlicet quia quicunque ante adventum Christi de hoc mundo exierunt, id est mortui sunt, quilibet sancti fuerint, adhuc ab inferni locis liberari non poterant. Attamen quia sine tormento illic tenebantur, protinus addit: « Et in tenebris stravi lectulum meum, » id est bonis actibus studendo preparavi mibi requiem in loco illo tenebrarum. Et quia hoc ex poena infirmitatis venit:

Vers. 14.—« Putredini dixi: Pater meus es. » Ac si dicat: Idecirco « infernus domus mea est, » quia primus homo peccando putredo factus est. « Dixi, inquam, putredini, » id est in interiori meo, humiliiter de te, ut putredo, sensi, et quia pater meus es, » videlicet quia de te natus sum cum peccato, quod est causa putredinis, et tamenibus, » id est eidem putredini dixi; « mater mea et soror mea » estis. « Mater mea, » scilicet, quia de te, o putredo, natus sum, « soror mea, » quia tecum veni in hunc mundum.

Vers. 15.—« Ubi est ergo nunc praestolatio mea? » id est quae nunc potest esse justorum praestolatio, nisi solus justus et justificans Deus, nisi qui veniens captivos peccati et mortis justitiae suae virtute liberabit. « Et patientiam meam quis considerat? » Subaudi non ignoro. Sed quod disponenti breve est, desideranti longum est. Ilio namque differente:

Vers. 16.—« In profundissimum inferni descendenter omnia mea, » non quidem corpore, sed tota illuc descendente anima. Ibi namque totum me esse reputo, ubi quod recipiam sentire potero, quia videlicet ibi ex omnibus quae egl, quietis retributionem inveniam. Superiora loca inferni profundissimum infernum vocat, quia videlicet, quantum ad sublimitatem ecelli jam hujus aeris spatium non immerito dicti infernus potest. Unde cum apostate angeli in hoc caligoso aere sint dimersi, Petrus apostolus dicit: « Angelis peccantibus Deus non pepercit, sed ridentibus inferni detractos in tartarum tradidit, in iudicio cruciarios reservari (II Petr. II). » — « Putasne saltus ibi erit requies mibi? » Videlicet quia et desidero, et tamen adhuc de suscipienda requie dubito, videlicet

cet, quia quamlibet justus, dum vivit, quisque de se dubitat, neque ante finem suum se comprehensisse putat.

CAP. XVIII, VERS. 1, 2. — « Respondens autem Baldad Suthes dixit: Usque ad quem finem verba jactabitis? » In hac responsione hoc idem Baldad intendit, quod et Eliphaz proxima superius responsione intenderat, videlicet hoc astruere quod beato Job impius esse in oculis Dei praesenti flagello teste convictus sit. Subtiliter ergo distinguendum est in verbis eorum, et quid sit quod vere de reprobis sentiunt, et quid quod contra B. Job fatuum sonant. Primo illud Baldad jactantiae coarguit, dicendo, « usque ad quem finem verba jactabitis? » simulque negat eum finalem habere causam, id est utilitatem verborum suorum dicendo, « al quem finem, » ut subaudias nullum. Deinde imperitiam illi exprobrat subjungendo: « Intelligite prius, et sic loquamur. » Sic et haeretici sanctae Ecclesiae constantiam putant esse superbiā, et eam nec intelligere suspicantur ea quae dicuntur, se quoque despici superba conqueruntur indignatione, dicendo quod sequitur

VERS. 3. — « Quare reputati sumas ut jumenta, » subaudi esse, absque intelligentia, « et sordiuimus, » id est viluimus coram vobis?

VERS. 4. — « Qui perdis animam tuam in furore tuo, » videlicet sicut jam corpus perditum est ulcere pessimo. Furoris enim esse putant, tam hi quam omnes haeretici, hoc quod ab electis agitur, vel dicitur per servorem bene zelantis animi. « Nunquid propter te, » id est propter hunc furem tuum, « derelinquetur terra, subaudi a Deo, nisi universitibi soli concordet, et tecum sentiat? » Et transferentur rupe de loco suo, » id est viri firmi atque eminentes in sapientia, movebuntur de sensu suo, ut declinent cum sensu tuo?

VERS. 5. — « Nonne, » subaudi, velis nolis, « lux impii extinguetur, » id est fugitivae vitae prosperitas, propter abutentis impietatem, citius terminabitur, subaudi, sicut in te comprobatur, « nec splendebit flamma ignis ejus, » videlicet quem in corde suo ex fervore carnalium desideriorum accendit? Subaudi, non splendebit, sed ad tenebras pertrahetur. Sic procul dubio fiet.

VERS. 6. — « Lux obtenebraset, » id est temporalium rerum gaudium omnino deficiet, « in tabernaculo, » id est in conscientia illius, « et lucerna, » id est gaudium carnale. « Lucerna enim lumen est in testa, lumen autem in testa gaudium est in carne (11). » — « Lucerna ergo quae super eum est, » id est gaudium carnale quod non apud ipsum, id est in regimine ejus est, videlicet ita ut ipse illo bene utatur, sed super ipsum est, id est totum eum possidet, et facit peccatis servum, « extinguetur, » ut dictum est, id est ad tenebras pertrahetur.

VERS. 7. — « Arctabuntur, » id est pena con-

A stringentur, « gressus virtutis ejus, » id est profectus qui nunc dilatantur robustae malitiae ejus, et precipitabit, « id est in æterni supplicii tenebras mergerit, eum consilium suum, subaudi, quod nunc habet, quod nunc sibi placet præsentia appetere, et æterna despicer. » Præcipitabit, « inquam, et juste permittetur devenire in præcipitum.

VERS. 8. — « Inimisit enim in rete pedem suam, id est ipsum quo non volens tenetur, volens admisit peccatum, « et in maculis ejus ambulat, » id est cum expedire se nititur, tunc veraciter conspici quam duris nexibus tenetur. Hoc est quod sequitur:

VERS. 9. — « Tenebitur planta illius laqueo, » videlicet quia stringitur finis in peccato, juxta illud: B « Peccatum cum consummatum fuerit, generat 457 mortem (Jac. 1), » cuius, subaudi peccati, consummatio per plantam, quae finis corporis est, exprimitur. Planta ergo laqueo tenetur, dum peccatum consummatum non facile evaditur, quia vitiosa consuetudine tenetur peccator dum effugere conatur. Unde et sequitur, « et exardescet, » subaudi, per ipsam obligationem, « contra eum sitis, » id est, diabolus, qui sitit ut bibat mortem peccatoris, vel ita, « exardescet contra eum sitis, » id est, ex consuetudine peccati magis ac magis accenditur desiderium peccatoris, videlicet, quia delectationem sicut, quamvis mortem metuat quae posita est secus introitum delectationis.

VERS. 10. — « Abscondita est in terra pedica ejus, » id est, involutus est in terreno lucro laqueus peccati ejus, quia videlicet inimicus insidians ostendit lucrum quod appetat, et occultat peccati laqueum quo animam ejus stringat, « et decipula, » videlicet, quae sic ponetur, ut dum esca ostenditur, ipsa nequaquam a transeunte videatur, « decipula, » inquam, « illius, » id est, periculum deceptionis, « super semitam, » id est, ubi tendentem videt hostis cogitationis ejus viam.

VERS. 11. — « Undique terrebunt eum formidines, » id est, tales omnes contra se esse suspectur, qualis ipse esse contra omnes nititur, « et involvent eum pedes ejus, » id est, in rectam non sicut eum exire actionem prædictæ formidines ejus, D quia videlicet saepe contingit ut idcirco quisque dominus esse metuat, ne hoc a pravis ipse patiatur, quod se bonis fecisse reminiscitur.

VERS. 12. — « Attenuetur fame robur ejus, » id est, rationalis animæ ejus, qua ex parte homo robatur, qui utique ex alia parte, id est ex corruptibili carne, infirmatur, « robur, » inquam, id est anima ejus, « fame, » subaudi Verbi Dei, « attenuetur, et inedia invadat costas illius, » id est, eadem famæ longa consumat sensus mentis illius, quibus ita latentes cogitationes sicut viscera costis mununtur. « Invadat, » inquam, scilicet ad hoc ut viscera cogitationum, quae in occulto sana latere po-

(11) D. Gregor. Mor. lib. xiv, cap. 8.

terant, foris ad appetendam exterioris gloriæ spe-  
ciam fundantur.

Vers. 13. — « Devoret pulchritudinem cutis ejus, » id est, gloriam temporalem, quæ tota in cu-  
te, id est, extrinsecus est, quo contra dicitur : « Omnis gloria ejus, filii regis abiatus (*Psalm. XLIV*), »  
et consumat brachia, » id est, opera, « illius pri-  
mogenita mors, » id est, primogenitum peccatum,  
videlicet superbia. Nam cum peccatum sit mors,  
scilicet animæ, superbia vero primum peccatum,  
bene ergo superbia dicitur primogenita mors.

Vers. 14. — « Averllitur de tabernaculo suo, »  
id est, de terra in qua ad tempus militamus, « fidu-  
cia ejus, » videlicet, quam in abundantia rerum  
temporalium habuerat, « et calcet super eum quasi  
rex, interitus, » id est, peccatum vel ipse diabolus,  
videlicet, quia hic vivus premitur, et mortis suæ  
tempore per hoc quod ad supplicium rapitur, poten-  
tia demonicae subjugatur.

Vers. 15. — « Habitent in tabernaculo illius, »  
id est, in mente ejus per cogitationes nequissimas  
convergentur, « socii ejus, qui non est, » id est,  
apostatae angeli, qui socii sunt ejus, « qui » jam  
« non est, » videlicet, qui a summa essentia reces-  
sit, et quasi ad non esse tendit, quia semel ab eo  
qui vere est cecidit. « Aspergatur in tabernaculo  
ejus sulphur, » id est, in mente ejus peccatum  
carnis dominetur, quod mentem quibusdam fetori-  
bus replens æterna preparat incendia, et ideo bene  
per sulphur, quod fomentum ignis est, signifi-  
catur.

Vers. 16. — « Deorsum radices ejus siccentur, » id  
est, cogitationes ejus deorsum insimis rebus inhæ-  
rentes nequissimis adurantur temptationibus, « sur-  
sum autem, » id est, a superno judicio, « atter-  
atur messis ejus, » id est, post hanc vitam ad nulla  
vivendi subsidia perduduntur, imo ad remuneratio-  
nem justorum rejiciantur opera ejus.

Vers. 17. — « Memoria illius pereat de terra. »  
Latenter ad caput omnium iniquorum, scilicet Anti-  
christum, verba vertuntur. « Memoria, » inquit,  
« illius, » id est, laus terrenæ potestatis ejus, « per-  
eat de terra, » videlicet ubi illam extendere ntitur,  
« et non celebretur, » id est, non, ut ipse intendit,  
glorificetur, « nomen ejus in plateis » id est, in lati-  
tudine mundi, plateæ, quippe Græca appellatione a  
latitudine sunt vocatae.

Vers. 18. — « Expellet eum, » subaudi Deus, « de  
luce in tenebras, » id est, a præsenti honore ad  
æterna supplicia, « et de orbe, » id est, de hoc  
mundo, « transferet eum, » subaudi ad inferni  
profundum.

Vers. 19. — « Non erit semen ejus, » id est, non  
subsistet doctrina ejus, « neque progenies ejus in  
poculo suo, » scilicet omnes qui de ejus iniqua per-  
suasione in malis nascuntur actibus, « nec ullæ reliquæ in regionibus ejus, » videlicet quia omnes ini-  
quitates illius cum fine mundi concluduntur.

Vers. 20. — « In die ejus stupebunt novissimi, »

A id est, tanta tunc signa monstrabit, tamque crude-  
lia faciet, ut stupeant quos in fine mundi inveniet,  
« et primos, » scilicet Enoch et Eliam, « invadet  
horror, » quia videlicet carnalis mortis eos dolore  
transliget, quibus licet constantia sit ex virtute, pa-  
vor erit ex carne.

Vers. 21. — « Hæc sunt ergo tabernacula iniqui, »  
id est, non illa quæ nunc multis apparatus tumi-  
dus construit, et in quibus nomen gloriæ suæ nunc  
extendit, sed illa quæ prædicta sunt (*supra vers. 15*),  
in quibus aspergitur sulphur, et habitant socii illius,  
qui non est, « hæc » inquam, « tabernacula sunt  
iniqui, » scilicet in suppliciis æternis, « et iste, » id  
est, talis, « est locus ejus, qui ignorat Deum, » il-  
est, non probat habere in notitia, sed extollitur  
contra eum.

CAP. XIX, VERS. 1, 2. — « Respondens autem  
Job dixit : Usquequo affligitis animam meam? »  
Memoriter tenendæ sunt utriusque partis intentio-  
nes, quæ superius dictæ sunt, videlicet quod ami-  
corum beati Job eo tota intendat disputatio, ut ex  
quantitate flagelli quantitatatem in illo velint constare  
impietas, ipsius autem defensio eo intendat, ut  
non solum se, sed et omnes justos, qui in hoc sæ-  
culo flagellantur, ab hujusmodi purget præjudicio,  
videlicet, ne, quando adversa patiuntur, statim pro  
peccatis suis ea pati credantur. Quæ intentiones  
nisi clare discernantur, difficile intelligitur, hoc,  
præcipue, quod mox dicturus est, « saltem nunc  
intelligite quod Deus non æquo judicio affixerit  
me, » etc. (*Infra vers. 6.*) « Usquequo » inquit,  
« affligitis animam meam, » scilicet dolentem ac  
sollicitam pro eo quod ream illam statuere vultis,  
apud omnem quæ hæc auditura est in præsenti sæ-  
culo Dei Ecclesiam, « et afteritis me sermonibus, »  
scilicet sola sententiarum multitudine, non etiam  
causæ, quam intenditis, veritate? « Usquequo, »  
inquam?

D VERS. 3. — « En decies confunditis me, » vide-  
licet quia quinques locuti estis, et quinques me re-  
spondere oportuit, dolendo quod inutiliter contra  
vestra objecta ratione veritatis disputaverim, « et  
non erubescitis, » id est, nec tenet vos reverentia  
amicorum, « opprimentes me, » id est, vim facientes  
causæ meæ, et irascentes de eo quod constat vobis  
non obesse.

Vers. 4. — « Neinpe, et si ignoravi, » videlicet  
sicut sæpe calumniati estis, « mecum erit, » id est,  
mihi, non vobis, obserit « ignorantia mea. »

Vers. 5. — « At vos contra me erigimini, » id  
est, non eo contenti estis ut vobis non obsit, sed  
mihi per industriam insultatis, « et arguitis me op-  
probriis meis, » videlicet impium esse ex percus-  
sione me judicantes.

Vers. 6. — « Saltem nunc, » id est, postquam  
decies confudistis me, tandem erubentes oppri-  
mire me, « intelligite, » id est, ex præterita vita  
mea colligate, « quod Deus non æquo judicio, »  
id est, non flagella factis meis æquando, non enim

dixi injusto judicio, sed non æquo, id est, æ- A qualia æqualibus compensando, ut arbitramini vos, et affixerit me, et flagellis suis me cinxerit, » **458** id est, undique percusserit me, videlicet ut nullius terrenæ vel amici supersit consolatio, qua possit animus respirare.

**Vers. 7.** — « Ecce clamabo, » subaudi sub eisdem flagellis, « vim patiens, » scilicet vestro præjudicio, et nemo, » subaudi vestrum, « audiet, » id est, condolebit, « vociferabor, » id est, loquar secundum quod vehemens et acutissimus exigit dolor et non est, » scilicet in vobis, « qui judicet, » subaudi causam meam sicuti est. Quid clamabo, quid vociferabor? videlicet hoc, quia

**Vers. 8.** — « Semitam meam, » id est, rationem meam, « circumsepsit, » scilicet in eo, quod flagellis suis cinxit me, « et transire, » id est, cum auctoritate vobis respondere, « non possum » videlicet quia nimis undique manifesta sunt mala mea quæ vos mihi objicitis, pro argumento meæ impunitatis. « Transire, » inquam, haec « non possum, » quia nimis difficile, et pene impossibile mihi est ut concedere vos faciam, quod ego et tanta mala a Deo perpetui, et non impius esse possim. Ita namque sentitis quod nemo, nisi impius sit, sic a justo Deo percuti possit. « Circumsepsit, » inquam, « semitam meam, » et in calle meo, » id est, in sensu meo, « tenebras posuit, » id est, ignorantiam occulti judicii sui, quia cur ita flagellor penetrare non potui.

**Vers. 9.** — « Spoliavit me gloria mea. » Ao si dicat: Ideo, cum clamo et vociferor, nemo vestrum audit, quia « spoliavit me gloria mea, » videlicet, quam vos olim in me reverebamini, « et abstulit coronam de capite meo, » videlicet in qua cum fulgerem, vos videntes me cessabatis loqui, et ori vestro digitum superponebatis (*Job xxxix*).

**Vers. 10.** — « Destruxit me undique, » scilicet in omni facultate, quæ solebat diviti honorem exhibere, « et pereo, » id est, in paupertate et inopia dego, « et quasi avulsæ arbori, » subaudi, cui auffertur spes viriditatis cum avellitur, « sic abstulit spem meam, » videlicet per illorum meorum mortem subitam, qui si superessent, minus apud vos contemptibilis essem. Post hæc:

**Vers. 11.** — « Iratus est contra me, » id est, contra ipsum corpus meum, « furor ejus, et sic me habuit, » id est, ita me extra custodiæ suæ murum projectit, « quasi hostem suum, » id est, civium suorum cohabitatione indignum.

**Vers. 12.** — « Simul, » id est, statim ut viderunt me tutela ejus destitutum, « venerunt latrones ejus, » id est, ab eo missi maligni spiritus « et fecerunt sibi viam per me, » id est, audacter prouperunt ad conculcadum me, « et obsederunt in gyro tabernaculum meum, » id est, percusserunt a planta pedis usque ad verticem corpus meum (*Isa. 1*), quod videlicet in hac peregrinatione degens animæ est tabernaculum.

**Vers. 13, 14.** — « Fratres meos longe fecerunt a me, et noti mei quasi alieni recesserunt a me. Dereliquerunt me propinquai mei, et qui me neverant oblii sunt mei. » Hoc perspicuum est, quia cuncti affines percussum reliquerunt, imo et abhoruerunt eum. Discedunt enim siccatis, quod minus est, face tenui cadis amici, quanto magis cum rebus perditis solus paterfamilias sedens in sterquilino sanie defluit? Sed illud non est omittendum, quia Dominum nostrum cujus hic, ut sepe dictum est, typum gerit, quia mori potuit, fratres sui, id est, Judæi, fratres ejus et propinquai secundum carnem noti quoque et noscentes illum per Legem et Prophetas, spernentes dereliquerunt eum. Nam « in propria venit, et sui eum non receperunt (*Joan. 1*). »

**B VERS. 15.** — « Inquilini domus meæ et ancillæ meæ sicut alienum habuerunt me. » Et hoc in littera patet, quia, sicut hirundines aestate praesta sunt, in hieme vero dilabuntur, sic inquilini, ancillæ, et servi et cuncta domus frequentia, quæ in serena æstate prosperitatis circa mensas divitii præsto aderat, ubi vidit tantam adversitatis hiemem, universa devolavit. Sed in persona Domini hoc modo accipiuntur haec: « Inquilini domus meæ et ancillæ, » id est, sacerdotes templi mei et Levitez, « sicut alienum habuerunt me, » id est, incarnatum suscipere aut venerari noluerunt me, « et quasi peregrinus sui in oculis eorum, » videlicet quia, modicum declinans ad eos quasi viator ad hospitandum, mox pertransivi ad regnandum super electio nem gentium.

**C VERS. 16.** — « Servum meum, » scilicet populum Judaicum, « vocavi, » id est, multa illi miraculorum beneficia præstisti, « et non respexit [respondit], » id est, digna opera non reddidit; « ore proprio deprecabar illum, » id est, exhibita incarnatione mea humiliiter per memetipsum docebam illum. « Non respondit, » inquam. Quin etiam:

**Vers. 17.** — « Halitum meum horruit uxor mea, » id est, divinitatem meam credere designata est juncta mihi quondam Synagoga. Juxta litteram satis despectionem et miseriæ suam exprimit, cui servus vocanti, imo ore proprio deprecanti, non respondit, cujus halitum ipsa sua uxor exboruit.

**D E** « Et orabam, » inquit, « filios uteri mei, » id est, eos qui ex consanguinitate mihi fuerant intimi, et

**Vers. 18.** — « Stulti quoque despiciebant me, » videlicet quem olim ut sapientem solebant timere. « Et cum ab eis recessissem, detrahebant mihi. Abominati sunt me quondam consiliarii mei, » videlicet nunc palam facientes quod mense fuerint amici, cum in prosperitate adhaerebant mihi. Vel ita in persona Christi. « Et orabam filios uteri mei, » id est, humiliiter docebam illos quos per invisibilē divinitatem potenter condidi, vel quos per occultam prædestinationem ante sæcula concepi, ut producerentur per sæcula creati. « Stulti quoque, » id est, non solum Pharisæi et legisperiti, sed et turbæ, indocti populi sequentes illos, « despiciebant me, » et

cam recessissem ab eis, » id est, quando signa non ostendebam coram eis, « cum, » inquam, « recessissem, » id est, tentantibus signum non dare, « detrahebant mihi, » videlicet dicentes, « Daemonium habet (Matth. xi), » et, « Nonne hic est filius sa- bri? » (Matth. XIII) et talia. Et

Vers. 19. — « Abominati sunt me, » id est, mul- tot consiliis suis diviserunt a me « quondam consilia- riū mei, » id est, legis doctores, qui consulebant me. Is, « et quem maxime diligebam, » id est, idem ordo Pharisaeorum et legis doctorum, quem in sor- tem meam assumendo maxime honoraveram in po- polo, « adversatus est mihi [aversatus est me], » videlicet trabendo turbas populorum ad suum con- sensum, ut affligerer cruci. Et tandem :

Vers. 20. — « Pelli meæ, » id est, solummodo paucis feminis, « consumptis carnibus, » id est, discipulis meis fugientibus, « adhæsit os meum, » id est, perseverantes juxta se passionis meæ fortitudo invenit. Per pellem ideo sanctæ feminæ figu- rantur, quia pellis exterior carne manet in corpore, et sanctæ feminæ quasi in corpore tunc nascentis Ecclesie tendebantur, quæ ad præparanda subsidia corporis serviebant Domino ministeriis exterioribus. Per carnem ideo discipuli signantur, quia dum po- pulis prædicarent, quasi ossi suo carnes adhære- bant, tempore vero passionis dum infirmi trepidaverant, eadem carnes quasi consumptæ sunt. « Et derelicta sunt tantummodo labia, » id est, virtute fidei labefactata remanserunt sola verba, « circa dentes meos, » scilicet apostolos, id est, ipsi qui vi- tam carnalium corripiendo mordere debuerant, tantummodo inter se sola de me confabulationis verba retinebant. Juxta litteram vero evidenter pa- tet quid dicat : « Pelli meæ consumptis carnibus, » quia videlicet doloris eas magnitudo consumpsit, « pelli, » inquam, quia carnes sanie defluxerunt, « adhæsit os meum, » et derelicta sunt, tantummodo labia circa dentes meos, » id est, toto jam corpore instili, sensu tamen integro, verba recta non desunt, et ratio suppeditat ad loquendum quæ vera sunt.

Vers. 21. — « Miseremini mei, miseremini mei. » Ac si dicat : Quoniam his omnibus modis Deus se- mitam meam circumsepsit, 459 idcirco clamabo, et nemo audiet, ut supradictum est, sed « saltem vos, amici mei, » id est, saltem pro eo quod fuistis amici mei, pro antiqua reverentia pietatis, « mis- remini, miseremini mei, » id est compatimini mihi, « quia manus Domini tetigit me, » videlicet quæ de nobis ipsis quid disponat non potestis prænoscere. Sub eadem manu vos esse mementote, et naturæ vestræ mutabilitatem vel impotentiam ex me perpendite.

Vers. 22. — « Quare persecutini me sicut Deus, » id est ac si ipsi more Dei infirmitate nil habeatis, « et carnibus meis saturamini, » id est poenis meis delectati detrahitis mihi?

Vers. 23, 24. — « Quis mihi tribuat, » videlicet, quoniam nunc me clamante, ut supradixi, nemo audit, quis mihi tribuat, « ut scribantur sermones

A mei, » scilicet quia de patientia mea multi erant qui valeant aedificari? « Quis mihi det ut exarentur in libro, » id est in cordibus hominum, « stylo ferreo, » id est forti sententia Dei, « et plumbi lamina, » id est in gente Iudea, « vel certe [al., celte] sculpantur in silice, » id est in ea quæ lapides colit, et duri cordis est, gentilitate? Nam per plumbeum quod ferro mollius est, idcirco Iudea significatur, quia facile quidem legem recepit, dicendo Moysi : Omnia quæ præcepit Dominus faciemus, sed citius eadem lex de corde ejus deleri potuit, quia paulo post vitulum conflatilem adoravit (Exod. xxxii), et multa similia, diversis temporibus egit. Per silicem vero ideo gen- tilitas intelligitur, quia fides Christi difficillus quidem in illa scribi potuit, sed semel scripta jam nulla. B persecutionum violentia deleri potuit. Vel, ita, abs- que distinctione gentilis et Iudei, « ut exarentur, inquit, in plumbi lamina, » id est in cordibus eorum, in quibus dudum regnabat avaritia. Nam in pro- pheta quoque Zacharia per talentum plumbi signi- ficatur avaritia, quod ideo projectum dicitur in me- dio amphoræ, quia cor avari semper dilataatur in ambitione, et mulier sedet in illa, de qua et dictum est : « Haec est impietas (Zach. v), » quia nimis impietas semper tenetur in avaritia. « Vel certo sculpantur, inquit, in silice, » id est in quovis gravi et duro corde. Quærentique cur suos tantopere optet scribi sermones, causam reddens :

C Vers. 25. — « Scio enim, inquit, quod Redemptor meus vivit. » Ac si aperte dicat : Nam ego, qui modo clamans et vociferans non audior, scio quod quandoque videndus et audiendus sim, videlicet quia Redemptor, subaudi, qui inter manus impio- rum occubuit. Non enim ait conditor, sed « Re- redemptor meus vivit, » videlicet passione ejus a morte perpetua genus humanum liberandum esce prævidens, « et in novissimo die de terra resurre- cturnus sum, » scilicet, quia resurrectionem quam in se ostendit, quandoque in nobis procul dubio factus est.

D Vers. 26, 27. — « Et rursum, » id est postquam expoliatus fuero, « circumdabor pelle, » non aliis sed « mea, » et in carne, « subaudi, » non alia sed mea, alia quidem per gloriam, sed non alia per substan- tiam, « videbo Deum meum, quem visurus sum ego ipse, et non aliis. » Non, inquit, ita ut ego moriar, et aliis resurgat, sed ego ipse resurrecturus, et Deum visurus sum, « et oculi mei conspicuntur sunt. » Plenius aut fidelius vera atque perfecta re- surrexio exprimi non potuit. « Reposita, » id est certa est « hæc spes mea in sinu meo, » nihil enim certius nos habere credimus quam quod in sinu tenemus.

E Vers. 28. — « Quare ergo, » subaudi cum in tanta quoque pressura fides in me tam pura sit; quare, inquam, « nunc dicitis : Persequamur eum, » id est rationibus convincamus esse impium, « et ra- dicem verbi inveniamus contra eum, » id est lo- quendi originem, sunampus, ex qua ramos accu-

sationum dilatemos contra eum, subaudi quia peccatum tale requiretur in illo resurrectionis et judicii die.

**VERS. 29.** — « Fugite ergo a facie gladii, » id est penitentes cessate perversa loqui vel agere præ timore illius judicii, « quoniam ulti iniquitatem gladius est, » subaudi divinæ animadversionis, « et scitote, » id est per formidinem sentite « esse judicium, » id est exigendam rationem bonorum et malorum.

**CAP. XX, VERS. 1, 2.** — « Respondens Sophar : Idcirco, » inquit, videlicet quia video in te prænam malorum, et audio ex te repositam in sinu esse tuo spem justorum, « cogitationes meæ variae succidunt sibi, » scilicet dubitando, cui magis concedam, an flagello te arguenti, an tibi de justitia præsumenti, « et mens in diversa rapitur, » scilicet quia diversa, imo repugnantia sunt ea quæ in te video, illis quæ ex te audio.

**VERS. 3.** — « Doctrinam qua me arguis audiam, » videlicet quia mihi superius arguendo dixisti, quod ostenderes nos fabricatores esse mendacii, et his similia, « et spiritus intelligentia meæ, » videlicet quo possum, an reete prolatæ sint discernere, « respondebit tibi [al., mihi], » subaudi juxta quod audire mereris.

**VERS. 4, 5.** — « Hoc scio, » subaudi rebus ipsis esse probatum, « a principio ex quo positus est homo super terram ; » scio, inquam, hoc extunc, et nunc quoque in te experimentum habeo, « quod laus impiorum brevis sit, » subaudi ut tua quoque laus nunc evanuit, « et gaudium hypocritæ, » videlicet qualis tu quoque fuisti, « ad instar puncti, » subaudi breve sit. Hoc, inquam, in te probatum est, et semper sic fiet.

**VERS. 6, 7.** — « Si ascenderit in [al., usque ad] cœlum superbia ejus, » subaudi ut tua dudum ascenderat, « et caput ejus nubes tetigerit, » subaudi ut tu super alios eminens, cœlum tangere videbaris tibi ; si, inquam, in cœlum ascenderit, id est cœlestem vitam agere visa fuerit, « superbia ejus, et caput, » id est elatio mentis ejus, nubes tetigerit, id est sanctorum meritis sese coæquaverit, « quasi sterquilinium in fine perdetur, » subaudi ut tu, qui nunc in sterquilinio solus sedes, miser et perditus ; quasi sterquilinium, inquam, perdetur, id est vel sicut tu vel alio quolibet modo, pro vitiis suorum fœtore damnabitur, « et qui eum viderant, » scilicet superexaltatum et elevatum, « dicent : Ubi est ? » videlicet non interrogando, sed brevitatem laudis, et gaudii ejus admirando.

**VERS. 8.** — « Velut somnium avolans non inventetur, » videlicet quia gaudium ejus dum quasi tenetur amittitur, velut somnium, quo sæpe nonnulli pauperes factos se divites admirantur, deferri sibi honores, divitiarumque moles, et cætera talia, gaudentes admirantur, sed repente cum evigilant, inventiunt quam falsum fuerit quod gaudebant. Sic, inquam, gaudium hypocritæ avolat et non invenie-

A tur, subaudi neque hic, ubi elatus fuerat, neque in æterna requie, unde se esse putabat. « Transit [al., transierit], » subandi laus vel gaudium ejus, « sicut visio nocturna, » quia videlicet dum in morte carnis evigilat, cognoscit procul dubio quia favores hominum dormiens circa se videbat.

**VERS. 9.** — « Oculus qui eum viderat, » id est amatores ejus, qui eum admirando conspiciebant, « non videbit, » scilicet in morte subtractum, « neque ultra eum intuebitur locus ejus, » id est lingua adulatorum, in quorum favoribus requiescebat, non eum ultra admirabitur.

**VERS. 10.** — « Filii ejus, » scilicet hi qui de imitatione ejus nascuntur, « atterentur egestate, » quia, videlicet satiari non merebuntur pane sapientie, « et manus, » id est opera illius, « reddent ei dolorem suum ; » reddent, inquam, id est quasi quoddam debitum solvent ei æternum supplicium. Quare? Quia dum vivit hoc modo se exhibebit.

**VERS. 11.** — « Ossa ejus, » id est, sensualis et ratio quibus homo regitur, « implebuntur, » id est consuetudinaliter corruptiuntur; « vitiis adolescentiæ suæ, » id est quibus se ipsum in adolescentia suacepit corrumpere, « et cum eo in pulvere dormient, » id est usque ad finem vitæ, quando pulvis convertitur in pulverem, 460 in illo perseverabunt, et ideo veniam non merebuntur, quia peccatum tale quod est impenitentia, neque in hoc sæculo, neque in futuro remittetur.

**C VERS. 12.** — « Cum enim dulce fuerit in ore ejus malum, » id est, cum ex corde delectetur operari peccatum, « abscondet illud sub lingua sua, » id est operiet malitiam suam locutione. Blanda, iuxta illud : « Simulator ore decipit amicum suum (Prov. xi). » Hoc recte de hypocrita dicitur, de quo et subditur :

**VERS. 13.** — « Parcet illi, » subaudi malo quod sub lingua sua abscondit; parcet, inquam, videlicet quia diligit, et non vult illud prænitendo persequi, « et non derelinquet illud, » subaudi donec, ut prædictum est cum eo in pulvere, dormiat, « et celabit in gulture suo, » id est in cogitationis occulto, nolens prodere humili confessione; justus quippe videri vult, non esse.

**D VERS. 14.** — « Panis ejus in utero illius, » id est satietas temporalis delectationis ejus in mente ejus, idcirco, quia perseveranter in malis delectatur, « vertetur in fel aspidum intrinsecus, » id est, in retributione amaricabit animam ejus, societate malignorum spirituum. Vel, ita : « Panis ejus, » id est scientia ejus, « in utero, » id est in mente ejus, « vertetur in fel aspidum, » id est in erroris et deceptionis venenum, videlicet quia doctrina verbum, quod male querit, prave intelligit, et ad corruptendos auditores pejus exponit.

**VERS. 15.** — « Divitias, quas devoravit, evomet, » id est eloquia divina, quæ legit, justo judicio Dei cæcatus oblivioni tradet, « et de ventre, » id est de mente ejus, « extrahet eas Deus, » videlicet quia,

quod servare noluit, justo judicio de memoria ejus A Deus aevlit. Et sicut in Zacharia de volume vo- lante dicitur : « Omnis fur, sicut ibi scriptum est, judicabitur (Zach. v), » sic in hypocrita compleetur, quia sacrae Scripturæ fur judicatur, dum per hoc quod justa dicit, laudem sibi vitæ justorum rapit.

VERS. 16. — « Caput aspidum surget [al., suget]. » Ac si dicat : Idcirco sic punietur, quia caput aspidum, id est principium et præcipuum omnium vitiorum, videlicet superbia, surgit, id est magna est, et adversus Deum in mente ejus se erigit, « et occidit eum lingua viperæ, » id est sua lingua, qua insicit alios, dum corrumptit mores bonos mala collo- cutione.

VERS. 17. — « Non videat, » subaudi quia talis est; non videat, inquam, « rivulos fluminis, torrentes, » id est dulcedinem Spiritus sancti cum impetu euntis, juxta illud : « Fluminis impetus latifiscat ci- vitatem Dei (Psal. XLV), » quod flumen est « mellis et butyri, » videlicet quia cum dulcedine Divinitatis, quæ significatur per mel, conficitur euim de rore celi, mysterium quoque inspirat humanæ menti Dominice incarnationis, quæ per butyrum recte designatur, quod de carne animantis extrahitur. Nou videat, inquam, neque hic per prævenientem gratiam Spiritus sancti neque in futuro per plenam visionem Dei, sed potius :

VERS. 18. — « Luet quæ facit omnia, » scilicet inter inferni tormenta, « nec tamen consumetur, » videlicet quia flammis ultricibus traditus et semper moritur, et semper in morte servatur, ut cuius vita hic mortua fuit in culpa, illuc mors ejus vivat in pena. « Juxta multitudinem adinventionum suarum, sic et sustinebit, » id est, sicut multis iniquitatibus ex suis desideriis adinvenit, sic et graviora tormenta recipiet, quam caeteri.

VERS. 19. — « Quoniam confringens, » scilicet per potentiam, « nudavit, » id est spoliavit, pauperis [al., pauperes] domum, videlicet per avaritiam. Ac si dicat : Quia non peccavit, ut multi, per infirmitatem vel per ignorantiam, sed per violentam superbiam suam explevit avaritiam. Fregit, inquam, et nudavit domum pauperis rapuit, « et non ædificavit eam, » id est cum ad damnationem sufficeret non ædificasse, vel sua non dedisse, venturus enim judex dicturus est reprobis : « Esurivi, et non dedisti mihi manducare (Math. XXV), » et, non solum non ædificavit, sed et diripuit domum pauperis, quod proficit ad cumulum damnationis.

VERS. 20. — « Nec est satiatus venter ejus, » vi- delicet, quia avaritia desideratis rebus non extin- guitur, sed augetur, more ignis, qui cum ligna, quæ consumat, acceperit, excrescit, et unde videtur ad momentum flamma comprimi, inde paulo post cer- nitur dilatari. « Et cum habuerit quæ concupierat, » id est, cum omnes ex iniquitate congregaverit divitias, « possidere non poterit, » scilicet, qua-

A cito rapietur illuc, ubi ille non poterunt eum sequi.

VERS. 21. — « Non remansit de cibo ejus, » id est nec de micis quæ cadebant de mensa ejus, dedit pauperibus, « et propterea nihil permanebit de bonis ejus, » scilicet, apud inferos, nec tantum, pro quanto guttam aquæ recipere mereatur.

VERS. 22. — « Cum satiatus fuerit, arctabitur, » id est cum ditatus fuerit, anxiabitur, quia, videlicet et vivens curis prefocabitur, et mortuus in ip- ferno sepelietur. « Astuabit, » scilicet et prius poe- nas concupiscentiarum, et postmodum cura custodiendæ pecuniarum, « et omnis dolor irruet super eum, » videlicet quia et in præsenti fatigatur desideriis, et in futuro torquebitur suppliciis. Et quoniam

B tantis tormentis perversum punitur desiderium :

VERS. 23. — « Utinam impleteur venter ejus. » Tam perniciose quippe sunt ea quibus supradicto modo impletur, ut malo suo illi optentur. Illa namque impletio ventris, id est cupidæ mentis, prove- niat illi ad hoc quod sequitur : « Ut emittat, » sub- audi Deus, « in eum iram furoris suæ, » id est dam- nationem judicii æterni, « et pluat super eum bel- lum suum, » id est abundanter emittat densa iacula sententiarum suarum.

C VERS. 24. — « Fugiet arma ferrea. » Ac si hanc excusationem objiceret aliquis. Idcirco ille tanta vi- lenter acquirit, quia præcavet necessitates vitæ præ- sentis. Sed esto. « Fugiet arma ferrea, » id est præ- sentes necessitates, quæ duræ quidem, sed tamen transitoriae sunt, sicut ferrum durum quidom est, sed tamen ærugine consumitur, « et incurret [al., irruet in] arcum æreum, id est Dei judicium, quod et durum est et æternum, sicut æs et durum est, et difficilius ærugine consumitur; et, sicut arcus ex insidiis percutit, ita dum non stenditur inquis ju- dicium illud supervenit. « Incurret, inquam, arcum æreum. »

D VERS. 25. — « Eductus et egrediens de vagina sua, » id est, de pravæ cogitationis machinatione occulta ad manifesta progressus opera. Eductus, in- quam, scilicet, per diabolum se ducentem, et egradiens, videlicet per propriam voluntatem ad proximorum deprædationem, « et fulgurans, » id est ad breve, ut fulgor splendens, et ante posita percutiens; unde euim iniquus clarus ostenditur, indo agitur ut multi feriantur. « Fulgurans, inquam, in amaritudine sua, » quia videlicet, post brevem splendorem ad amara rapietur tormenta. « Vadent, et venient super eum horribiles, » scilicet maligni spiritus, qui dicent animæ ejus, incurvare ut trans- eamus. Vadent, inquam, et venient, quia videlicet dum sic educitur, et egreditur, omnia vita- mentem ejus devastant, et si alia mala dese- runt, alia vicissim occupant. Hoc est quod se- quitur :

VERS. 26. — « Omnes tenebrae absconditæ sunt in occultis ejus, » id est, omnes malitia reconditæ sunt in insidiosis cogitationibus ejus. « Devorabit

eum, » scilicet propter hæc mala, « ignis qui non succendit, » id est ignis gehennæ, quem miro modo justitia futurorum præscia ab ipsa mundi origine ita creavit, ut in pœnam reproborum semel esse inciperet, sed ardorem suum, etiam sine lignis, nunquam finiret. » Affligeretur, » subaudi eodem igni, « qui, ut dictum est, non succenditur, relictus in tabernaculo suo, » id est cum emori optet retentus in carne sua, in qua habitabat prius volens, cum se delectationibus pascebat. Ad illum ignem **461** sic perveniet.

**VERS. 27.** — « Revelabunt cœli, » id est judicabunt sancti, « iniqutatem ejus, » scilicet, quam contra ipsos est operatus, « et terra, » id est peccatores quoque, quia ipsis etiam nocuit, sive electorum minus perfecta plebs, quæ ad comparationem cœlorum, id est apostolorum terra quædem, sed fructifera est, « consurget adversus eum. »

**VERS. 28.** — « Apertum erit, » scilicet in accusatione, subaudi supradictis cœlis revelantibus, « germen domus illius, » id est, omne quod nunc occultum est, peccatum conscientia ejus. « Detrahetur in die furoris Dei, » id est in die judicii. Detrahetur, inquam, scilicet ab interni judicis vultu, coram quo nunc recte operando per hypocrisim stare videtur, nam nunc est dies patientia Dei, tempore autem vindictæ, dies furoris ejus super impios erit.

**VERS. 29.** — « Hæc, » subaudi damnatio, « est pars hominis impii a Deo, » subaudi separati, videlicet, quia non ipsum Deum pro parte sua habere, sed a Deo partem elegit sibi dividere, quæ utique bona non est. « Pars, inquam, et hæreditas verborum ejus, » scilicet omnium quæ superbe vel otiose locutus est, « a Domino, » subaudi illi reddenda. Hæc Sophar ita intulit, ut per ea quæ contra hypocritam dixerat, beati Job vitam finiret, utpote cuius iniuriantes, ut ipse putabat, etiam juxta litteram, revlassent cœli, et terra adversus eum consurrexisset, in eo quod ignis de cœlo cecidit, puerisque et oves ejus consumpsit, et Chaldei atque Sabæi boves et asinas atque camelos tulerunt, et pueros gladio percusserunt, et nunc affligebatur et relictus in tabernaculo suo, » id est, in corpore quod percussum erat ulcere pessimo, at ille humilitatis sue tramitem non relinquentis subjungit :

**CAP. XXI, VERS. 2.** — « Audite, queso, sermones meos, » etc. In qua responsione infirmam esse ostendit rationem supradictam, qua sic cœperat Sophar : « Hoc scio, a principio, ex quo positus est homo super terram, quod laus impiorum brevis sit (*Job xx*). » Nam secundum ejus intentionem hoc consequitur, quod nemo impius usque ad finem vitæ suæ in via sua prosperetur, quod procul dubio falsum est. Unde et ipse Job sic paulo post oppositus est: « Quare ergo impii vivunt, sublevati sunt, confortati que divitiis? » (*vers. 7*), etc. Quo dicto rationem vehementer infirmat, quam Sophar novissime confirmare visus est sibi. Nam siue non omnes

A impi in præsenti sæculo ante mortem a felicitate sua precipitantur, ita sane eodem Dei judicio non omnes justi in præsenti bono meritorum suorum fructa remunerantur. Primum suo more benevolentiam ad audiendum expedit, dicens : « Audite, queso, sermones meos, et agite pœnitentiam, » videlicet, quia nimium prava de me sentitis, et per infirmam conjecturam astruitis. Audite, inquam, ut vobis prosit. Quod si vobis prodesse nequit,

**VERS. 3.** — « Sustinet me; » sustinet, inquam, saltem, « et ego loquar, » scilicet, quia hoc mecum est ut etiamsi prodesse vobis nequo, tamen propter alios loquar, « et post mea, si videbitur, verba rite. » Ac si dicat : Si audieritis, pœnitentiam ageatis, si sustinueritis invitati, post mea verba ridebitis, B quia videlicet superbis mentibus grave pondus oneris est doctrina humilitatis. Diceret aliquis : Cum justus accusator sit sui (*Prov. xviii*), quare objecta tantopere depellere niteris? Ad hoc respondeat :

**VERS. 4.** — « Nunquid contra hominem disputatione mea est, ut merito non debeam contristari? » Id est, nunquid contra hominem peccasse me arguitis quod quidem esset humiliiter concedendum, et non potius contra Deum, quod est diabolicum et venia indignum. Nam si peccaverit vir in virum, placari ei protest Deus. Si autem peccaverit in Deum, quis orabit pro eo? Nunquid ergo contra hominem est disputatione mea, id est, causa a vobis mihi objecta, propter quam disputo, videlicet, quia dicitis me impium, et quod tumet spiritus meus contra Deum, et similia. Nunquid hoc tale est, ut merito non debeam contristari?

**VERS. 5.** — « Attendite me, » scilicet ut consideret et loquar, « et obstupescite, » videlicet, considerantes quid egi et quid patior, « et superponite digitum ori vestro, » id est, compescite vos a tanto præjudicio, vel quia digitus discretionem significant « superponite digitum ori vestro, » id est cum discretione loquimini.

**VERS. 6.** — « Et ego, » id est etiam ego, « quando, » id est quoties, « recordatus fuero, pertimesco, id est perhorresco, videlicet, audisse quod dicius, quanto magis esse nolle talis, qualem esse me assertis? » Et concutit carnem meam tremor, » scilicet, pre horrore tanti criminis quod mihi objicitis.

**VERS. 7.** — « Quare ergo impii vivunt? » Ac si dicat : Si, ut arbitramini, hæc ideo patior, quia impius sum, « quare ergo impii vivunt, sublevati sunt, » scilicet honoribus, « confortati que divitiis, » videlicet, quia diu ac fortiter in hac vita quasi stans permittuntur? Nunc eorum felicitatem per partes enumerat.

**VERS. 8.** — « Semen eorum permanet coram eis, » id est, in augmentum magnæ felicitatis, cum magno patrimonio, et hæredes dantur eis, mihi autem adepti sunt, nec ipsi hæredes eorum sunt steriles. Nam « propinquorum turba, et nepotum in conspectu eorum. » Sed nec eorum gaudia domestica rix, contristat,

VERS. 9. — « Nam domus eorum securæ sunt et pacatae, » videlicet, securæ in vitiis, pacatae ab adversis, « et non est virga Dei super illos, » subaudi, quia extra disciplinam sunt, ideo filii non esse intelligendi sunt (*Hebr. xii*). Sic intus prosperantur, et in agris quoque non minor illis prosperitas arredit.

VERS. 10. — « Nam bos eorum, » id est vacca eorum, litteraturæ namque locutio bovem communis generis appellat; « bos, inquam, eorum concepit, et non abortivit. » Hæc prima est sollicitas gregum Domini, si gressus sterilitatem non habens concepit. Secunda, si ad partum conceptus venit, unde et sequitur, « vacca peperit. » Tertia, si per nutrimentum ad provectum ducatur, unde et sequitur, « et non est privata fetu suo. » Post secunditatem regum, secunditas familiaria subrogatur.

VERS. 11. — « Egrediuntur quasi greges parvuli eorum, » videlicet, ut sicut multa ad habendum concessa sunt, ita multi germinent ad custodiendum. « Et infantes eorum exultant lucibus, » scilicet his:

VERS. 12. — « Tenent tympanum, et citharam, et gaudent ad sonitum organi, » ac si dicat: Cum Dominis honoribus et rebus tument, subjecti in ludicris cœtibus gaudent.

VERS. 13. — « Ducunt, » scilicet hoc modo, « in bonis dies suos. » Sed quid tandem? « Et in puncto, » inquit, id est cito, non cum longo rerum vel honorum dispensio, sed vitam cum prosperitate terminando, « ad inferna desoendunt, » videlicet, de brevibus et subitis gaudiis ad æternos dolores ex improviso trajecti. Et merito eis accidit.

VERS. 14. — « Qui dixerunt Domino Deo, » moribus scilicet, dixerunt et si non verbis, « recede a nobis, » quod dicere est non per ignorantiam sed per industriam peccare, et animum per defensionem vitiæ voluntatis contra omnipotentem claudere. « Scientiam viarum tuarum nolumus, » id est non probamus. Scire quippe nolunt quod facere contemnunt.

VERS. 15. — « Quis est, » inquiunt, « Omnipotens, ut serviamus illi? » subaudi nullus. « Dicit enim insipiens in corde suo: non est Deus (*Psal. xiii, lvi*). » Esse quippe non credunt quem corporaliter non intuentur. « Et quod nobis prodest, » inquit, « si oraverimus illum, » scilicet, cum nondet id pro quo adoramus eum? videlicet, hi dicunt in eo quod mundum amantibus in fastidium venit ipse Deus; queriam non vult dare quod amat, et cum in oratione Deus non queratur, animus citius in oratione lassatur.

VERS. 16. — « Verumtamen, » id est, licet ducent in bonis dies suos, et non nisi cum vita termino finiatur eorum prosperitas, **462** quæ mihi viventi ablata est, « quia non sunt in manu, » id est in dominio mentis, « eorum bona sua, » sed potius ipsi servi sunt pecuniarum suarum, et ab eis colligati, « in puncto, ut prædictum est, ad inferna de-

A scendunt, » — « consilium eorum longe sit a me, » id est, absit ut ego in impietate similis illorum sim quod vos arbitramini. Malo sub præsenti flagello gemere, quam cum eis nunc gaudendo æterna postmodum supplicia tolerare. Diceret aliquis: Quomodo nunc dixisti, « quia non sunt in manu eorum bona sua, » cum superiorius dixeris, « ducunt in bonis dies suos (vers. 13), » etc. Ad hoc respondet dolendo sive admirando:

VERS. 17. — « Quoties lucerna impiorum extinguetur, » id est, quoties gaudium eorum, dum plenum esse videtur, obscuratur, vel immatura morte filii, vel quolibet alio damno rei familiaris, vel invidia superiorum, vel dura contentione patrum, « et supervenit eis inundatio doloris, » id est, B inopinatae veniet fluctus alicujus adversitatis, dum inter varietates vite præsentis prospera se credunt navigatione ferri. « Et dolores dividet furoris sui? » Subaudi Deus, id est, particulatim mittit, vel alternat furorem suum eis, quos et hic et in futuro percutit. Nunc, inquam, lucerna eorum extinguitur, qui mei comparatione felices putantur, in futuro autem:

VERS. 18. — « Erunt sicut paleæ ante faciem venti, » id est, ita per sententiam judicis in ignem æternum asportabuntur, sicut paleæ leves magno vento auferuntur, « et sicut favilla quam turbo dispergit, » subaudi, sic animæ illorum aridae, qui ad momentum virides apparuerant, in turbine manifeste videntis Dei nostri æternæ deputabuntur consumptioni.

VERS. 19. — « Deus servabit filiis illius dolorem patris, » videlicet, qui reddit, sicut scriptum est, peccata patrum in filios ac nepotes, usque in tertiam et quartam generationem (*Exod. xx*), reddit, inquam, filiis, videlicet patrum sequentibus; nam de his qui non sequuntur, item scriptum est: « Filius non portabit iniuriam patris (*Ezech. xviii*), » « et cum reddiderit, tunc sciét, » id est, tunc primum intelliget, qui ante « intelligere noluit ut bene ageret (*Psal. xxxv*). »

VERS. 20. — « Videbunt oculi ejus interfectionem suam, » videlicet, quia videre noluit culpan suam, « et de furore Omnipotentis bibet, » scilicet, quia, dum offertur sibi veniam, impoenitens est: et merito bibet. »

VERS. 21. — « Quid enim ad eum pertinet de domo sua post se? » videlicet, utrum negligentia, vel etiam malo exemplo pereat? Hoc beato Job non ab re commemorat, juxta quod, ut paulo ante dixerat (vers. 16), « consilium eorum longe sit a me. » Nam ita sollicitus fuerat de domo sua ut consurgens diluculo holocausta per singulos offerret filios, dicens: « Ne forte peccaverint filii mei Domino (*Job 1*), » et cætera. Nihil, inquit, « ad eum pertinet de domo sua, » id est non curat, utrum exemplo suo pereat, ut dictum est, vel pro peccato suo percutiatur, « et si numerus mensium ejus dimidietur, » id est, etiam si propter peccata sua vita ejus abbreviatur.

sit, superbia tamen instigante a peccato non compescitur. Quod si quæras cur ita illos cæcari permiserit :

**Vers. 22-26.** — « Nunquid, ait, Deum quispiam docebit scientiam, qui excelsos judicat? » Ac si aperte dicat : « O homo tu quis es, qui respondeas Deo? » (*Rom. ix.*) « Qui excelsos, » inquit, id est, angelos « judicat, » alios videlicet in æterna luce statuens, alios sponte lapsos in æterne damnationis ultione prosternens. Incomprehensibilia judicia ejus hoc disponunt, quod « iste moritur robustus et sanguis, dives et felix, viscera ejus plena sunt adipe, et medullis ossa ejus irrigantur; alius vero, » videlicet similis mei, « moritur in amaritudine animæ suæ absque ulla opibus. Et tamen simul, » id est similiter, « in pulvere dormient [*al.*, et vermes operient eos], » ac si dicat : Quia similiter ad terram redeunt, nec divitiae debent mentem extollere, nec inopia perturbare.

**Vers. 27.** — « Certe novi cogitationes vestras, » videlicet, quia ex præsenti flagello me impium esse conjicisti, « et sententias contra me iniquas, » id est factis meis non æquas, subaudi novi, quis quas de impio universaliter dicitis, propter me concinnatis. « Novi, » inquam.

**Vers. 28.** — « Dicitis enim, » scilicet insultantes : « Ubi est domus principis, » videlicet, quondam in principatu superbientis, et quasi in exemplum aliorum me ad spectaculum proponentes, « et ubi sunt, » dicitis, « tabernacula impiorum, » subaudi sic omnes, velut iste, cum tabernaculis suis pereunt. Possunt hæc quæ dicta sunt, de iniquo divite accipi etiam allegorice. « Viscera, inquit, ejus plena sunt adipe (*vers. 24*), » id est, mens ejus plena est tumore superbie, quæ sic ex abundantia rerum tenditur, sicut adeps ex cibo nascitur, « et medullis ossa ejus irrigantur (*ibid.*), » id est divitiis dignitates, quibus velut ossibus fulcitur, vel malis desideriis duræ consuetudines ejus impinguantur. « Alius in amaritudine animæ suæ moritur (*vers. 25*), » divitias habere concupiscens et non valens. « Et tamen simul omnes in pulvere dormient, » id est, in terrenis desideriis mentis oculos claudent, « et vermes, » id est curse carnales, « operient eos (*vers. 26*), » in illis, tanum qui babet quam eum qui concupiscens non habet. « Certe novi cogitationes vestras, » videlicet, verbis vel operibus demonstratas. Sequitur enim, « et sententias vestras contra me iniquas, » et cætera similiter ut supra dictum est :

**Vers. 29, 30.** — « Interrogate, » subaudi ea quæ dixi, quemlibet de viatoribus, id est, de his qui hoc mundo non pro patria, sed pro via utuntur, « et hæc eadem, » subaudi, quæ dixi, « illum intelligere cognoscetis, quia in diem perditionis servatur manus, » scilicet, qui hic in via sua prosperatur, « et ad diem furoris ducetur, » videlicet, dum hic florere permittitur. Attamen :

**Vers. 31.** — « Quis arguet coram eo vias ejus? » Quod quidam etsi non de omni impio accipi posse

A videtur, videlicet quia multi impli multis modis arguntur, de universæ iniquitatis capite Antichristo recte edictum accipitur, cuius facta ab homine argui non valent, nisi in absentia ejus, unde bene additum est, « coram eo. Quis, inquam, arguet, et quæ fecit quis, » nisi Deus, « reddet ei? »

**Vers. 32, 33.** — « Ipse ad sepulcra ducetur, » id est in potentibus reproborum cordibus recipietur, quia videlicet, illi soli eum recipiunt, in quibus Dei mortuæ anime reperiuntur, « et in congerie mortuorum vigilabit, » id est, in congregazione peccatorum ostutiæ suæ inqsidias confidenter exerit. Et ne mireris quod ad tales Dei judicio ducetur, vel eos seducere permitteatur Antichristus, quia « dulcis fuit, » subaudi, etiam antequam veniret; « dulcis, » inquam, « fuit glareis Cocytii, » id est, eisdem reprobis idem spiritus erroris magis quam spiritus veritatis, in corde et in ore acceptus fuit, qui semper sunt fluxis voluptatibus dediti, ideo glareis, quæ sunt lapilli fluminum, merito comparantur, tendentes ad luctum, qui significatur per Cocytum, quem fluvium sapientes sæculi apud inferos currere pataverunt. Dicitur autem Cocytus Graeca lingua lacus, qui tamen luctus semifiarum solet intelligi vel quorumlibet infirmantium. Dulcis itaque fuit vel erit, Antichristus glareis Cocytii, id est, fluxe viventibus reprobis, quorum luctus vere infirmantium luctus est. Et hic cum venerit, « post se omnem hominem trahet, » id est, omnem humana tantum sapientem, nam reprobri omnes post illum confluent. « Et ante se, » id est antequam veniat, non quidem omnes, multi enim a diabolo convertuntur ad Deum, sed « innumerabiles, » subaudi trahet. Idcirco præmitit, « post se omnem hominem, » quod minus est, et addidit, « ante se 403 innumerabiles, » quod plus est, quamvis plus esse videatur omnis homo, quam innumerabiles homines, quia videlicet innumerabiles, quos per quinque annorum ante se trahit, multo plures sunt, quam omnes, quos suo tempore, id est tribus annis, præsentes inveniet. Et ideo recte præmisit, « post se omnem hominem, » quod minus est, « et ante se, » id est quod, ut prædictum est, plus est.

**Vers. 34.** — « Quomodo igitur consolamini, » id est criminamini me frustra; nam per antiphram dixit, « consolamini, » videlicet conjicieando ex adversitate ista, quod impius sunt hypocrita, cum impii multis felices videantur, et ille præcipue prosperabit, qui est procul dubio universæ impietatis caput, « cum responsio vestra reouqua ostensa sit veritati? »

**CAP. XXII, VERS. 1, 2.** — « Respondens Eliphaz Themanites dixit : Nunquid Deo comparari potest homo? » Ecce jam tertio Eliphaz B. Job aggreditor aperta fronte, et nihil habens de amici reverentia, videlicet quia nou jam universaliter loquendo contra impium, ex obliquo percutere curat, quod semel et iterum fecerat, sed in personam ejus invenitur, et falsa in eum crimina nominat, in exprimendo con-

cinnat. Quod a laude Dei incipit, utpote qui se illi obsequium præstare arbitratur. « Nunquid, ait, Deo comparari potest homo etiam cum perfectæ fuerit scientie? » Subaudi : Non. In comparatione etenim Dei scientia nostra ignorantia est.

Vers. 3.— « Quid prodest Deo si justus fueris? » subaudi : Nihil. In omnem quippe quod recte agimus, nosmetipsos, non autem ipsum Dominum juvamus. « Aut quid ei conferes, si immaculata fuerit via tua? » subaudi : Nihil. « Quoniam bonorum meorum, inquit Psalmista, non eges (Psal. xv). »

Vers. 4.— « Nunquid timens, » subaudi, fortitudinem tuam, « arguet te, » videlicet more regum terrenorum, qui suspectam sibi aliquorum, qui sibi subjecti sunt, potentiam, ne increscat, propositis occasionibus præveniunt, ut imminuant vel penitus auferant. « Nunquid, inquit, hoc timens te arguit, et veniet tecum in judicium? » Hoc nimis otiosum est, et eorum qui eminio verba sua meteri nesciunt. Sed de otiosis ad contumeliosa protinus prorumpit, dicens :

Vers. 5.— « Et non propter malitiam tuam plurimam, et infinitas iniquitates tuas, » subaudi arguet te? « Abstulisti enim pignus, » viduæ, et cætera quæ, quia valde juxta historiam patent, exponenda ad literam non sunt, sed, quomodo hæreticorum falsitati congruant, demonstrandum est.

Vers. 6.— « Abstulisti, » inquiunt sanctæ Ecclesiæ heretici, « pignus fratrum tuorum, » id est ab his qui a nobis ad te veniunt, inutiliter confessionem erroris exigisti, per quod pignus perdiderunt, id est donum Spiritus sancti, quod acceperant a nobis. « Et nudos, » id est simplices et incautos, « spoliasti vestibus, » id est diversarum gratiarum privastis ornatis.

Vers. 7.— « Aquam lasso, » id est veritatis polulum sitienti, « non dedisti, » sed errorem propinasti. « Et esurienti panem, » id est doctrinam sanam, quam dederamus, « substraxisti, » scilicet doctrinas aliis.

Vers. 8.— « In fortitudine brachii tul, » id est in vehementia tue prædicationis possidebas terram, scilicet universam, « et potentissimus, » non ratione veritatis, sed potentia fortitudinis, « obtinebas eam. »

Vers. 9.— « Viduas, » id est plebes a nobis legitimis pastoribus separatas, « dimisisti vacuas, » videlicet prædicatione sana, « et lacertas pupillorum, » id est opera discipulorum nostrorum bene coeptas communisti. »

Vers. 10.— « Propterea circumdatus es laqueis, » scilicet perfidiae tue, id est adversitas condigna inventa, « et conturbat te formido subita, » id est angustia qua considerare negligebas dum tibi arderet prosperitas.

Vers. 11.— « Et putabas te tenebras, » id est conturbationem gaudii tui, quo te lucere præsumebas, « non visurum, et impetu aquarum inundantium, » id est vehementia tribulationum supervenientium,

A « non oppressum iri? » Tribulationes idcirco aquis tumentibus comparat, quia dum aliae super alias irruunt; quasi aquis tumentibus, unde undas putabas, inquit, insultatio est et irrigio, qua et subjungit :

Vers. 12.— « An non cogitas, » subaudi modo, sicut tunc quando mala ista faciebas, « an non cogitas, inquam, quod Deus excelsior celo sit; et super stellarum verticem sublimetur, » subaudi et ideo quæ in terra flunt non videt? An non cogitas hoc?

Vers. 13.— « Et dicis: Quid enim novit Deus, » scilicet superioribus intentus, « et quasi per caliginem judicat, » subaudi si quid videt.

B Vers. 14.— « Nubes latibulum ejus, » subaudi nunquid dicis, videlicet quia inter nos, et cœlestem sedem aeris partes intersunt, « nec nostra considerat, » inquis, id est minus ima perpendit superiora curans, « et circa cardines cœli perambulat, » subaudi ita ut interiora non videat. Videlicet, hæc cogitans falleris; ille namque sicut adest singulis ut simul omnibus nunquam desit, sic omnibus intendit ut singulis adsit, sic exteriora circumdat ut interiora impleat, sic summa regit ut ima non deserat, sic imis præsens est ut a superioribus non recedat. Tu autem aliter, ut dictum est cogitans :

C Vers. 15.— « Nunquid semitam sæculorum custodire, » id est perseveranter superbire, « cupis? » Semita namque sæculorum est superbìa, sicut econtra semita Redemptoris nostri est humilitas. Unus et de eadem superbie semita subditur, « quam calcaverunt, » id est consuetudinaliter ambulaverunt, « viri iniqui, » scilicet quicunque vitam hanc transiunt elati.

D Vers. 16.— « Qui sublati sunt, » scilicet a præsenti vita, « ante tempus suum, » id est citius quam arbitrali sunt, dum longiora sibi ejusdem vite spatia repromittunt. Nam quia accepta tempora non ad fructum poenitentie, sed ad usum iniquitatis vertunt, quod a divina misericordia mereri poterant spatium vivendi amittunt. « Sublati sunt, » inquam, « et fluvius, » id est mortalitatis decursus, « subvertit fundamentum eorum, » videlicet quod in terrenis rebus fixerunt, quia ad æterna transire non curaverunt, utpote at terrenam pertinentes generationem Cham, qui primus in terra civitatem construxisse describitur, in quo videlicet aperte monstratur quia ipse in terra fundamentum posuit, qui a soliditate æternæ patriæ alienus fuit. « Fluvius » ergo, inquit, « subvertit fundamentum eorum. »

E Vers. 17.— « Qui dicebant Deo: Recede a nobis. » Hoc et a B. Job dictum, et superius expostum est. « Et quasi nihil possit facere Omnipotens, estimabant eum. » Et hoc a B. Job eadem sententia, sed alio sermone dictum est, « quis est Omnipotens ut serviamus ei? » (Job xxii.) Ita, inquam, « estimabant eum quasi nihil posset facere. »

F Vers. 18.— « Cum ille implesset domos eorum hominis, » subaudi temporalibus, quia videlicet dona sua

etiam ingratia non denegat, ut duriora eos tunc supplicia puniant, quorum hic malitiam nec dona vice-runt. Quorum sententia longe sit a me. Hoc et per beatum Job dictum est. Ait, namque: Quorum consilium longe sit a me (Job xxii).

VERS. 19. — « Videbunt justi, » subaudi interitum eorum, « et lætabuntur, » tunc videlicet, quando districtio judicii perfecta jam securitate exultationis inhærentes, nil de sequod metuant habebunt, « et innocens, » scilicet qui nunc gemit videns eos in iniquitate morientes, tunc « subsannabit eos, » id est nulla commiseratione movebitur erga eos summa concordans justitia in æterna peccatorum ultione.

VERS. 20. — « Nonne succisa est erectio, » id est superbia eorum, tunc videlicet, cum vel a præsenti vita ad interitum, vel a conspectu æterni iudicis ad æternæ gehennæ pertrahuntur incendium, « et reliquias eorum, » id est carnem quoque quam hic relinquent in resurrectione reseptam, « devorabit ignis, » videlicet ut 484 cum carne ardeant in qua peccaverunt.

VERS. 21. — « Acquiesce ergo ei, » id est nostræ consenti quæ pro illó est sententiæ, « et habeto pacem, » videlicet supernis iudiciis non resistens, « et per hæc habebis fructus optimos, » id est opera facies placentia Deo. Sic et hæretici solis acquiescentibus sibi pacem promittunt, et fructus optimos, quia videlicet contra eos qui sectum sentiunt jurgari desistunt, et solos consentientes sibi opera bona posse agere aestimant.

VERS. 22. — « Suscipe, » inquit, « ex ore illius, » subaudi egressam, quam nos docemus, legem, « et pone sermones ejus in corde tuo, » subaudi, quos nunc usque per hypocrisin habebas non in corde, sed tantum in ore tuo.

VERS. 23. — « Si reversus fueris ad Omnipotenter. Ut ex hæreticorum persona procedat, quoniam satis, ut dictum est, patet in littera: « Si reversus, » inquit, « fueris ad Omnipotentem, » scilicet, a quo per errorem discessisti, « edificaberis, » id est, prospera recuperabis, « et longe facies iniqutatem a tabernaculo tuo, » id est tam a corde, quam a corpore tuo, quia videlicet, et in cogitatione mundaberis, et in opere.

VERS. 24. — « Dabit pro terra silicem, » id est pro his omnibus in quibus tui infirmantur actus, solidam reddet fortitudinem, « et pro silice torrentes aureos, » id est pro robusto opere claritatem doctrinæ, quia videlicet quasi ex fortitudine defluunt torrentes aurei, cum ab ore bene viventium sacrae doctrinæ claritas affluit.

VERS. 25. — « Eritque Omnipotens contra hostes tuos, » id est protestabit contra spiritus malignos, « et illo per suam virtutem eos depellente « argentum coarctabatur tibi, » id est lucidum exuberabit intus talentum eloqui divini, videlicet, te dicente iuxta Psalmistam: « Declinate a me, maligni, et scrutabor mandata Dei mei (Psal. cxviii): » quæ profecto perscrutari non poterat, cum malignorum

A spirituum insidias in mente tolerabat. Quod etiam in Isaac opere sub Allophylorum pravitate designatum est, qui puteos, quos Isaac foderat, terre congerie replabant (Gen. xxvi): Immundi namque spiritus dum Scripturæ sacrae studentibus terrenas cogitationes ingerunt, quasi inventam divinæ scientiæ aquam tollant.

VERS. 26. — « Tunc, » scilicet, cum hoc argentum tibi coacervatum fuerit, « super Omnipotenter deliciis afflues, » id est in amore illius sacrae Scripturæ epulis satiaberis, et iuxta illud: « Que est ista quæ ascendit de deserto deliciis affluenta (Cant. viii), » dum mysticis intelligentiis pasceris, ad superna quotidie contemplanda sublevaberis. « Et elevabis, » scilicet, hoc modo, « ad Deum faciem, » id est mentem tuam, per interiorem imaginem Deo notam atque conspicabilem, quam videlicet dum reatu culpæ quisque deprimitur, levare ad Deum conscientia reverberata veretur.

VERS. 27. — « Rogabis eum, et exaudiet te, » subaudi, qui sua hactenus præcepta contemnentes noluit audire. « Et vota tua reddes, » id est bonum propositum tenere valebis, videlicet, remota culpa vel culpæ poena, qua nunc obstante reddere non potes. Sæpe enim ex culpa agitur ut volenti bonum posse subtrahatur.

VERS. 28. — « Decernes rem, et veniet tibi, » subaudi, qui nunc, dum injustus es, adipisci non potes quod appetis, « et in viis tuis splendebit lumen tuum, » id est in operibus tuis iustitia tua allis erit in exemplum. Hos optimos fructus habebis, si, ut supra dixi, legem ex ore illius suscepseris.

C VERS. 29. — « Qui enim humiliatus fuerit, » id est humiliiter legem ejus suscepserit, « erit in gloria, » videlicet, iuxta illud, « Qui autem se humiliaverit, exaltabitur (Matth. xxi; Luc. xiv, xvii); » — et qui inclinaverit oculos, » id est nullum despiciendo respexerit, sed se minorem atque imparem cunctis quos aspicit aestimaverit, « ipse salvabitur, » id est altitudinem ascendet veritatis, quia falsum superbiz verticem deseruit.

VERS. 30. — « Salvabitur innocens, » scilicet, in retributione regni cœlestis. « Salvabitur autem munditia manuum suarum, » videlicet, quia illum in extremo examine iustitia judicis interni salvat, quem hic non in sua virtute præstumentem pietas ejus ab immundis operibus liberat. Cuncta hec Eliphaz esti recta protulit, cui tamen proferret ignoravit, quia docere meliorem audere non debuit, « frustra autem, ut per Salomonem dicitur, « jacitur rete micis oculos pennatorum (Prov. 1), » quia videlicet penitenti sunt bonorum spiritus, qui dum ad altiora per spem veritatis evolant, apposita pravorum hominum deceptionis retiacta declinant.

CAP. XXIII, VERS. 1. — « Respondens autem Job, mores suos planiöribus verbis lutohost, sed dicta sua alta mysteriorum persecutione consummat. Quid quam invitus atque coactus bona sua enumeret;

videlicet quia falsa crimina sustinebat, et hoc modo, **A** juxta Apostolum, insipiens cogebatur fieri (*1 Cor. ii*), qui potius ab amicis debuisset commendari; quam invitus, inquam, hoc faciat, ipse indicat, dum respondens hoc modo incipit:

VERS. 2.— « Nunc quoque, » id est, dum vos qui me consolari debuistis, potius adversando cogitis ut ipse me consoler commemorando bona quæ gessi, « in amaritudine est sermo meus, » id est, non cum vanâ gloriacione, sed cunâ amaro animo loquor, « et manus plagæ meæ aggravata est super gemitum meum, » quia videlicet, iuordinatae consolationis intentio percussionem, quam immunuere debuit, multiplicavit, vel ut subtilius in typum sanctæ Ecclesie referatur, « manus, » inquit, « plagæ meæ aggravata est, » quia primam electi percussionem considerant, quod a conditoris sui visione divisi sunt, sed cum adhuc etiam adversa in hac vita ascendunt, manus, id est fortitudo plagæ eorum super gemitum ipsorum gravatur. Jam vero testem habere Deum cupiens quod vera de seipso dicturus sit:

Vers. 3.— « Quis mihi det [tribuat], » inquit, « ut cognoscam et inveniam illum, » videlicet ut mihi perhibeat testimonium, « et veniam usque ad solium ejus, » scilicet, ut inter me et vos causa mea illo presidente agatur. Quod omnino non vane opat, quia sic futurum est paulo post, cum amicos ejus Deus redarguit, et testimonium perhibet de illo, dicendo: « Non estis locuti rectum coram me sicut servus meus Job (*Job XLII*). »

Vers. 4.— « Ponam, » inquit, « coram eo judicium, » id est, conscientiæ meæ testem invoke eum, « et os meum replebo increpationibus, » increpationibus, inquam, meis, ne dicam laudibus, quia bona ipsa quæ dicturus sum non tam laudes quam increpationes sunt, quia non cum jactantia, sed cum amaritudine tristitia a me proferuntur.

Vers. 5.— « Ut sciām verba quæ mihi respondeat, » quod videlicet, meretur amara et humiliis conscientia, « et intelligam quid loquatur mibi, » id est quod testimonium perhibeat æquitate judicii sui. Et ad hoc tendens.

Vers. 6.— « Nolo multa fortitudine contendat mecum, nec magnitudinis suæ mole me premit. » Mens etenim quælibet justi si ab Omnipotente dirictè judicatur, mole premitur. Quis vero ceram illo justus inveniri valeat, si secundum suæ fortitudinis majestatem vitam hominum discutiat? Illud ergo nolo. Sed quid?

Vers. 7.— « Proponat æquitatem contra me, » scilicet, potius quam fortitudinem, id est mensura humanam perpendens ita se conformet et aptet, ut eum humana infirmitas sustinere valeat. Quo dico, mirabiliter adventum mediatoris Dei et hominum Christi Jesu implorare videtur, qui a fortitudine divinitatis suæ descendens, infirmitatem nostram suscepit, ut infirmus homo ad eum invenire accessum gratiæ quandoque potuisset. « Proponat, » inquam, « æquitatem contra me, » ut dictum est,

**B** « et perveniat ad victoriam judicium meum, » id est, et tunc insidiantem adversarium per absolutio-nis meæ judicium **465** victor excludam. Sed quid agam? Quomodo ad solium ejus perveniam?

VERS. 8, 9.— « Si ad Orientem iero, non apparet, » et cetera. Anhelantius exprimi non potuit desiderium quærentis in veritatem faciem Domini. Et hæc quidem satis in littera constant, videlicet, quia Creator omnium in parte non est qui ubique est, et invisibilis atque incircumscrip-tus intra se-m: tipsum omnia continet, et omnia videt. Unde et sequitur:

VERS. 10.— « Ipse vero scit viam meam. » Ac si dicat: Videre non valeo videntem me et eum qui me subtiliter intuetur, intueri non possum. Sed tamen hæc aliter intelligi possunt: « Si ad Orientem iero, » id est si mentem in consideratione majestatis ejus extulero, « non apparet, » quia videlicet, qualis sit a cogitatione mortali videri non prævalet. « Si ad Occidentem, » id est si ad considerandum humanam mortalitatem mentis oculos deflexero, « non intelligam eum, » subaudi sed potius indignum me ejus visione esse cognoscam. « Et si ad sinistram, » subaudi iero, id est peccatorum delectationibus conseruo, « quid agam, » id est quid proficiam? subaudi non enim in delectatione peccati valet agnoscere. « Si me vertam ad dexteram, » id est si de meis virtutibus me extollam, « non videbo illum, » subaudi sed amplius exercebor per superbiam. « Ipse vero scit viam meam, » ac si dicat:

C Quamvis illum non videam, tamen coram illo confido dicere me quæ de me bona dicturus sum, quia videlicet, « ipse scit viam meam, » id est et quæ egerim, et qua intentione, vel humilitate nunc illa commemoratus sim, « ipse scit. Et probavit me quasi aurum, quod per ignem transit, » id est flamma desiderii, quo anima mea liquefit, dum, ut supra dictum est, « illum quærerit et non invenit, » simul cum ipso flagello quo crucior, puriore me redet sibi. Nunc quoniam, licet cum non videamus, ante solium ejus, qui ubique præsens est, sumus; audite quam, ut dixi, « ipse scit viam meam. »

Vers. 11.— « Vestigia ejus secutus est pes meus, » ac si dicat: Nequaquam ita, sicut vos dixistis, ambulavi in iniquitate, sed « vestigia ejus, » id est exempla pietatis ejus, « secutus est pes meus, » id est omnis propositi mei motus, sive profectus. « Viam ejus, » id est legem ejus, scilicet illam quæ etiam absque Scriptura naturaliter scitur ab omnibus, cuius hæc summa est: « Quod ubi non vis fieri, alii ne feceris (*Tob. iv*), » — « custodivi, et non declinavi ex ea. »

Vers. 12.— « A mandatis labiorum ejus, » scilicet illis quæ præter naturalem legem sanctis Patribus est locutus, « non recessi, » et hæc non superficie tenus observavi, « sed in sinu meo, » id est in secreto cordis et radice puræ intentionis, « abscondi, » id est memoræ mandavi, « verba oris ejus, » id est dicta mibi ex auctoritate ejus. Et si quæ-

cur tam sollicite vel tanta intentione egerim, cau-  
sam tibi reddo terribilem dicens.

**VERS. 13.** — « Ipse enim solus est, » id est similiem non habet, idcirco non negligenter coram illo ambulandum est. « Solus, inquam, est, » quia vide-  
licet esse ejus non tale est quale est esse angelorum, aut hominum, aut cœli, aut terræ, aut maris, aut aeris; et ideo sollicite timendus est, quia « et  
nemo potest avertere cogitationes ejus, » id est quia semel fixa nequaquam ab aliquo mutari possunt judicia ejus, et « quia horrendum est incidere in manus ejus (Hebr. x), » — « et anima ejus, » id est omnia penetraris, cuncta dispopens vis ejus, « quodcumque voluit, hoc fecit, » quia videlicet tam in apostolis angelis quam in hominibus perversis; inde quoque voluntatem suam implet, unde voluntati illius re-  
pugnare videntur. Ideo, inquam, timendus est, quia,

**VERS. 14.** — « Cum expleverit in me voluntatem tuam, » id est cum præsentibus flagellis me afflxerit, quantum voluerit, « et alia similia multa præsto sunt ei, » id est si ferire cogitat, adhuc invenit, unde plagam tam temporalem quam æternam au-  
geat.

**VERS. 15.** — « Et idcirco a facie ejus turbatus sum, » id est in omni vita mea timui eum, « et considerans eum, » videlicet in cordis secretario per contemplationem, idcirco majestatis ejus assistens « timore sollicitor, » id est sententiam ejus super me semper suspectam habeo. Et hunc spiritum ti-  
moris Domini non ex me habeo, sed ex ejus domo.  
Hoc est, quod sequitur :

**VERS. 16.** — « Deus mollivit cor meum, » scilicet ut timerem eum, quem non timent obdurati, quo-  
rum corda lapidea sunt, « et Omnipotens conturba-  
vit me, » scilicet utili pavore, ne duræ mentis es-  
sem, et proinde in malum corruerem.

**VERS. 17.** — « Non enim perli propter imminen-  
tes tenebras, » ac si dicat : Hunc in me timorem Domini esse non vobis præsens flagellum faciat in-  
credibile, neque dicatis : Si ita timoratus fuisti, quare ego peris? Ne inquam, ita dicatis : « Non enim perli, » scilicet in præsenti, « propter imminentes tenebras, » id est ideo ut futuras tenebras meæ, utputa-  
tis, impietati debitas tali plaga commonitus per po-  
nitentiam evadam, « nec faciem meam, » id est men-  
tem meam, « operuit caligo, » id est Dei oblivio,  
ita ut opus sit tali me excitari flagello. Vos istud latet, sed Deum non latet. Hoc est, quod sequitur :

**CAP. XXIV, VERS. 1.** — « Ab Omnipotente non sunt abscondita tempora, » videlicet nec præterita nec futura; quanto magis nec mea præsentia? « Qui autem noverunt, » id est nosse sibi videntur, « eum, » scilicet qui altum sapiunt (Rom. xii), et apud se sa-  
pientes sunt (Rom. xi), subaudi sicut vos qui su-  
per me præripitis, et sensu vestro profertis ejus ju-  
dicium, « ignorant dies illius, » id est antiquam et maturam dispositionem æternitatis ejus, qua ea quæ circa me sunt et similia disponuntur.

**Vers. 2.** — « Alii terminos transtuleront, » id est

A qui impii sunt, et ea faciunt quæ vos me fecisse di-  
citis quasi impium, longe alii, id est longe a me di-  
versi sunt, imo et econtrario mihi incedunt. Hoc et  
caetera que sequuntur talia sunt, ac si dicat sancta Ecclesia de perfidia hæreticorum : « Alii, » id est a  
tue extranei, qui ex me exierunt quia mei non erant,  
« terminos transtulerunt, » — « terminos, » videlicet antiquos Scripturarum, quos sancti Patres posse-  
runt. « Diripuerunt greges, » id est imperitos po-  
pulos, « et paverunt eos, » scilicet pestiferis docri-  
nis ad interficiendum nutriendo.

**VERS. 3.** — « Asinum pupillorum abegerunt, » id est quemlibet indoctum quidem, et terrenis rebus insudantem, sed pupulis, id est electis Dei teneris utilem et subsidia ministrantem a via veritatis in errorem suum averterunt. « Et abstulerunt pro pi-  
gnore bovem viduæ, » id est nonnunquam etiam prædicatorem fidei catholice, ut alii sequantur il-  
lum. Nam hoc est quod ait « pro pignore. » Pignus namque cuin tollitur, aliud quidem est cum tenetur sed tamen adhuc aliud est quod queritur. « Pro pignore » ergo bos tollitur, quando idcirco ipse præ-  
dicator rapitur, ut alii sequantur. De quibus subdi-  
tur :

**VERS. 4.** — « Subverterunt pauperum viam, » id est eorum vitam, qui divini eloquii non habent argen-  
tum et aurum, et ideo facilius subverti possunt,  
« et oppresserunt pariter mansuetos terræ, » eos  
videlicet quorum mansuetudo cum discretione non  
est, et terræ dedita est.

**VERS. 5.** — « Alii, » inquam, non ego, quem ona-  
gro comperasti, qui se liberum natum putat, sed alii longe dissimiles mihi, « quasi ouagri in deser-  
to, » id est a timore Domini soluti, « egrediuntur, » scilicet a communi conversatione hominum, et  
quasi per solitariam viam reverentiores videantur.  
« Egrediuntur, inquam, quasi onagri ad opus, » id est  
Dei, sed suum, sicut scriptum est : « Onager as-  
suetus in solitudine in desiderio animæ suæ, attrahit ventum amoris sui (Jer. ii), » id est vir vanus a vinculis fidei et rationis alienus, in ambi-  
tione cordis sui eam, quæ non ædificare, sed inflare  
novit, attrahit scientiam. « Egrediuntur, inquam, quasi onagri. Vigilantesque ad prædam, » id est, in-  
tentis ad depravandam sacram Scripturam, et ad sui  
sensus servitium detorquendam, « præparant panem  
liberis suis, » id est doctrinam mendacii sequacibus suis.

**VERS. 6.** — « Agrum non suum demetunt, » id est  
cordibus auditorum qui a fidelibus viris bonum verbi  
Dei semen acceperunt, zizaniam superseminant,  
quæ malo suo demetant, « et vineam ejus, quam vi  
oppresserint vindemiant, » id est religiosum labo-  
rem ejus quem contentionibus superare possunt an-  
 nihilant.

**VERS. 7.** — « Nudos, » subaudi a bonis operibus,  
« dimittunt homines; » videlicet sic eos docentes vi-  
vere, ut appareat turpitud eorum, « quibus non

est opere mentum in frigore, » id est opus bonum in A infidelitate.

Vers. 8. — « Quos imbræ montium rigant, » id est sacra verba doctorum instruere nunc primum reperant, « et non habentes velamen, » subaudi quo illorum tegantur peccata, « amplexantur lapides, » id est sanctos ambulant martyres, ut habere mereantur intercessores. Talibus inquam,

Vers. 9. — « Vim fecerunt, » quia verbis blandoribus persuadere non possunt, verborum et operum violentia grassantur, « deprædantes pupillos, » videlicet quos Pater misericors in sinu sanctæ Ecclesiæ cellocavit tenere nutriendos, « et vulgum pauperem spoliaverunt, » id est populo indecto fidei tulerunt vestimentum.

Vers. 10. — « Nudis, » id est nullo bono opere ornatis, « et incidentibus absque vestitu, » id est quod pejus est, mala et dedecora facientibus, « et occidentibus, » id est ad penitentiam quandoque redire capientibus, « tulerunt spicas, » id est in membris eorum repositas perniciose suasionibus destruere Patrum sententias, que non immerito per spicas signantur; quia, dum saepe per figurata eloqua proféruntur ab eis, tegmen litteræ quasi aristarum palea substrahitur, ut ad medullam spiritus perveniat.

Vers. 11. — « Inter acervos eorum meridiati sunt, » id est persecutionum potestatem per se non habentes, eorum multitudini sese adjungendo deletati sunt, « qui calcatis torcularibus, » id est crudelati factis crudelibus, unde et David propheta nocte Ecclesiæ afflictionem conspiciens psalmum pro torcularibus scripsit (*Psal. viii*). « Calcatis, inquam, torcularibus, » id est respersi sanctorum cruento et satiati sedibus, « sitiunt, » id est adhuc facere crudeliora insistunt. Et hoc agendo :

Vers. 12. — « De civitatibus, » id est de multis ecclesiarum locis vel conveatibus, « fecerunt viros, » id est fortes et perfectos, « gemere. » Sic videlicet, quomodo gemebat, præ omnium Ecclesiarum sollicitudine Paulus, cum diceret : « quis scandalizatur, et ego non uror (*II Cor. xi*) ; » et : « O insensati Galate, quis vos fascinavit (*Galat. iii*), » et multa talia. « Et anima vulneratorum, » id est de alieno hys tabescientium justorum, « clamavit, » scilicet ad Deum, « et Deus inultum abire non patitur, » subaudi quamvis illud fieri patiatur, qui non nisi iusto ordine injustum aliquid fieri patitur.

Vers. 13. — « Ipsi fuerunt rebelles lumini, » id est non per ignorantiam peccaverunt, sed per superbia, lumini scientiæ quod habebant rebellantes ore et opere, quod est, blasphemare in Spiritum sanctum. « Rebello, inquam, fuerunt, » id est elationis saxe scutum, ne salubriter in corde ferirentur, jactis veritatis objecerunt. Et quia prius scientes rebelles fuerunt, postmodum exæcati sunt, ut decauerint. Hoc est, quod sequitur : « Nescierunt vias ejus, » id est traditi sunt in reprobum sensum, et obsecratum est insipiens cor eorum, quia Deum

cognoscentes non sicut Deum glorificaverunt (*Rom. i*), » — « nescierunt, inquam, nec reversi sunt per semitas ejus, » id est non conversi sunt ad Deum per arcam penitentiae viam, quia videlicet justo iudicio tam obscuratum quam obduratum est cor eorum. Adhuc sub nominibus duorum nequissimorum scelerum, homicidii videlicet et adulterii, nequitiam detestatur haeretici.

Vers. 14. — « Mane, inquit, primo, » id est in prosperitatibus sue gaudio, neque enim ita ut littera sonat magis in die quam in nocte flunt homicidia, sed in prosperitate sua, ut dictum est, quasi « mane primo consurgit homicida, » id est erigitur in presentis vita gloria; « interficiet egenum et pauperem, » id est infirmitatis concium et humilem. « Per noctem vero, » id est in adversitate, cum, disponente Deo, subito gloriam accepta potestatis amiserit, « erit quasi fur, » quia videlicet etsi locum mutat, mentem nea mutat, dum occulte consilia mala proabet, quia vi nocere non prevaleat.

Vers. 15. — « Oculus adulteri observat caliginem. » Hoc etiam juxta litteram nil obstat intelligi, ut qui adulterium perpetrare desiderat, tenebras exquirat. Sed quia contra haereticos sententia promittitur, « oculus, » inquit, adulteri observat caliginem, » id est sicut adulterer per tenebras in carnali coitu non prolem querit, sed voluptatem; sic haereticus in hypocrisi adulterat Dei verbum, quia videlicet non spirituales Dei filios gignere, sed suam scientiam praedicando desiderat ostentare, et quasi alienam conjugem tollit, dum fidem animam in suam errorum allicit. « Oculus, » inquit, id est intentio ejus, « observat caliginem, » videlicet ut homines lateat, « dicens : non me videbis oculus, » subaudi humanus : nam Dei oculos non reveretur. « Oculus, » inquam, humanus, quia videlicet quod, ut praedictum est, in mente agitur, valde difficile est, ut ab humano visu penetretur. « Et operiet vultum suum, » id est per hoc quod agit eveniet, ut in esimilitudo Dei, quae est vultus cordis humani, ita confundatur, ut dicat ei Christus in die iudicii : Non novi te. Operies ergo sic vultum suum quid agit?

Vers. 16. — « Perfudit in tenebris domos, » id est conscientias justorum sauciare conatur, maxime in tenebris, id est in tempore adversitatis, quibus prosperæ viventibus perversa non audebat loqui. « Perfudit, inquam, sicut in die, » id est in prosperitate illorum « condixerant sibi, » quia videlicet dum loqui non audebant, ad maligna tantum contra eos consilia vacabant.

Vers. 17. — « Si subito apparuerit aurora, » id est si post adversitatem justus quispiam fulciatur sublimiter potestate aliqua, « arbitrantur umbram mortis, » quia videlicet qui se perversa egisse meminerunt, corripi pertimescent. « Et » hoc ideo, quia « sic in tenebris, » id est in peccatis, « quasi in luce, » subaudi justitiae « ambulant, » scilicet ita securi quasi justorum facta habeant, et sic in presenti car-

citate læti sunj, ac si jam æternæ patriæ luce perfruantur.

VERS. 18. — « Levis est, » subaudi quilibet talis, « super faciem aquæ, » id est plusquam superficies aquæ, quia videlicet si quælibet hunc aura tentationis attigerit, sine tarditate aliqua retractationis trahit. « Maledicta sit pars ejus in terra, » videlicet quia ad tempus benedicitur, id est prosperatur, in reatu tamen perpetuae maledictionis tenetur, « nec ambulet per viam vinearum, » id est per rectitudinem Ecclesiarum, quæ via recta fides, vel justitiæ rectitudo est.

VERS. 19. — « Ad nimium calorem, » id est ad impatientiam semper contentiose agentem, et ad rixas calentem, « transeat ab aquis nivium, » id est a lectione Scripturarum per frigus perfridit seu male intellectarum. Ac si aperte dicat: Quia humiliiter sub disciplinæ vinculo non constringitur, ab infidelitatis suæ frigore, per immunditeram sapientiam in errorem labatur. Nam de hujusmodi scriptum est: « Sicut frigidam fecit cisterna aquam suam, sic frigidam fecit malitiam suam (*Jer. vi.*). » — « Et usque ad inferos peccatum illius, » subaudi ducatur, quia videlicet ante finem vitæ præsentis **487** per correctionem ac poenitentiam non emendatur.

VERS. 20. — « Obliviscatur ejus misericordia, » id est Omnipotentem quem nunc justum non timet, post invenire misericordiam non valeat, scilicet, quia peccatum quod hic non corrigitur, ejus illuc venia frustra postulatur. « Dulcedo illius vermis, » subaudi, est, dum vivit, id est caro, quæ vere putredo est et vermis, cuius concupiscentia totum est hoc quod appetit in mundo prosperari, ceteros exceedere, rebus et honoribus tumere. Qualis autem sit, imo quod vere vermis sit carnis substantia, testantur sepulcra; quæ quis parentum, quis amicorum tangere velit, quantumlibet viventem dilexerit? Caro itaque, dum concupiscitur, pensetur quid sit examinis, et tunc intelligitur quid amat. Sanctus vir per vulnera et verba sic loquens sua, ut etiam significet nostra, adhuc de pena ejusdem impiorum subiicit, dicens: « Non sit in recordatione, » subaudi Dei, quia videlicet dignum non est tantæ majestati ut ante conspectum memorie ejus pareat hic, non dicam homo, sed reptile tantæ abjectionis, cuius, ut supradictum est, « dulcedo est vermis. » — « Non sit, » inquam, « in recordatione, sed conteratur quasi lignum infructuosum, » id est nou solum succidatur per carnis mortem, sed et conteratur per æternam damnationem, « quasi lignum infructuosum, » subaudi, et ideo jure succidendum, et in ignem mittendum. Et vere infructuosum.

Vers. 21. — Pavit enim sterilem, id est sovit delectationibus carnem, quæ nullam gignit bonam cogitationem. « Sterilem, » inquam, et « quæ non parit, » id est quæ nunquam desinit esse sterilis, sed perseverat in suis concupiscentiis. « Et viduæ bene non fecit, » id est animæ suæ noluit misereri. Quam, quia a Deo viduata fuerat, Chri-

stus sibi jungere venit, « tanquam sponsus procedens de thalamo suo (*Psal. xviii.*). » Cui viduæ benefacere est in ejus quæ mortui Viri sui amore affteritur consolatione laborare. Sed hic illi bene non fecit, quia videlicet pro illa nihil laboravit. Vel ut de heretico copta prosequatur expositio: « Pavit, » subaudi hereticus, « sterilem, » id est, pascendo prædicatione erroris sui fecit sterilem alique erroneous plebem. « Et viduæ bene non fecit, » id est sanctæ Ecclesiae, cujus vir Christus nunc absens est, servire et collaborare contempsit.

VERS. 22. — « Detraxit fortes, » id est in errorem suum rapuit superhos, sæculi potentes. « In fortitudine sua, » id est in eloquentia clara et contentiosa, « et cum steterit, » id est quandiu vivit, « non oredet vitæ suæ, » id est, contemnit de Deo vera sentire. Sed et qui in corpore Ecclesiae rectam vindetur fidem tenere, dum perverse vivit, vita sua non credit, quia videlicet confitetur se nosse Deum, factis autem negat (*Tit. i.*). Diceret aliquis: Quare ergo vivit! Ad quod responderet.

VERS. 23. — « Dedit Deus ei locum poenitentia, » id est idcirco illum in iniunctate tolerat, ut per patientiam suam ad poenitentiam illum exspectando ab iniunctate compescat, et ille abutitur eo, subaudi poenitentiae loco, in superbiam, id est secundum duritiam suam thesaurizat sibi iram (*Rom. ii.*), nec si centum annis exspectetur, resipiscit, unde et iustus damnatur, sicut scriptum est: « Peccator centum annorum maledictus erit (*Isa. lxi.*). » Ubi centenarius pro infinito ponitur, quia videlicet a peccati perpetratione nulla temporis longinquitate compescitur. « Oculi enim ejus, » id est intentiones cordis ejus, « sunt in illius viis, » id est scienter errans, et meliorem viam sciens, a præsentibus non separatur, et solis vitis, ut per hoc animo satisfiat, semper intendit.

VERS. 24. — « Elevati sunt ad modicum, » subaudi impii, « et non subsistent, » videlicet iuxta quod alibi scriptum est, « Vidi impium, superexaltatum et elevatum sicut cedros Libani, et transivi, et ecce non erat (*Psal. xxxvi.*). » Sic fumus, ubi in altum ascenderit, dissipatur, et nebula mane densata, solis radiis abstergitur, et matutino rore berbia gaudens, subito calore siccatur; sic et spumosa aquarum bulæ certatim prodeunt, et certatim disruptæ depereunt, et humiliabuntur sicut omnia, subaudi quibus ipsi innituntur: omnia enim terrena quasi humiliantur, videlicet, quia transeunt ipsa elementa, atque immutantur. Ac si aperte dicat: Stare omnino nequeunt, quia ipsa quoque quibus iquitur fugiunt. « Humiliabuntur, » inquam, « et auferentur, sicut omnia, » videlicet, quis non habent ei qui est super omnia. « Et sicut summates spicarum, » id est aristæ, videlicet quæ conjunctæ prodeunt, sed paulatim crescendo paulisper ab invicem hirsute et rigidæ disiunguntur, sic ipsi, qui naturæ quidem communione sibi conjuncti sunt, sed contra se vicissim crescendo dividuntur,

et diversis vitiis contendentes, alias *aliom* super-gredi nititur; sic, inquam, conterentur, videlicet, ut illis contritis, grana, id est justi, apparent, qui stantibus aristis, id est, eisdem injustis, latebant, et illis in æterna supplicia eadentibus, sanctorum justitia quanta veritate candeat demonstretur. Tunc scilicet, quando per ventilabrum, qui, juxta Joannem, in manu Judicis est (*Matth. iii*), area sanctæ Ecclesie permundabitur, et eventilatis ad comburendum paleis, triticum in horrea cœli recondetur (*Lac. iii*).

**VERS. 25.** — « Quod si non ita est, » inquit, « quis me potest arguere esse mentitum? » Ac si aperte dicat: Ita sunt cuncta ut protuli. Quæ tamen si ita non essent, a vobis redargui nequaquam possem, quia, dum adhuc propriæ succumbitis, alienam reprehendere fallaciam non valetis. « Et ponere ante Deum verba mea, » scilicet in examine veritatis, quia vobis ipsis peccando faciem ejus absconditis. His dictis contra eos qui fugitiva potestate superbunt, et ventosis honoribus intumescent, beatus Job ea quæ supra cœperat de moribus suis prosecuturus erat, sed Baldad.

**CAP. XXV, VERS. 1.** — Non ferens silentium, motusque eo dicto, quod nunc novissime intulit, dicens: « Si nou ita est, quis me poterit arguere esse mentitum, et ponere ante Deum verba mea, » interrumpit cœpta ejus verba, dicens:

**VERS. 2.** — « Potestas et terror apud eum est, » etc. At si dicat: Dixisti: « Quis me poterit arguere esse mentitum. » Ego autem dico: « Apud ipsum, qui facit concordiam in sublimibus suis, » id est qui superbientes adversum se spiritus dejiciendo, pacem et humilitatis concordiam firmavit in cœlo, « apud ipsum, » inquam, « potestas est, » subaudi arguendi etiam te, « et terror, » videlicet præsens flagellum, quo jam terribiliter arguit te, ita ut terreatur alii videntes te. Quod contra virum sanctum acerbe nimis dictum est. Vult enim intelligi quod eadem justitia, vel eamdem ob culpam, B. Job percussus sit, pro qua diabolus de cœlo projectus, concordiam quam turbabat in sublimibus, id est in cœlestibus, reliquit. « Potestas, » inquam, « apud eum est, » et,

**Vers. 3.** — « Nunquid est numerus militum ejus, » videlicet, quia dixisti, « et quis poterit ponere ante Deum verba mea (*Job xxiv*), » quasi non habeat qui in conspectu ejus nuntiet verba tua, « Nunquid, » inquam, « est numerus, » id est « nunquid non sunt innumerabiles spiritus, qui hominum dicta vel facta coram Creatore quotidie die noctuque referre valeant? omnes utique concordes, ut supra dictum est (*vers. 2*), licet Danieli dicat: « Angelus princeps Persarum, » id est angelus qui præest Persis, « restitut mihi (*Dan. x*). » Non enim per discordiam contra se angeli veniunt, sed per justitiam concordiam, quia videlicet subjectarum sibi gentium viissim merita contradicunt. « Et super quem, » inquit, non « fulget [al. surget] lumen illius, » id

A est et præter hoc, quod ab angelis illi cuncta **468** nuntiantur, quein non vident oculi ejus? Et cum coram illis oculis qui bonos et malos contemplantur, aliqui ex dictis vel factis suis justificantur?

**VERS. 4.** — « Nunquid justificari potest homo comparatus Deo, » id est tu ille homo, qui te comparas Deo, dum dicis: « Disputare cum Deo cupio (*Job xiii*), » et talia multa, et nunc novissime dixisti: « Quis me poterit arguere, » tanquam Deo sis compar, quem solum nemo potest arguere? « Nunquid, inquam, justificari potest, aut apparere mundus natus de muliere? » Id est etiamsi non haberetis etiam maculam, præter hanc, quod natus es de muliere, videlicet viro injecta est persuasio culpæ.

**B VERS. 5.** — « Ecce etiam luna, » id est cœlestis Ecclesia, quam præsens sol divinitatis illustrat, « non splendet, » videlicet nisi solis ejusdem lumen habeat, « et stellæ, » id est quique sanctorum angelorum, « non sunt mundæ in conspectu ejus, » id est in comparatione ejus, imo qui ex eis comparaverunt se illi, facti sunt tenebrae.

**VERS. 6.** — « Quanto magis homo putredo, » id est non solum qualiscunque homo, qui unquam futurus est putredo, sed homo qui jam est putredo, utpote sedens in sterquilinio, et saniem radens de latere suo?

**C CAP. XXVI, VERS. 1, 2.** — Hac ultima contumelia finitis amicorum verbis, beatus Job altiori acuminè innitens, cœpta prosequitur, ejusque dicta tam sunt valida quam extrema; quia et sic usus juris peritis esse solet, ut argumentum, quo adversariis suis eminere se prævident, ad conclusionem servent. « Cujus, inquit, adjutor es? » Magna et digna potentis animæ indignatio, non ferentis quod Baldad adjutor Dei videri appetat, quia videlicet, etsi sunt aliqui Dei adjutores, tales ille nunquam dignatur habere adjutores, qualis hic erat, qui in condemnationem innocentis proximi Deum se adjuvare putabat, quod utique faciendo, non tam adjutor quam adulator, non tam laudator erat quam irrisor. Cujus, inquam, adjutor es? « Nunquid imbecillis, » id est ejus, cuius ego baculum fregerim? « et sustentas brachium ejus, qui non est fortis, » scilicet ne me reluctantē teneri et delicati lassetur brachium Domini? videlicet ut qui conducti plorant in funere, dicunt et faciunt prope plura doleatibus ex animo, sic et tu derisor vero plus laudatore moveris. « Et sustentas, inquam, brachium ejus, qui non est fortis, » id est ita ad adjuvandum ingeris, quasi me non satis fortiter percutserit, cum econtrario ut constantius percutere possit, cum econtrario velit ipse teneri, sicut per quendam illi dicitur: « Non est qui consurgat et teneat te (*Isa. lxiv*). »

**D VERS. 3.** — « Cui dedisti consilium? » Tenet hoc quod longe superiorus dixerat: « Apud ipsum est fortitudo et sapientia (*Job xii*). » Nam, postquam de fortitudine dixit, « cuius adjutores, » etc., nunc de Sapientia subjungit, « cui dodisti consilium, » etc., « Consilium, » inquam, « cui » quasi jurisprimitus

« dedisti, » multa videlicet adversum me crimina componendo, quæ is qui me percussit adversum me numeret, ne videatur injuste percutere, dum reclamo dicens : « Disputare cum Deo cupio (*Job xiii*). » — « Forsitan illi, » subaudi dedisti consilium, « qui non habet sapientiam ? » Illud quidem charitatis esset, scilicet ei consilium dare, qui sapientiam non habet, quia consilio indiget; dare autem Deo, qui ipsa Sapientia est, nimis perversæ et importunæ adulacionis est. « Et prudentiam tuam ostendisti plurimam, » scilicet plus appetendo sapere quam oportet sapere, et confingendo quasi in favorem Dei mala contra proximum tuum, quæ constat non esse.

**Vers. 4.** — « Quem docere voluisti ? » subaudi qui contra me debeat loqui, « nonne eum qui fecit spiramentum ? » subaudi et ideo melius per se novit quæ in eodem spiramento sunt.

**Vers. 5.** — « Ecce gigantes gemunt sub aquis. » Nunc tumorem vanæ sapientie increpat per doctrinam ejusdem fortitudinis et sapientie Dei, et plena mysteriis verba personat. « Gigantes, » inquit, id est apostatae angeli, vel homines superbi, « gemunt sub aquis, » id est sub abyso judiciorum Dei nescientes ea quæ sunt Dei, quia Deus per Spiritum suum illis non revelavit, « et qui habitant cum eis, » id est qui eorum gloriae ex delectatione sociatur, subaudi pariter gemunt. Hoc procul dubio divina fortitudinis est quod generit, videlicet dignis astrimenti vinculis, et rudentibus inferni detracti reservantur in diem judicii, quando recipient ab illo consummatam sententiam, contra quem tumuerunt per superbiam. Hoc vero sapientia ejus est, quod sequitur :

**Vers. 6.** — « Nudus est infernus, » id est malitia suam non valet obtegere diabolus, « coram illo, et nullum est experimentum perditioni, » id est cunctis damnationis ejus sociis, quia videlicet non est ubi abscondantur; « omnia enim nuda et aperta sunt oculis ejus » (*Hebr. iv*).

**Vers. 7.** — « Qui extendit aquilonem super vacuum, » subaudi « apud illum est fortitudo et sapientia (*Job xiiii*), » — « qui aquilonem, » id est diabolum ab electorum cordibus ejectum vasisque et armis suis spoliatum, « extendit super vacuum, » videlicet ut contentus sit operire corda illorum, qui a gratia Dei vacui sunt, « et appendit terram, » id est sanctam Ecclesiam in fide solidam, et honorum operum terram fructiferam, « super nihilum, » id est super gentiles populos, propter nullum eorum meritum, sicut scriptum est in psalmo : « Pro nihilo salvos facies illos (*Psal. lv*). » Hoc vero quo ordine factum sit, mirifica subdens ratione contextit.

**Vers. 8.** — « Qui ligat aquas in nubibus, » quod est opus procul dubio sapientia ejus. « Ligat, inquam, aquas, » id est cum discretione distribuit doctrinæ suæ munera, « in nubibus, » id est in apostolis ceterisque sanctis præparatoribus, « ut non erumpant pariter deorsum, » id est, ut non æqualiter omnibus expendantur, sed pro capacitate audien-

tium doctrinæ mensura contemneretur, no rudes auditores, qui adhuc tanquam parvuli sovendi sunt, immensitate mysteriorum obruantur. Qualibus apostolus : « Non potui, inquit, vobis loqui quasi spiritualibus, sed quasi carnalibus (*I Cor. ii*). » Et in lege scriptum est : « Si quis foderit cisternam, et non operuerit eam, » id est si quis intellectu valido Scripturæ arcana penetraverit, et coram his, qui non capiunt, per silentium non texerit, « cedicerit que hos vel asinus in ea, » id est scandalizatus fuerit aliquis simplex, sive munda sive immunda si ejus vita, « Dominus cisternæ reddet pretium ju-mentorum (*Exod. xxii*), » id est reus tenebitur pro illis ad agendum pœnitentiam.

**Vers. 9.** — « Qui tenet, inquam, vultum solii sui, » id est supra dicto modo occultat gloriam regni sui, videlicet ne quandiu in hac mortali carne subsistimus, quanta sint illa angelorum ministeria vel cætera Dei secreta, videamus, vel quia contra amicos suos hac loquitur, qui rationes percussionis ejus se comprehendendum arbitrabatur, recte hoc modo dicitur : « Qui tenet vultum solii sui, » id est qui non ostendit vobis, vel vestri similibus, rationem judicij sui, « et expandit super illud nebulam suam, » videlicet quia manens invisibilis occulta judicia sua super nos exerit.

**Vers. 10.** — « Terminus circumdedit aquis, » id est modum præfixit scientiæ humani generis, videlicet ut perfecta æternitatis suæ scientia nulli trahatur, « usquedum finiantur lux et tenebra, » id est quoque cursus justorum in justorumque finitur, quorum adversa distantia recte per lucem signatur, et tenebras, quibus utique, ut ait Apostolus, nulla est ab invicem societas (*II Cor. vi*).

**Vers. 11.** — « Columnæ cœli contremiscunt, » id est angelii sancti vel prædicatores summi tremore concutientur, subaudi propter 469 hoc divina dispositionis judicium, « et pavent ad nutum ejus, » scilicet, non pœnali timore, sed reverenti admiratio-ne, omnipotentiam Creatoris contemplantes. Adhuc manifestius de eadem fortitudine et sapientia sub-jungitur.

**Vers. 12.** — « In fortitudine, inquit, illius, » id est per incarnatum Verbum illius, « repente maria congregata sunt, » id est discordantia prius secularium corda ad concordiam upius fidei congregata sunt, « et prudentia ejus percussit superbium, » id est patientia et humilitas mortis ejus, in qua nobis providit, vicit diabolum.

**Vers. 13.** — « Spiritus ejus, » subaudi post istam victoriam de coelo missus, « ornavit cœlos, » id est sanctos ditavit apostolos, videlicet, faciendo de infirmis fortes, de timidis zelo bono serventes, de imperitis doctos. Quod bene Spiritus sanctus fecisse dicitur, quia videlicet, nisi apostoli promissa ejus dona perciperent, nullo fortitudinis, vel cæterarum virtutum decore claruissent. Hoc sapientia Dei est, quod vero sequitur, fortitudinis ejus laus est. « Et obstetricante, inquit, manu ejus, » id est parvulus

custodiente, vel ad regenerandum filios Adam suscipiente, dextera ejus egressus [al. eductus] est coluber tortuosus, id est ejectus est de atrio suo fortis armatus diabolus. Qui ideo coluber tortuosus dicitur, quia per colubrum decepit humanum genus, quem et idcirco intrare permisus est, ut ex ipso vase cognosceretur, qualis ipse est, scilicet tortuosus et lubricus; tortuosus, quia in veritate non stetit; lubricus, quia si primae suggestioni ejusdem non resistitur, repente totus ad intima mentis, dum non sentitur, illabitur.

**Vers. 14.** — Ecce hæc ex parte dicta sunt viarum ejus, id est fortitudinis et sapientiae ejus, et cum vix parvam stillam sermonum ejus audierimus, scilicet hæc pauca, quæ de primo adventu ejus propheticō spiritu prænuntiamus, quis poterit tonitruum magnitudinis illius intueri, id est sonorum atque terribilem secundum adventum ejus tolerare? Parvam enim stillam sermonum ejus appellat notitiam primi adventus ejus, quia videlicet quidquid alium, quidquid terribile de ejus consideratione per primum adventum cognoscimus, tantum est ad comparationem immensitatis secretorum cœlestium, quæ per secundum adventum revelanda sunt, tanquam si grandi tonitruo parva stilla comparatur.

**CAP. XXVII, vers. 1.** — Addidit quoque Job subaudi, postquam ad ea congrue respondit, quæ Baldad in contumeliam ejus dixerat. Dixerat enim de fortitudine Dei, qua principem discordiae diaboli de sublimibus cœlorum projecit, qui facit concordiam in sublimibus suis et cetera, et beatus Job responderat propheticæ de eadem fortitudine simul et sapientia, qua eumdem diabolum de cordibus quoque hominum quos elegit, ejecturus erat. Ad hæc, inquam, addidit athleta fortissimus, superatus triplici congressu quasi tribus gladiatoriibus victor in media consistens arena, virtutuunque suarum, quibus vicisset, arma spectatoribus ostendens aurea. Addidit ergo assumens parabolam suam, non utique aliquod musicæ organum quod appellatur parahola, musica enim in luctu importuna narratio est, sed parabolam suam, id est sui similitudinem, videlicet verba quibus parabolice divina loquitur mysteria, statum Ecclesiæ in sua uberioris describens persona, plana tamen locutione suo more inchoans:

**Vers. 2, 3.** — Vivit Dominus, subaudi de quo dixit insipiens. Non est Deus, aut si est, res humana curare non est credendum, cum sæpe bonis mala, et malis eveniunt bona. Vivit inquam, Dominus [Deus], id est testor viventem qui est Dominus, qui abstulit judicium meum, subaudi de ore hominum, ut contra quod merui me nunc opinentur esse impium, qui abstulit, inquam, qui non dignatur humana curare, sicut insipientes putant, qui videntes pacem peccatorum zelati sunt et dixerunt: Quomodo scit Deus, et si est scientia in Excelso (Psal. LXXII), sed cum consilio quod ipse

A scit et abstulit judicium meum, et Omnipotens, qui ad amaritudinem adduxit animam meam, dando, videlicet percussori meo potestatem justam, quamvis habenti voluntatem injustam; testor, inquam, viventem, testor Omnipotentem, et quia donec superest halitus, id est, discretio boni et mali, in me; sequitur enim: et spiritus Dei in naribus meis, id est inspiratio Dei in munere discretionis, discretio namque in Scriptura sacra per nasum solet significari, quandiu, inquam, superest in me virtus discernendi inter bonum et malum.

**B VERS. 4.** — Non loquentur labia mea iniuriam, et ut apertius intelligas quam iniuriam, nec lingua mea, inquit, meditabitur mendacium. Vide, quia hoc est blasphemiam dicere in Spiritum sanctum, habere dono Spiritus sancti discretionem boni et mali, et cognito videlicet mendacium econtra scienter machinari quod faciunt haeretici.

**C VERS. 5.** — Absit a me, subaudi hoc peccatum, ut justos vos esse judicem, scilicet in eo quod ad præsens pertinet negotium, dum vos ab eventu temporalium commodorum sive incommodorum, pensanda estimatis merita bonorum, sive malorum. Nam si vos in hac sententia justos judicarem, peccarem mentiendo, non solum contra conscientiam meam, sed et contra sanctos omnes, qui cum justificant cor suum, et lavent inter innocentes manus suas, magellanunt tamen tota die, et castigatio eorum in matutinis (Psal. LXXII), id est in praesenti, quando incipit judicium de domo Dei (I Pet. iv). Absit, inquam: Donec deficiam, id est quandiu flammantem in me habebo veritatis lucernam, non recedam ab innocentia mea, id est nihil contra veritatem eamdem loquar lingua dolorosa.

**D VERS. 6.** — Justificationem meam, quam cœpi tenere, subaudi, ab ineunte ætate, videlicet nunquam adversando veritati mihi cognitæ, non desram, subaudi vestra victus contentione cœpi, inquam, tenere. Neque enim reprehendit me cor meum in omni vita mea. Non dico quidem quod nunquam peccaverim, cum et supra dixerim: Peccaui, quid faciam tibi, o custos hominum (Job vii), et iterum si lotus fuero quasi aquis nivis, tamen sordibus intinges me, et abominabuntur me vestimenta mea (Job ix), sed hoc dico, quod nunquam sciens vera econtrario locutus sim falsa, vel, quod agendo mala simulaverim bona, fuerimque sicut nunc opinamini, hypocrita. De hujusmodi, inquam, non reprehendit me cor meum in omni vita mea. Imo:

**Vers. 7.** — Sit ut impius inimicus meus, et adversarius meus quasi iniquus. Ac si dicat: Adco non sum hypocrita vel impius sicut vos astruitis, ut quicunque inimicus vel adversarius meus est, pīus vel æquus esse non possit, sed potius, quod oppositum est pīo, id est impius vel iniquus sit. Poterat dixisse, vos potius, qui mihi adversamini, impii vel iniqui estis. Sed humilius elocatus est, quonodo es

Dominus noster, cum dicere potuisset Pharisæis blasphemantibus, vos contra me estis, vos spargitis, temperavit eamdem increpationem, quia tunc illorum primi assultus erant, et dixit : « Qui non est mecum, adversum me est, et qui non congregat mecum, spargit (*Luc. xi.*) ». Ita et hic, quia amici ejus quondam fuerant, qui nunc adversabantur, temperavit increpationem, sicut jam dictum est : Et, quia cum prava loquerentur, causam justitiae, tanquam pro Deo agerent, prætendebant, non absolute ait, impius vel iniquus, sed, sicut impius, quasi iniquus. Ac si dicat : Non præjudico, de intentione cordis, quod forte per ignorantiam fallitur, hoc scio **470** quod ore impiis et inquis assimilamini in eo quod nihil adversando mendacia concinnatis. Non sum, inquam, hypocrita.

**VERS. 8.** — « Quæ est enim spes hypocritæ, » id est si enim essem hypocrita, quæ mihi spes, id est merces speranda superesset ? Subaudi, nulla. Videbilecet, quia nulla spes hypocritæ superest, « si avare rapiat, » id est si per ambitionis intemperantiam laudem in presenti præoccupet, et non liberet Deus animam ejus, videlicet in futuro, quia nunc recepit mercedem suam. Hoc est quod sequitur :

**VERS. 9.** — « Nunquid Deus audiet clamorem ejus, » scilicet, dicentis : « Domine, Domine, aperi nobis (*Matth. xxv.*), » — « cum venerit super eum angustia, » scilicet, cum sicut alibi scriptum est : « Irruerit repentina calamitas, et interitus quasi tempestas ingruerit (*Prov. i.*). »

**VERS. 10.** — « Aut poterit in Omnipotente delegata : » id est laudem habere ex Deo, qui laudem ex hominibus quæsivit et recepit, « et invocare Deum omni tempore, » videlicet quem contempsit in terræ prosperitatis tempore, nunquid eum efficaciter invocabit in tempore angustiae ?

**VERS. 11.** — « Docebo vos per manum Dei. » Postquam notam hypocriseos a se removit, quæ valde infirmare solet auctoritatem docentis; postquam, inquam, multimoda responsione amicorum elationem destruxit, jam se docere perhibet ut videbilecet aperte videatur in his quæ subdit, recta plantare, in his vero, quæ præmisit, perversa evulisse. « Docebo vos, inquam, per manum Dei, » id est per auctoritatem non meam sed Dei, vel per manum Dei, id est per sapientiam, quæ est Filius Dei, quia vos in vestra sapientia præsumitis : « Docebo, inquam, quæ Omnipotens habeat, » subaudi in nobis servis suis, non enim ex nobis nihil habemus, sed si quid habemus, Dei donum, et opus est ejus, « nec abscondam, » subaudi, ut glorificetur Deus, qui hoc vult, ut ad gloriam suam luceat lux nostra coram hominibus.

**VERS. 12.** — « Ecce vos omnes nostis, » subaudi, etiam me non docente quid sapientiæ vel bonorum operum babeat Deus in me. « Et quid sine causa vana loquimini, » id est sine ignorantia, quæ solet excusabilis causa esse vana loquendi ? Hoc interrogando quodammodo dicit illud Apostoli : « En insi-

A piens flo, vos me coegistis, ego enim a vobis debui commendari (*II Cor. xii.*). » Deinde docet qualis ipse non sit, tandem dicturus, qualis sit aut fuerit.

**VERS. 13.** — « Hæc est, inquit, pars hominis impi apud Deum, et hæreditas violentorum, quam ab Omnipotente suscipient ; » violentorum, inquam, id est eorum qui Verbo Dei vim faciunt, et præcepta ejus ad pravum intellectum violenter inflectunt. Quam videlicet partem vel hæreditatem protinus dicam :

**VERS. 14.** — « Si multiplicati fuerint filii, » id est sequaces, « ejus, » subaudi, impii vel omnes hæretici, « in gladio erunt, » id est venturi judicii sententia ferentur, « et nepotes ejus, » id est qui de errantium filiorum prædicatione nascuntur, « nor saturabuntur pane, » id est nou reficiuntur veritatis cognitione.

**VERS. 15.** — « Qui reliqui fuerint ex eo, » id est qui aliquibus conversis ex ejus populo in persidia remanserint, « sepelientur in interitu, » id est infernī cruciabuntur ignibus, « et viduæ illius non plorabunt, » id est subjectæ illi plebes feliciter substitutæ ab codem corruptore, jure gaudebunt. Vel certe non plorant viduæ, quia in suo remanentes errore, dum sanctum fuisse estimant prædicatorem suum, spe falsa ne lugeant, consolantur se.

**VERS. 16.** — « Si comportaverit sicut terram argentum, » id est si expenderit in terrenis laudibus Dei eloquium, « et sicut lutum præparaverit vestimenta, » id est fluxe et inquinabiliter sacra Scripturæ ad tuendum se contraxerit testimonia :

**VERS. 17.** — « Præparavit quidem, » id est multa doce dixit quidem, « sed vir justus vestietur eis, » id est ad usum veritatis collectis utetur ejus sententiis, « et argentum innocens dividet, » id est, a prave dictis recta dicta discernet, et ea minute ac discrete disponet, videlicet, ut unicuique quod digne congruat, coaptet, et hoc faciens lætabitur, juxta Psalmistam « super Dei eloquia, sicut qui inventa spolia multa (*Psal. xviii.*). »

**VERS. 18.** — « Adiscavit, sicut tinea, domum suam, » id est corrumpendo mentes auditorum, faciet in illis persidiaæ suæ locum, sicut tinea in vestibus corrumpendo adiscitat sibi domum. Sed quid dico domum, cum talis locus ejus non permaneat ? Hoc est quod quasi corrigendo subiungit : « Et sicut custos fecit sibi umbraculum, » id est non vere domum sibi adiscitat, quæ habeat fundamentum, sed umbraculum, quia videlicet cuncta requies, quam velut custos aut mercenarius sibi vel suis reprobavit, cum tempore destruitur, et post hanc vitam nulla invenitur, sicut umbraculum custodis nullo fundamento solidatur.

**VERS. 19.** — « Dives cum dormierit. » A speciali hæreticorum, vel omnium, qui accepta scientia male utuntur, interitu, ad generalem electorum omnium diffinitionem sermo dirigitur. Dives, inquit, scilicet qui sperat in incerto divitiarum (*I Tim. vi.*), vel superbus, qui undecunque superlit, « cum

dormierit, » id est cum obliterit, « nihil secum au-  
feret, » videlicet, quia « non descendet cum eo glo-  
ris ejus (*Psal. XLVIII*), » — « aperiet oculos suos, »  
cum enim carne moritur, tunc anima ejus video-  
cogitur; « aperiet, inquam, oculos suos, et nihil  
laveniet, » videlicet, juxta illud Psalmista: « Dor-  
mierunt somnum suum, et nihil invenerunt omnes  
viri divitiarum in manibus suis (*Psal. LXXV*), » sic-  
ut dives ille, cum apud inferos torqueretur, nec gut-  
tam aquæ, qua linguam suam refrigeraret, invenit  
in manibus suis (*Lac. XVI*).

VERS. 20. — « Apprehendet eum quasi aqua ino-  
pia, » subaudi omnis refrigerii, quæ inopia recte  
aque comparatur, quia susceptos infernus absor-  
bet in profundis suis, quæ etiam solent lacus no-  
mine designari. « Nocte opprimet eum tempestas, »  
id est repente, dum non cavit, judicii turbo illum  
dissipat.

VERS. 21. — « Tolle eum, » scilicet morientem,  
« ventus urens, » id est diabolus, qui afflatus suo  
viventem quemque accedit ad vitia, de quo et Je-  
remias: « Ollam, inquit, succensam ego video, et  
faciem ejus a facie Aquilonis (*Jerem. 1*), » a qua  
quisquis temperatur adustione dicit illud de Canti-  
cis: « Sub umbra illius, quem desideraveram sedi  
(Cant. II); » qui viventem, inquam, succedit ad  
vitia, ventus urens diabolus morientem ad æternâ  
tollit tormenta. « Et velut turbo rapiet eum, » scili-  
cket extremo die territum ac stupidum; « rapiet,  
inquam, de loco suo, » qui videlicet locus illi est  
carnalis voluptas, et cuncta temporalis vitæ dele-  
ctatio.

VERS. 22. — « Et mittet super eum, » suhaudi  
Deus flagellum suum nunc, « et non parcet, » sub-  
audi in futurum, id est et in præsenti percudit et in  
futuro non parcit. Neque enim illud quod dictum  
est, non judicat Deus bis in idipsum, sic accipien-  
dom est, ut quicunque hic pro scelere suo percu-  
tiantur, in futuro consequenter a flagello liberari cre-  
datur. Alioquin Herodes et Antiochus, qui in præ-  
senti percussi sunt, salvi esse putabuntur. Si ta-  
men consensum prebeas quamlibet culpam bis fe-  
rii non posse, hoc ex peccato percussis atque in  
peccato suo morientibus debet testimani, quia eo-  
rum percussio hic cœpta illuc finitur, atque ideo D  
unum flagellum et in correctis, quod temporaliter  
incipit, sed in æternis consummatur suppliciis,  
juxta illud: « Ignis successus est in furore meo, et  
ardebit usque ad inferni novissima (*Deut. XXXII*). »  
Emuluit ergo super eum et non parcit. « De manu  
ejus, » subaudi ferientis, « fugiens fugiet, » id est  
quilibet poenitens evadet, juxta illud: « Lætabitur  
justus, cum viderit vindictam, manus suas lavabit,  
id est opera sua per poenitentiam mundabit in san-  
guine, » id est in poena, **471** quam conspicit, « ut  
peccatoris (*Psal. LVIII*). »

VERS. 23. — « Stringet super eum manus suas, »  
id est corrigit et confirmat propter illum opera sua,  
scilicet timens ne et ipse similiter pereat, « et sibi-

A labit, » id est intente admirabitur, « super illum, »  
scilicet intuens ejus interitum, vel ad verba spiri-  
tualia conversus, os prius dissolutum quasi in si-  
bilo constringet, ut jam credat et prædicet quæ  
prius non credebat, dum iniquum florere cerne-  
ret. « Sibilabit, inquam, intuens locum ejus, » id  
est interitum ejus, quo fixus in sempiternum ta-  
nebitur.

CAP. XXVIII, VERS. 4. — « Habet argentum vo-  
narum suarum, principia. » Ac si dicat: Et vos  
quidem super me sibilatis intuentes locum meum,  
id est admirantes istud, in quo sedeo, sterquilin-  
ium; sibilastis, inquam, id est multa subtilia  
dixistis, sed « habet argentum venarum suarum  
principia, » id est habet divinum eloquium, intentionum  
certas origines, pro quibus a sanctis ho-  
minibus dictum vel conscriptum est, quæ a vobis  
non perspectæ sunt, et ideo non recte coacervasti  
contra me, vel in despactum paupertatis meæ to-  
tum, quo vobis divites esse videmini, sacri elyqui  
argentum. « Habet, inquam, argentum venarum  
suarum principia; » ut dictum est, « et auro locus  
est in quo constatur; » — « auro, » inquam, id est  
veræ sapientia fides recta quasi locus proprius est,  
in qua sola invenitur, sine qua sapientia nulla est,  
licet esse videatur, nec, si corpus suum tradiderit  
quis ut ardeat, splendere potest, aut aurum verum  
esse ante Deum, nisi patiatur in fide catholica. Pro  
seipso tamen hoc intulit, qui et supra dixit: « Et  
probavit me Dominus sicut aurum (*Job XIII*), »  
seque in fornace tribulationis purgari testimans,  
« et auro, » inquit, locus est in quo constatur, » ac  
si aperte diceret: Quoniam non clarescit anima  
mea fulgore æternæ pulchritudinis, nisi prius hic  
arserit in officina tribulationis, vel in igne chari-  
tatis. Neque solum tali in loco conflatur aurum, sed  
etiam ad hunc eudem locum constationis.

VERS. 2. — « Ferrum de terra tolitur, » id est vir  
fortis mox defensor veritatis futurus de terrena  
conversatione separatus educitur, « et lapis, » id  
est ille quoque qui duri cordis et insensibilis erat  
a « calore solitus, » id est igne divini amoris com-  
punctus, « in æs vertitur, id est in bono proposito  
solidatur, ita ut in prædicatione veritatis tanquam  
sonorum æs longe audiatur. Modo quidem nesciunt  
homines, quid in hac fornace agatur, sed « veniet  
Dominus, et illuminabit abscondita tenebrarum (*I Cor. IV*). » Hoc est quod sequitur:

VERS. 3. — « Tempus posuit tenebris, » sub-  
audi quo tempore illas illuminet, et consilia cor-  
diū manifesta faciat; « et universorum finem ipso  
considerat, » id est novit et qualis nunc in fornace  
tribulationis quisque sit, et qualis inde exiturus  
sit; item, qualis in conscientia sua nunc quisque  
sit, et qualis post hæc idem futurus sit. « Lapidem  
quoque caliginis, » id est lapideum cor impiorum,  
quod charitas non emolit; « lapidem, inquam, ca-  
liginis, » id est duram mentem in subtilitate divi-  
norum judiciorum caligantem, « et umbram mor-

tis, » id est quemlibet imitatem diaboli, qui ita dia-  
bolum imitatur, sicut umbra corpus.

VERS. 4. — « Dividit torrens a populo peregrinante, » id est male sentire, et discordi animo male judicare facit ardor supradicti conflagatorii de sanctis viris, qui in hoc mundo peregrini, cives autem sunt coeli. Nam idcirco hi qui pictatis viscera non habent, nunc detestantur sanatos velut impios, quia vident camino tribulationis injectos; sicut vos nunc me impium judicatis, quia torrente miseriarum oppressum videtis. Hos, inquam, lapidea corda gerentes nunc dividit, id est male sentire facit, torrens afflictionis sicut jam dictum est; in futuro autem dividet torrens tremendi judicii, de quo in Daniele scriptum est: « Fluvius igneus rapidusque egreditur a facie ejus (*Dan. vii*), » subaudi Antiqui dierum, sedentis ad faciendum judicium. Hic fluvius, hic torrens, dividet tunc a sanctis eos qui nunc divisi sunt ab illis per odium. « Eos quos oblitus est pes egenitis hominis, » id est quos non perambulat praedicator veritatis. Nam praedicator veritatis, « pes, » id est, portitor est Christi, « qui cum dives esset pauper pro nobis factus est (*II Cor. viii*). » — « Quos oblitus est, inquam, et muros [*al. invios*], » id est viam aperire verbo Dei nolentes, verbi gratia, ut Judaei facere noluerunt, quibus dixerunt speciosi pedes pacem portantes (*Hom. x*): « Quia repulisti verbum Dei, et indignos vos judicasti æternæ vitæ, ecce convertimur ad gentes (*Act. xiii*). » De hac enim gente subditur:

VERS. 5. — « Terra de qua oriebatur panis, » id est Judæa, quæ prima habuit panem verbi Dei, id est scientiam legis, « in loco suo igni subversa est, » id est in superbia sua, vel in seinetipsa igne invidiae contra Christum, et nascentem ejus Ecclesiam exardescens consumpta est.

VERS. 6. — « Locus sapphiri lapides ejus, » id est habitaculum cœlestis gratiæ, quæ per sapphimum, quia ætherei coloris est, pulchre exprimitur, fuerunt sancti ejus, videlicet patriarchæ et prophetæ, vivi videlicet et electi lapides, de qualibus venienti quoque Ecclesiæ per prophetam Dominus pollicetur, dicens: « Ecce ego sternam per ordinem lapides tuos (*Isa. LIV*), » id est sanctas in te animas meritorum diversitate distingua. « Et glebae, inquit, filius aurum, » id est iidem sancti, qui cum se pulverem esse recognoscerent, rore cœlestis gratiæ perfusi: glebae enim ex pulvere et humore constringuntur, cum, inquam, pulverem se esse recognoscerent, vel ut ille qui dicebat, « loquar ad Dominum meum, cum sim pulvis et cinis (*Gen. xviii*), » quia vitæ virtute claruerunt, quasi aureæ in illa terræ glebae jacuerunt.

VERS. 7. — « Semitam ignoravit avis, » id est non creditit ascensionem Salvatoris, qua carnem corpus ascendendo ad æthera libravit, « nec intuitus est eam oculus vultureus, » id est non claruit ei intentio moris ejusdem Redemptoris, qui se ad calaver nostræ mortalitatis de cœlestibus ad ima sub-

A misit: et ideo recte vulturi comparatur, qui plurimique sic in morte capitur, dum ad mortuum animal de summis volando deponitur. Nam et ipse dum mortuum animal, id est damnatum hominem peccatum, mortem apud nos, qui apud se erat immortalis, inventus.

VERS. 8. — « Non calcaverunt eam filii institutorum, » sive negotiatorum. Institutor namque dictator negotiator, videlicet ab insistendo, eo quod exercendo insistat operi. Institutorum autem nomine designantur sancti prophetæ, qui Synagoge mores ad fidem prophetando curaverunt instituere. Quorum nimis filii sancti apostoli nuncupantur. « Non inquit, calcaverunt eam filii institutorum, » id est vitam ejus apostoli calce virtutis prædicando non presserunt, quia videlicet a fôribus ejus repulsi sunt. « Nec pertransivit per eam leæna, » id est populum ejus a perfidia fundites non extinxit sancta Ecclesia. Quæ ideo recte dicitur leæna; quia videlicet uxor est leonis de tribu Juda; de qua et Jacob, cum præmississet de Christo: « Requiescens accubuisti ut leo (*Gen. XLIX*), protinus addidit, » et quasi leæna (*ibid.*), qui videlicet Christus per semetipsum infernum depratus est fortiter, « ut leo; » mundum autem totum aggressa est post illum a Judæa prodiens Ecclesia, fortiter et ipsa agens contra veterem idolatriam, « ut leæna. » — « Non, inquam, pertransivit per eam leæna. » Sed quid?

VERS. 9. — « Ad silicem extendit manum suam, » id est ad duritiam gentium prædicationis elevavit brachium. « Subvertit a radicibus ~~472~~ montes, » id est humiliavit ab intimis cogitationibus hujus saeculi potentes.

VERS. 10. — « In petris rivos excidit, » id est in cordibus duris timore suo percussis fluenta sacra Scripturæ aperuit. « Et omne pretiosum, » id est omnem humilem, et in oculis suis parvulum: nam apud Deum pretiosus est, qui apud semetipsum vilis et despctus est; « omne, inquam, pretiosum vidit oculus ejus, » id est omnem humilem illuminavit respectus gratiae ejus.

VERS. 11. — « Profunda quoque fluviorum scrutatus est, et abscondita produxit in lucem, » id est dum illis intelligentiae spiritum infudit, antiquas per eos prophetarum obscuritates aperuit, quæ quasi « profunda fluviorum, » de pectoribus patrum antiquorum, videlicet Moysi et cæterorum, prorupperunt. « Et abscondita, » scilicet Judæis: « Valemus enim positum est super cor eorum (*II Cor. III*), » — « produxit in lucem, » ut videlicet iam sancta Ecclesia per Spiritum sanctum agnoscat, quod prius per litteram intelligere omnino non voleuit Synagoga. Et haec omnia quæ dicta sunt sola scilicet gratia sua. Nam, nisi ad nos ultra ipse veniret, quando, vel ubi nos quæsissemus hanc Dei sapientiam, vel quo pretio comparassemus eam? hoc est quod sequitur.

VERS. 12. — « Sapientia vero ubi invenitur, subaudi quæ nos invenit? » Et quis est locus in-

telligat? » que profecto non est alia, quam sancti Spiritus gratia, per quam intelligitur eadem Dei sapientia: « ubi, » inquam, « sapientia Dei Christus, » invenitur, « et ejus Spiritus sanctus, » « qui spirat ubi vult (Joan. iii), » ubi queritur? et præterea, nisi gratis scipsum tribuat, quo pretio comparabitur? Subaudi nullo, unde et subdit:

Vers. 15. — « Nescit homo pretium ejus, » scilicet quia nullum est. « Nec invenitur in terra suaviter viventium, » id est in terrena anima divitum carnalibus voluptatibus servientium. His duobus propositis, « ubi invenitur, » et, « nescit homo pretium ejus, » duo subdendo reddit.

Vers. 14. — « Abyssus dicit: Non est in me, » id est corda hominum per lapsum fluida et per duplicitatem tenebrosa. Que dum sapere carnaliter appetunt, stulta se esse in spiritualibus ostendunt; « et mare loquitur: Non est mecum, » id est amara sacerularium mentium malitia suis ipsis actibus testatur, quod a vera sapientia divisæ sunt, utpote quam nullus bene percipit, nisi qui se ab omni abstractu actionum carnalium fluctuatione contendit, juxta illud: « Sapientiam scribe in tempore otii, et qui minoratur actu, ipse percipiet eam (Ecli. xxxviii). » Et Psalmista: « Vacate, inquit, et videte, quoniam ego sum Deus (Psal. xlvi). » Hoc est quod ait: « Abyssus dicit: Non est in me; et mare loquitur: Non est mecum, » redit ad illud quod proposuerat: « Sapientia ubi invenitur, et quis est locus intelligentie! » Ad illud vero, quod item proposuit: « Nescit homo pretium ejus, nec invenitur in terra suaviter viventium, » redit hoc quod sequitur:

Vers. 15. — « Non dabitur aurum obrizum pro ea: nec appendetur argentum in comparatione [al. commutatione] ejus. » — « Aurum, inquit, obrizum, » id est claritas angelorum, qui in ea quæ sunt conditi innocentia perdurantes, et fulgent claritate justitiae, et nullis vel minimis maculantur sorribus culpe, non dabitur pro ea, quia videlicet ad redemptionem generis humani nullus. angelorum pro hac sapientia, quæ Christus est, mittendus fuit; sed per Creatorem ipsum necesse erat et decebat ut creatura liberaretur. « Nec appendetur, inquit, argentum in comparatione ejus, » id est vita justorum prædicantium non adæquabitur puritati justitiae ejus. Argento enim sepe eloquia divina signantur. Vita ergo scriptorum, vel prædicatorum sanctorum quantilibet sanctitatis luce polleat, adventum vobis supernæ sapientie per suam presentiam non communat; quia quamlibet sancti fuerint, in comparatione unigeniti Filii nullius pensantur suis meriti.

Vers. 16. — « Non conferetur tinctis Indiae coloribus, » id est fuscatis, et ornameuta eloquentia sedentilis sua super ducentibus mundi sapientibus. Per Indianam enim, quæ nigrum populum mittit, hic mundus accipitur, in quo vita hominum per culpam ob-

A secura generatur. Indiae vero tincti colores sunt iidem mundi sapientes, qui, cum rerum virtute careant, aliud se esse quam sunt, verborum compositionibus, quasi superductis coloribus, mentionantur. « Non ergo conferetur, » subaudi vera sapientia, « tinctis Indiae coloribus, » quia dum fascata eloquentia ornamenta non babet, quasi vestis sine tinctura placet. « Nec lapidi sardonycho pretiosissimo, » id est cuilibet homini terreno; sardonychus quippe rubræ terræ similitudinem habet, et ideo possunt in sardonycho significari omnes, quia de terra sunt homines, quorum primus parens Adam de terra formatus, Latino quoque sermone terra rubra nominatur. « Nec sardonychus ergo, vel sapphiro, » id est nec homini terreno, nec cuivis conferetur angelo. Sapphirus enim aeriam habet speciem; idcirco congrue sanctos designat angelos. Vel ita: « Nec lapidi sardonycho pretiosissimo, » id est Veteris Testamenti Patribus, « vel sapphiro, » id est Novi Testamenti doctoribus, subaudi conferetur. Nam per sardonychum qui, ut dictum est, terræ rubræ similitudinem habet, primus homo terrenus (I Cor. xv), et qui secundum illum nati sunt, possunt recte signari; per sapphirum vero qui, ut dictum est, aeriam speciem habet, novus homo Christus, qui et cœlestis (*ibid.*) dicitur et qui ex illo regenerantur, apte figuraantur. Scindendum vero est, sardonychum et sapphirum, quos constat pretiosos non esse, idcirco pretiosos describi, ut dum pretiosos non esse cognoscimus, aliud in eorum intelligentia requiramus.

C Vers. 17, 18. — « Non adæquabitur ei aurum vel vitrum. » Hoc quoque juxta litteram quis sapiens sentire dignetur, quod, postquam dictum est, aurum huic sapientie non adæquari, adhuc quasi crescendo subjungitur, quod ei quoque nec vitrum possit æquari, quod auro longe vilius est? Per aurum ergo et vitrum illa superna patria, illa beatorum omnium signatur societas, quorumi corda et claritate fulgent, et puritate translucent. Quid in Apocalypsi memorat Joannes dicens: « Ipsa vero civitas aurum mundum, similis vitro mundo (Apoc. xx). » Sed « non adæquabitur, inquit, ei, » subaudi sapientie, quæ est unicus Filius Dei, « aurum vel vitrum, » quia videlicet, quamvis scriptum sit: « Cum apparuerit, similes illi erimus, quoniam videbimus eum sicuti est (I Joan. iii); » rursus tamen scriptum est: « Aut quis similis erit Deo inter filios Dei? » (Psal. lxxx.) Quia sancti omnes pretiosi ut aurum, sibique invicem translucentes, quod signatur per vitrum. Huic sapientie et similes erunt ad imaginem, ei tamen non erunt similes ad æqualitatem. « Nec commutabuntur pro ea vasa auri excelsa et eminentia, » videlicet qualiter fuit vas auri, vas pretiosum per insusam gratiam Dei, Elias, Jeremias, Joannes Baptista. Quisquis Christum Dei sapientiam unum ex illis esse putavit, sicut querenti illi: « Quem me dicunt easce homines? Dixerunt discipuli: Alii Eliam, alii Jeremiam, alii vero Joan-

nem, aut unum ex prophetis; » quisquis inquam, hoc putavit, vas auri excelsum et eminentis propria sapientia consumutavit. Sed « non commutabuntur, inquit, pro ea vasa auri excelsa et eminentia, » quia videlicet electi quique sanctorum vitam et venerantur ob sublimitatem, et tamen non suscipiunt ad errorem, quosque puros homines esse sciunt, Deo homini omnino non conferunt; **473** « Non commutabuntur, inquit, pro ea, » sed « nec memorabuntur comparatione ejus, » quia videlicet « vasa auri excelsa et eminentia, » quae ex participatione sapientiae nobis veneranda sunt in comparatione sapientiae etiam commemoranda non sunt. Nam participatione illius sapientiae electi omnes aliquid sunt, per semetipos vero prope nihil sunt. Quod prudenter agnoverat ille qui dicebat: « Loquar ad Dominum meum, cum sim pulvis et cinis (Gen. xviii). » — « Trahitur autem sapientia de occultis, » id est, non enim de nihilo facta subsistit; sicut illa omnia quae supra dicta sunt; sed « trahitur de occultis, » id est de secreto corde Patris; et cum sit invisibilis, nonnisi invisibiliter invenitur. Quae recte quoque trahi dicitur; quia, sicut statim trahimus ut corpus vivat, sic ab intimis sapientiae spiritus ducitur ut ad vitam anima subsistat: » unde Psalmista: « Os meum, inquit, aperui, et attraxi spiritum (Psal. cxviii). »

**Vers. 19.** — « Non adaequabitur ei topazius de *Aethiopia*, » id est nullus sanctorum quibuslibet virtutibus plenus, quod significatur per topazion: qui lapis est pretiosus, et dicitur topazion quasi topazivum, eo quod omni luce resplendeat. *Pan* enim Graeca lingua dicitur *omne*. Nullus, inquam, ex hujus mundi nigredine collectus, quae significatur per *Aethiopiam*, æquari potest ei, de quo dictum est: « quod nasceretur ex te sanctum, vocabitur Filius Dei (Luc. i). » Cui se æquare voluit quoddam topazium de *Aethiopia*, cum quidam haeresiarches dixit: Non in video Christo Deo facto; si volo, et ipse possum fieri. Quorum ut superbia refutetur, apte subjungitur: « Nec tinturæ mundissimæ componentur [al. componetur] ei, » id est nec illi qui non superbiant, ut supradicti haeretici, sed sunt veraciter humiles, et veraciter sancti, æquabuntur ei; quia videlicet sciunt quod non semetipsis, sed ex dono gratiae supervenientis virtutum habeant speciem. Tincti enim non essent, si sanctitatem naturaliter habuissent. Notandum, quod cum superius dixisset, « non conferetur tinctis Indiae coloribus, » non addidit mundissimis. Hic vero ut tinturam verarum virtutum ab illa philosophorum functione distingueret, tinturas dicens, addidit, mundissimas.

**Vers. 20.** — « Unde ergo sapientia venit? » subaudi quam ab omnibus tanto distare jam dictum est, scilicet ab angelis, qui signantur per « aurum obrium; » ab omnibus sacri eloquii tractationibus; qui signantur per « argentum » a mundi philosophis; qui notantur per « tinctos Indiae colores; » a cunctis

A patribus veteris et novi testamenti; qui signantur per lapides « sardonychum et sapphirum; » ab illis qui jam pervenerunt ad illam supernam patriam; qui et signantur per « aurum et vitrum; » a prophetis quoque, qui vasa auri excelsa et eminentia fuerunt; ab haereticorum quoque superbo splendore, quasi qui « topazium » sibi videntur, obliu per superbiam quod « de *Aethiopia*, » id est de gentilitatis nigredine venerunt. « Unde, inquam, venit? » Potestne adiri et inde hoc adduci? subaudi non. Nam inde venit unde orta est, id est ab invisibili Patre nascitur, et via ejus occulta est. Nam « generationem ejus quis enarrabit? » (*Isai. iii.*) Sed dicis: per intelligentiae spiritum percipitur. Bene. « Et quis est locus intelligentiae? » Ac si dicat: A quo oritur haec sapientia, ab illo procedit haec intelligentia. « Unde ergo venit? » illa, vel « quis locus » ejus.

**Vers. 21.** — « Abscondita est ab oculis omnium viventium, » videlicet, quia « Deum nemo vidit unanim (Joan. i) » cuius ex corde invisibili haec invisibilis invisibiliter nascitur sapientia, et procedit intelligentia.

Postquam dictum est de æterna Dei Sapientia, « abscondita est ab oculis omnium vivepliū, » recte subjungitur: « Volucres quoque coeli latet; » illas utique volucres, non quae semen « secus viam comedenterunt (*Matth. xiii*); » nam illud dixisse non magnum est, quod malignos spiritus haec Sapientia lateat: sed illas quoque volucres, quae in arboris magnæ ramis requiescent (*ibid.*); arboris, inquam, quae de seminato excrevit grano siuapis, quæ utique Christus est, qui granum fuit siuapis, cum moretur in humilitate carnis, arbor, cum resurgeret per potentiam majestatis. Illas, inquam, volucres, quae in illius ramis requiescent, id est spirituales quoque viros, qui in apostolorum ejus dictis ab Iesus mundi fatigazione respirant, latet ista Sapientia, quia videlicet in hac corruptibili carne constitutatur ejus omnipotentiam, ipsi quoque videndo non penetrant, qui jam per meritum sanctæ contemplationis volant.

**Vers. 22.** — « Perditio et mors, » scilicet diabolus mortis et perditionis inventor, et omnes superbiae ejus subjecti spiritus, « dixerunt, » subaudi de hac sapientia quae Deus est: « Auribus nostris audiimus famam ejus, » subaudi non etiam vidimus: videre namque Deum hoc est quod habere. Iaqui autem spiritus hanc Sapientiam non vident, quia per superbiam nequaquam eam habent. « Famam » ergo, inquit, « ejus audivimus, » subaudi sed rebellantes lumini ejus nequaquam vidimus. Hoc videlicet dicunt in eo quod ex sua perversitate palam cunctis faciunt quod in veritate non steterunt. Quis ergo illum novit? Sequitur:

**Vers. 23.** — « Deus intelligit viam ejus. » Boc procul dubio illud est, quod eadem Sapientia de se ipsa loquitur: « Nemo Filium novit nisi Pater (*Matth. xi*). » — « Deus, inquit, intelligit vias ejus, et ipso novit locum illius. » Habet enim haec Sapientia viam,

habet et locum. Sed aliter viam, aliter habet locum. Viam videlicet per humanitatis transitum, locum habet per divinitatis statum. Via quoque ejus hoc ipsum est, quod venit ad cor nostrum, seseque nobis intrinsecus infundit; locus vero ejus fit cor ad quod veniens permanet. Nos ergo sapientiae hujus, quae est Dei Filius: intelligentiae quoque, quae est Spiritus sanctus, cuius adventu ad nos efficitur, ut illam Sapientiam cognoscamus: hujus, inquam, Sapientiae, vel intelligentiae homo quidem vocem audit, sed et nescit unde veniat aut quo vadat (*Joan. viii*). — « Deus vero intelligit viam ejus, » id est vulnus amoris sui, per quod illam in humanam animam effundit, utpote semen suum sibi naturaliter insitum, et ipse novit locum illius, » scilicet eamdem animam, vel angelicam quoque creaturam, cuius in intima per complexum conjugii spirituialis, velut in uterum sponsae amantis, semem, id est, verbum illud vel Sapientiam infundit. Illum, inquam, ipse novit locum illius, » videlicet non solum qualis nunc sit, sed et qualis futurus sit. Hoc est quod sequitur:

**VERS. 24.** — « Ipse enim fines mundi intuetur, » id est omnium, qui sunt in mundo, finem ad quem quisque perventurus sit, sub suo praesentialiter habet conspectu; et omnia, quae sub celo sunt, respicit, » videlicet ex omnibus eligens, in quibus eamdem gratia sua collocet sapientiam suam.

**VERS. 25.** — « Qui fecit ventis pondus, » id est levibus quondam gravitatem et stabilitatem dedit animabus, quia videlicet, dum praedicta sapientia sua replet animas, quae prius fuerant leves, maturas reddit et graves. Vel certe « ventis pondus » est facere, concessam electis hic de virtutibus gloriam permista infirmitate temperare. Unde et subditur: « aquas appendit in mensura, » id est ejusdem sapientiae vel Spiritus sui dona sanctis suis ad mensuram dat, videlicet ut nequaquam tantum proficere valant, quantum volunt, ut non extollantur in superbiam. Verbi gratia, ut Elias, qui dum tot virtutibus in altum prosecisset, quadam mensura suspensus est, postmodum Jezabel, quamvis reginam, **474** tamen mulierculam, fugiens (*III Reg. xix*), itemque Paulus, qui cum lumen corporis, quod ad tempus perdidera, cum perpetuo cordis lumine receperisset, per murum in sporta demissus de civitate ealem effugit (*II Cor. xi*), quam post visionem Jesu ingressus fecerat; imo, qui usque ad tertium cœlum rapta fuerat, adhuc sub stimulo carnis, eum puer colaphis affectus plorabat (*II Cor. xii*). Sic ergo electis suis aquas donorum suorum appendit in mensura (*Rom. xii*), ut miraculis monstrarentur, infirmisibus seruentur. « Deus, inquam, intelligit vias ejus, et ipse novit locum ejus. » Et dicam vobis quando cognovit eam.

**VERS. 26.** — « Quando ponebat pluviis legem, » id est quando misit illam ad Incarnationem, tunc videt illam, id est videri fecit incarnatam Sapientiam suam. « Quando, inquit, ponebat pluviis le-

A gem, » id est mandatum custodie prædicatoribus dabat, hoc scilicet mandatum, hanc legem, ut vivendo implerent, quod loquendo suadere festinarent. « Legem, inquam, ponebat pluviis, et viam procellis sonantibus, » id est eisdem prædicatoribus aditum faciebat ad hominum corda terrore futuri judicii percussa. Prius enim lex pluviis, id est mandatum vivendi prædicatoribus ponitur, ut postmodum prædicationibus eorum via pandatur, quia vox illa cor audientis penetrat, quæ hoc quod sonuerit opere conservat. Quando hoc faciebat,

**VERS. 27.** — « Tunc videt illam, » id est videri fecit, ut jam dictum est, incarnatam Sapientiam suam, et enarravit, et præparavit, et investigavit, » id est enarrari, et præparari fecit, scilicet a prædicatoribus, et investigari, yideliet ab auditoribus. Sibi quippe illam præparat quisquis bene vivendo propitiam parat. Et notandum, quod quatuor de ea dicta sunt. « Vidi, enarravit, præparavit, investigavit. » — « Vidi, » namque quia substantia vel species est; « enarravit, » quia verbum est; « præparavit, » quia remedium est; « investigavit, » quia occultum est.

**VERS. 28.** — « Et dixit homini, » id est quia ab humana mente non poterat penetrari, quis namque intelligat verbum sine tempore, vel speciem sine circumscriptione; quia, inquam, non potest ab homine comprehendendi « dixit homini, » id est hoc signum cognoscendæ ejusdem sapientiae dedit homini. « Ecce timor Domini ipsa est sapientia; et recedere a malo, intelligentia. » Ac si aperte dicat: Ad temetipsum homo revertere, et cordis tui secreta perscrutare. Si te Deum timere deprehendis, profecto constat quia de hac sapientia non nihil habes. « Initium enim Sapientiae timor Domini (*Eccli. i*). » Et si recedis a malo, id est si non servili timore malum facere omittis, sed casto timore Domini malum odisti, et voluntate omnem a malo avertis, tunc scito quod habeas intelligentiam, id est Spiritus sancti gratiam, per quam a timore Domini incipiens perseveraturus ad eamdem pervenias sapientiam.

**CAP. XXIX, VERS. 4.** — « Addidit quoque Job assumentis parabolam suam. » Haec interciso opportune posita est, quia videlicet hactenus sapientiam quam Deus illi dederat exposuit amicis, a quibus velut insipiens despiciebatur, deinceps opera sua bona humiliter narrabit, qui malorum operum esse videbatur, et tanquam hypocrita vel impius condemnabatur. Constat vero quod per exteriorum verborum formas mysteria loquitur, qui ad loquendum parabolam assumpsisse memoratur. « Parabolam, inquam, suam. » Cum enim sua narrat, quæ sanctæ Ecclesiæ ventura sunt denuntiat, et ipsa ordinis ratio postulat ut per verba ejus ultima dies extremi sanctæ Ecclesiæ designentur, quando draco ille, qui nunc, sicut per Joannem dicitur, in abyssum clausus tenetur, do puto abyssi educetur (*Apoc. xx*), id est quod modo timore legitur, tunc contra Ecclesiam publice de iniquorum cordibus omne serpentum

virus aperietur. Et electi omnes reminiscetur nostri, qui quieta fidei tempora duximus, quia dictis et factis malorum tribulabuntur et expugnabuntur. Illa ergo, ut dictum est, tempora, beatus Job intuens sua transacta narrat, et aliis ventura denuntiat, dicens :

**VERS. 2.** — « Quis mihi tribuat, ut sim juxta menses pristinos ? » Primo secundum propriam ipsius moralitatem dicendum hoc modo. « Quis mihi, » subaudi quem per hypocrisim justum suisse arbitramini, « quis mihi, inquam, tribuat, ut sim juxta menses pristinos, » id est juxta præteritæ vitæ meæ intentionem ut inveniam consolationem et misericordiam, « secundum dies, » id est juxta opera diærum, « quibus Deus custodiebat me, » videlicet ab omni, quam imponitis mibi, hypocrisi vel impie-

tate ?

**VERS. 3.** — « Quando splendebat lucerna ejus, » id est simplex et lucida intentio dilectionis ejus « super caput meum, » id est super mentem meam, in omne opus bonum quod agere incipiebam, « et ad lumen ejus ambulabam in tenebris, » id est oculorum ejus testimonio cuncta commendabam abscondita cordis mei ? Ut sim, inquam,

**VERS. 4.** — « Sicut sui in diebus adolescentiæ meæ, » id est ut talis in testimonio Dei appaream, qualem me in conspectu illius esse memini, cum iustitiae propositum arripui et in bono adolescere, id est proficere coepi, « quando secreto Deus erat in tabernaculo meo, » id est quando in mediis curis vel actibus sæculi Deum, quod omnes homines latebat, amplectebat in corde meo.

**VERS. 5.** — « Quando erat Omnipotens tecum, » subaudi in conscientia mea dulce amantis animæ solatum, piumque et unicum intimæ familiaritatis gaudium, « et in circuitu meo, » id est exterius, « pueri mei, » subaudi non neglegi propter interiorum occupationem. Non enim iubilatio Dei angustat, sed potius dilatat mentem et exhilarat faciem ad impendendam curam proximorum utilitati vel saluti.

**VERS. 6.** — « Quando lavabam pedes meos butyro, » id est quando hilariter et affatim delectabar in Domino. Et eleganti similitudine dictum est, videlicet quod tanta dulcedo erat in domo cordis ejus diligentis Deum et proximum, quanta est copia lacris, ubi, si butyro laventur pedes, satietas familie damnum non sentit. « Et petra, inquit, fundebat mihi rivos olei ? » Id est soliditas divini auxilii locupletabat me, tam pace rerum quam letitia animi.

Per allegoriam eadem quæ dicta sunt hoc modo in persona Ecclesiæ accipienda sunt. « Quis mihi tribuat, » inquit sancta Ecclesia ultima persecutione dissipata, « quis, inquam, mihi tribuat, ut sim juxta menses pristinos, » id est ita sanctis studiis adornata religiosisque conventibus ordinata, sicut olim quando floreant per villas et urbes sanctorum congregations, ita in ordinibus suis certo communiter

A viventium numero consistentes, sicut dierum numero in ordine anni singuli procedunt menses, « ut sim, inquam, secundum dies, quibus Deus custodiebat me, » scilicet a tanti pressuris quantis coagulat nunc undique, soluto antiquo dracone, qui multos nunc devorat seducendo ex filiis meis quos nequeo custodiare. « Quando, inquit, splendebat lucerna ejus super caput meum, » id est sancta Scriptura ejus decorabat conventum meum et cor meum. Sancta enim Scriptura lucerna est, « cui, » inquit Petrus apostolus, « bene facitis attendentes, quasi lucernæ lucenti in caliginoso loco, » etc. (II Petr. I.)

« Splendebat, inquit, super caput meum, » id est mentis meæ tenebras publice prædicantibus, et studentibus sanctis viris irradiebat, quos nunc persecutio partem occidit, partem effugat. « Et ad lumen ejus ambulabam in tenebris, » id est ex eruditio-

nibus eius consolabam tenebrosam ignorantiam vitæ presentis, 475 in qua, velut in nocte, non appetet verus sol (I Cor. XIII), cuius facies videnda reprobatur nobis in futuro (Apoc. XXII). Ut sim, inquam, « sicut sui in diebus adolescentiæ meæ, » id est quando jam adulta nupsi Christo Deo incarnato, et per prædicationis ministerium filiorum conceptione secundata sum. « Quando secreto Deus erat in tabernaculo meo, » id est intus in abscondito cordia illam componens gloriam meam, quæ foris parebat quasi in simbriis aureis, per doctrinæ et miraculorum gratiam. « Quando erat Omnipotens tecum, » videlicet cooperando, et sermonem conseruando sequentibus signis (Marc. XVI). « Et in circuitu meo pueri mei, » scilicet, quam plurimi, qui cœlestibus deserriebant mandatis, qualium multorum nunc charitas abundante iniquitate refriguit (Matth. XXIV). « Quando lavabam pedes meos butyro, » id est infundebam, atque emundabam pinguedine boni operis pulvrem collectum de gloria prædicationis. Vix enim prædictio sine aliquo transitu admissa. Vel certe butyro pedes lavantur, dum sanctis præparatoribus debita eis audientibus stipendia conseruntur, quo butyro Paulus erat unctus, cum diceret : « Det misericordiam Dominus Onesiphori domui, quia sæpe me refrigeravit, et catenam meam non erubuit (II Tim. I). » Sed et cum præpositi auditores ad cor revocant, ut ea quæ forte admiserint mala defleant, pedes butyro lavant, quia vulneribus eorum, quæ exteriorib[us] intendendo pertulerunt, unguenta pœnitentiaz subministrant. « Et petra, » inquit, « fundebat mihi rivos olei, » id est Christus, de quo Paulus, « Petrus autem, » inquit, « erat Christus (I Cor. I), » sacra Scripturæ rivos meo fundebat usui, verbi gratia, librum Matthæi, librum Marci, librum Lucæ, librum Joannis, qui nunc quasi fluere desinunt, quia meatus eorum, id est sanctos prædicatores, obstruit violentia persecutorum. Vel rivi olei dona sunt Spiritus sancti, de quo scriptum est, « Computres et jugum a facie olei (Isa. X) : » quæ, dum Christus ascenderet in altum hominibus dedit (Ephes. IV), profecto petra fudt rivos olei, quæ in illa ultima persecutione, nec

publica prædicatione, nec consolatoris fluunt mira-  
cūs.

Vers. 7. — « Quando procedebam ad portam ci-  
vitalis, » Ut primo simplicem tractatus teneat historiam, secundum, quia paulatim sese aperit prodire cocta veritas cum socia pietate de conscientia beati  
viri, et pudoratis sese defendit testimoniis, quod non  
sit, secundum criminacionem amicorum ejus, im-  
pietas vel hypocrisis. « Procedebam, » inquit, « ad  
portam civitalis, » videlicet ut doctrinæ vel disci-  
pline vox atque exemplar adesse, « et in platea  
cathedram parabant mibi, » id est omni simulatione  
carentem, et publice comprobata, obtinebam au-  
toritatem distinctionis vel magisterii.

Vers. 8. — « Videbant me juvenes, » id est lascivi,  
et abscondebantur, « scilicet metuentes incorru-  
ptionem æquitatem judicantis, ac severitatem repre-  
hendentis, « et senes assurgentes stabant, » videlicet  
maturi et graves gratam sibi sapientiam reverentes.

Vers. 9. — « Principes cessabant loqui, » sub-  
audi, ne dum homines extremi audebant ineptis  
parire fabulis. « Cessabant, » inquam, « loqui et  
superponebant digitum ori suo, » id est etsi loque-  
bantur, modestiam discretionis habere curabant.

Vers. 10. — « Vocem suam cohiebabant duces, »  
subaudi, antequam adesse loqui cœpissent, quod  
reprehensione dignum esset, « et lingua eorum gut-  
turi suo adhærebant, » id est me loquente summum  
ad audiendum silentium erat.

Vers. 11. — « Auris audiens, » subaudi, judicia  
proloquentes, « beatificabat me, » scilicet non uti  
vos, ita tunc impietatis quisquam arguebat, vel de-  
bolabat me,

Vers. 12. — « Eo quod liberasse pauperem vo-  
ciferantem, et pupillum, cui non esset adjutor. »  
Quod videlicet impietati, quam mibi imponitis, valde  
repugnans est.

Vers. 13. — « Benedictio perituri, » id est ejus,  
qui nisi subvenirem, perire habeat, « super me ve-  
niebat, » quia videlicet injuste periclitantem ego a  
calumniatore justie eripiebam, et cor viduæ conso-  
latus sum, quod profecto non modo non impium,  
sed et piissimum erat. Sed his dictis in veneratione  
sacrae historiæ, mysteria jam indaganda sunt alle-  
goriz. « Procedebam, » inquit sancta Ecclesia, « ad  
portam civitalis, » id est ad modum veterum, quibus  
mos fuit, ut seniores in porta cōsisterent, et causas  
introeuntium judicarent (*Deut. xv; II Par. xviii;*  
*II Reg. xv; Ruth. iv*), exercebam me in actio-  
nibus sanctis, per quas, velut per portas, ad-  
itus percipitur regni cœlestis, de quibus Psal-  
mista: « Ut annuntiem, » inquit, « omnes laudationes  
tuas in portis filiae Sion (*Psalm. ix*). » — « Et in platea  
cathedram parabant mibi, id est in magna auctori-  
tati; huiusmodi mihi exhibebatur libertas magisterii.  
« Videbant me juvenes et abscondebantur, » id est  
immaturi et nulla consilii gravitate fulti, deprehendi  
in suis oculis actibus metuelant, « et senes, » id  
est perfecti quique, et moru[m] matu[m] grandevitæ,

A quorum cani erant sensus, et ætas senectutibus vita  
immaculata (*Sap. iv*), « assurgentes stabant, » id  
est ex humilitate indicabant quantum in bonis acti-  
bus prosecissent. « Principes, » id est hæretice pra-  
vitatis auctores, « cessabant loqui, » id est prava  
doginata contra fidem catholicam machinari, « et  
superponebant digitum ori suo, » id est falso quere-  
bantur, non ratione vocis, se reprimi, sed violenta  
manu ecclesiastice virtutis. « Digitum, » inquam,  
« superponebant ori, » id est indignantes et murmu-  
rantes significabant se per vim ad silentium cogi.  
« Vocem suam, » subaudi, solam, non etiam men-  
tem suam, « cohiebant duces, » scilicet iidem ipsi  
hæreticorum auctores, « et lingua eorum gutturi suo  
adhærebant, » id est perversa quidem loqui non au-  
debant, sed intus apud se cuncta contegentes nihil  
minus in silentio suo peribant. Subaudiendum est  
ac si dicat: Nunc autem, id est in novissima tem-  
pestate, juxta illud, quod longe ante Jeremias intuens  
ait: « Sed et lamiæ nudaverunt mammam, lac-  
verunt catulos suos (*Thren. iv*), » nunc, inquam,  
hæretici, quasi lamiæ, nudau[m] mammam, id est er-  
orem suum, libere prædicantes, lactant catulos, id  
est ad impietatem confirmant sequaces suos. « Auris  
audiens, » id est auditor fidei vel disciplinæ obediens,  
« beatificabat me, » id est de doctrina sana proficiens  
bonis actibus suis beatificabat me, « et oculus vi-  
dens, » id est illuminatus a Deo veritatem intelligens  
« testimonium reddebat mihi, » id est ad defenden-  
dam eamdem veritatem jungebatur mibi, « eo quod  
liberassem pauperem vociferantem, » etc., quæ non  
mutantur, sed ut supra exposita sunt in persona  
beati Job, ita, in persona quoque Ecclesie accipienda  
sunt, quæ dupli ex causa beatificatur ab auditio-  
ribus suis, videlicet eo quod filios suos et loquendo  
pascat, et defendendo protegat, tanquam lignum  
fructiferum, quod subiacentes et pabulo reddit, et  
umbraculo ab æstu defendit. Et non solum corpo-  
raliter, ut dictum est, sed et spiritualiter Ecclesia  
sancta hoc exhibet. Nam pauperem vociferantem  
liberat, cum peccatori poenitenti culpam relaxat.  
Pupillum quoque liberat, dum unumquemque mor-  
teo antiquo patre diabolo, Deo regenerat, et bene-  
dictio perituri venit super eam, quia videlicet dum  
converti facit peccatorem ab errore vitæ suæ, salvat  
animam ejus a morte (*Jac. v*). Cor quoque viduæ  
consolatur, dum fideli animæ quasi viri sui bonam  
memoriam revocans, æternas Domini retributiones  
narrat. Sequitur,

D Vers. 14. — « Justitia, » inquit, « induitus sum, »  
et non ita, ut partem mei aliquam peccato nudam  
relinquerem, sed « et vestivit me, » subaudi eadem  
justitia, « sicut vestimento, » quia videlicet « sicut  
vestimento, » 476 cum vestior, ex omni parte  
circumdor, sic justitiam observavi, ut non hinc pecc-  
ato fore obstruerem, et aliunde aditum panderem.  
« Indutus sum, » inquam, justitia, sicut vestimento,  
et sicut diademate judicio meo, « subaudi ornavi vel  
coronavi me scilicet quotidie quid[em] Deo, quid pro-

ximo deberem solerter inspiciens, sicut scriptum est: « Cogitationes justorum judicia (Prov. xii). » Quæ judicia recte diademati comparantur, videlicet quia per magni operis gloriam ad æternæ retributionis ducunt coronam,

VERS. 15. — « Oculus sui cæco. » Justitiae partes, quas se indutum dixerat, apte ab operibus pietatis enumerare inchoat; quia videlicet tunc est apud Deum vera oblatio rectitudinis, cum rami justitiae de radice prodeunt pietatis. « Oculus, inquit, sui cæco, et pes claudio, » id est et cæco manum per memetipsum præbui, et claudum portando ipse sustinui. Et quare colligitur super egenos et pauperes quantum misericordiæ illius viscera fundebantur. Unde et subditur :

VERS. 16. — « Pater eram pauperum, » videlicet vis misericordiæ illius naturam fuerat imitata, dum, non ex timore damnationis, sed præ amore Dei proximi tribuendo patrem se pauperibus exhibebat. Juxta allegoriam sancta Ecclesia, « oculus sui cæco et pes claudio, » dum ille qui quo pergit non videt, prædicando illuminat; et eum qui præ infirmitate animi non potest ire quo videt, id est operari quod intelligit, opitulando sustentat, itemque et pater et mater pauperum est. Alia namque membra sunt in corpore Ecclesiæ, quæ intuende luci Scripturarum deserviunt; alia quæ tanquam pes a terreno actu minime disjuncta corpus omne in præsentis vite negotiis sustineant; alia quæ tanquam manus eleemosynam porrigendo pauperibus patrocinantur. « Pater, inquam, eram pauperum, et causam quam nesciebam diligentissime investigabam, » id est ad proferendam sententiam nunquam præceps fui, nec temere indiscussa judicavi. Quod profecto perpetrare pertimescimus, si auctoris nostri exempla subtiliter pensamus, qui cum omnia nuda et aperta sub suis habeat oculis, mala tamen Sodomæ noluit audita judicare, sed ait: « Clamor Sodomæ et Gomorræ multiplicatus est; descendam, et videbo utrum clamorem, qui venit ad me, opere compleverint, an non ita est, ut sciām (Gen. xviii). » Hoc enim ideo dictum, ideo scriptum est ut nos qui homines sumus, et falli possumus, a præcipitatæ sententiae prolatione compesceremur. Investigata vero causa :

VERS. 17. — « Conterebam, inquit, molas iniqui, » id est illum, qui in causa quæ investigabatur a justitia cadebat, vehemens et districtus occultas insidias, quas velut molares dentes ad lacerandum proximum stringebat, causabam et elidebam, « et dentibus illius auferebam prædam, » id est eum, quem jam tenere se putabat, æquitate judicii liberabam. Ecclesia quoque spiritualiter hoc agere non desinit: toties enim ex iniqui dentibus prædam tulit, quoties ex erroris morsu animam prædicando eripuit. O qualem de ore et de dentibus iniqui, scilicet diaboli, prædam tulit, quando ipsum raptorem Saulum convertendo rapuit (Act. ix), et dum persecundo fideles congregaret plebem diabolo, egit, ut cognoscendo

A fidem ipse aggregaretur Christo! Haec et haec quæ prædixi faciebam.

VERS. 18. — « Dicebamque: In nidulo meo moriar, » id est nulli quidquam rapiam vel malum inferam, sed potius eos qui aura et protectione mea indigent confovebo, donec moriar, « quemadmodum gallina congregat pullos suos sub alas (Matt. xxiii). » Et hoc faciendo pro posse meo, « sicut palma multiplicabo dies, » id est sicut palma inferius corticum suorum involutionibus angustatur, sed superius per amplitudinem pulchræ viriditatis expanditur, ita ego, etsi in præseenti fuero angustus, et ad æquitatis regulam constrictus, apud Deum in futuro dilatabor et multiplicabor æternorum longitudine dierum. Ecclesia vero nidum sibi, id est pacatissinam fidei quietem construeus, in qua filios crescentes, donec ad cœlum evolent, charitatis gremio confovet, dicit et ipsa: « In nidulo meo, » id est in hujus fidei sancto et pacifico otio, usque ad mortem perseverabo, « et sicut palma multiplicabo dies. » Hoc non mutatur.

VERS. 19. — « Radix mea aperta est secus aquas, » id est tota cogitatio mea ad percipienda fluenta veritatis aperta est. Vel, ut ad Ecclesiæ vocem hoc deducatur, « radix, inquit, mea, » id est Redemptoris mei Incarnatio « aperta est, secus aquas, » id est secundum humanam naturam visibiliter hominibus demonstrata est. Incarnatio quippe Redemptoris sanctæ Ecclesiæ radix est; quia videlicet tota in fide illius Ecclesia, quasi arbor una viret, « et ros morsabitur in messione mea, » subaudi dicebam, id est gratia Dei superveniens hoc aget, ut usque ad maturitatem bonorum operum propositum meum perducatur.

VERS. 20. — « Gloria mea semper innovabitur, » id est ad hoc ut gloria sim, semper in me veteris vitæ culpa per novitatem spiritus delebitur; quia videlicet vita nostra dum lacrymis lavatur et bonis operibus exercetur, dum sanctis meditationibus eruditur, ad novitatem suam sine cessatione reparatur. « Et arcus meus, » id est Scriptura sacra; arcus enim Scripturam significat. Unde et Psalmista: « Arcus suum, inquit, tetendit et paravit illum (Psal. vii); quia videlicet cunctis peccatoribus per Scripturam D sacram minas exhibuit. « Arcus, inquam, meus, in manu mea instaurabitur, » id est in operatione mea Scriptura sacra perficietur. Instauratur enim arcus in manu, dum, quidquid in sacro eloquio studendo cognoscitur, vivendo completetur. Haec et haec docebam: tunc, inquit, sancta Ecclesia, subaudi nunc autem in pluribus quidem vera fuit spes mea, sed plerique illorum, de quibus majorem habebam fiduciam, nunc aciores fidei hostes facti sunt.

Non immutato dicendi ordine, dum sua propria beatus Job per sermonem indicat, causas sanctæ Ecclesiæ, ut sæpe dictum est, per intellectum sonat. Ait enim :

VERS. 21. — « Qui me audiebant, spectabant sententiam meam, » etc. Hanc etenim apud illum fuisse

subjectorum reverentiam indubitanter credendum est; sed haec verba ejus talia sunt, ut cum sua dicat, nostra praedicat, hoc modo: « Qui me audiebant, exspectabant sententiam meam, et intenti tacebant ad consilium meum, » subaudi non ut h[ab]eretur ac tumidi qui, dum veritatis verba susciperem renuunt, prædicationis sententias quæcumq[ue] descendo percurrunt, et me recte consulentes compagnare audent.

Vers. 22. — « Verbis meis addere nihil audebant, » subaudi et nunc haeretici pessima libertate effrenati, « verbis meis addere » præsumunt, cum prædicationis meæ rectitudinem quasi emendare moluntur. Tacebant, inquam, « nihilque addere audebant. Et super illos stillabat, » id est pro capacitate audientium, conferebatur ad mensuram, « eloquium meum. » Per hoc quod ait, « verbis meis addere nihil audebant, » reverentia laudatur audientis; per hoc, quod subdit, « et super illos stillabat eloquium meum, » indicatur dispensatio magistrorum quæ et in eo mystice signatur, quod, jubente Domino, non solum phialæ, sed etiam cyathi præparatur ad menaam tabernaculi (*Exod. xxv*), quia videlicet in doctrina sacri eloquii, non solum exhibenda sunt magna et arcana, quæ debriant, sed etiam parva et subtilia, quæ quasi per gustum notitiam præstant. Ubi ergo stillare **477** suum perhibet eloquium apte subjungitur:

Vers. 23. — « Exspectabat me sicut pluviam, » id est cum vera humilitate, ariditatem sui cordis agnoscentes, sanctæ prædicationis potum sitiebant dicentes Deo in cordibus suis, « Anima mea sicut terra sine aqua tibi (*Psal. cxlii*), » — « et os suum, » id est cor suum « aperiebant, » subaudi ad doctrinam meam, « quasi ad imbreu serotinum, » id est diu desideratum, quia videlicet, imber quasi serotinus (*Luc. xxvi*), est Christi Evangelium.

Nam juxta quod scriptum est: « Dabo vobis pluviam temporaneam et serotinam (*Deut. xi*), » — « temporaem, » plurimam Dominus deßit, dum priori tempore legis intellectum contulit; « serotinam » vero, dum prædicari ultimis diebus incarnationis sue mysterium fecit. Post reverentiam et attentionem auditorum, quam expressit, de sua severitate subjungit:

Vers. 24. — « Si quando ridebam ad eos non credebant. » Hoc et juxta historiam credi necesse est, et juxta moralitatem sentiendum quod et sanctus vir talis fuerit, et sancta Ecclesia talis esse studebat in suis prælatis, ut etiam ridens timeri possit. In illo valde laudabile est quod in tanta levitate et mansuetudine pietatis, qua pater pauperum erat, tanta simul severitatis exstitit, ut etiani ridens posset timeri. In dispensatione quoque ecclesiastici regiminis sic est moderandum, quatenus et ridens prælaus timeri, et iratus debeat amari, ut eum nec nimis letitia vilem reddat, nec immoderata severitas odii sum. « Et lux vultus mei, » inquit, id est oculi cordis mei, de quibus scriptum est: « Oculi sapientis in capite ejus (*Eccle. ii*); » — « oculi autem

A stultorum in ~~stolidis~~ terre (*Prov. xvii*). » — « Lux, inquam, vultus mei non cadebat in terram, » quia videlicet oculi cordis mei, quæcumque terrena sunt per concupiscentiam non aspiciebant, subaudi sed in capite meo erant, id est ad Deum qui omnium Conditor est intendebant. Hoc juxta historiam non inconvenienter accipitur; et in intellectu quoque mystico perspicuum est quod « lux, » id est, oculi interiores Ecclesiæ caput suum contemplentur, id est Christum. Una enim persona est caput Christus cum suo corpore quod est Ecclesia. Cui quoque, subaudi Christo, quasi arridenti nos non credimus, dum multis jam donis ejus testantibus et gratiam favoris ejus accipimus, et tamen adhuc sub ejus iudicio de nostra infirmitate titubamus; et lux ejus B non cadit in terram, quia videlicet visionis ejus claritas peccatoribus non appareat, qui in quantum peccatores, in tantum terra sunt. Peccanti enim dictum est: « Terra es, et in terram ibis (*Gen. iii*). » Super quem non cadit lux vultus Domini, sicut scriptum est: « Tollatur impius, ne videat gloriam Domini. » Quia vero et quæ sequuntur secundum historiam perspicua sunt, ex eo: capite sanctæ Ecclesiæ, sicut cœptum est, persequenda sunt.

C Vers. 25. — « Si voluisssem, inquit, ire ad eos, » « voluissent, » inquam, scilicet quia meus adventus ad hominem, non est secundum ejus meritum, sed secundum voluntatis meæ consilium. « Si ergo voluissem, inquit, ire ad eos, » id est illustrare visitatione sancti Spiritus cor eorum, « sedebam primus, » videlicet ita ut « quærerent primus regnum Dei et justitiam ejus (*Matth. vi*), » quia desiderii mei appetitus in cogitatione eorum cæteris desideriis æqualis non est. « Cumque sederem, » subaudi In cordibus eorum, « quasi rex, » videlicet circumstrepentes regens motus animorum, « circumstante exercitu, » id est turba virtutum adversus seditiones vitiorum, « eram tamen merentium consolator, » ea videlicet consolatione qua dico: « Beati qui lugent, quonia in ipsi consolabuntur (*Matth. v*). » Et rursus: « Iterum autem video vos, et gaudebit cor vestrum, » etc. (*Joan. xvi*.) Sed ea quæ de capite dicta sunt, nihil obstat intelligi de corpore, D quod est Ecclesia. In ea quippe cordo doctorum quasi rex præsidet, « quam fidelium suorum turba circumstat, ubi cum auctoritate pietas, et cum pietate non deest auctoritas. » Cum sederem quasi rex circumstante exercitu, « ecce auctoritas regiminis. » Eram tamen merentium consolator, « ecce ministerium pietatis: disciplina enim vel misericordia multum destituitur, si una sine altera teneatur. Unde semivisi vulneribus a Samaritano non vinum solum vel oleum, sed utrumque infunditur (*Luc. x*), quia videlicet, ut Psalmista ait: « Virga tua et baculus tuus, ipsa mea consolata sunt (*Psal. xxii*). » Virga disciplinæ percutimur, sed pietatis baculo sustentamur; utriusque exemplum Moyses præbet, qui ex pietate et amore subditorum Deum tenebat dicentem: « Dimit-

te me, ut irascatur furor meus contra eos (*Exod. xxii.*). Sed mox ad eumdem populum veniens, cui veniam impetraverat : « Ponat, inquit, vir gladium super scimur suum, ite et redite de porta ad portam, et occidat unusquisque proximum suum. Cecideruntque in illa die, quasi viginti tria millia hominum (*ibid.*). »

CAP. XXX, VERS. 1. — « Nunc autem, inquit, derident me, » id est verba mea despiciunt, « juniores tempore, » videlicet haeretici, quos omnes universali Ecclesiae comparatos recte juniores tempore vocari non dubium est; quia videlicet ipsi ab ea, non autem ipsa egressa est ab illis. « Juniores, inquam, quorum non dignabar patres ponere, » id est inventores erroris eorum, verbi gratia, Arium, Albionem, Macedonium, et ceteros connumerare « cum canibus gregis mei, » id est cum sanctis praedicatoribus fidelis populi mei, quia dum Domino suo diurnis nocturnisque vigiliis intenti clamaverunt, magnos, ut ita dixerim, latratus praedicationis dederunt. De quibus Psalmista : « Lingua, inquit, canum tuorum ex inimicis (*Psal. lxvii.*), » id est vox praedicatorum tuorum ex conversis gentibus, quondam inimicis, prodiit. « Cum » his, inquam, « canibus non dignabar patres, » id est haeresiarchas eorum, « ponere. »

VERS. 2. — « Quorum virtus manuum, » id est magnitudo operum, quae praeceteris magna agere videbantur, « erat mihi pro nihilo, » videlicet quia per charitatem non operabantur, ideo nihil illis proderat. « Et vita ipsa putabantur indigni, » id est a me judicabantur, retributionem vitae non merebantur, utpote qui per ostentationem operis sub nomine Christi militabant contra nomen Christi.

VERS. 3. — « Egestate et fame steriles, » quia videlicet ilum secreta Dei plus student perscrutari quam capiunt, nulla bona vite germina producunt, sed magis ac magis egestate gratiae rorantis desuper et famæ verbi Dei arescant. « Qui rodebant, » videlicet quia medullam interiorem verbi Dei non penetrantes juxta exteriore paleam carpebant. « Rodebant, inquam, in solitudine, » scilicet disjuncti ab universalis Ecclesiae societate, « squalentes calamitate et miseria, » id est despecti morum perniciose et sensuum pravitate.

VERS. 4. — « Et mandebant herbas et arborum cortices, » id est in sacra Scriptura vix quædam tenera et exteriora cognoscebant. Per herbas quippe dicta planura, per arborum cortices, exteriora Patrum eloquia signantur. Vel certe herbas mandere, est de Scriptura sacra minima præcepta servare, majora contempnere verbi gratia : « Decimare mentam et anethum, et cymimum, et reliquistis, inquit Dominus, quæ graviora sunt legis (*Matth. xxiii.*). » — « Et radix juniperorum, » id est avaritia: juniperus namque pro foliis punctiones habet, nam hirsuta et spinis similia sunt quæ profert, « radix, » inquam, juniperi avaritia, « quæ radix omnium malorum est (*I Tim. vi.*), » ex qua pecca-

A torum omnium spineæ producuntur, « erat cilus eorum, » videlicet quia totis sensibus mentis sua illam cogitabant, et 478 quasi alimento pascebantur.

VERS. 5. — « Qui de convallibus ista, » subaudi quæ prædicta sunt, « herbas et arborum cortices, » — « de convallibus, inquam, rapientes, » id est de humiliibus dictis Patrum superbo spiritu colligentes, « cum singula reperissent, » videlicet suis partibus eos concordare gloriantes, « ad ea cum clamore currebant, » id est omne quod sentiebant, cum appetitu laudis ad aures hominum dissimilare festinabant.

VERS. 6. — « In desertis habitabant torrentia, » id est in eorum prædicatione confidebant, quorum eloquia catholicorum jam responsione siccata sunt. Inventores enim perversorum dogmatum jure torrentes vocantur, quia videlicet a charitatis calore frigidi, quasi in torpore temporis biennalis excruciantur, nec perpetua plenitudine profluent, sed catholicorum allegationibus quasi solis exsiccatur testibus. « Torrentium » ergo deserta sunt, quia vitæ temporalis commodis inhiantes ecclesiæ hæresi deserunt. « In desertis, inquam, torrentia. » — « Et in cavernis terræ, » id est in occultis et clandestinis conventiculis sectæ terrena, iuxta quod apud Salomonem mulier in typum hæreses scandet dicens : « Aquæ furtive dulciores sunt, » etc. (*Pror. ix.*) « Vel super glaream, » id est apud ilorum mentes hominum qui nulla gravitational stabilitate solidantur, similesque sunt glareæ, id est mirabilis lapillis, quos fluvialis aqua trahit, videlicet quia fixi vel fundati non sunt supra petram fidem (*Luc. viii.*).

VERS. 7. — « Qui inter hujuscemodi lataberunt, » scilicet quia perversæ mentes in suis, quæ stiere debuerunt, gaudent iniuritatibus, « et esse sub sentibus delicias computabant, » id est cum peccatorum spinis hærerent, virtutum opulentiam et emulari credebant.

VERS. 8. — « Filii, » id est imitatores, « stultorum et ignobilium, » eorum scilicet qui fuerant magistri errorum. Idcirco « stultorum, » quia a vera sapientia aberraverunt, idcirco « ignobilium, » quia « illum nobilem non pertinent: de quo dictum est : « Nobilis in portis vir ejus, quando sederit eam in natoriis terræ (*Prov. xxxi.*), » id est nobilis in extremis saeculi Christus sponsus Ecclesiae, quando sedet cum apostolis, terram, id est vivos et mortuos judicare. « Filii, inquam, stultorum et ignobilium, » id est terra penitus non parentes, « id est in sancta Ecclesia, quæ utique in illo saeculo « terra viventis (*Psal. xxvi.*) » est, nullam sortem habentes, quæ recipiet nisi sapientes, et divina regeneratione nubes. Sed quod in hæreticorum typo dictum est, non obstat sentire de perversis atque carnalibus, quæ vis in recta fide positis, quos Ecclesia non minus adversarios quam illos, qui extra fidem positi sunt, iure computat. Dicit ergo : « Qui rodebant, » id est

qui violenter aliena rapiebant, quod contra de his, qui aliena blandiendo tollunt scriptum est : « Et inimici ejus terram lингent (*Psal. LXXI*). » — « Qui rodebant, » inquam, id est per vim quasi dentibus rodendo aliena rapiebant, « in solitudine, » id est in totius boni destituzione. Alienam quippe non tollerent, nisi prius ipsi in interioribus suis soli ac vacui a virtutum cultura remansissent. « Squalentes calamitate et miseria, » id est non sola « calamitate, » vel infirmitate naturae, quae bene condita in primo homine vitio propriæ voluntatis ad infirmitatem lapsa est; sed « et miseria, » scilicet peccatorum actualium, quae dum naturae infirmæ necessitatibus superadduntur, quasi foras erumpente calamitate, miseri squalent horrida cute. « Et mandebant herbas, » id est irridendo consumebant bona infirmorum initia, juxta illud : « Corrumptunt mores bonos colloquia mala (*Cor. xv*), » — « et arborum cortices mandebant, » id est quorundam fortitudinem in alia surgentem detrahendo concidebant. « Et radix juniperorum erat cibus eorum, » id est avaritiae studentes, ut supra dictum est, dum ad rerum temporalium ambitum tendunt, non sentiunt quantam eadem avaritia, quae quasi juniperus, ut ante dictum est, pro soliis punctiones, id est pro delectationibus curarum sentes habet, nunc quidem in radice deletat, sed postmodum quasi ex ramis pungit in poena. « Qui de convallibus, » scilicet quas per ascensum virtutis excedere non curant; « de convallis, » inquam, vita præsentis, quae in comparatione superiorum vallis ima est et profundum exsilii, in quo vir sanctus ascensiones disponendo plorat, « ista rapientes cum singula reperissent, » id est subortis occasionibus rapere potuissent, « ad ea cum clamore currebant, » id est etiam pro parva stipe litigabant; nonnunquam et sanctorum Patrum, quorum merita adipisci non querunt, loca atque regmina, disrupta quotidie pace, apprehendere satagebant. « In desertis habitabant torrentium, » id est ea in hac vita adipisci appetebant quae torrentes nostri, id est prædicatores sancti, dereliquerunt, qui velut torrentes quasi in bieme exundant multitudine aquarum, dum in præsenti vita quae ad comparationem futuræ obscura et frigida est, divinis nobis eloquii fluunt; æstivo autem sole adveniente D se subtrahunt; quia cum æternæ patriæ lux emicuit, prædicare cessabant. « In » horum, inquam, « torrentium desertis habitabant, » id est in illis quæ justi deserunt et contemnunt; inhibanter incubabant « et in cavernis terræ, » id est in cogitationibus pravis, in quibus sese ab humanis oculis abscondunt, tanquam in cavernis. « Vel super glaream, » subaudi habitabant, id est super præsentis vite fluxum innitentes, et ibi gressum ponere intendentes, ubi quasi super glaream cum pes in superficie ponitur, ipsa ejus volubilitate labitur, et ad ima devolvitur. « Qui inter hujuscemodi lætabantur, » quia videlicet juxta Salomonem : « tales existantur, cum male fecerint, et exsultant in rebus PATROL. CLXVIII.

A pessimis (*Prov. ii*), » scilicet attendentes temporalia quæ percipiunt, et negligentes æterna bona quæ perdunt. « Lætabantur, inquam, inter hujuscemodi, et esse sub sensibus, » id est sub gravibus curarum molestiis, « delicias putabant, » quia videlicet peccatorum delectationibus pressi et affectu vita præsentis, quam sint aspera quæ patiuntur, scilicet juxta Jeremiæ lamentum, « inebriati absinthio (*Thren. iii*); » quia, sicut qui absinthio inebriatur, et quod sumpsit amarum est, et tamen non intelligit eamdem amaritudinem qua repletur (ebrius enim quisque quod patitur nescit), sic et amara sunt quæ avarus pro hujus vita amore tolerat, et tamen eamdem amaritudinem cupiditate cæcus ignorat. Qui et per prophetam denotatur dicentem : « Ephraim B vitula docta diligere trituram (*Osee. x*), » id est cupidi quique ita etiamsi sibi vacare liceat, subesse tamen terrenis sudoribus festinant, sicut vitula trituræ laboribus assueta relaxata, plerumque ad eumdem laboris usum etiam non compulsa revertitur. Cur hoc? Videlicet quia sunt, sicut sequitur : « Filii stultorum, » id est imitatores iniquorum præcedentium, ex quorum pravitate hoc didicerunt. « Stultorum, inquam, et ignobilium, » id est non eorum qui nobiliter stulti sunt, juxta Apostolum dicentem : « Si quis videtur sapiens inter vos in hoc sæculo, stultus fiat ut sit sapiens (*I Cor. iii*), » sed eorum qui « peccati servi sunt (*Rom. vi*), » quæ procul dubio magna ignobilitas est, et ab hoc « in terra penitus non parentes, » id est sancta Ecclesia coram oculis divinis propter abjectionem operum suorum ignoti existentes, quibus quandoque dicendum est : « Amen dico vobis : Nescio vos (*Matt. xxv*), » quia videlicet quidquid prius in sancta Ecclesia positi verbotenus quasi venerabantur, econtrario postmodum deridentes impugnant. Unde aper te subditur :

**479 VERS. 9.** — « Nunc in eorum canticum versus sum, et factus sum eis in proverbium, » quia videlicet iniquis crescentibus, in opprobrium fides et veritas erit in crimine, et tanto quisque erit abominabilis, quanto laudabilis.

**VERS. 10.** — « Abominantur me, » subaudi omnes iniqui, « et longe fugiunt a me, » scilicet non passibus gressuum, sed qualitatibus morum, « et faciem meam conspuere non verentur, » id est non tantum in absentia mea mihi detrahunt, sed etiam in præsentia contumeliam mihi facientes fluxa verba quasi defluentes; salivas mittunt. Et quia mala hæc novit se permittente Domino pati, subjungit dicens :

**VERS. 11.** — « Pharetram suam aperuit, » subaudi Dominus, id est de occulto consilio suo sententiam apertam, quasi de pharetra emisit sagittam, « et afflixit me, » scilicet ea, quam in tempore prosperitatis meæ quasi clausa pharetra continebat, sapientia sue sagitta.

« Et frenum posuit in os meum, » scilicet, ut tæ-

ceam, quia non sunt qui audiant prædicationem meam, et taceus dicam :

« Quomodo cantabimus canticum Domini in terra aliena (*Psalm. cxxxvi.*)? » et item faciam quod dicit Apostolus : « Hæreticum hominem post primam et secundam admonitionem devita, sciens quia subversus est qui ejusmodi est (*Tit. iii.*). » « Frenum ergo posuit in os meum, » id est quia in quibusdam proiectum non vidi prædicationis, ab eis impetum temperavi. Et quia ab illis mala sancta Ecclesia patitur, in quibus germano prius amore confidebat, quia sub nomine Christi militare videbantur.

Vers. 12. — « Ad dexteram, » inquit, « Orientis, » id est ab illis quos quasi pro dextera, id est pro magno reputabam, quique ad illum pertinere videbantur, ejus nomen Oriens est, cuius justitiae lumine nox injustitiae nostræ illustratur; ab illis, inquam, quasi ad dexteram Orientis, calamitates naeæ illico surrexerunt, » id est mox in adversitatis tempore tribulationes mihi auctæ sunt. Sin vero dextera bi qui veraciter fideles sunt appellantur, ad dexteram Orientis calamitates surgunt, quia, erumpente persecutionis articulo, crudeles pravorum impetus justi patiuntur. « Pedes meos subverterunt, » id est eos qui quasi extrema membra in corpore, ita sunt in me, videlicet quia ad opera terrena deserunt, et ideo celerius ab adversariis falli possunt, ad sui dogmatis errorem traxerunt, « et oppresserunt quasi fluctibus semitis suis, » id est sectis suis, quas machinati sunt, quasi tempestate, ut ita dixerim, cordium naves obruerunt.

Vers. 13. — « Dissipaverunt itinera mea. » Dicat hoc beatus Job de malignis spiritibus, videlicet hostibus occultis; dicat universa Ecclesia de persecutoribus suis. « Itinera mea dissipaverunt, » id est insirmorum vias callida persuasione perturbaverunt, « insidiati sunt mihi, » id est meos, quos aperte ad mala pertrahere nequiverunt, bona simulando perverterunt, « et prævaluerunt, » id est insidiando voluptatem suam ad effectum perduxerunt, « et non sicut qui ferret auxilium, » quia videlicet Omnipotens Deus eos quos in æternum diligit aliquando ad tempus relinquit. Unde scriptum est : « Ad punctum in modico dereliqui te, et in miserationibus magnis congregabo te (*Isa. LIV.*), » et talia multa.

Vers. 14. — « Quasi rupio muro, » id est quasi delecto fidei Christi munimine, murus enim Redemptor noster appellatur, sicut scriptum est : « Salvator ponetur in ea murus et antemurale (*Isai. xxvi.*) », quasi rupio, inquam, fidei muro, vel disciplinae munitione, « et aperta janua, » id est potestate sibi permitta, « irruerunt super me, et ad meas miseras devoluti sunt, » id est irrationaliter miserum debacchati sunt (*Beest aliquid*).

Vers. 15. — « Et velut nubes, » scilicet quæ in alto eminet, sed hanc ad cursum flatus impellit, « pertransiit salus mea, » id est, omnis felicitas terrena, quæ perversis alta est, sed fixa non est. In qua

A quondam et ego pollebam, et idcirco perversus quæ reverenda eram.

Vers. 16. — « Nunc autem in memetipso marcescit anima mea, » subaudi, ut æterna exultatione viridescat, « et possident me dies afflictionis, » videlicet, sicut scriptum est, « Humiliasti nos in loco afflictionis (*Psalm. XLIII.*). » Locus namque afflictionis est vita præsens, dies autem latitiae postea seculari sunt.

Vers. 17. — « Nocte os meum perforatur doloribus. » Ejusdem afflictionis partes enumerat, et, ut saep dictum est, sic sua insinuat, ut cadentibus ab Ecclesia possint congruere quæ narrat, « Nocte, » inquit sancta Ecclesia, « os meum, » id est in hoc tribulationis quasi nocturno tempore, forte, qui in corpore meo sunt, et sicut ossa carnes, ita mores infirmantium stabiliter portant. « Os meum, » inquam, « perforatur doloribus, » id est ipsi quoque fortes victi tormentis ad persidiam delabuntur. Et qui me comedunt non dormiunt, » id est maligni spiritus qui carnales consumunt, ita a tentacionibus quiescere nesciunt, sicut vermium multitudo per sinus ulcerum scaturiens sancti viri corpus lacerabat, quæ non dormiens nec ipsum sinebat capere somnum.

Vers. 18. — « In multitudine eorum consumunt vestimentum meum, » id est corpus meum secundum historiam. Juxta allegoriam vero sanctæ Ecclesiæ vestimentum est religiosa vita fideliūm, maxime communiter viventium, quæ tunc velut a multitudine verium consumuntur, quando infestatione malignorum spirituum, vel hominum crudelium dispersis fidilibus religio dissipatur. Nec solum in me vitam fidei extinguere conantur, sed « et quasi capitio tunice succinxerunt me, » id est omne verbum prædicationis a me mitustur tollere, ut quomodo, cum tunica capitium collo induentis circumdatur, si collum stringitur, vocis usus et vitalis status necatur, sic omnipotens non audeat loqui de fide vel nomine Christi. Sic,

D VERS. 19. — « Comparatus sum luto, » id est, veliter quasi lutum conculcor, « et assimilatus sum favilla et cineri, » videlicet judicio reproborum, qui interius nihil de igne alicujus boni remansisse arbitrantur, talem iatus me esse judicant qualis forsitan vident. Cur hoc? Videlicet pro eo quod sequitur :

Vers. 20. — « Clamo, » inquit, « ad te, » Deus, « et non exaudis me. Sto, et non respicias me. » Ac si dicat : Idcirco securius, ut lutum, conculcor, et velut favilla et cinis despicio, quia clamantem in doloribus me non audi, stantem, id est, perseverantem in supplicatione non respicis, id est non sanas, imo non cessas affligere me.

Vers. 21. — « Mutatus es mihi in crudelem. » Quomodo sine zelo zelans, et sine ira Deus dicitur irascens, et sine dolore vel pœnitentia posnitens, sic a sancto viro per nostræ mutabilitatis verba, nunc dicitur, « Mutatus es mihi in crudelem, » id est di-

strictè feriendo non parcis, ut videlicet hoc loco crudelis districte seriens, et ulciscendæ culpæ non parcens possit intelligi. Sicut et ibi : « Ecce dies Domini venient crudelis, et indignatione plenus, » etc. (*Isa. xiii*). « Mutatus es mihi, » inquam, « in crudellem, » subandi, qui in temetipso crudelitatis nihil habes. « Et in duritia manus tuæ, » id est in plaga fortitudinis tuæ, quæ dura est, id est contraria voluntati meæ, « adversari mihi, » videlicet, quomodo ferramentum medici vulnus abscidens ægrum offendit.

VERS. 22. — « Elevasti me, » scilicet, gloria præsentis vita, quæ alta cernitur, sed nulla stabilitate solidatur. Hoc est, quod sequitur.

« Et quasi super ventum ponens elisti me validè, » quia videlicet ad hoc solum quemlibet fugitive felicitatis aura sublevat, ut repente in insimis dexterius sternat, et repente cadens discit quia elevatus in ventum sedit. Hæc personæ ipsius specialiter congruit, non ad quod erat, sed ad id quod esse videbatur, **480** quia videlicet, dudum rebus exterioribus fuit, unde aestimabatur surrexisse, inde nunc videbatur elius cecidisse. « Elisti me, » inquam, et tandem

Vers. 23. — « Scio, quia morti tradas me ubi constituta est domus omni viventi. » Et hoc aperte juxta historiam illi congruit, quia videlicet, ante Redemptoris gratiam, ad inferni claustra etiam justi descenderunt. Allegorice autem sanctæ Ecclesiæ ex persona congruit infirmorum qui dum carnaliter vivunt ad domum mortis pervenient. Sunt vere nonnulli qui postquam in voluptatum suarum foveam corruerunt, ab imis citius pedem per passionem reducunt. Ex quibus aperte subjungitur :

Vers. 24. — « Verumtamen non ad consumptiōnem eorum emittis manum tuam, » scilicet quia feriendo a peccatis salvas; « et si corruerint ipse salvabis, » id est si peccaverint, in salutem corporis vulneras, ut prostrati exterius interius surgaunt.

Vers. 25. — « Flebam quondam super eo qui afflictus erat. » Ac si dicat : In tantum impietas, quam mihi exprobasti, vel hypocrisis semper longe fuit a me, quantum ex eo colligi potest, quod ego non solum pauperi tribuebam, quod hypocrita facere potest per inanem gloriam, sed et flebam super eo qui afflictus erat, et compatiebatur anima mea pauperi, quod videlicet nec hypocrita potest, nec impius facere sovit. Quod vocibus quoque sanctæ Ecclesiæ congruit, quæ dum afflictos quoque per lamenta penitentiae conspicit, suos eis in oratione continua fletus jungit, et toties egeno compatitur, quoties virtutibus nudato interventionis suæ precibus opitulatur. Et hoc faciemus :

Vers. 26. — « Exspectabam, » inquit, « bona, » subandi per renovationis gratiam adfutura, « et verteret mihi male, » scilicet præsentia, « prestolabar leonem, » id est retributionis gaudium, « et erupo-

A runt tenebræ, » id est mala præsentis tristitia quæ scilicet jam dixi, et adhuc de his dicturus sum.

VERS. 27. — « Interiora mea effebuerunt absque ulla requie. » Quod cum juxta historiam satis patet : nam « interiora ejus ita effebuerant ut, sicut superius dixit, « halitum quoque ejus exhorreruit uxor sua (*Job. xix*), » juxta allegoriam dicendum est quia sanctæ Ecclesiæ interiora effervescere, id est ipsos quoque, quos per amorem fidei velut viscera ante gestaverat, in persecutionis atrocitate tolerare. Qui secreta illius prius cognoscentes, quanto sciunt ubi magis doleat, tanto dexterius eam affligere non quiescunt. De quibus et aperte subjungitur :

B

« Prævenerunt me, » subaudi ante istam ultimam persecutionem ; « prævenerunt me, inquam, dies afflictionis, » videlicet quia pacis quoque tempore malos eorum mores tolerabam in afflictione animi.

VERS. 28. — « Mœrens incedebam. » Juxta littoram mirandum est quod vir sanctus, quia supra dixerat, « elevasti me (vers. 22), » inferius adjungit : « Mœrens incedebam, » quia videlicet uno condemque tempore convenire in actibus bonorum solet, et foris honor culminis, et intus afflictæ moror humilitatis. « Sine furore consurgens, in turba clamavi. » Et hoc in eodem sanclo viro laudabile est. Amica etenim potestati pœnæ semper impatientia est. Quo magis laudabile est in sanctis viris, quod, dum subjectorum strepitus sufferunt, per amorem increpat quos per mansuetudinem portant, quo contra tumultus insolentium clamorem habet, furem non habet. Et ne leve putas quod cum tranquillitate tanta se habuit.

C

VERS. 29. — « Frater fui draconum, et socius struthionum. » « Draconum, » inquam, id est malitiosorum hominum, de quibus et per prophetam dicitur : « Traxerunt centum quasi dracones (*Jer. xiv*), » id est malitiosa superbia inflati sunt. « Draconum, inquam, frater fui, » id est cum malitiosis hominibus habitavi, « et socius struthionum, » id est simulatorum socius fui. Struthio etenim, quæ pennas habet, et volatum non habet, simulatores significat, qui speciem sanctitatis habent, sed virtutem non habent. Hoc tam beato Job specialiter congruit, qui ad culmen magnæ fortitudinis bonus inter malos fuit quam generaliter electo sanctæ Ecclesiæ populo, qui pacis suæ tempore intra se quosquam malitiosos ac simulatores patitur. Abel quippe esse renuit, quem Caini malitia non exercet. Hinc est quod Bergami angelo dicatur : « Scio ubi habitas, ubi sedes est Satana, etc. (*Apoc. ii*).

D

VERS. 30. — « Cutis mea denigrata est super me. » Juxta historiam virtus sermonis patet ex pœna passionis. Juxta allegoriam vero bene hoc sanctæ Ecclesiæ vocibus congruit. « Cutis, inquit, mea denigrata est, » id est infirmi qui in me exteriori utilitatibus deserviunt, timore persecutionis, candidum justitiae colorem perdiderunt, et ad nigredinem ini-

quitatis venerunt Quod Jeremias sub præcipui metalli specie deplorat, dicens : « Quomodo obscuratum est aurum, mutatus est color optimus? » (*Thren. iv.*) « Et ossa mea aruerunt præcaumate, » id est fortes viri, in quibus tota corporis mei compago solidatur, zeli sui igne cruciantur, videlicet pro eo quod « cutis mea, » id est infirmorum vita, « denigrata est, » dolentes et dicentes : « quis infirmatur, et ego non infirmor, quis scandalizatur, et ego non uror? » (*II Cor. xi*), et cætera talia.

**VERS. 31.** — « Versa est, inquit, in luctum cithara mea. » Ac si aperie dicat : Pacis quidem meæ tempore per alios parva more citharistæ, per alios vero more organistæ magna et sonora prædicabam. Sed nunc « in luctum cithara, et organum » versum est « in vocem flentium, » quia dum me contemni conspicio, eos qui prædicationis canticum non audiunt deploro, quia nimis defleo quos exhortando trahere non valeo.

**CAP. XXXI.** — Hoc ex loco incipit narrare subtilius bona quæ fecit, quæ ex magna parte, juxta solius historiæ textum tenenda sunt, ne, si plusquam necesse est, investigentur, a verborum ejus uberibus sanguis pro lacte respondeat, juxta illud Solomonis : « Qui ubera vehementer emulget, elicit sanguinem » (*Prov. xxx*), « Sic enim sacræ Scripturæ serie, partim, prout ratio exigit, intellectus literæ solus tendens ; partim candor allegoriae requirendus est. Sicut in facto Jacob mystice figuratur qui, virgas positurus ante oculos ovium ut in earum conspectu conciperent, « ex parte decorticavit eas, detractisque corticibus, in his partibus quæ excoriatae fuerant, candor apparuit ; quæ vero integra erant, virides permanerunt, atque in hunc modum color effectus est varius » (*Gen. xxx*). » Sic, inquam, in hujus, cæterorumque Patrum præcedentium sententiis, dum plerumque intellectum literæ fugimus, quasi conticem subtrahimus, et dum plerumque intellectum literæ sequimur, quasi corticem reservamus. Enunciando itaque virtutes quibus objecta sibi ab amicis crimina hypocriseos et impietatis rationabiliter a se depellit, primum qua se fortitudine construxerit, insinuat dicens :

**VERS. 4.** — « Pepigi fœdus cum oculis meis, » videlicet, ut cogitationes cordis caste servarem, ne prius incaute prospicerem quod postmodum invitus amarem, quomodo propheta David (*Psalm. l.*), qui mente sublevata saepè mysteriis internis intererat, quia conjugem alienam incaute vidit (*II Reg. xi*), obtenebratus postmodum sibimet illucie conjunxit. « Pepigi, inquam, fœdus cum oculis meis, » id est menti meae consentaneos et obedientes oculos esse coegi, « ut ne cogitarem quidem de virginē, » videlicet jam illius habens spiritum, qui non solum carnis, sed et cordis compescens luxuriam dicturus est : « Omnis qui viderit mulierem ad concupiscendum eam, jam mœchatus est quam in corde suo » (*Matth. v*). » Causamque vel in-

A tentionem, qui munditiæ studuerit, subjicit, quam nemo hypocrita **481** curat, qui hominibus placere appetit.

**VERS. 2.** — « Quam enim, » inquit, « partem habet Deus in me desuper, et haereditatem Omnipotens de excelsis? » subaudi, nullam. Quia videlicet, si mens mea ante conspectum illius in infirmis desideriis tabescit, excelsorum conditor, qui munditiæ auctor est, possessionem suam habere me renuit. Quo dicto nequaquam vult intelligi quod ejus animum culpa in cogitatione non contigit, sed quia nunquam ex consensu superavit. Et quia festina consolatio bonorum est, consideratus finis malorum, protinus adjungit :

**VERS. 3.** — « Nunquid non perditio est iniquus? » subaudi, est utique, illa scilicet ut partem in ea Deus non habeat desuper : « Et alienatio, » quod apud Hebreos dicitur *anathema*, « alienatio, » inquam, ab haereditate Dei « operantibus iniquitatem, » subaudi, nunquid non est ?

**VERS. 4.** — « Nonne ipse, » subaudi, qui alios intuetur, « ipse idem » considerat vias meas, « id est actiones meas, » et cunctos gressus meos, « id est mentis meæ motus, » dinumerat, » subaudi, ut id judicium reducat? Et quidem perfectionis vitam inter veteres tenuit, sed, quia ejus intentio ad Redemptoris adventum propheticō spiritu erupit, qui sic vias cuiusque considerat, sic « dinumerat gressus, » ut ne minutissimæ quidem cogitationes ac verba tenuissima, quæ apud nos usu viluerunt, ejus judicio indiscussa remaneant, ad illum, inquam, tendens pensat quam multa de perfectione minus habeat, unde et subdit :

**VERS. 5.** — « Si ambulavi in vanitate, et festinav in dolo pes meus, » id est si qua unquam leviter, si qua perniciose perpetravi.

**VERS. 6.** — « Appendat me in statera, » id est in mediatore Dei et hominum, veniat, « et sciat Deus simplicitatem meam, » id est ex subtilioribus ejus præceptis scire me faciat quantum adhuc a vera simplicitate discrepem. Cur Dominum Christum stataram appellat, jam alias dictum est, ubi ait : « Utinam appendenterentur peccata mea, et calamitas quam patior in statera » (*Job vi*). » Sed nunc addidit, « iusta. » Statera namque justa, ipse est in quo omnia merita nostra æqua lance pensantur, et in cujus præceptis agnoscimus quia vita nostra minus habeamus. Toties enim in hac statera appendimur, quoties ad vitæ ejus exempla provocamur.

**VERS. 7.** — « Si declinavit, » inquit, « gressus meus de via, » id est si rectitudinis iter per consumum erroris reliquit cogitatio mea ; « et si secundum est oculos meos cor meum, » id est si videndo unquam secutus sum, quod forte sinistra delectatione pulsante, concupivi ; « et si manibus meis adhæsit macula, » id est si protinus ad operationem transitus cogitationis immundititia.

**VERS. 8.** — « Seram et alijs comedat. » Superius dixerat : « Pepigi fœdus cum oculis meis, » et cetera,

videlicet sciens, quod plerumque prava cogitatio per oculos veniat ad mentem, nunc ait : « Si secutum est oculos meos cor meum, » scilicet, perpendens quod nonnunquam prius in mente oritur, et obortum oculi perverse famulantur. Ac si aperte dicat : Nec passim videre volui quae concupiscerem. Si, inquit, haec vel haec feci, « seram, et alius comedat, » id est quidquid loquor, mihi non prosit, sed alius bono opere saturetur et progenies mea eradicetur, id est sequaces mei terram viventium, in qua electi omnes quasi plantantur, quia stabiliter permansuri sunt, non ingrediantur. Doctoris enim progenies eradicitur, quando is qui verbo ejus nascitur per exemplum necatur. Quod apud Salomonem pulchre figuratum est, quando mulier filium, quem vigilans laclare consueverat, dormiens interemit. Sed tamen veram matrem infantis vivi sapientis gladius inventit (*III Reg. iii*), quia videlicet, cuius fructus vivat vel intereat, in extremo examine districti judicis ira demonstrat. « Eradicetur », inquam, « progenies mea, » si supradicta feci, vel post dicenda.

Vers. 9. — « Si deceptum est cor meum super muliere, et si ostium amici mei insidiatus sum. » Per hoc quod ait, « si deceptum est cor meum super muliere, » nec cogitasse de fornicationis macula demonstratur; per hoc quod subjicit, « et si ad ostium amici mei insidiatus sum, » patenter innoscit quod a reatu adulterii innocens fuit. Quod si hoc unquam fecerit, eamdem culpam verti sibi in penam expedit, dicens :

Vers. 10. — « Scortum sit alterius uxor mea, et super illam incurventur alii. » Quod quam grave sit pati, exprimendo manifestans,

Vers. 11. — « Hoc enim, » inquit, « nefas est, et iniquitas maxima, » videlicet, ut subauditur : Ergo qui hoc ideo cavi, quia « nefas » vel « iniquitas est, » non sum iniquus, non sum, ut vos amici mei criminati estis, impius. « Iniquitas, » inquam, « est maxima. » Et eamdem iniquitatem luxuriae definiens,

Vers. 12. — « Ignis, » inquit, « usque ad perditionem devorans, » id est, non solum usque ad inquinationem maculans, sed « et omnia » virtutum « eradicans genimina, » quia videlicet quantalibet alia fuerint bonorum operum studia, si luxuriae scelus non abluitur, immensitate bujus criminis obruatur. His de castitatis virtute dictis, mox ostendit, quam humilis quoque fuerit.

Vers. 13. — « Si contempsi, » inquit, « judicium subire cum servo meo et ancilla mea, cum discederent adversum me, » subaudi, « humerus meus adat a junctura sua. » Hanc enim maledictionem posterius inferet. Magnum sane est in eo tantam humilitatem esse cordis, ut ex aequo ad judicium vere permittantur ancillæ, vel servi, in quo tanta auctoritas regiminis, ut eo præsente vocem tam, sicut supradictum est, cohiberent duces, et pacipes cessarent loqui (*Job xxix*).

Vers. 14. — Quid enim faciam, » inquit, subaudi, « cum illis judicium subire contempssem, « quid, »

A inquam, « faciam, cum surrexerit ad judicium Deus, » scilicet cum quo mihi natura non est communis, et cum « quæsierit, » subaudi, cur in servis vel ancillis naturæ communionem contempserim, « quid respondebo illi, » videlicet, quia nihil est, quod temporaliter præsum cæteris, quando sub illo sum rationem redditurus, qui sine fine omnibus in omni loco dominatur. « Quid respondebo ? » inquam.

Vers. 15. — « Nunquid non in utero fecit me, qui et illum operatus est, et formavit me in vulva unus ? » Ac si dicat : Manu humillimæ considerationis deprimentus est tumor elationis. Nam omnes homines æquales natura genuit, sed variante meritorum ordine alias aliis occulta dispositio præponit. Nam et B Dominus, cum diceret : « Crescite et multiplicamini, et replete terram, » non ait : « Et terror vester ac tremor sit » super homines qui futuri sunt, sed « super cuncta animalia terræ (*Gen. ix*). » In eo ergo, quod metum sibi sancti viri a perverse viventibus exigunt, quasi non hominibus, sed brutis animalibus dominantur, quia videlicet, ex qua parte bestiales sunt, subditi ex ea debent etiam formidini jaceret substrati.

Vers. 16. — « Si negavi, » inquit, « quod volebant pauperibus. » Quem amici impium esse criminabantur, econtra pietatis insignia per partes opportune proferens post castitatis atque humilitatis acta, liberalitatis opera subiungit : « Si negavi, » inquit, « quod volebant pauperibus, » illis, inquam, pauperibus quos beatificat Dominus dicens : « Beati pauperes spiritu (*Matth. v*). » Nam qui veraciter pauperes, id est humiles non sunt, ea sæpe volunt quæ sibi profecto non expedient, et ideo neganda sunt. « Si negavi, » inquam, « pauperibus, » id est humilibus, « et si oculos viduæ exspectare feci, » id est, nec lumen misericordiae dandi tarditate fuscavi, juxta illud : « Ne dicas : Vade et revertere, et cras dabo tibi, cum statim possis dare (*Prov. iii*). » Et ut insinuet se non solum externis multa præbuisse, sed etiam apud se quosque inopes in domestica conversatione receperisse,

Vers. 17. — « Si comedi, » inquit, « bucellam D 482 meam solus, et non comedit pupillus ex ea, » scilicet, quia pietati præjudicium facere existimat, si solus comedere, quod Dominus omnium communiter creavit. Et haec pietatis viscera non a seipso, sed a conditoris gratia babuisse indicat, dum dicit :

Vers. 18. — « Quia ab infanthia mea crevit mecum miseratio, et de utero matris meæ egressa est mecum. » Miseratio etenim et si ejus fuit arbitrii ut cum ipso proficeret, liquet tamen quia ejus arbitrii non fuit, ut cum ipso de utero exiret.

Vers. 19. — « Si despexi, » inquit, « prætereuntem eo quod non habuerit indumentum, et absque operimento pauperem. »

Vers. 20. — « Si non benedixerunt mihi latera eius, et de velleribus ovium mearum calefactus est. »

**A**Ac si diceret : In amore proximi uno eodemque ordine, et superbiae vitium, et impietatis premens, prætereuntem quempiam et humiliter asperi, et misericorditer cœfecisti. Ignoto se proximo misertum indicat, quem prætereuntem vocat, quia videlicet apud piam mentem plus natura valet quam notitia.

**VERS. 21.** — « Si levavi super pupillum manum meam, » id est neque tunc humilitatis meæ negotia virtute contra pupillum exequi volui, « cum viderem me in porta superiore, » id est quando me in judicio etiam ex justitia vidi superiorem. « In porta, » enim, id est in judicio, quia mos apud veteres fuit ut in porta seniores sederent, qui certantium jurgia judicia examinatione discernerent, quatenus urbem, in qua concorditer oportet vivere, discordes minime intrarent. Tandem maledicti sententiam subjecit, si quid horum quæ dixerat opere non impleverat, dicens :

**VERS. 22.** — « Humerus meus a junctura sua cadat, et brachium meum cum suis ossibus confringatur. » Ac si aperte dicat : Si ea quæ dixi operari renui, ipsum, quod mihi ad operandum datum est, corporis membrum perdam ; vel, si hæc maledicti sententia ad spiritualem intelligentiam referenda est, liquet profecto quod brachium corpori per humerum jungitur, et, sicut per brachium bona operarium, ita per humerum, socialis vite conjunctio designatur, quam propheta intuens : « Et servient, » inquit, « ei humero uno (*Sophon. iii.*) ». — « Humerus, » ergo, ait, « a junctura sua cadat, » per impatienciam animus fraternalm concordiam relinquit, et a honorum omnium abscondatur universitate. « Et brachium meum, » id est cuncta operatio mea, « cum suis ossibus, » id est cum suis virtutibus, conseratur. Sed qua consideratione bona egerit, et ab his malis abstinuerit, adjungit dicens :

**VERS. 23.** — « Semper enim quasi tumentes super me fluctus timui Deum, scilicet, » ne mortem eternam, quam minatur, in cura rerum temporium navigans incurrerem : « et pondus ejus ferre non potui, » videlicet, quia consideratione terroris, quo cœlum et terra movebuntur, metu animus palpitat, et intentionis suæ oculos declinans, intueri quod prævidet recusat.

Post virtutum supradictarum enumerationem, quid jam superest, nisi ut ipsas quoque divitias qua mente possederit innotescat? Ait enim :

**VERS. 24.** — « Si putavi aurum robur meum, » quod videlicet fuissest de Creatore desperare, si spem in creatura posuisset. « Si, » inquam, « putavi aurum robur meum, » et obrizum [« et obrizo dixi : Fiducia mea »], id est rudem auri molem, dixi fiduciam meam. Obrizum enim dicitur rudem auri molem, in qua fiduciam suam non posuimus, quia spem et dilectionem suam in solius Conditoris gratia sive, neque de quantitate auri, neque de specie peccavimus, scilicet illud metuens audire : « Stulte, hac

A nocte animam tuam repenteant a te, quæ autem praeparasti, cujus erunt? » (*Luc. xii.*)

**VERS. 25.** — « Si lætatus sum, » inquit, « multis divitiis meis, et quia plurima reperit manus mea, » videlicet quia sancti viri in hujus peregrinationis ærumna omnem præsentis vitæ copiam, inopiam deputant, quam et pro amore colestis patrimonii aut largiendo dispergunt aut despiciendo deserunt.

**VERS. 26.** — « Si vidi solem cum fulgeret et lunam incidentem clare, » quæ videlicet luminaria aliter ad usum, aliter videntur ad venerationem. « Si, » ergo, inquit, « vidi, » subaudi, eo more quam auctoribus suis venerari solent.

**VERS. 27.** — « Et lætatum est in abscondito cor meum, et osculatus sum manum meam, » scilicet gratia venerationis eorum. « In abscondito, » inquam, subaudi, quia dicitis me fuisse hypocritam; nam in aperto malum hoc me non fecisse scitis.

**VERS. 28.** — « Quæ est iniquitas maxima, » scilicet, servire creaturæ potius, quam Creatori, iniquitas, » inquam, « et negatio contra Deum altissimum. » Sed quid nunc mirum memorat, si solem ac lunam non se adorasse manifestat? Unde subtilius hoc accipiendum est, quod postquam in auro non se habuisse fiduciam, nec in multis divitiis lætatum se fuisse testatur, adjungit dicens : « Si vidi solem, » etc. Ac si post despectum terrenæ abundantiaz patenter insinuet: Quid dicam, quia nequam in auro lætatus sum, qui in ipsa quoque luce corporea detectatus non sum? Cui par est illud quod propheta vita exterioris appetitum fugiente dicebat : « Diem hominis non desideravi, tu scis (*Jerem. xvii.*) ». Quod si ea quæ dicta sunt, juxta historiam, per allegoriam quoque perscrutari fibet, hoc loco, quo ait : « Si putavi aurum robur meum, » et obrizum duci fiduciam meam, quid per aurum accipimus, nisi præclarus intellectus ingenium? quid per obrizum, nisi mentem? Ita enim clara sanctorum ingenia vel mentes divinis muneribus humiliiter substernuntur, et distincta super se gratiarum dona percipiunt, sicut in ornamento aurum, subaudi ponitur, ut gemmarum desuper ordo disponatur. De quo auro scriptum est : « Sapientia abscondita, et thesaurus invisus, quæ utilitas in altrisque? » (*Ecclesi. xi., xii.*)

— « Si ergo putavi, » inquit, « aurum robur meum, » quia videlicet, quantitatibet ingenio fulserim, nihil me esse meis viribus aestimavi. Si lætatus sum super multas divitiis meis, id est super multis donis, que a Deo quasi mutuam pecuniam acceperim, juxta illud : « Cui multum datum est, multum queretur ab eo» (*Luc. xii.*), etc. Quæ, videlicet, dona interdum superbienti animo tolluntur, et humilitate redduntur. Quod mystice in eo figuratum est, quod cum filii prophetarum in Jordane ligna caderent, uni coram securis ex manubrio in profundum lapes dispersi, moxque Elizæus veniens manubrium deorsum misit, et ferrum in superficie natans ad manubrium redi-

(IV Reg. vi). Ferrum quippe in manubrio est, donum intellectus in corde. Ligna vero per hoc cædere, est prævæ agentes increpare. Quod cum per vanam gloriam agitur, ferrum in aqua, id est donum in dissoluto opere perditor. Sed Redemptor noster, qui per Eliosum figuratur, quasi lignum deorsum mittit, et ferrum reddit, dum cor peccatoris humiliat, et perditam intelligentiam reformat. « Si ergo letatus sum, inquit, super divitias multas, et quia plurima reperit manus mea, » id est nequaquam superbii, quod multæ intelligentiae dona confitas accepi. « Si vidi solem cum fulgeret, » id est nec latitudo sum de charitate boni operis mei, quod coram hominibus faceret, ita ut quod alius exemplorum lucem tribui, presumptionis gratiam abenderem. « Et lumen incidentem clare, » id est famam meam non latentes sum esse in nullorum ore. Lumen quippe, que illustratur a sole, non sibi assimilatur fama, que vires accipit a bona opere, et gratiana favoris quasi claritatem luminis aspergit. Multi autem intuentes lumen semetipsos non vident, quia semetipsos ~~ad~~ nescire incipiunt, dum mentis oculos in transitorium favorem dettingunt. « Et si » ketatum est in abscondito cor meum, » id est nullo modo, non solum in verbis, sed nec etiam in tacita cogitatione arrogans fai. « Et si » osculator sum manum meam, » id est nec laudavi ore meo quod feci. Namsum enim suam osculator ore suo qui laudat quod fecit, et testimonio propria locutionis virtutem sibi operis attribuit, que est iniquitas, inquam, maxima, scilicet quia superbia est. Superbia enim contra auctoritatem gratiam convincitur quisquis sibi attribuit quod operatur. « Et negatio contra Deum atrocissimum. » Liquet enim, quia Deum negat, enijs despecta gratia sibi vires boni operis arrogat.

Vers. 29. — « Si gavisus sum, inquit, ad ruinam ejus qui me oderat, » quod videlicet a charitate alienum est, que sola omnipotens Dei discipulos probat, sicut ait ipsa Veritas : « In hoc cognoscent omnes, quia mei estis discipuli, si dilectionem habueritis ad invicem (Joh. XIII). » Nam, licet dicat Psalmista : « Lætabitur justus cum viderit vindictam (Psal. LVII), » non accipit justus ita, quasi dictum de ruina inimici sui, sed de ruina inimici Dei. Nec sibi invicem adversantur id quod dictum est : « Lætabitur justus cum viderit vindictam ; » et illud quoddictum est : « Diligite inimicos vestros (Luc. VI). » Non enim ait : Diligite inimicos Dei, sed « inimicos vestros, » videlicet quia proprias ignoscere, Dei autem debemus injurias ad vindictam expetere. Non ergo, « gavisus sum, ait, de ruina ejus qui me oderat, » nec « exsultavi, quod invenisset cum malum, » ut videlicet et inimicum diligens, dum adversario ruenui eondolui in malis ejus, ipse ad bonum crescerem.

Vers. 30. — « Non enim dedi ad peccandum guttur meum, ut expeterem maledicens animam ejus. » Mirandum valde est ubi vir iste legerat : « Di-

A ligite inimicos vestros, » ubi legerat : « Benedicite et nolite maledicere (Rom. XII). » Qui non dederat « ad peccandum guttur suum, » videlicet, in eo quod sequitur, « ut expeterem maledicens animam ejus, » id est ut maledicerem RHM, et dicerem Deo : Occide quem odi.

Vers. 31. — « Si non dixerunt, » scilicet impene, me ultiōnem non exigente, « viri tabernaculi mei, » id est interius viventes, mecumque quotidie conversantes, familiares mei, « quis det de carnis ejus ut saturemur, » id est quis det ut mortem ejus vel peinas de illo videamus, quas vehementer desideramus? Quod tamen potest per mysterium ex voce Redemptoris intelligi, quia « viri tabernaculi ejus, » scilicet Iudei et gentiles, de carnis ejus cupierunt saturari, illi molientes eum consumendo extinguiere, isti mentem suam esurientes desiderantes per quotidianum immolationis sacrificium de ejus carnis satiare. Sed nunc solius historiæ virtutem sequendo pensare libet, quanta fortitudine animus ejus extra intra quæ sollicitus ad omnia partitur.

Vers. 32. — « Foris, inquit, nou mansit peregrinus, ostium meum viatori patuit. » Ac si dicat : Quia munus ab omnipotente Deo non accipitur, quod corde obligato in malitia profertur, quod contra scriptum est : « Resperit Deus ad Abel et ad munera ejus (Gen. IV), » dicentibus viris tabernaculi mei, ut supra dictum est, « quis det de carnis ejus ut saturemur, » ex corde dimisi, et tuac exteriora munera per hanc internam cordis munditiam condita obtuli, scilicet hoc, ut « foris peregrinus non maneret, et ostium meum viatori patuit, » et hoc ut peccata mea confitendo [diluere] mererer, quamvis illa coelestis Pater dimitteret. Hoc est quod sequitur :

Vers. 33. — « Si abscondi quasi homo peccatum meum, et celavi in sinu meo iniquitatem meam. » Quo dicto humilitas ejus simul et fortitudo commendatur. Nam iniquitatem suam quemque agnoscere, et cognitam voce confessionis aperire, non solum humilitatis, sed etiam fortitudinis est, quia videlicet, per infirmitatis verecundiam perrumque gravioris est certaminis commissa peccata prodere, quam non admissa vitare. Et quia humilitate vera secura semper auctoritas nascitur,

Vers. 34. — « Si expavi, » inquit, id est non « expavi ad multitudinem nimiam, » videlicet turbatis contra me extrinsecus aliis ipse in me intrinsecus imperturbabilis mansi. « Ad multitudinem, inquam, nimiam, » subaudi despicientium me. Sequitur enim : « Et si respectio propinquorum terruit me, et non magis tacui, » scilicet in eo quod non meipsum commendare studui. Quare ? videlicet quia magna est securitas cordis, nil habere concupiscentiae sæcularis. Quam ego non habens omnino despici non metuebam, neque laudabilis judicari, et sapiens videri appetebam. Si, inquam, « non magis tacui, et non egressus sum ostium meum, » id est os meum, quod videlicet fecisset, si verbis quibus possem secreta cordis mei aperire, et qualis intus

manerem in conscientia, talis foras egrederer per linguam. Cujus rei in seipso Dominus noster commendat exemplum, qui ut apertus homo mori potuisset, Deus mansit in occulto, nec est egressus ostium, dum requisitus a Pilato tacuit, atque inter persecutorum manus, et corpus passioni obtulit (*Matth. xxvii*), quod pro electis assumpserat, et resistentibus noluit demonstrare quod erat, sed sanctus vir tot virtutibus se ad summa pervenire non posse sciens querit adjutorem.

**VERS. 35.** — « Quis, inquit, mihi tribuit adjutorem [al. auditorem], » scilicet unigenitum Dei Filium, qui humanam naturam in hac mortalitate laborantem suscipiens adjuvet, « ut desiderium meum Omnipotens audiat, » scilicet illo in die, se « carnis suæ preces et supplicationes cum clamore valido offerente, qui solus exaudiendus est pro sua reverentia (*Hebr. v.*) ». Quod hunc adjutorem quærat ipse subjunctis verbis aperit, dicens : « Et librum scribat ipse qui judicat. » — « Ipse, inquam, qui judicat, » sicut idem ipse ait : « Pater non judicat quemquam, sed judicium omne dedit Filio (*Joan. v.*), » ipse, antequam veniat ut judicet, veniat ut, « librum scribat, » id est Novum Testamentum condat, qui et in Ezechie'c per virum significatus est, « vestitum lineis, et atramentarium scriptoris habentem ad renes (*Ezech. ix.*), » videlicet quia de tribu sacerdotali parentes habere dignatus quasi lineis vestitus est, vel certe quia linum de terra, non autem de corruptibili carne nascitur, sicut lana, vestitus esse lineis scribitur; quia non de corruptione commissionis, sed de matre Virgine sumpsit indumentum corporis, « et atramentarium scriptoris habens ad renes, » quæ utique posterior pars corporis est; quia, postquam consummatis omnibus in cœlum rediit, per posteros suos, id est per apostolos, Novum Testamentum conscripsit. « Librum, inquam, scribat. »

**VERS. 36.** — « Ut in humero meo portem illum, » id est, in operando observem quod tradit per prædictum Testamentum Novum, « et circumdem illum quasi coronam mihi, » id est in retributione pro eadem observatione accipiam coronam victoriæ, librum quippe in humero portare est Scripturam sacram operando perficere, et circumdari sibi quasi coronam, id est accipere remunerationem æternam. Et quia nemo in observatione mandatorum Dei repente fit summus.

**VERS. 37.** — « Persingulos, inquit, gradus meos, pronuntiabo illum, » id est ambulando de virtute in virtutem alios docebo quod ipse faciam. De his gradibus, id est profectibus in Evangelio, ait Dominus : « Ultero enim terra fructificat, primum herbam, deinde frumentum plenum in spica (*Marc. iv.*) ». Itemque Daniel de his profectibus : « Manus, inquit, tetigit me, et erexit me super genua mea (*Dan. x.*), » deinde adjecit, **484** « et steti, » sed addidit, « tremens. » Et protinus adjungit : « Et ait ad me : Noli metuere (*ibid.*). » Profecto per haec tria, quæ sic di-

A stinxit : « Erexit me; et steti tremens; et dixit : Noli metuere : » per haec, inquam, tria, in semetipso nobis omnem ordinem nostri proiectus innotescit, quia, ut supradictum est, nemo infirma deserens repente fit summus, sed primo proiectum quasi in genibus, quia manuum suarum articulis incurvatus, magna jam ex parte a terra suspenditur; deinde voce Dominicæ quasi tremens assistit, cum a terrae desideriis sublevatus verba Dei eo plus timet, quo plenius cognoscit. Et, quia tandem « perfecta charitas foras mittit timorem (*Joan. iv.*), » quasi ex divina voce dicitur ei : « Noli metuere (*Dan. x.*). » Per singulos ergo gradus meos, inquit, pronunciabo illum, id est, aliis exemplum præbebo, ut et ipsi abundant de virtute in virtutem. Quod si non faciam in retributione ultima, id est quando æternis gaudis remunerabuntur operarii justitiae, dolores æterno metam. Hoc est, quod sequitur :

**VERS. 38.** — « Si adversum me terra mea clamat, » id est si contra regentis injustitiam rationabiliter subjecti dolent, cum enim vel privata domus contra patremfamilias, vel sancta Ecclesia contra quemlibet prælatum suum juste murmurat. « Si, inquam, adversum me terra mea clamat, » id est si hi, qui jam aratro doctrinæ exculti sunt, gravari a me quemlibet innocentem aspiciunt, uod via compassione juste plangant, et,

**VERS. 39.** — « Si fructus ejus, » subaudi terræ, « comedи absque pecunia, » id est si subditorum carnalia metens non seminavi illis spiritualia, « et si animam agricolarum ejus, » subaudi terræ, « affixi, » id est si in opere Dei laborantibus invidi.

**VERS. 40.** — « Pro frumento oriatur mihi tribulus, et pro hordeo spina, » id est pro bonis quæ in æternum reficiunt, retribuantur mihi in judicio mala, quæ pungunt. Et notandum quod sicut frumentum melius hordeo, sic et spina tribulus est mollior. Ac si dicat : Si non est ita, pro bonis magnis quæ significantur per frumentum; mala minima, quæ intelliguntur per tribulum : et pro bonis minimis, quæ accipiuntur per hordeum, mihi respondeant mala majora, quæ signantur per spinam.

**CAP. XXXII.** — Nunc Elin verba supersunt, quæ tanto graviori circumspectione pensanda sunt, quanto per juventutis audaciam spiritu ferventiore proferuntur. Et haec non facile intelliguntur, nisi ea ex subsequenti Dominica correctione pensantur. Ait namque de illo Dominus : « Quis est iste involvens sententias sermonibus imperitis? » (*Job. xxxviii.*) Cum dicit « sententias » sed non addit protinus quales, vult procul dubio bonas intelligi. In bono enim semper sententias accipimus, quæ sine reprobationis adjectione ponuntur, sicut scriptum est : « Sapientior sibi videtur piger septem viris loquentibus sententias (*Prov. xxvi.*) ». Sed, ut saepè bonum non bene dicitur, et idcirco, cum ipsum bonum probetur, studium dicenti recte reprobatur; sic iste, dum « sententias involvit sermonibus imperitis, » jure,

ut ignotus et alienus, reprobatur a Domino dicente : « Quis est iste ? » quod utique non dicitur, nisi de eo qui nescitur. Nescitur autem, id est reprobatur ; idcirco, quia arrogans est. Et istic ex persona ejus species quorumdam doctorum fidelium, sed tamen arrogantium designatur, totusque illorum tumor in verbis bujus proprie satis exprimitur. Diversit autem intentio hujus ab intentione amicorum, qui superius locuti sunt, scilicet quia, quod jam dictum est, ad hoc illi intendebant, ut secundum quantitatem flagelli, quo beatus Job gravius feriebatur quam homines ceteri, impius quoque fuisse crederetur amplius quam homines ceteri. Hic autem ad hoc intendit ut suam ostendat scientiam, utpote vanæ gloriae sectator, cunctisque hominibus se præferre niteat. Et amicos quidem de fatuis sensibus, ipsum autem Job de indignis meritis reprehendens. In qua arrogantia sua diabolicae similitudini vicinus appropinquat, qui respectu bono societatis angelorum Altissimi similitudinem superbe appetens, quasi ad quoddam calum singularitatis assurgere conatus est. Igitur ad arrogantiam ejus sermones perverendum est, cum finitis sermonibus beatij Job subditur :

Vers. 1. — « Omiserunt autem tres viri isti respondere Job, eo quod sibi justus videretur. » Hoc quod de eo dicitur, « eo quod justus sibi videretur », sacra hujus scriptor historiæ ad amicorum judicium retulit, qui videlicet, omittentes respondere talia disserunt : « Non effundamus sermonem, ubi non est auditus (Eccli. xxxii). » Justus hic sibi vindicatur, et ideo corripientium sermo non proficit, quia defendendo opera sua, flagellantis Dei justitiae contradicit.

Vers. 2. — « Et iratus indignatusque Eliu filius Barachel Buzites de cognitione Ram. » Quantum ad præsens negotium pertinet, nihil amplius, nihil minus haec personæ descriptio habet, qua per ipsa, vel ejus, vel parentis, vel loci, vel cognitionis nomina, notam exprimit arrogantiam intra sanctam Ecclesiam positionum. Eliu quippe interpretatur, Deus meus iste, vel Dominus Deus; Barachel, Domini benedictio; Buzites, contemptibilis; Ram, excelsus, scilicet Dei populus. Per hæc, inquam, ut prædictum est, omnis arrogans exprimitur, cuius per Adem rectam « Dominus Deus » est, et dicit, « Deus meus », id est quod intelligitur per proprium nomen Eliu; et in quo superni muneric « benedictio » est, quod intelligitur per paternum nomen, ut facunde predicit quique a communicatione Christiani populi non secernitur, quod intelligitur per cognitionem Ram. Sed pro hoc ipso quod arrogans est, « contemptibilis est, quod intelligitur per nomen loci, quod est Buzites. » Iratus, » inquit, indignatusque est. Iratus est autem adversum Job eo, quod justum esse diceret coram Deo, » id est eo quod de se opera justitiae commemorasset, tanquam in fine hoc modo conclusisset : Justus ergo sum, quod ille non fecit.

Vers. 3. — « Porro adversus amicos ejus indi-

gnatus est, » id est ex magnitudine recte sentiendi super illos tumuit, « eo quod non invenissent responsionem rationabilem, » id est cum multa invenissent et multa disputando dixissent, nihil dignum, nihil secundum quam habebant sapientiae professionem ad concludendum illum invenissent aut dixissent ; « sed tantummodo condemnassent Job, » subaudi nec propositam condemnationem, idonea ratione confirmassent. Videlicet hic mos est arrogantium. Alios censem nihil scire, alios non bene vivere, et intra Ecclesiam positi, adversarios prement virtute dicti, ipsam autem Ecclesiam vitio impugnant elationis.

Vers. 4. — « Igitur Eliu exspectavit Job loquenter, eo quod seniores essent qui loquebantur. » Ac si aperte diceretur : Cur ergo tamdiu siluit, et, cum esset arrogans, pati silentium potuit, præsertim cum ea quæ dicebantur adversus Job inferiora suo sensu judicaret ? scilicet idcirco, « eo quod seniores essent qui loquebantur, » id est ut, cum post dicta seniorum altiora diceret palmarum dicendi obtineret ; quippe qui quasi desideratus et necessarius athleta robustum gladiatorem, qui alios superasset, dilato congressu sterneret. Juxta typicum quoque intellectum recte Eliu, per quem arrogantes designantur, junior fuisse describitur illis per quos hæretici figurantur, quia videlicet, post exorta hæreticorum bella, propter quæ subtiliora sunt in Ecclesia sensuum spicula requisita, post illa, inquam, bella, esse C intra eamdem sanctam Ecclesiam fastu scientiæ 485 inflati arrogantes cœperunt, qui ferventes ingenio dum congrue inveniunt, arroganter intume-

Vers. 5. — « Cum autem vidisset quod tres respondere non possent, » id est quod Sophar Naamahites in ultima responsione defecisset, trina quippe congressione facta, cum in tertio congressu, juxta observatum hactenus ordinem dicendi respondere debuisset, conticuit; cum, inquam, hoc vidisset, « iratus est vehementer, » scilicet ut ipso motu, vel libertate iræ suæ palam intelligi daret, quod magnæ sibi sapientiæ conscius esset, quodque illa, in quibus defecerant seniores, ipse cum junior esset, leviter supplere posset.

Vers. 6. — « Respondensque Eliu filius Barachel Buzites dixit : Junior sum tempore, » etc. Quod solent observare sapientes, videlicet, ut in principiis inventionum suarum benevolentiam captent auditorum, hoc iste, quanquam arrogans, in principio suæ inventionis facere studet, sed protinus ab hoc studio resiliit ; quia videlicet superbis mentibus humilitas ardua res est. « Junior, inquit, sum tempore. » Cum hoc dixisse sufficeret : addit quod superfluum est, « vos autem antiquiores, » quia videlicet omnis arrogans in dictis suis etiam superfluous est. « Idcirco, demisso capite, veritus sum indicare vobis meam sententiam. » Quo dicto virtutem quoque humilitatis et reverentiæ sibi arrogat, quæ in ver-

ritate non habet, sicut satis testantur sequentia : « Veritus sum, inquam. »

Vers. 7. — « Sperabam enim, » subaudi id quod non evenit, scilicet « quod ætas prolixior, » subaudi quam mea, « loqueretur, » id est loquela haberset, et non magis more infantium balbutiens sapientiam laceraret ; « et annorum multitudine, » subaudi quæ in vobis est, « doceret sapientiam, » subaudi tam per usum, quam per disciplinam.

Vers. 8. — « Sed ut video, » id est sicut nunc in vobis experior, « spiritus est in hominibus, » subaudi effector sapientiae absque « aavorum multitudine, et inspiratio Omnipotens, » subaudi non quantitas ætatis, « dat intelligentiam. » Hæc recte dicere si eamdem intelligentiam sibi præ ceteris non arrogaret. Sed cum quatuor sint species arrogantiae, videlicet cum aut a semetipso quis bonum se habere estimat, aut si sibi desuper datum credit pro suis putat se accepisse meritum, aut jactat se habere quod non habet, aut despexit ceteris singulariter videri appetit habere quod habet; cum, inquam, quatuor sint arrogantiae species, hic, quamvis dari a Domino sapientiam constitetur, in hac tamen specie labitur, ut sapientiem se ceteris gaudeat, et quasi de singulari bono sese inaniter extollat. Quod verbis sequentibus indicat dicens

Vers. 9, 10. — « Non sunt longævi sapientes, neque senes intelligunt judicium. Ideo dicam, » subaudi qui junior quidem, sed sapiens sum, « audite me, » subaudi quia non potestis dicere; « ostendam et ego vobis meam sapientiam, » subaudi quia vestram, quæ nulla est, ostendisti. Et justum est, ut audiatis me.

Vers. 11. — « Exspectavi enim, » id est non interrupi, « sermones vestros, nudivi prudentiam, » id est imprudentiam vestram. Iustus enim dixit prudentiam vestram. « Audiri, inquam, et exspectavi, donec disceptaremini sermonibus :

Vers. 12. — « Et donec, » id est quandiu « putabam vos aliquid, » subaudi auditu vel exspectatione dignum dicere, « considerabam. » Quo dicto aperte declarat sese ad verba seruum, judicantis potius studio, quam discentis tacuisse voto, et loquens indicat quam superbe tacuerit. Tales intra sanctam Ecclesiam positi, in adversariis ejus non annos temporum, sed intentionem solent pensare verborum. « Putabam, inquam, vos aliquid dicere, » id idcirco « exspectavi. » — « Sed ut video, » subaudi in praesenti experimento, « non est qui arguere, » id est convincere, « possit Job, et respondere ex vobis sermonibus ejus, » subaudi quibus cum Deo disputare, et se justificare mititur. Hoc ideo dico, et ideo loquar,

Vers. 13. — « Ne forte dieatis, invenimus sapientiam, » subaudi in illo, quia videlicet, quod valde repugnans est, « Deus projectum eum, » subaudi qui nullum sapientem projectit, « et non homo, » scilicet qui errans in iudicio sepe illud projectit quod projectandum non fuit. Vel ita juxta typicam intelligentiam

A tamen. « Deus projectum eum, et non homo. » Ac si eaat arrogantes, sed tamen fidèles, dicant haereticis: Per hoc quod sanctam Ecclesiam in honore hominum temporatler florere cœratis, projectam esse a Deo non credatis. Non enim quia homo illam non projectit, id est quia venerari illam a eunctis hominibus videtis, idcirco consequens est quod Deus illum projecterit. Inq. sic ei terrenæ glorie adjunctum tribuitur, ut per hoc multiplicius etiam ad celestia subvehatur. « Ne dicatis, inquam, invenimus in illo sapientiam, » quia,

Vers. 14. — « Nihil locutus est mihi, » id est ego nihil pendo quidquid dixit : « Et ego non secundum vestros sermones respondebo illi, » subaudi alios consurgam, profundiora inveniam, firmiora dicam. B Sed et sanctæ Ecclesiae non sic arrogantes respondent ut haeretici, quia videlicet non contradicunt ei prava prædicando, sed perverse vivendo.

Vers. 15. — « Extimuerunt, nec responderunt ultra, » subaudi amici Job, qui locuti fuerant, « extimuerunt, » inquam, videlicet ateoti, expectantes audire quid dignum tanto feras hic promissorum hiatu. Vel quia sequitur ex voce Elii : « Quoniam igitur exspectavi et non sunt locuti, » ut hoc quoque ab illo dictum accipiat, indignantis est clamora exprobratio. Ac si aperte dicat Elii : Quia multa prædicavit Job quæ voluit, isti qui hactenus sapientiam profossi sunt, « extimuerunt, nec responderunt ultra, abstuleruntque a se eloqua, » id est muti et clingers præ pavore effecti sunt.

Vers. 16. — « Quoniam igitur exspectavi, » id est diu cessi, diu silentium præbui, « et non sunt locuti, » scilicet digna, « steterunt, » id est quasi loquela non habentescessaverunt, « nec ultra responderunt, » id est postquam Job sua prædicavit opera,

Vers. 17. — « Respondebo et ego partem meam, » id est propriam et scientiam illorum dissimilem scientiam, « et ostendam scientiam meam, » subaudi que utilis quasi thesaurus esse potest, et ideo absentia esse non debet. Hoc intolerabile arrogantie vitium est, quod suam ore proprio laudat omnis arrogans sapientiam, secundum istum qui ait : « Ostendam sapientiam meam. » Arrogantes enim omnes non eo fine loquuntur, ut prava decantes compescere, sed seipso cupiunt ostendere, et hanc suam esse partem estimant, si scientiam non tam habeant quam ostendant. Quia contra per Mosen dicitur : Vas quod non habuerit operculum, vel ligataram desuper immundum erit (Num. xix), id est homo, qui non habuerit censuram disciplinae silentii, velut immundus et pollutus reprobatur, et ejicitur foras de domo Dei. Annon vas sine opere huc est, qui sapientiam quantum habere se putat, importune ostentans, et quasi operculum desuper sibi amovens. Ecce videte, inquit :

Vers. 18. — « Plenus sum sermonibus, et cœstat me, » scilicet sermonum multitudine, « spiritus uteri mei, » id est scientia concepta in profundo

cordis mei. Et ne putetis meam qualemcumque scientiam, vel talam qualis est cæterorum scientia mortuis aquis comparanda, ne, inquam, putetis, velut aquaticam esse meam sapientiam.

VERS. 19. — « En venter meus, » id est mens mea, « quasi mustum, » subaudi servet, id est veræ et vivæ sapientiæ vigorem in se continet, et laborat silentio. Hoc est quod addidit : « Absque spiraculo, quod, » subaudi mustum, « lagunculas novas disrumpit ; » — « Novas, » inquam, ne dicā veteres, quod usitatum est. Ne quid simile mihi contingat, id est ne disrumpatur **486** venter nicus servente sapientiæ musto.

VERS. 20. — « Loquar, et respirabo paululum, » id est loquendo ut relever, quasi lagunculæ aperiam spiraculum. Hoc idem est quod sequitur : « Aperiā labia mea, et respondebo. » Quod iste sibi per inanem arrogat scientiam, sancti viri plerunque per veram patiuntur sapientiam : nam « venter, » id est mens eorum, Spiritu sancto accensa quasi vas musto fervente plenum laborat, si est « absque spiraculo, » id est si ea quæ reprehendenda sunt videns comprimatur silentio. Quod testatur Jeremias, qui cum propter incorrectionem audientium dixisset : « Nequaquam ultra loquar in nomine Domini (Jer. xx), » illico adjunxit, « et factus est in corde meo quasi ignis exsiccans (ibid.), » id est dum foris tacui ex iudeo locutionis, erexit intus ignis de celo charitatis. Nemque David, cum dixisset : « Observavi, et humiliatus sum, et silui a bonis (Psal. xxxviii), » scilicet dum sermo meus non profectus, protinus adjanxit, « et dolor meus renovatus est ; concealit cor meum intra me, et in meditatione mea exardescet ignis (ibid.). » Et bene de hoc musto ait, « quod lagunculas novas disrumpit, » quia videlicet sancti Spiritus fervor, non solum veteri, sed etiam vix capit nova vita. « Respondebo, » inquam, ita ut neque vos collaudem, neque Job in his quæ locutus est, approbem. Hoc est quod sequitur :

VERS. 21. — « Non accipiam personam viri, » id est non laudabo scientiam vestram, nec farebo vobis pro eo quod seniores aut personati estis ; « et Deum homini non sequabo, » huc scilicet homini, qui disputat cum Deo, tanquam cum equali suo ; « non sequabo, » inquam, id est sequalem videri non feram. Et hoc celeriter et absque dilatione facere deheo.

VERS. 22. — « Nescio enim quandiu subsistam, » scilicet in hac vita, ubi vacat exercere sapientiam, vel operari iustitiam ; « et si post modicum tollat me Factor meus, » subaudi nescio. Et bene ait « post modicum, » quia videlicet quamlibet longum fuerit tempus vita præsentis, eo ipso breve est, quo permanens non est. Notandum vero quod quatuor principales virtutes, ex quibus verus sapiens compositus est, hic sibi affectat mendaciter. Fortitudinem, in eo quod irascitur vehementer; prudentiam, id est scientiam suam, quam ostendere se velle perhibet; iustitiam, in eo quod ait : « Non accipiam personam

A viri, et Deum homin non sequo. » In ea tamen quæ dicitur temperantia sibi contrarius est, dum illam nunc sibi arrogat, cum quasi benevolentia captandæ non immemor, « Demisso, » inquit, capite, veritus sum indicare vobis sententiam, et exspectavi donec disceptaremini ; nunc autem omnino se non habere illam sibi ipse testis est, cum attentos exigens auditores, « Venter meus, » inquit, quasi mustum absque spiraculo, loquar et respirabo. » Testatur enim his verbis, quod tacendi intemperans sit. Tandem ad amicos hoc vitioso præmisso principio, convertitur ad ipsum Job.

CAP. XXXIII, VERS. 1. — « Audi igitur, inquit, Job, eloquia mea, et omnes sermones meos ausculta. » Ecce aliud principium non minus vitiosum. Nam quasi in quodam sibi videtur summatis culmine residere præses sapientiæ, attentionem ejus cui loquitur non postulans, more illorum qui prædesse volunt, sed cum austerritate et potentia erecto superbae linguae baculo, exigens et imperans quod proprium habere solet doctrina arrogantium, « Audi, » inquit, eloquia mea, « videlicet quia nunc eloquerer dican, » et omnes sermones meos ausculta, » scilicet quia tales sunt, ut ne unus illorum in terram cadere debeat.

VERS. 2. — « Ecce aperui os meum, » subaudi ergo non vitem exspectes sapientiæ thesaurum, « loquatur lingua mea, » id est nemo mihi obstrepens commune silentii auditorium interrupcat. « Loquatur, » inquam, in fauibus meis, » id est licet silenter loqui, et non mihi sit opus clamoribus vociferari.

VERS. 3. — « Simplici corde meo sermones mei, » subaudi sunt effundendi ; « et sententiam, » id est non absque magni sensus pondere loquoram, « labia mea pura [pura], » id est omni simulatione carentia, « loquentur. » Hoc dicto sibi, ut patet, benevolentiam captat; sed hanc manifesta superbia polluit, dum arrogat sibi illam, quæ magna virtutis et magnæ est laudis, simplicitatem locutionis.

VERS. 4. — « Spiritus Dei fecit me, et spiraculum Omnipotens vivificavit me. » Bono quidem ordine, factum se astruit prius, et deinde animatum; sed quasi vir flumini seminis suetinens, sicut per Mosen dictum est, immundus est (Lew. xv), quia linguam per verba vanæ et non necessariae locutionis movens, id quod loco suo recte santiendum et commemorandum est, fluendo commaculat, dum cui vel quid loquatur ignorat.

VERS. 5. — « Si potes, responde mihi, » id est quamvis projectus usque in sterquilinium sis, cum locutus fuero, do tibi locum respondendi, « et adversus meam faciem consiste, » id est obvia dictis meis, si potes, ulla ratione, non aspernabor te. Quare? videlicet :

VERS. 6. — « Ecce, et me sicut et te, fecit Deus, » id est et, licet non sim abjectus ab illo, ut tu, « de eodem luto ego quoque formatus sum, » subaudi

sed merita diversa vitæ nostræ statum diversum est fecerunt.

**VERS. 7.** — « Verumtamen, » subaudi licet tanto me inferior sis, « miraculum meum non te terreat. » Quid dixerit ipse exponit subdendo : « Et eloquentia mea non sit tibi gravis, » id est quamvis mirabilis, imo quoddam miraculum, « eloquentia mea non te terreat, non sit tibi gravis. » Notandum quod, cum Paulus dicat : « Rogo vos, fratres, ut sufferatis verbum solatii, etenim per paucis scripsi vobis (*Hebr. XIII*) ; » similiterque in cæteris dictis suis de magnis humiliiter sentiat, qui mos est omnibus sanctis, iste de minimis se inaniter erigit, tamque distincti prodeunt sapores fructuum ex diversa radice cogitationum. « Non sit, inquam, tibi gravis ; » et, quantumcunque gravis sit tibi, vel terreat te, causa nunc poscit ut tibi debeat eloquentia mea respondere.

**VERS. 8.** — Dixisti enim in auribus meis, » id est in præsentia mei, videlicet viri intelligentis, « et vocem verborum tuorum audivi, » id est negare non potes quin dixeris :

**VERS. 9, 10, 11.** — « Mundus sum ego, et absque delicto : immaculatus, et non est iniqüitas in me. Quia quærelas in me reperit, ideo arbitratus est in me inimicum sibi. Posuit in nervo pedes meos, custodivit omnes semitas meas. » Hæc in perversum assumpsit ex his quæ beatum Job dicentem audivit. Dixerat enim : « Hæc passus sum absque iniqüitate manus meæ, cum haberem mundas ad Deum preces (*Job XVI*). » Hoc ita pervertit ut dicat, « dixisti enim, mundus sum, et absque delicto, » et cætera. Dixerat et hoc beatus Job : « Scribis enim contra me amaritudines, et arbitraris me inimicum tuum. Posuisti in nervo pedes meos (*Job XIII*), » et cætera. Hoc quoque ita pervertit : « Quia querelas in me reperit, ideo arbitratus est me inimicum sibi, » et cætera, ut supra. Sed illa qualiter dixerit Job exposita sunt suo loco.

**VERS. 12.** — « Hoc est ergo, » subaudi ut cætera taceam : « hoc, inquam, est, in quo non es justificatus, » id est etiamsi nihil aliud reprehensibile dixisses aut fecisses, ex hoc solo satis constat quia tu non ut tibi videtur justus es. Hinc equino more in cursum suæ ostentationis fervens, in beati Job invectivebus ex afflita iniqüitate campum sibi parat. « Respondebo, inquit, tibi, » subaudi, hoc unum : **summa 487** enim omnium quæ dicturus sum, est hoc, « quod Deus major sit homine. » Quæris quid hoc ad rem? Dicam :

**VERS. 13.** — « Adversus eum contendis, quod non ad omnia responderit tibi. » — « Contendis, » inquam, videlicet ubi dixisti : « Disputare cum Deo cupio (*Job XIII*), » et paulo post addidisti : « Responde mihi quantas habeo iniqüitates, et peccata (*ibid.*), » etc. « Respondebo, inquam tibi, » scilicet hoc modo :

**VERS. 14.** — « Semel loquitur Deus. » Ac si dicat : Quid adversus eum contendis exigendo ut ad singula respondeat tibi? Non est hic mos ejus. « Semel

A loquitur, et secundο id ipsum non repetit, » id est sententiam semel fixam non mutat : nec enim est mutabilis. Tibi vero jani semel locutus est, et respondebit, quantas habeas, id est quod multis et magnas habeas iniqüitates; et respondit, inquam, videlicet in eo quod percutiens te digna factis tuis merita rependit, id est hoc contendis, ut iterum atque iterum respondeat tibi? Semel, et en modo quo tibi locutus est, scilicet ex improviso, loquitur cæteris similibus tui.

**VERS. 15.** — « Per somnum in visione nocturna, » id est cum secure peccant et dicunt : « Pax, pax (*Jer. vi*) ; » per sommum, inquam, in visione nocturna, » id est in prosperitate illorum, quæ tanquam visio nocturna cito prætervolat : « quando irruit sopor super homines, » id est quando in « nocte dormiunt, et in nocte ebri sunt (*I Thes. V*), » — « et dormiunt in lectulo, » id est eamdem securitatem sovent deliciis et in otio.

**VERS. 16.** — « Tunc aperit aures virorum, » subaudi quas præceptis suis obstruxerunt, « et erudiens eos instruit disciplina, » quia videlicet, sicut scriptum est : « Sola vexatio intellectum auditu dat (*Isai. xxviii*). » Hic sensus est pro parte illorum, quibus Eliu beatum Job similem esse credebat. Sed quia dixit universaliter et indissimile, « semel loquitur Deus, » Deus autem et bonis loquitur et malis, hoc idem secundum bonam quoque partem expoundendum est. « Semel, inquit, loquitur Deus, » id est C sanctam Scripturam, per quam voluntatem suam nobis indicat, semel per Spiritum sanctum condidit Deus ; « Semel, » inquam, quia non mutatur. Hoc est quod addidit, « ac secundo ipsum non repetit, » quia videlicet in singulorum cordibus privatis vocibus non respondet, sed tale eloquium construit, per quod cunctorum quæstionibus satisfacit. Vel ita : « Semel loquitur Deus, » id est Verbum aliud præter unigenitum non habet ; « et secundo ipsum non repetit, » quia videlicet hoc ipsum Verbum, id est Filiū, nonnisi unicum genuit : et quando hanc Scripturam, quæ permaneat, « loquitur Deus, » id est inspirat dignis mentibus, vel ipsum Verbum suum quod unicum habet, de quo « omnis Scriptura divinitus inspirata (*II Tim. III*) » pendet ? « per somnum in visione nocturna, » id est quando veraci- D ter dicere potest fidelis anima : « Ego dormio, et cor meum vigilat (*Cant. V*), » scilicet quando tranquillamente ab hujus sæculi actione quiescit : quomodo et Moyses in deserto fugiens quasi ab inquietis terrenorum desideriorum tumultibus, obdormivit, atque idcirco divinam vocem percipere meruit (*Exod. 24*). « In visione, inquam, nocturna, » quia videlicet quidquid in hac vita de Deo cognoscimus, ad comparationem futuræ lucis, in qua « videbimus eum sicuti est (*I Joan. III*), » quasi visio nocturna est. « Quando irruit, inquit, sopor super homines, » quia videlicet ab exteriori actione cessare dormire est, « et dormiunt in lectulo, » id est suaviter quieti- scunt in bona conscientiae testimonio, « tunc ape-

rit aures virorum, » scilicet ut a tumultibus sæculatum negotiorum quieti, ut dictum est, interni examinis causas audiant, et viri sint, id est viriliter agent : » et erudiens eos, » id est fletibus afficiens, instruit disciplina, » id est per poenitentiam et compunctionem mentem lacerat, quia videlicet lamenta compunctionis quasi quedam sunt plagæ percussionis. Et sicut percussio exterior plaga diuit, sicut Salomon ait : « Livor vulneris absterget mala (Prov. xx) ; » sic et extensam mentem compunctione poenitentiæ ultione transverberat, sicut idem Salomon protinus adjungit : « Et plagæ in secretioribus ventris (ibid.), » id est compunctionis vis in abdito mentis. Cujus videlicet compunctionis, quatuor qualitatibus anima vehementer afficitur, cum, aut considerans ubi fuit humiliat se ; sicut ille qui ait : « Non sum dignus vocari apostolus, quia persecutus sum Ecclesiam Dei (I Cor. 15) ; » aut quærens secum et cogitans ubi erit timet et dicit : « Ne forte reprobus efficiar (I Cor. ix) ; » aut mœrens considerat ubi est, et dicit : « Dum sumus in corpore, peregrinamur a Domino (II Cor. v) ; » aut lugens conspicit ubi non est, et dicit : « Videamus nunc per speculum in ænigmate, tunc autem facie ad faciem (I Cor. XIII). » — « Instruit ergo, » ait « eos », Deus, ut dictam est, videlicet aut livore vulneris percussis ut resipiscant, et sicut nunc, o Job, percussi te, aut plagi compunctionis lacerans in secretioribus ventris, id est mentis, ut et si boni sunt in melius proficiant.

Vers. 17. — « Ut avertat hominem ab his quæ fecit, » id est a peccatis præteritis ; « et liberet eum de seperbia, » videlicet ne præcepta ejus superbient do transcendat.

Vers. 18. — « Eruens animam ejus de corruptione, » subaudi, vitiorum in præsenti ; « et vitam illius, » subaudi in futuro eruens, « ut non transeat in gladium, » id est in damnationem æternam. Et postandum quod prius « de corruptione, » et postmodum de gladio liberat, quia nimurum illius vitam illi eripit ab ultione supplicii, cuius hic mentem subtrahit a delectatione peccati.

Vers. 19. — « Increpat quoque per dolorem in lectulo, » id est in requie temporali, scilicet juxta Psalmistam, « universum stratum ejus (Psal. XL), » id est omnem præsentis vitæ requiem in infirmitate versando, id est præsenti afflictione conturbando. « Increpat, » inquam, non solum prædicto modo, sed et ita ut sequitur : « Et omnia ossa ejus marcescere facit, » id est omnes virtutes ejus, de quibus inflari et extolli potuerat, si nulla tentatione pulsarentur, ita per commonitionem infirmitatis extenuari permittit, ut sibi nullæ esse videantur. Tunc nihil quod delectet aspicitur; triste est quidquid occurrat.

Vers. 20. — « Abominabilis ei fit panis in vita sua, » quia videlicet præ infirmæ conscientiæ trædio, in amaritudinem sibi verti considerat quidquid mande antea libenterque satiabat. Panis enim in

A Scriptura sacra cum multas significaciones habeat, jucunditatem quoque humanæ delectationis significat. Unde et Jeremias de Synagoga : « Omnis, inquit, populus gemens et quærens panem (Thren. I), » id est transitoriam delectationem. Sequitur enim : Dederunt pretiosa quæque pro cibo, id est omnes virtutes mentis inclinaverunt in appetitus transitoriae delectationis.

B VERS. 21. — « Tabescet caro illius, » id est omnis exterior voluptas ; per carnem enim delectatio carnis accipitur ; voluptas, inquam, supradicto dolore attritur. Et quid per hoc evenit? « Ossa quæ tecla fuerant, nudabuntur, » id est ea, quæ dudum quasi sub carne latuerant virtutum fortia patescent, quia videlicet nemo quantum proficerit, nisi inter adversa, cognoscit, juxta illud : « Deus tentavit illos tanquam aurum in fornace (Sap. III), » etc. Dum autem caro tabescit, factum est quod sequitur :

C VERS. 22. — « Appropinquavit corruptioni anima ejus, » id est agnovit quantum de semetipso sit infirmus, videlicet ut hoc quod a perditione longe est, non sibi, sed Domino tribuat, quia ex suis se viribus perditioni proximum non ignorat. « Et vita illius mortiferis, » subaudi appropinquavit, quia profectio 488 ex infirmitate carnis proximum se peccatis mortem serentibus respicit, dicitque perterritus : « Infelix ego homo, quis me liberabit de corpore mortis hujus? » (Rom. vii.) Hoc autem in eo sibi utile est, in quo se suis viribus vicinium morti per adversa considerat, eo in cunctis fortiter egerit, ad divinum munimen fugiens solidius vivat.

Postquam ostendit Elia in qua tentatione positum sit genus humanum, sic enim tentationum expressit quorundam proprie singulorum, ut possit intelligi universaliter omnium ; mox huic generali pestilentiae remedium subintulit medicinæ.

D VERS. 23. — « Si fuerit, inquit, pro eo angelus, » subaudi de cœlo missus, videlicet ille qui per prophetam dicitur « magni consilii angelus [consiliarius] (Isai. IX). » — « Si fuerit, » inquam, missus « loquens unus de millibus, » id est præter solam veritatem naturæ humanæ nihil cum peccatoribus hominibus habens commune, utpote natus quando vel quomodo voluit, mortuus quando vel quomodo voluit, et per caetera omnia dissimilis : « loquens, » inquam, id est ad interpellandum pro hominibus hominem se Patri ostendens (Hebr. vii), « ut annuntiet hominis æquitatem, » videlicet in eo quod se ipsum exhibet justum hominem.

VERS. 24. — « Miserebitur ejus, et dicet : Libera eum, » — « dicet, » inquam, scilicet hoc quod dictum est faciendo. Nam sic loqui pro eo, vel ejus æquitatem annuntiare, est profecto magnam misericordiam facere, et Patrem pro liberatione ejus orare, « ut non descendat in corruptionem, » videlicet ne sicut per prophetam extollenti se animæ dicitur : « Quo pulchrior es? descendere et dormi cum circumcisio (Ezech. xxxii), » descendere in æternum

VERS. 8.— « Qui graditur cum operantibus iniquitatem, et ambulat cum viris impiis ? »

VERS. 9. — « Dixit enim : Non placebit vir Deo, etiam si cucurrerit cum eo. » Injuriosæ propositio[n]i falsam rationem subjecit. Hoc enim illum non dixisse quisquis ejus verba legit, agnoscit.

VERS. 10.— « Ideo, viri cordati, audite me, » subaudi quia vos habentes cor, ea quæ dico soli digni estis audire. « Absit a Deo impietas, et ab Omnipotente iniquitas. » Quamvis inaniter, tamen veraciter hoc et solide profert, quia videlicet Deum esse et impium, vel omnipotentem esse et iniquum, omnino contraria vel repugnantia sunt, neque simul unquam esse possunt. « Absit, » inquam. Hoc ab effectu subseciente probat.

VERS. 11.— « Opus enim, inquit, hominis, » subaudi boni, « reddet ei, » quod videlicet pietatis est et impietati repugnat, ut pote dare gratiam pro gratia, « et juxta vias singulorum, » subaudi malorum, « restituet eis, » quod profecto æquitatis est et iniquitati adversum est. Verumtamen hoc non semper in hac vita sit, sed sicut Salomon ait : « Sunt justi quibus multa eveniunt, quasi opera egerint impiorum; et sunt impii, qui ita securi sunt, ac si justorum facta habeant (Eccl. viii). » Sed iste indeterminatam, ac per hoc vitiosam rationem adhuc confirmat, subjungens :

VERS. 12. — « Vere enim Deus non condemnabit frustra, nec Omnipotens subvertit judicium, » subaudi sicut Job in se criminatur esse factum. Quod si dicat quis, non quidem « Deus subvertit judicium, » sed alius quis, qui ab eo rebus humanis præpositorus est, falsum hoc quoque est. Nam,

VERS. 13. — « Quem constituit alium super terram, » id est super homines, « aut quem posuit super orbem quem fabricatus est ? » **490** id est super cœlum et terram, et mare, et omnia quæ in eis sunt, subaudi nullum, sed per semetipsum regere non negligit : quod creavit, et quod bene creavit, utique bene regit. Quod quisque hoc modo experiri poterit.

VERS. 14. — « Si direxerit ad eum cor suum, » quod videlicet curvum et tortum est, dum appetit ima; dirigitur autem, dum sublevatur ad superna. « Si, inquit, direxerit homo ad eum cor suum, spiritum illius et flatum, » id est tam internas cogitationes, quæ significantur per spiritum, quam exteriores actiones, quæ designantur per flatum, « ad se trahet, » id est ad conversionem desiderii sui commutabit. Quo desiderio sicut quod sequitur :

VERS. 15. — « Deficiet omnis caro simul, » id est jam nullis serviet motibus, quia videlicet quodam gladio suæ distinctionis, omne quod in illa mala vibrabat interficit. Quo gladio Jeremias semetipsum interfecerat, cum dicebat : « Et postquam ostendisti mihi, percussi femur meum (Jer. xxxi), » id est postquam spiritualia vidi, omne quod in me carnaliter vivebat extinxi. Nam per femur carnis voluntas accipitur. « Deficiet, inquam, caro, » ut dictum

A est ; « et homo in cinerem revertetur, » id est cinerem se esse recordabitur, juxta ilud Psalmista : « Ausores spiritum, » id est superbiam eorum, « et deficient, et in pulverem suum revertentur (Psal. ciii), » id est nihil se esse cognoscent, et ex infirma conditione humiliabuntur. Hic quoque sententia Elii sese acute dixisse mox erumpens cum tu more :

VERS. 16. — « Si habes ergo, inquit, intellectum audi quod dicitur et auscultata vocem eloquii mei. Ecce quomodo paulisper elatio per verborum incrementa proficit. Superius namque dixerat : « Si habes quod loquaris responde. » Nunc vero discutit si hoc quod dicitur saltem possit audire. Et mox eundem acrius redarguens :

B VERS. 17. — « Nunquid, ait, qui non amat iudicium, sanari potest ? » Id est nunquid qui non amat correptionem, subaudi ut tu, qui contra flagellum Dei murmuras, liberari potest ab ea quæ percutitur culpa? Subaudit, non et protinus assumit in eum, quia proposuerat propter illum. « Et quomodo tu eum, qui justus es, » subaudi Deum, « in tantum condeinas, » scilicet ut dicas illud quod ego supra memoravi, « in judicando me mendacium es, » et cætera? Cur, inquam, « in tantum » Deum accusas,

VERS. 18. — « Qui dicit regi, apostata, » id est qui rectorum quoque tumentia corda subtiliter pensat et increpat. Nam increpare de superbia, hoc est dicere, apostata. » « Qui dicit, inquam, regi, apostata, » subaudi, cur cum potestate imperas et cum potentia ; « qui vocat duces impios, » id est juste arguit eos qui cum præsunt dominando exemplo superbiae suæ trahunt ad impietatem subditos. Dux namque impius est, qui per exempla tumoris viam ostendit erroris. Bonam quidem sententiam protulit, sed B. Job proferenda non fuit. Non enim idcirco Deus illum flagellabat, quod impius esset vel apostata.

Qui ab invisibilibus oculos claudunt, et visibili bus pascuntur, plerumque hominem, non ex eo quod ipse est, sed ex his quæ circa ipsum sunt, venerantur. Sed omnipotens Deus vitam hominum ex sola qualitate interrogat meritorum. Unde post illa, D quæ supra dicta sunt bene per hoc dicitur :

VERS. 19. — « Qui non accipit personas principum, » id est superbiorum videlicet quia sæpe plus punit, juxta quod ipse ait : « Cui multum datum est, multum queritur ab eo (Luc. xii), » « nec cognovit tyrannum, » id est superbium, « cum disceptaret contra pauperem, » id est contra humilem. Non cognovit, » inquam, quippe qui superbis dicit. « Nescio vos unde sitis (Luc. xiii). » Et justum est quod personam non accipit. « Opus enim, inquit, manuum ejus sunt universi, » scilicet tam pauperes quam tyranni. Et hoc quod personam Deus non accipiat satis patet ex eo quod sequitur :

VERS. 20. — « Subito morientur, » id est ex improviso. Quælibet enim sero de hac vita tollanter

iniqui, subito tolluntur, quia finem suum cogitando, prævidere nesciunt. « Subito, inquam, morientur in media nocte, » id est in cæcitate ignorantiae suæ, « turbabuntur populi, » id est quamlibet impii, qui nunc turbari negligunt per humilitatem cordis, tunc turbabuntur per sententiam judicis. « Et pertransibunt, » scilicet quo quotidie per vitæ momenta transiunt, moriendo pertransibunt. « Et auferent, » subaudi superna judicia « violentum absque manu, » id est invisibiliter, ut videlicet subitum exitum urgente invisibiliter rapiatur, subaudi ut tu, qui cum violentus essem, invisibili virtute ablatus es.

**Vers. 21.** — « Oculi enim, inquit, ejus super vias hominum, et omnes gressus eorum considerat, » videlicet qui tunc nequaquam considerare credebatur quando violentus iste omne malum quod poterat insulte perpetrabat. Et quia nec minimæ cogitationes hominis latent illam, qui ait per prophetam, « Austerile malum cogitationum ab oculis meis (*Isai. i.*), » apte subjungitur.

**Vers. 22.** — « Non sunt tenebræ, et non est umbra mortis, » id est non est ignorantia et non est oblio, subaudi apud Deum. Iucireo per umbram mortis oblivionem designare studuit, quia sicut mors interveniens agit non esse, quod fuit in memoria: vel per umbram mortis immutatio potest accipi, quia videlicet omnis immutatio velut quedam mortis mutatio est. Id enim quod mutat quasi interficit ab eo tuod erat. Quæ videlicet immutatio apud Deum non est, sicut scriptum est: « Apud quem est transmutatio, nec vicissitudinis obumbratio (*Jac. i.*). » — « Non sunt, ergo, tenebræ, et non est umbra mortis, ut ibi, » id est per hæc, « abscondantur qui operantur iniquitatem, » quia videlicet solius divina naturæ est, umbras ignorantiae mutabilitatisque tenebras penetrare.

**Vers. 23.** — « Neque enim, inquit, ultra in hominis potestate est, » subaudi violenti, quem, ut supra dictum est, judicia divina auferunt, « ut veniat ad Deum in judicium, » subauditur ac si dicat: Et ideo frustra dicis, « disputare cum Deo cupio (*Job xiii.*), » et præsumis quod perveniat ad victoriæ judicium tuum. Sed licet ignoret Eliu cui dicat, scit tamen quid dicat, quia videlicet quemcunque Deus per æternam retributionem punit, « non est ultra in potestate ejus, ut veniat ad Deum in judicium, » scilicet illud de quo Apostolus: « Si nos metipso, inquit, dijudicaremus, non utique judicarcemur (*I Cor. xi.*). » Et de quo alias conscriptum est: « Judicare cum Deo, et exspecta eum (*Job xxxv.*). » Itemque: « Cogitationes justorum judicia (*Prov. xii.*). » In quibus videlicet judiciis non deest omne ministerium, quod punire reos suos plenius debeat. Nam conscientia accusat, ratio judicat, timor ligat, dolor excruciat. Quo contra de negligente sub Ephraim species dicitur: « Comederunt alieni robur ojus, et ne scivit (*Oze. viii.*), » id est devoraverunt maligni spiritus virtutes ejus, et penitentia non doluit; « sed et cani effusi sunt in eo, et ignoravit (*ibid.*), » id est,

A in vitiis suis inveteravit, et non curavit spiritu mentis sue renovari. Ad hoc ergo judicium reprobus quilibet damnatus ultra non veniet, ubi nunc utiliter judicat homo semetipsum, ubi juxta præceptum legis, « ignis refici, qui semper ardeat in altari, » id est in corde flamma charitatis, quæ peccata concemet, protest accendi, « quem nutriat sacerdos, » id est fidelis quisque qui magni sacerdotis Christi membrum est, « subjiciens mane ligna (*Levit. vi.*), » id est cæcitate mentis depulsa, sanctorum ad extundandum se congerens testimonia.

**491** Postquam de poena malorum multa dixit, occultum subito infert judicium.

**Vers. 24.** « Conteret, inquit, multos et innumerabiles, » subaudi qui stare videbantur, « ut labatur pes eorum (*Deut. xxxii.*), » a justitiae statu, « et stare faciet alios pro eis, » videlicet ut locum vitæ aliis cadentibus sortiantur. Hoc quotidie agitur, scilicet quia finis adhuc utrariumque partium non cernitur, minus timetur. « Conteret, inquam, multos et innumerabiles, » scilicet quomodo Judas post apostolatus ministerium contritus est, « et stare facit alios pro eis, » videlicet ut latronem illum, qui causam vitæ etiam in ipso mortis articulo invenit. Cujus occulti judicii metis intentatur, cum angelus Philadelphia Ecclesiæ dicitur: « Tene quod habes, ne alius accipiat coronam tuam (*Apoc. iii.*). » Illo judicium occultum, sub quo semper timendum est, « ut qui se existimat stare videat ne cadat (*I Cor. x.*), » maxime quia et alias scriptum est: « Multiplicati sunt super numerum (*Psal. xxxix.*), » hoc, inquam, judicium Dominus occulite quidem, sed juste disponit.

**Vers. 25.** — « Novit enim opera eorum, et illici inducit noctem et conterentur. » Deus propria præcedentia peccata faciet, ut ad peccandum iterum, tenebris subsequentibus involvantur. « Inducet, ait, noctem, » id est non liberabit a nocte, quia videlicet hoc ipsum in nocte cæcasce, est a cæcitatibus tenebris liberare noluisse.

**Vers. 26.** — « Quasi impios percussit eos in loco videntium, » id est in Ecclesia, quæ est locus videntium, in qua sola videntur est Deus, de qua et Dominus ad Moseum: « Est, inquit, locus apud me, et stabis super petram, et videbis posteriora mea (*Exod. xxviii.*). » — « In loco, inquam, videntium, » id est in Ecclesia, in qua cum veritatem fidei sciunt, operibus negant, « percussit eos quasi impios, » id est vere impios. Quasi enim non semper pro similitudine ponitur, ut ubi, « quasi tristes, semper autem gaudentes (*II Cor. vi.*), » sed et pro veritate, ut ibi: « Et vidimus gloriam ejus quasi Unigeniti a Patre (*Joan. i.*). » Quod autem ait, « in loco videntium, » manifestius exprimit:

**Vers. 27.** — « Qui quasi de industria, inquit, recesserunt ab eo, » id est qui non per ignorantiam vel per infirmitatem, sed, quod pessimum est, per studium peccaverunt, quomodo peccaverunt hi, de quibus Dominus dicit: « Si non venissem, et locu-

tus eis suissem, peccatum non haberent (*Joan. xv.*), etc. « Et omnes, inquit, vias ejus intelligere noluerunt. » Non ait intelligere non potuerunt, vel non audierunt : « Sapientia quippe clamitat in plateis, ut ait Salomon (*Prov. 1.*), et prudentia dat vocem suam in mediis semitis stans; sed vias ejus, vias incarnatae Sapientiae, quae sunt vivendi ordines; » vias, » Inquam, visione despectas, sed intellectu reverendas, « intelligere noluerunt, » scilicet maxime Iudei, qui dum in gloria presentis vite superbiunt, humilitatis Dominicæ celsitudinem non viderunt.

**VERS. 28.** — « Ut pervenire facerent ad etum clamorem egeni, » quia videlicet hoc eorum casu factum est, ut cadentibus illis, egenus, id est humiliis gentilium populus subrogaretur, « et audiret, » subaudi Deus, « vocem pauperum, » id est exaudiret eorumdem humilium gentilium misericordiam vel desiderium. Quorum in typum vulnerati Lazari clamor ad Deum pervenit, dum secundum nomen suum adjutus, Lazarus enim interpretatur *adjutus*, « ab angelis in sinu Abrahæ portaretur, dives autem, » per quem Judaicus designatur populus, scilicet copia legis in elatione abutens, « in inferno sepeliretur (*Luc. xvi.*). » Nec discutere quis audeat, vel reprehendere profunda Dei judicia.

**VERS. 29.** — « Ipso enim, inquit, concedente pacem, » id est reconciliante sibi populum gentilem, « quis est qui condemnet, » subaudi eosdem gentiles, ob præteriorum sordes peccatorum ? « Ex quo absconderit vultum, » subaudi a Iudeis, qui prius quasi videntes erant; « ex quo, inquam, absconderit vultum, » id est gratiam vel notitiam suam, scilicet « posito velamine super cor eorum (*II Cor. iii.*), » — « quis est qui contempletur eum ? » Confiteor, inquit, tibi, Pater, Domine cœli et terræ, quia abscondisti hæc a sapientibus et prudentibus, et revelasti ea parvulis (*Luc. x.*): « Quis hoc judicium discutere vel reprehendere audeat ? Et si Dominus vineæ novissimis operariis una hora laborantibus denarium dare velit, cui injuriam facit ? (*Math. xx.*) » Et super gentes, inquit, et super omnes homines, » subaudi hoc judicium invisibili examinatione celebratur, scilicet ut alios repellat, alium eligat occulte, sed nullum injuste.

**VERS. 30.** — « Qui regnare facit hominem hypocritam propter peccata populi, » id est qui te, o hypocrita Job, potentem quondam esse permisit, propter eorum peccata, super quos potens fuisti. Allegorice autem ita : Quia verum super se regem habere Iudea supradicta notuit (*Luc. xix.*), hypocritam accipiet, « mittetque illis Deus operationem erroris, ut credant mendacio (*II Thess. ii.*), » sicut ipse Dominus : « Ego veni, inquit, in nomine Patris mei, et non receperitis me, alias veniet in nomine suo, illum accipietis (*Joan. v.*). » Universaliter quoque, id est, de omni gente, vel ordine sentiendum, quod, quando mereuntur, dat illis Deus regem in favore suo (*Ose. xiii.*), quia videlicet secundum

A meritum plebium disponentur corda rectorum. Ceterum quoque est, quod sepe ex culpa pastorum deterior fiat vita plebium. Sed etsi jure vita illorum reprehenditur, oportet ut eos subditi, etiam cum dispicent, venerentur. Sic debriato Noe verecundiora ejus boni filii aversi venientes texerunt (*Gen. ix.*). Nam verecunda Patris quasi aversi tegunt, qui, cum prælati juste judicent factum, venerantur magisterium. Pro utilitate quippe subditorum, rectores temporalibus curis inserviunt, et unde subditi sine vexatione decori sunt, inde prælati quasi in pulvere fodantur, quemadmodum ut in interioribus tabernaculi byssus fulgeret, coccus corascaret, desuper pelles et cilicia, imbreves et ventos pulveremque portabant (*Ezod. xxxv.*).

**B** Nunc iterum Eliu, postquam multa interna et sublimia intulit, formam humilitatis verbotenus assumens, sub quadam discipulatus imagine beatam Job alloquitur, dicens :

**Vers. 31.** — « Quia ergo ego locutus sum ad Deum, » id est secundum Deum, « te quoque non prohibebo, » subaudi loqui. Et quia fortia se dixisse neminim, idcirco securus quod non erraverit :

**Vers. 32.** — « Si erravi, inquit, tu doce me. » Neque enim hoc diceret, si se errasse credidisset. Sed haec arrogantium propria fraus est, ut tunc requirant de errore quando se neverint non errasse. Diu vero morari non valens in humilitatis inseguine, quam specie tenus sumpsit : superbis enim mentibus humilitas alta est, et cum ejus formam consecdere ambivit, lassatis animi gressibus, quasi a cibosis atque asperis itineribus dilabuntur.

**Vers. 33.** — « Nunquid, ait, a te Deus expeditum, » subaudi « iniquitatem, si locutus sum, » quia dispicuit tibi ? Ac si diceret : Cur modo iniquitas mea a te reprehenditur, que in judicio a te non requireretur ? Ego coram Deo rationes positurus sum. Sed non est iniquitas quod te arguo. Tu enim coepisti loqui, et non ego, subaudi et proinde culpabilis es, quia videlicet culpabiliores esse solent qui loqui in contentione inchoant, quam qui respondent. Quod si quid nosti melius, inquere. Ecce item sub requisitionis velamine palliatur, sed maxime impatiens humilitatis vel simulatae, rursus prorumpens in elatione :

**Vers. 34.** — « Viri, inquit, intelligentes loquantur mihi. »

**Vers. 35.** — « Job autem stolidus locutus est. » Subaudi ergo non loquatur mihi. « Et verba ejus non sonant disciplinam, » quia videlicet judicantem se Deum de mendacio vel injustitia condemnat, et tam contra Deum, quam **492** contra homines contentiose se justificat. Mox quoque asperitate superbie, usque ad duritiam maledictionis extensa,

**Vers. 36.** — « Pater mihi, inquit, probetur Job usque ad finem, » id est, o Deus Pater, adhuc Job feriatur, quia sub manu ferientis adhuc peccat, tunc vindicem justum accusat de injustitia. Ac si dicat illud Ezechielis : « Fode parietem, et invenies

abominationes majores (*Ezech. viii.*), id est si ad-  
huc percosseris Job, magis ac magis ex rebellione  
ejus palam cunctis flet, quam abominabilis est.  
Probetur, inquam, usque ad finem, ne desinas ab  
homine iniquitatis, subaudi percutiendo tandi,  
donec os ejus obstruatur.

Vers. 37. — « Qui addit super peccata sua blas-  
phemiam, » scilicet flagellatus blasphemat, cum  
deberet agere poenitentiam de peccatis, pro quibus  
sustinet flagella. Post hanc maledictionem adhuc  
quasi pro Dei defensione loquens : « Inter nos, in-  
quit, interim constringatur, » subaudi dum Deus  
secedit ad plenum respondet illi se ad judicium  
provocanti, et tunc, » scilicet, cum per nos con-  
strictus impotentiam suam senserit, ad judicium  
provocet sermonibus suis Deum, » subaudi si-  
velt.

**CAP. XXXV, VERS. 1.** — Igitur Eliu haec rursus  
locutus est. Rursus incipere studet, utpote super-  
bus, ut auditores quasi novum quid audituros ad  
attentionem revocet.

Vers. 2. — « Nunquid, ait, aqua tibi videtur tua  
cogitatio, ut dices : Justior sum Deo? » Hoc ab eo  
perverse detorsit quod B. Job dixit : « Proponat  
aquitatem contra me, et perveniat ad victoriam ju-  
dicium meum (*Job xxii.*) ». Quod qua intentione  
dixerit, suo loco expositum est. Sed hic perversor  
pietas, insuper et mendaciter adjicit :

Vers. 3. — « Dixisti enim, inquit, Non tibi placet  
quod rectum est, vel quid tibi proderit, si ego pec-  
cavero? » Videlicet ut quasi justus possit reprehendere  
qua sunt, singit mentiendo qua dicta non  
sunt.

Vers. 4. — « Itaque ego respondebo sermonibus  
tuis, ait, et amicis tuis tecum. » Verbis subsequen-  
tibus fortis acumine discutit hoc quod sibi ad dicendi  
materialia fallaciter finxit.

Vers. 5. — « Suspicere coelum, » id est celestes  
spiritus, vel ipsam corpoream coeli materialiam, « su-  
spice, inquam, et intuere, contemplare aethera, » id  
est celestia omnia, subaudi ut saltem per illa con-  
jicias id quod sequitur, « quod altior te sit » Deus,  
videlicet quia, ut in libro Sapientiae scriptum est,  
per magnitudinem creaturae vel speciem potest intel-  
ligibiliter Creator videri (*Sep. xiii.*). Et cum non  
possis ea comprehendere qua fecit, perinde intelli-  
gis « quod » multo magis « altior te sit » qui haec  
fecit. Cum ergo tanto « altior te sit »,

Vers. 6. — « Si peccaveris, quid ei nocebis, »  
subaudi cum vel lapidem tam alte nullum jaceret  
possis? « Et si multiplicate fuerint iniquitates tue,  
quid facies ei, » id est nunquid eisdem iniquitati-  
bus, quasi multis armis poteris tam altum irrum-  
pere firmamentum?

Vers. 7. — « Porro si juste egeris, quid dabis  
ei, » subaudi possessiones celorum, et omnium  
quacumque sunt potestatem habent? « Aut quid de  
manu tua accipiet, » subaudi qui nisi ille dederit  
nihil habes?

A Vers. 8. — « Homini qui similis tui est, nocebit  
impietas tua, » videlicet dum aut persecundo cru-  
ciat, aut pervertendo inquinat, et aut filium homi-  
nis adjuvabit justitia tua, » scilicet eo modo, quo  
scriptum est : « Alter alterius onera portate (*Gulat.*  
vi.). » Et rursum : « Frater fratrem adjuvans exalta-  
bitur sicut civitas munita et fortis (*Prov. xviii.*). »  
Fit tamen econtra plerumque ut, dum bonis nocere  
se putat, prout magis humana impietas, quia vide-  
licet triturae more electorum vitam quasi grana a  
paleis separans, premit et purgat, quemadmodum et  
filiis Israel superbis Pharaonis profuit, in eo quod  
coacti laboribus clamaverunt ad Dominum, unde  
factum est ut exauditi ad terram reprobationis  
educerentur, et celestibus donis vel mirabilibus  
glorificarentur. « Nocbit, inquam, homini qui si-  
milis est tui, impietas tua. » Sed nec illud impune  
fiet. Nam,

Vers. 9. — « Propter multitudinem calumniatorum  
clamabunt, » subaudi ad Deum. Calumniatores  
recte dicere possumus omnes iniquos, non solum  
qui exteriora bona rapiunt, sed etiam qui malis  
moribus vel exemplis interna nostra dissipare con-  
tendunt. « Clamabunt, inquam, propter multitudinem  
calumniatorum, » id est idcirco, quia calumniatores  
multi sunt. « Et ejulabunt propter vim bra-  
chii tyrannorum, » id est idcirco quia non solum  
multi, sed et fortes sunt, et potenter opprimunt.

C Vers. 10. — « Et non dixit, » subaudi aliquis ex  
illis clamantibus ad Deum; « non dixit, inquam,  
ubi est Deus, qui fecit me? » videlicet quia vindica-  
bit tam manifeste ut non sit opus cuiquam dubi-  
tare, utrum viderit Deus violentiam « tyrannorum »  
vel « multitudinem calumniatorum. » Ac si dicat :  
Sic in omnes vindicabit justae ac severe, sicut et in  
te. Nunc enim omnium quos oppressisti nullus vin-  
dictam querens dicere opus habet, « Ubi est Deus  
qui fecit me, qui dedit carmina in nocte? » id est  
qui dare solitus est laetitiam in tribulatione? Ne-  
juxta quod in libro quem Ezechiel se accepisse es-  
tatur, « scriptae erant lamentationes, et carmen, et  
vae (*Ezech. xi.*). » Sicut lamentationes poenitentiae et  
vae pressurarum vel tribulationum nobis in praesenti  
vita praedicant vel promittunt sacrae Scripturae, Do-  
mino dicente : « In mundo pressuram habebitis (*Joan. xvi.*), et : « Poenitentiam agite, appropin-  
quavit enim regnum Dei (*Math. iii.*), » sic et car-  
men, id est spei gaudium habere jubemur, ut « spe  
gaudentes, in tribulatione simus patientes (*Rom.*  
xii.). » — « Qui docet, inquam, carmina, in nocte, »

Vers. 11. — Et « qui docet nos, » subaudi mysteria  
coelestis vitae, « super jumenta terrae, » id est  
plusquam illos qui ima appetunt usu carnalis vita,  
« et super volucres coeli crudit nos, » id est super-  
biem vel astutiam malignorum spirituum frustra-  
facit nos, ut jactum in cordibus nostris verbis Dei  
semen auferre non possint. Amplius autem super  
volucres coeli Paulus eruditum se noverat, cum di-  
cebat : « Nescitis quoniam angelos iudicabimus?

(*I Cor. vi.*) » Hoc, inquam, non dixit aliquis illorum, qui cum multitudine calumnatorum, et brachio premeretur tyrannorum, clamavit ad Dominum.

VERS. 12. — « Ibi, » videlicet in tribulatione, « clamabunt, » ut supra dictum est, « et non exaudiet propter superbiam malorum, » id est exaudiet quidem quandoque, sed « propter superbiam malorum, » subaudi nequier augenda, juxta illud : « qui nocet noceat adhuc (*Apoc. xxii.*), » « non exaudiet, id est, exauditionem differet, ut, dum horum vita in purgatione teritur, illorum nequitia consummetur. Hoc justo judicio agitur, sicut et de ipso eorum capite scriptum est : « Faciet et prosperabitur (*Dan. viii.*), » itemque : « Et dolus in manu ejus dirigetur (*ibid.*). »

VERS. 13. — « Non ergo frustra audiet Deus, » id est non nisi prout oportet, et prout clamantibus utile est, « audiet Deus, » juxta illud : « Adiutor in opportunitatibus (*Psal. ix.*). » — « Et Omnipotens singulorum causas, » id est quid cuique expediat, « intuetur, » quia videlicet ut sapiens medicus, abscedit virus putredinis ferro tribulationis, et quo voces ægri audire dissimulat, eo finem ægritudinis procurat. Idcirco, o tu aliquis, quicunque ipsa adiutorii tarditate frangeris,

VERS. 14. — « Etiam cum dixeris : Non considerat, » id est cum desperationis procella turbatus putaveris, quod Deus non curat humana, « judicare coram illo, » id est bona ejus ad memoriam revocando, mentem concussam, citius in portu spei colloca, « et exspecta eum, » quia videlicet veniet auxilium ejus, et non tardabit, quamvis tardum videatur tibi. « Exspecta, » inquam, et « ne zelaveris pacem peccatorum videns (*Psal. lxxii.*). »

VERS. 15. — « Nunc enim non infert furorem suum, » subaudi impiis, quibus in futuro **493** reservatur flagellum æternæ damnationis, « nec ulciscitur scelus valde, » subaudi nunc, eorum quos damnat in perpetuum. Quod bene in eo signatum est, quod Cham peccante, filius ejus Chanaan maledicitur, dicente patre, « maledictus Chanaan puer, servus erit fratribus suis (*Genes. ix.*). Quid est enim quod Cham peccante filius ejus sententiam ultionis accipit, nisi quod reproborum nequitiae quasi non in se, sed in posteritate percutiuntur, dum hic quidem inuite perficiunt, sed in posterum feriuntur. « Ergo, inquit, Job frustra aperuit os suum, » subaudi dum dicit : « Quare ergo impii vivunt, sublevati sunt, confortatique divitiis (*Job xxi.*), » et his similia, « et absque scientia, » id est, nesciens quid dicat, « verba multiplicat. » Ac si dicat : Et nihil scit, et nulla dicit.

CAP. XXXVI, VERS. 1. — « Addens quoque Eliu, etiam hæc locutus est, » videlicet quasi adhuc nihil dixerit rursus inchoat, et loquaciter infert quæ sentit, cum beatum Job de vitio loquacitatis accusat.

VERS. 2. — « Sustine me, inquit, paululum. » Ac

A si dicat : Quamvis « eloquentia mea gravis sit tibi, et terreat te miraculum meum (*cap. xxxiii.*), » sustine sapientiam, quam labor est tibi audiire, et indicabo tibi; adhuc enim habeo quod pro Deo loquer, videlicet cui obsequium præsto, dum te confuto.

VERS. 3. — « Repetam scientiam meam a principio, » videlicet quia cum eo loquer cui semel non est dictum satis, quia non intelligit. « Et operatorem meum probabo justum. » Hoc modo dum quasi pro Dei justitia loquitur, apud humana judicia, quidquid arroganter effluit, excusari arbitratur.

VERS. 4. — « Vere enim, inquit, absque mendacio sermones mei. » Magis ac magis in impudenteriam sui foras erupit, utpote gloriam illam non habens, qua sancti doctoris anima gloriatur, sicut scriptum est : « Omnis gloria ejus sicut regis ab intus (*Psal. xliv.*). » Unde et subdit : « Et perfecta scientia probabitur tibi. » Nimur magna se dicturum senti, sed nimur corde, quod de semetipsa aestinavimus, docere non possumus. Postquam iustitas animi cogitationes per verba elationis exhalavit, fortis sententiam subdidit dicens :

VERS. 5. — « Deus potentes non abicit, cum et ipse sit potens, » videlicet quia potentia temporalis, vel etiam copula conjugalis, et si aliquando nocent, non ex semetipsis, sed ex his quæ circa ipsa sunt, nocent, id est ex malis quæ circa illa ex hujus mundi circa succrescent. Bona namque est ordine suo potentia, sed cauta regentis indiget vita. « Deus ergo, inquit, potentes non abicit, » subaudi pro eo quod potentes sunt, cum et ipse sit potens, quod procul dubio repugnans esset. Nam potentem esse, et potestem pro eo quod potens est abicie, manifestum est sibi repugnantia esse. Sed quoties abicit, sicut et te quondam potentem abicit, propter impietatem ipsorum hoc agit. Hoc est quod sequitur :

VERS. 6. — « Sed non salvat impios. » Ac si dicat : Nequaquam justam potentiam, sed pravam actionem damnat potentium. « Non salvat, inquam, impios, et judicium pauperibus, tribuit, » id est humiles per judicium liberos reddit, vel certe judicium pauperibus tribuit, quia qui nunc nequier opprimuntur, ipsos tunc judices super oppressores suos venire faciet, ut quanto huic mundo magna humilitate despiciunt, tanto tunc acceptis sedibus majori culmine potestatis excrescant.

VERS. 7. — « Non auferet a justo oculos suos, » tunc scilicet cum hic injistorum crudelitatibus sine vindicta laceratur, propter quod ab illo Deus absoluisset oculos suos putatur. « Non auferet, inquam, oculos, » sed vindictam provide differt. « Et reges in solio collocat in perpetuum, » id est illas qui tentationum suarum motibus non consentiendo succumbere, sed regendo præesse neverunt, ab hac potestate regiminis transfert ad potestatem retributionis, « et illi eriguntur, » ut videlicet qui regendo semetipsos ad tempus fatigati sunt, in erectionis interna solio in perpetuum collocentur, juxta illud : « Qui

vicerit, dabo ei sedere mecum in throno meo (*Apoc. A* xxii), » etc.

**VERS. 8.** — « Et si fuerint in catenis, » id est in ipsa adhuc retentione peregrinationis, vel etiam in pena temporalis afflictionis, « et vinciantur funibus paupertatis, » id est doleant, quod carent veris, quæ in futurum reservantur, divitiis.

**VERS. 9.** — « Indicabit eis opera eorum, » id est ad menoriam reducit eis, quia peregrinationem hanc vel afflictionem ipsi meruerunt, « et scelera eorum, quia violenti fuerunt, » subaudi indicabit eis, v. gr., sicut Paulo revelabat scelera sua dicenti: Qui prius sui blasphemus, et persecutor, et contumeliosus (*I Tim. i*), etc.

**VERS. 10.** — « Revelabit quoque aurem eorum, » id est percipi faciet bonorum æternorum desiderium ut corripiat, » id est ut mala quæ perpetraverunt, agnoscere faciat, « et loquetur, ut revertantur ab iniuitate, » id est adversa illis evenire permittit, ut virtus eorum perficiatur in infirmitate (*II Cor. xii*), juxta illud: « In camo et freno maxillas eorum constringe (*Psal. xxxi*). »

**VERS. 11.** — « Si audierint et conservaverint, » id est si ejusmodi loquela rationabiliter intellexerint, « complebunt dies suos, » subaudi præsentes, « in bono, » id est in recta actione, « et annos suos in gloria, » id est in superna retributione.

**VERS. 12.** — « Si autem non audierint, » id est si flagellis emendari noluerint, « transibunt per gladium, et consumentur stultitia, » quia videlicet et hic jam poenas percussionis sentiunt, et in futuro justæ retributionis non evadunt. Quod ut justum esse demonstrat, protinus subinfert:

**Vers. 13.** — « Simulatores et callidi provocant iram Dei, » ac si dicat: ideo non audiunt, id est non recognoscunt scelera sua, imo et ideo a flagellis prætentibus, ad æterna transferuntur, quia sunt « simulatores et callidi, » id est quia callide sancti voluerunt videri, et in hoc provocant iram Dei. Cum simulatores diceret, apte subjunxit et callidi, quia nisi ingenio calleant, quod videri appetunt, congrue simulare non possunt. « Provocant, inquam, iram Dei. » In quo? videlicet in eo quod sequitur: « Neque clamabunt cum vinci fuerint, » id est peccata sua non confitebuntur in flagella percussionis deprehensi. Qui enim iniqua agens humana de se judicia sub specie sanctitatis incipit, etiam cum flagello percutitur, iniquum se prodere refugit, quia sanctus videri consuevit. Quapropter eveniet eis quod sequitur:

**VERS. 14.** — « Morietur in tempestate anima eorum, » videlicet quæ humanæ laudis pessima tranquillitate lætabatur. Quasi tranquillum namque videbantur vivere, cum de sanctitatis curarent laude gaudere. « Morietur, inquam, in tempestate anima eorum, » scilicet ut periculum vitari non possit, quod in tali tranquillitate prævideri non potuit, « et vita eorum, » subaudi qui viriliter vivere putabantur, « inter effeminatos, » subaudi morietur, id

**A** est inter luxuriosos, quorum mens rerum transitiorum delectatione corruptitur. Sed et sicut in alia translatione legitur: « Vita eorum vulneratur ab angelis, » id est a nuntiis veritatis. Effeminatorum enim vitam angeli vulnerant, dum nuntii veritatis eam jaculis sanctæ prædicationis impugnant, imo et in judicio cum Deo condemnant. Quia de damnatione reproborum dixit, de eterne humilium subiungit.

**VERS. 15.** — « Eripiet de sua pauperem angustia, » tunc subaudi cum unumquemque humilem de hac suæ peregrinationis afflictione liberat. « Et revelabit in tribulatione aurem ejus, » id est auditum cordis, quem sæpe hujus mundi prosperitas claudit, aperiet verberibus.

**B** **VERS. 16.** — « Igitur salvabit te de ore angusto latissime. Ac si dicat: Igitur et te, o Job, si non fueris simulator et callidus, et si clamaveris vincitus, id est si percussus tua **494** peccata confessus fu-  
eris, « salvabit te de ore angusto, » id est de voragine peccatorum, quæ quisquis incidit, semetipsum quasi in puteum, vel in foveam mergit. Unde Psalmista: « Non me demergat tempestas aquæ, neque absorbeat me profundum, neque urgeat super me puteus os suum (*Psal. LXVIII*). » Quem enim iniuitas in mente commovit, quasi tempestas aquæ rapuit, jamqne in puteum cecidit, qui iniuitatem opere perpetravit. Quem si longa consuetudo depresso-  
rit, jam puteus os suum coangustavit. « Sed sal-  
vabit te, inquit, de ore angusto latissime, » subaudi,  
voraginis. « Latissime, inquam. » — « Et non habente fundatum subter se. » Nam vorago inferni recte fundum non habere creditur, quia quisquis ab illo rapitur, in immensum devoratur. Quam immensi-  
tatem ejus exprimere volens propheta: « Dilatavit, inquit, infernus animam suam, et aperuit os suum absque ullo termino (*Isa. iv*). » — « Requies autem, inquit, mensæ tuæ, » id est refectione satiæ internæ, « erit plena pinguedine, » id est præparabitur in æternæ voluptatis delectatione. Hujus mensæ epulas esuriens Propheta: « Satiabor, inquit, cum mani-  
festabitur gloria tua (*Psal. XVI*). »

**D** **VERS. 17.** — « Causa tua quasi impii indicata est, causam judiciumque recipies. » Ac si dicat: Si talis et tu, o Job, fueris, causa quidem tua sorte quasi impii judicabitur, quia videlicet propter peccata paterno flagello judicaris, vel tu vel quilibet filius quem Pater Deus diligit aut recipit. Sed postmodum « causam judiciumque recipies, » scilicet, ut tanto tunc potius cuncta judges, quanto nunc in te subtilius cuncta judicantur.

**VERS. 18.** — « Non te ergo supereret ira, ut aliquem opprimas, » id est neque contra Deum murmures, neque contra hominem quempiam superbias; « nec multitudine donorum, » id est nec quantitas sapientie, nec estimatio judicii, quæ Dei dona sunt, « inclinet te, » subaudi a vera virtute. Notandum quod non ait multitudine donorum extollat te, sed ait, « nec multitudine donorum inclinet te, id est male humiliat

**te.** Omnis enim qui temporaliter extollitur, en ipso quo extollitur inclinatur, quia cum se exterior erigit, intus cadit. In quibusdam codicibus scribitur, nec multitudo locorum inclinet te, ac si voce arrogantium sanctae Ecclesie diceretur: Quia nunc ubique fidei reverentia coleris, cave ne ejusdem reverentiae fastibus extollaris.

**Vers. 19.** — « Depone magnitudinem tuam absque tribulatione, » id est etiam dum in tribulatione non es, et pacem vel prosperitatem habes, nequamquam magnitudinem te confidas habere. « Et omnes robustos fortitudine, subaudi depone, ne confidas te habere. Ne gloriaris tibi dictum esse: « Pro patribus tuis nati sunt tibi filii (Psa. xliv), » id est priores quidem patres fortes et magni moriendo vocantur ad præmium, sed eorum vice debiles ad certamina roborantur.

**Vers. 20.** — « Ne protrahas, inquit, noctem, » id est ne sis insipiens, neque te in tantam ignorantiam mergas obscuritatem, « ut ascendant populi pro eis, » subaudi robustis, id est ut in locum fortium numerositatem subroges popularium, id est infirmorum, Hoc arrogantes viri in eo dicunt, quod convalescere non credunt eos quos infirmos aliquando noverant, et permittatos aut prælatos venerari despiciunt, quos despicabiles aut privatos suis meminerunt. Vel ita moraliter. « Depone magnitudinem tuam absque tribulatione, » id est quia jam in ipsa adversitate consideras quod frustra prius de te magna sentiebas, disce humiliter sentire, etiamsi pon sis in tribulatione. « Et omnes robustos fortitudine, » id est omnes motus cordis nimium in sua fortitudine presumantis, subaudi depone, ut jam dictum est, absque tribulatione. Robusti quippe sunt presumptuosi motus cordis, quos tunc depinximus, quando pulsante molestia cogimur pensare quid sumus. « Ne protrahas noctem, » id est ne habebas tristitiam usque ad desperationem perseverantem, « ne ascendant populi pro eis, » id est ne prosiliant multitudines et indigne cogitationes pro supradictis robustis vel superbis motibus cordis tui. Quos nimirum populos, id est cogitationes stultas, Prophetæ per divinum auxilium subigere confidens: « Protector meus, inquit, et in ipso speravi, qui subdit populos sub me (Psal. cxliii), » videlicet, ut non per abrupta phantasmatum mentem rapiant, sed rationi subditæ cogitationes humiliiter conquiescant.

**Vers. 21.** — « Cave, inquit, ne declipes ad iniuritatem, » id est ne extollaris in superbiam, « hanc enim cœpisti sequi post miseriā. » Ac si dicat: idcirco nunc tibi consulo caverre superbiam, quia tu ex quo mala sustinere cœpisti serventi corde impatientia te facibus inflammasti. Haec in beato Job idcirco Eliu protulit, quia videlicet nesciebat quod omnia quæ dixit, non de iniuitate impatientie, sed de virtute veritatis protulit, qui ab interni judicis sententia nec cum se justificaret, erravit. Eliu doctus et arrogans profert aliquando quod mulcat,

A aliquando quod pungat. Ima enim jam moralitas deserit, et ad prophetice summa concendit, Nec ignorandum quod vir arrogans impleri spiritu propheticō potuit, cum Saul Cham in numero Prophetarum fuerit (*I Reg. x*), et quod majus est, asina quoque ex visione angelī rationabilia verba accepterit (*Num. xxxii*). Sed sicut eadem asina verba quidem rationis edidit, nec tamen ad permutationem naturæ rationalis accessit, sic nunc Eliu, vel quilibet indignus, sancta prophetica verba nonnumquam accipit, sed tamen sanctitatis gloriam non attingit. Sic ergo sumendum est de hujus doctrina quod flagellat, ut tamen sollicite curvandum sit de elatione quod vulnerat.

**Vers. 22.** — « Ecce, inquit, Deus excelsus, » scilicet Redemptor humani generis, qui humiliis in infirmitate videbitur, manet excelsus, excelsus, inquam, « in fortitudine sua, » quia videlicet etsi crucifixus est ex infirmitate, sed vivit ex virtute Dei (*II Cor. xiii*), imo ipsa est virtus et sapientia Dei (*I Cor. i*). Et nullus et similis in legislatoribus, videlicet quales fuerunt Moses, Josue, vel etiam Prophetæ (*Matt. 16*), quorum unum dicebant homines esse eundem Filium hominis, cum alii Joannem Baptistam, alii Heliam, alii dicentes esse Jeremiam (*Luc. ix*). « Nullus, inquam, ei similis in hujusmodi legislatoribus, » quia videlicet isti omnes gratioso vocati ex peccatis ad innocentiam redeunt, hic autem homo sine peccato est, filius sine adoptione. Et illi quidem ab his, quod in semetipsis experti sunt, predicando alios reducunt, hic vero nec perpetravit unquam quod redarguit.

**Vers. 23.** — « Quis, inquit, poterit scrutari vias ejus? » subaudi nullus. Unde et Apostolus: « O altitudo, inquit, divitiarum sapientia et scientiae Dei! quam incomprehensibilia sunt judicia ejus, et investigabiles viæ ejus (*Rom. ii*), » scilicet, tam in repulione Judæorum quam in electione gentium, et in ceteris talibus. « Aut quis potest ei dicere, Operatus es iniquitatem? » Ac si dicat: cujus perscrutari actio, non potest, quo pacto eum tu reprehendere potes? Nemo enim bene judicat quod ignorat.

**Vers. 24.** — « Memento, inquit, quod ignore opus ejus, » id est judicia ejus, de quibus Psalmista: « Judicia, inquit, tua abyssus multa (*Psal. xxxv*). » Item: « Et posuit, inquit, tenebras latibulum suum (*Psal. 17*). » Et alibi: « Abyssus sicut vestimentum amictus ejus (*Psal. ciii*). » Opus, inquam, ejus ignoras, « de quo cecinerunt viri, » id est cuius nobis potentiam innotescunt vel spiritus supernus vel doctores quique perfecti. Ac si dicat: De quæ fortes quique locuti sunt, ejus opera mensuram tua notitiae eo ipso quo humanitate circumscriberis transeunt. Sed licet magnitudo illius **495** nulla sensus humana subtilitate penetretur, tamen,

**Vers. 25.** — « Omnes, inquit, homines vident eum, » quia videlicet ex ratione conspiciunt. « Invisibilia, » namque ejus, ait Apostolus, « a creatura mundi per ea quæ facta sunt intellecta conspiciunt;

tur (*Rom. i.*). « Et unusquisque intuetur procul, » id est non illum per speciem vident, sed adhuc per solam pensant ejus operum admirationem. Procul namque illum hic etiam electi conspiciunt, quia necdum claritatem illius per acumen intimae visionis apprehendunt. Et quasi quæras ubi illum vident, aut ubi de procul intuentur, ne localem putas.

Vers. 26. — « Ecce, inquit, Deus magnus, » id est et hic et ubique est : « Deus magnus, » et incircumscripsit, « vincens scientiam nostram, » id est major quam nostra possit comprehendere scientia, quia videlicet quidquid nunc scimus de claritate magnitudinis ejus, infra ipsum est, cuius tunc aliquid quasi ex parte cognoscimus, quando eum nos digne cognoscere non posse sentimus. « Deus, inquam, magnus, » et non solum magnus, sed et æternus. Hoc est quod sequitur : « Numerus annorum ejus inestimabilis, » quia videlicet æternitas ejus nec initio oritur, nec sine terminatur. Et licet æternæ quoque sint quædam creature in hoc omnis æternitas summæ æternitati dissimilis est, quia præter illum quæcunque æterna sunt, æterna esse coepiunt, Deus autem, ut dictum est, et sine fine et sine initio est.

Post commemoratam magnitudinem atque æternitatem ejus, restat etiam ut quid agat audiamus.

Vers. 27. — « Qui ausfert, inquit, stellas [stillas] pluviae, » id est sanctos illos, qui sic vitæ suæ meritæ laudent, ut etiam sermone prædicationis pluant, videlicet, quales Moyses, Isaías, Jeremias, ceterique prophetæ fuerant. « Ausfert, » inquam, dum eorum animas ab hac corruptibili carne eximit, « et effundit imbres ad instar gurgitum, » id est abundantiorē dat doct inam per apostolos, qui post illos venerunt. Nam postquam illos ad secreta morientes abstulit, per istos vis uberior prædicationis emanavit. Vel ita : « Qui ausfert, » scilicet a Judæis, stellas pluviae, » id est sanctos apostolos, ne pluant super eos doctrinam gratiæ suæ, « et effundit imbres ad instar gurgitum, » id est doctrina ejusdem gratiæ copiosius mundum rigat universum. Vel ita ut nigrumque factum in Ecclesia non inconvenienter intelligatur, dum apostolorum animas a corporibus solutas suscepit in secretis suis quasi a coeli facie stellas pluviae abscondit, sed post in morem gurgitum imbres dedit, quia per expositorum sequentium angas fluenta divinae scientiæ largiore effusione patefecit. Nam quod illi sub brevitate locuti sunt, hoc isti exponendo multipliciter auxerunt.

Vers. 28. — « Qui, » subaudi gurgites, id est doctores, « de nubibus, inquit, flunt, » id est profundæ prædicationis originem ab eisdem sanctis apostolis accepérunt, quia videlicet si ex sanctis apostolis vis intelligentiæ non inciperet, nequaquam per ora doctorum largior manaret. « De nubibus, inquam, flunt. Quæ prætexunt cuncta desuper, » videlicet, dum transire intellectus noster ad divina nititur, prius per sanctorum præcedentium exempla formetur, quomodo nubibus aerem prætentibus, si in

A celum oculos attollimus, non codum, sed ipseas intuemur, et visus noster prius interfuso aere pasclitur, ut postmodum solis radios contempletur; verbi gratia, si in studio devotionis Dominicæ et charitatis accendimur, Petri et Joannis exemplo quasi nubium contemplatione formamur. Quid enim devotus Petro qui ad Dominum festinans fluida maris terga calcare non timuit? (*Matth. xiv.*) Quid charius Joanne, qui per amorem in ipso Auctoris nostri pectore requievit? (*Joan. xxi.*) Item quia et prophetæ nubes sunt, ut prædictum est, si præceptis celestibus obedire cupimus, ad obedientiam Abraham, qui filium suum unicum immolare jussus non renuit (*Gen. xii.*), oculos levamus. Et si patientia studemus, quid Isaac patientius intuemur, qui ligna portat, de holocausto interrogat, atque post paululum ligatur, et non loquitur, aræ superponitur, et non reluctatur? (*Gen. vi.*) Sic et a ceteris virtutum exempla sumentes, quasi nubes intuemur, ut postmodum solem verum in seipso videre possimus. « Prætexunt, inquit, nubes cuncta desuper, » et hoc non nisi per divinam voluntatem, vel gratiam. Hoc est quod sequitur.

Vers. 29, 30. — « Si voluerit extendere nubes quasi tentorium suum, » id est per mundi latitudinem diffundere sanctos, vel ministros suos in quibus habitat, patens in opere, sed latens in corde, nubes enim, id est sancti prædicatores, recte tentorium ejus dicuntur, quia videlicet ad nos Deus per gratiam veniens, intra prædicatorum suorum mentes operitur. « Si voluerit, inquam, nubes extendere, » ut dictum est, « et fulgurare lumine suo desuper, » id est miracula sua facere per eosdem prædicatores quibus hominum tenebras illustret, « cardines quoque maris operiet, » id est ad fidem etiam terminos mundi perducet, et in una fide Orientis limitem Occidentisque conjunget.

Vers. 31. — « Per hæc enim, inquit, judicat populos, » id est per harum guttas nubium, quæ sunt verba prædicatorum, per hæc fulgura miraculorum. vocat ad poenitentiam territa corda populorum, quia videlicet dum superna audiunt, dum mira opera tendunt, æterna pertimescentes tormenta dijudicant semetipsos, ut non judicentur a Deo. « Et dat escas multis mortalibus, » scilicet per hæc eadem, quatenus et peccantes de æternis suppliciis sancti prædicatores terrent, et poenitentes de superui regnagijs pascant. Notandum quod non ait cunctis, sed « multis dat escas mortalibus, » quia videlicet scriptum est : « Non oranium est fides (*II Thess. iii.*). » Et bene atque ordinata dixit, quod « per » has nubes prius « judicat populos, » et postmodum « escas præbet, » quia nimirum verbum prædicationis prius peccatorem timore concutit, et postmodum per spem consolationis nutrit. Cum autem « præbet escas multis mortalibus, » ut dictum est, id est solis humilibus, econtra superbis agit quod sequitur.

Vers. 32. — « Impavidis [in manibus] ascon-

dit lucem. » Immanes quippe sunt qui se elatis cogitationibus extollunt, sunque sapientes in oculis tuis, et coram semetipsis prudentes (*Rom. xi*). Quibus abscondit Deus lucem, id est veritatis cognitionem. Sicut ait in Evangelio Dominus : « Et revelat eam parvulis (*Math. xi*; *Lac. x*), id est luminalibus. Sed tamen aliquando et hoc immanes lux supernae gratiae respicit. Unde et subditur : « Et præcipit ei, » subaudi luci, « ut rursus adveniat, » quia videlicet veritatis lumen, quod elatis mentibus absconditur, eisdem afflitis humiliatisque revelatur. Potest hoc specialiter de Judæis intelligi, quibus ob superbiam lux veritatis nunc absconditur, sed rursus Domino præcipiente adveniet. Nam « si fieri numerus filiorum Israel sicut arcna maris, r. lique salvæ stent (*Rom. ix*), id est in fine mundi recipientur ad fidem.

**VERS. 35.** — « Annuntiat de ea, » subaudi luœ, de illa cœlesti patria cui ipse præsedit, quam visione sua rediens replet, cuius vera hæreditas lux est; « annuntiat, inquam, amico suo, » id est animi sui custodi, qui voluntatem vel præceptum ejus custodit, amicus enim quasi animi custos dicitur.

Quid illi de hac luce annuntiat? « Quod possessio ejus sit, » scilicet, ex quo ipse summa pietate immostra suscipiens, ima summis conjunxit. Inde redempto homini annuntiatum est de illa luce, « quod possessio ejus sit, et ad illam possit ascendere, » quod videlicet impossibile esset, nisi ipse, ut dictum est, « imminutus paulo minus ab angelis (*Psalm. viii*), » ad nos descendisset.

**CAP. XXXVII, VERA. 1.** — « Super hoe, inquit, expavit, » id est in admirationis excessum rapitum est, « cor meum, et remotum est de loco suo, » id est a delectatione vita præsentis avulsum est, et translatum in amorem æternitatis. « Super hoc, » inquam, subaudi quod annuntiatum est posse hominem ad hanc lucem, ascendere, « expavit, » ut dictum est, « cor meum. » Cujus enim cor non in hujus pietatis admiratione exsiliat? Cujus torpor non in sublimitate tantæ considerationis expavescat? Quomodo autem annuntietur quod prædictum est, vel qualiter interna cogitatione tangatur quis, et ad spiritualia sensisseetur, adjungit :

**Vers. 2.** — « Audiet auditionem in terrore vocis ejus. » — « Audiet [audite], » videlicet interius, id est repente divinæ gratiæ aspiratione tangetur, et hoc non in gaudio, sed in terrore, « utpote adhuc peccator, qui cum cor oppressum in insimis cogitationibus gestat, hoc primum illi inuuitur quod cuncta quæ agit districta æterni judicis animadversione puniantur. Notandum quod cum audiri aliquid per auditum in sacro eloquio insinuat, audiri idem auditus dicitur, sicut Habacuc ait : « Domine, audivi auditionem tuam, et timui (*Hab. iii*). » Unde et hic : « Audiet, inquit, auditionem in terrore vocis ejus. » Quia vero auditio quæ prius in terrore sit vocis Dei post vertitur in dulcedinem, sequitur : « Et sonum de ore illius procedentem, » id est spiritum dilec-

tionis a Patre secundum promissum Filii procedentem. Nam per os recte unigenitus Filius designatur, ut ibi : « Osculetur me osculo oris sui (*Cast. i*), » id est tangat me dulcedine præsentiæ Redemptoris mei : oris enim nomine sic appellatur, ac si patenter verbum dicatur, sicut nos quoque verbis lingua dicere solemus. Per sonum quoque Spiritus sanctus recte accipitur, de cuius significatio scriptum est : « Factus est repente de celo sonus tanquam advenientis spiritus vehementis (*Act. ii*). » Quid vero hoc quod supradictum est, annuntiat amico suo (*Job. xxxvi*). »

**VERS. 3.** — « Subter omnes, inquit, celos ipsa considerat, et lumen illius super terminos terræ, » id est et summa rogat, et etiam extrema non deserit, sique supernis spiritibus est præsens, ut boni non sit absens, quibus annuntiat, ut jam dictum est, interna locutione sperandam suæ lucis visionem (*ibid.*). Si autem celos illos intelligi placet, de quibus scriptum est : « Cœli enarrant gloriam Dei (*Psal. xviii*), » id est sanctos apostolos, qui maxime audierunt supradictum sonum, id est spiritum sanctum procedentem de ore Dei, « subter omnes, inquit, celos, » id est internam claritatem sanctorum apostolorum vel omnium prædicatorum, « ipse considerat, » id est novit quantum quisque intrinsecus gratia et veritate fulgeat. « Et lumen illius, » id est notitia ejus, « super terminos terræ, » id est peccatorum quoque fines respicit, quia videlicet post sublimem vitam sanctorum, etiam prædicorum mores actusque gratiæ sue illustratione comprehendit. Vel ita potest intelligi : « Lumen illius super terminos terræ, » id est limites mundi intra semetipsam colligit ad fidem prædicatio supernæ gratiæ. Illo autem annuntiante modo supradicto, sicut quod sequitur :

**VERS. 4.** — « Post eum rugiet sonitus, » id est supradictam vocem ejus in terrore auditam sequetur poenitentia rugitus. Cum enim mentem Deus ingreditur, constat procul dubio quod quanto magis vallet jam quod justum est cernere, tanto ardentius appetit injustum se gemitis punire : quia vero quoniam culpa fletur, eo altior cognitio veritatis attingitur, recte de eodem terrore annuntiantis Dei subditur : « Tonabit voce magnitudinis suæ, » videlicet, ut incuria negligentiaque torpentem animum respectus gratiæ subito pavore percutiat. Tunc enim « voce magnitudinis suæ Deus tonat, » cum jam bene per lamenta præparata menti quam sit magnus insinuat. « Et non investigabitur, inquit, cum auditæ fuerit vox ejus, » quia videlicet vocem supervenientis spiritus nec ipsa mens investigat, quia per hanc illustratur, juxta illud : « Spiritus ubi vult spirat, et vocem ejus audis, sed nescis unde veniat aut quo vadat (*Joan. iii*). » Nam verbi gratia, quis investiget quomodo re una, quæ foris agitur, intentiu[m] corda contrario modo penetrantur, velut, cum resuscitato Lazaro multi crediderunt (*Joan. xi*), multi exinde ad persecutionis zelum commoti sunt.

« Non investigabitur, » inquam. Unde et bene subdatur.

**Vers. 5.** — « Tonabit Deus in voce sua mirabiliter. » Mirabile namque tonitruum est, quod oculu*m* vi mentem humanam Deus incomprehensibiliter pene*r*at, quam et latentibus motibus premit in timore, et format in amore. Mirantem quod audit et quodammodo dicentem illud quod apud Mosen de manna superveniente dictum est, « Manhu, quod interpretatur *quod est hoc* (Exod. xvi). » Cum enim manna supernum anima percipit, ipsam novam speciem suæ refectionis, utpote tonantis Dei vocem, ob*s*tupescit. « Qui faciet, inquit, magna et inscrutabilia, » quia videlicet ostendit foras perfectionem operis, sed latet intus ipsa qualitas operationis, et licet aliqui foris plantent aut rigent, solus ipse intus incrementum dat (I Cor. iii). Quia vero is, cui gratia Spiritus sancti magnifice, ut prædictum est, ac mirabiliter intonat, postmodum coelestis doctrinæ quis abundat, recte in laude ejusdem intonans, et lucem possidendum annuntiantis, subditur :

**Vers. 6.** — « Qui præcipit nivi, » id est candidæ sanctorum justitiae, « ut descendat, » videlicet pro fraterna charitate, « in terram, » id est ad humilia prædicationis verba. Quasi enim nix in aere formata, ad terras, de quibus sublevata utpote aqua fuerat, redit, dum condescendentes justi peccatoribus reminisci non desinunt quid fuerint. Quod cum faceret Paulus, « Charitas enim, inquit, Christi urget nos (II Cor. v). » — « Præcipit ergo nivi ut descendat, » sicut dictum est, « et hiemis pluviis, » id est illi quæ hinc vitæ tanquam pluvia in hieme competit, sanctorum prædicationi, quæ quasi in æstate cessabit, dum in futura vita necesse non erit sanctorum nos prædicationibus irrorari. Recte autem additur : « Et imbri fortitudinis suæ. » Imber quippe fortitudinis Dei est prædicatio divinitatis; verbi gratia : « In principio erat Verbum, et Verbum erat apud Deum, et Deus erat Verbum (Joan. i). » Et bene prius « pluviis hiemis, » et deinde præcipere illum asserit « imbri fortitudinis suæ, » quia videlicet quisquis ab intonante Deo completetur, paulatim in scientia ejus proficiens, et mediocribus assuefactus, tandem in Spiritu sancto etiam profunda Dei scrutatur (I Cor. ii), ut ille, qui jam senex scribere meruit, « in principio erat Verbum, » quod Evangelium totum procul dubio quidam divinæ fortitudinis imber est, et, quia tam ab audiente quam a predicante, opera bona exigit Deus, bene post imbre prædicationis subditur :

**Vers. 7.** — « Qui in manu, » id est in opere, « omnium hominum, » videlicet tam doctorum, quam auditorum, « signat, ut noverint singuli opera sua, » scilicet, « ut recipiat unusquisque prout gessit, sive bonum, sive malum (II Cor. v). » — « Signat, inquam, in manu, » quod recte, utpote de rationali creatura, dicitur, quæ videlicet naturali legi nescire non permittitur, seu pravum, seu rectum sit quod operatur. Quod fortasse Psalmista intendens

A dicebat : « Abyssus abyssum invocat, in voce cataractarum tuarum (Psal. xli), » id est in prædicatione sanctorum. Abysso enim abyssum invocare, est in voce cataractarum, de præsenti judicio conscientiæ convincentibus prædicatorum dictis ad 497 futurum damnationis judicium pervenire. Prolata sententia de pravitate singulorum, ad ipsum pravitatis auctorem sermo deflectitur, cum protinus subditur :

**Vers. 8.** — « Ingredietur bestia latibulum suum, » id est invadet diabolus in fine mundi damnatum hominem Antichristum. Bestia namque diabolus est qui per deceptionem primi hominis humani generis vitam laniavit, qui cum post supradictarum nubium tonitruum, id est post voces prædicatorum, hominem illum invaserit, quid nisi « bestia latibulum suum ingredietur? » Nec ad tempus « ingredietur, » sed et, sicut sequitur, « in antro suo morabitur, » id est non quemadmodum bonorum quoque mentes intrare potest, quibus tamen immorari non potest; sed sic « latibulum » illud vel antrum tenebit intrando, ut etiam possideat semper tenendo. Qui tamen omnium reproborum corda etiam nunc priusquam apertus appareat, quasi proprium antrum possidet, verbi gratia Judæorum, in quorum diu consiliis latuit, sed repente vocibus erupit contra Redemptorem nostrum clamantium : « Crucifige, crucifige (Luc. xxiii). » Qui et cumdem, quem legaliter interimere ipsi non poterant, feriendum gentibus, id est Romanae potestati tradiderunt. Unde et aperte subditur :

**Vers. 9.** — « Ab interioribus egreditur tempestas et ab arcturo frigus, » id est a Judæis surget malitia persequens, et a gentilibus potestas perimens. Nam per interiora, scilicet austri : Scriptura quippe sacra cum contra arcturum interiora memorat, diversam aquilonis partibus austri plagam designat : per interiora, inquam, austri, quæ sol serventior tenet, plebs Judaica designatur, quæ unum Deum noverat quasi solem habens meridianum ; per arcturum vero, in quem sol omnimodo cursum non habet, gentilis populus exprimitur, qui nullam habens Dei scientiam, velut sine sole frigidus remanserat sub aquilone. « Ab interioribus, inquam, tempestas, atque ab arcturo frigus » prodidit, dum, quod ex invidia Judæa petiit, hoc gentilis judex ex Romana auctoritate perpetravit. Contra quam invidiam subditur :

**Vers. 10.** — « Flante Deo, concrescit gelu, » id est Spiritu sancto aspirante fidelibus, gravioris invidiæ torpor excrevit infidelium mentibus, verbi gratia, cum invidentes dicent : « Ecce mundus totus post eum abiit (Joan. xii), » et similia. Sed quia potuit Deus tantum gelu infidelitatis solvere, et ad amandum se infidelium corda liquare, « Et rursum, inquit, latissime funduntur aquæ, » id est quæ congelata erant corda ex infidelitate, rursum liquescunt per lamenta poenitentiarum, juxta illud in psalmo : « Converte, Domine, captivitatem nostram,

sicut torrens in austro (*Psal. cxxv*). » V. G. Paulus quasi de glacie in aquam liquatus est, cum torpor interni ejus frigoris ad irrigationem versus est prædicationis. Unde et subditur :

Vers. 11. — « Frumentum desiderat nubes, » id est « electi omnes, qui utique frumenta Dei sunt coelestibus horreis recondenda, prædicatoribus indigent, qui ut nubes verbis pluunt, et quasi operarii Dominicæ messis quod loquuntur agere non desinunt. « Et nubes, » inquit, id est idem prædicatores « spargunt lumen suum, » id est loquendo et agendo, ut prædictum est, vita præbent exemplum.

Vers. 12. — « Quæ lustrant per circuitum, » videlicet ad illuminandum animas eorum qui in tenebris sunt, « quocunque eas voluntas gubernantis duxerit, » id est nou quo volunt ipsi, sed quo vocat gratia Dei. « Ad omne, inquit, quod præceperit illis super faciem orbis terrarum. » Eo enim apertorem viam prædicationis inveniunt, quo ad hanc non suis, sed præceptoris sui nutibus ducentur.

Vers. 13. — « Sive in una tribu, » id est in solo Iudea, « sive in terra sua, » id est in tota Iudea, « sive in quounque loco misericordie suæ, » id est in gentilitate, « eas, » subaudi nubes, « jussiter inveniri. » Una namque tribus profecto Iudeæ, tribus clara præ ceteris ac multiplex invenitur, terra autem sua totus Israel; locus vero misericordie gentilitas, quæ ex sola misericordia reconciliationem accepit, et nunc juxta Osee misericordiam consecuta est. Unde et Paulus : « Gentes autem, inquit, super misericordia honorare Deum (*Rom. 15*), » et aliquando Deus nubes, id est, doctores suos, videbat prophetas, soli tribui Iudeæ contulit, aliquando populum quoque Israëliticum ad antiquam gratiam post correptionem captivitatemque evocavit, aliquando cunctis gentibus miracula virtutum ostendit. Sed vir arrogans quia futura per propheticum spiritum sensit, mox per jacentiam adjungit :

Vers. 14. — « Ausculta hæc Job, » subaudi qui haec tenus aures audiendi non habes. « Sta, » subaudi qui per vitium jaces, « et considera miracula Dei. » Ac si dicat : Noli rebellium more apertis cadere oculis resistendo veritati quam intelligis. Quemadmodum de venturis discutiens, et quasi de ignorantia humilians :

Vers. 15. — « Nunquid, ait, scis quando præcepit Deus pluviis, ut ostenderent lucem nubium ejus, » id est nunquid mittendos in mundum prædicatores jam conspicis, ut palam faciant, subaudi pluviae, doctrinarum claritatem, vel gratiam eorumdem prædicatorum ejus. Ac si dicat : Nemo scit quando lucem nubium pluviae ostendant, quia nemo comprehendit quando Deus virtutem prædicationis præbeat, vel quibus modis innotescat ipse, et prædicantium gloria clarescat.

Vers. 16. — « Nunquid, ait, nosti semitas nubium, » id est aretam et districtam vitam eorumdem prædicatorum, « magnas et perfectas scientias? » Quia videlicet in hoc illorum scientia magna

A et perfecta est, quod et per scientiam ad alta se elevant, et per humilitatem se ad ignorantiae suæ cognitionem inclinant, cum non a semetipsis fatentur se habere quam nunc ex parte habent scientiam. Quod solius sancti Spiritus dono agi per simile judicat subjungens :

Vers. 17. — « Nonne vestimenta tua calida sunt, cum perlata fuerit terra austro? » Ac si dicat : Sicut « vestimenta tua, » flante austro, calescunt, sic omnes qui Ecclesiæ per adunationem fidei junguntur, de quibus et per prophetam eidem Ecclesiæ dicitur : « Vivo ego, quia omnibus his velut ornamento vestieris (*Isai. XLIX*); » sic, inquam, omnes electi non a semetipsis, sed a Spiritu sancto, qui per austrum solet designari, veram scientiam habent et perfectam humilitatem. Quod quidem sic generaliter hæc in sancta Ecclesia dicuntur, ut tandem per membra ejus singula specialiter teneantur. Nam quemadmodum adjuncta viventi corpori vestimenta, dum exhalantes poros contingunt, emanantem ab intumis calorem premendo calescunt, et calescant calorem quem acceperant retinendo ad corpus redundat. Sic et auditores accenduntur verbo Doctorum, et docentium quoque vita proficit ex profectu auditorum. Ac si aperte dicat : Incassum tibi tribuis si quos per te profecisse contemplaris, quia nisi eos sancti Spiritus fervor attingeret, frigidi remanerent, quos per te caluisse aestimas. Sed postquam hæc fortiter dixit, levi arrogantia motus, irridendo subjungit :

Vers. 18. — « Tu forsitan cum eo fabricatus es celos, » id est spiritus angelicos vel homines sanctos, « qui solidissimi quasi ære fusi sunt, » id est in divina mole persistunt, et quemadmodum et difficile consumitur rubigine, ita ipsi corrupti non sunt vitio superbizæ, et solidi persistant in tentatione, sicut ipse Dominus ait : « Vos estis qui permisistis mecum in temptationibus meis (*Luc. XXII*). » Et quidem fortia dicta permisit, dum irridere nñatur, sed semper ad supervacua verba revertitur.

Vers. 19. — « Ostende nobis, inquit, quid dicamus illi, » subaudi tu qui magna perfrueris luce intelligentiæ, 498 « nos quippe involvimus tenebris, » subaudi ignorantiae. Moxque ab irrisione resiliens despiciendo, subjungit :

Vers. 20. — « Quis narrabit ei quæ loquor, » id est, ea quæ ego de Dei laudibus acute sentiens non audita loquor, quis coram Deo narrare vel postquam audierit potest? « Etiamsi locutus, inquit, fuerit homo Deo, » id est qui cum de Deo tacet per rationem in qua conditus est, aliquid esse videtur. Si de Deo loqui cœperit, et intellectuali visu super se ascenderit, nihil esse ostendetur; quia videlicet tanta sunt quæ in Deo considerantur, ut magnitudinis illius immensitate « devoretur, » id est nihil se esse fateatur. Quia vero tanta Dei magnitudo neclum per opera ejus revelata fuerat, adjungens,

Vers. 21. — « At nunc, inquit, non vident lucem, » videlicet quia juxta prophetam : « Populus sedebat in tenebris, et nondum exortum erat lumen

in eisdem tenebris (*Isa. ix.*). Hæc ergo lax qualiter ab omnibus videatur protinus subdit : « Subito ergo aer congetur in nubes, » id est populi vel gentes, qui velut aer nulla firmitate solidentur : nam mentes eorum hue et illuc more aeris fluido disperguntur ; « aer, » inquam, id est sæcularium mentes, « cogetur in nubes, » id est per superni respectus gratiam roborabuntur, et astringentur ad fidem apostolicam. Qui videlicet apostoli sic prophetis sunt firmiores, quomodo nubes vacuo aere sunt graviores. Vel ut totam *dei* apostolis dictum accipiatur, « subito aer congetur in nubes, » cum ipsi apostoli, qui prius quasi aer in terrenis spargebantur desideriis, ad unius jussionis vocem Dominum secuti, imo repentina sono advenientis Spiritus sancti permutati sunt, ut per fidem firma saperent, et more nubium aquas scientiae caperent. « Subito, inquam, aer congetur in nubes : « Et ventus transiens fugabit eas, » id est vita temporalis excursus eosdem a carne subtrahet apostolos. Et illis subtractis quid flet?

**Vers. 22.** — « Ab aquilone, inquit, aurum venit, » id est a gentilitate quandam peccati frigore districta, pretiosa fides per mortes illorum consurgit, « et a Deo, » id est ab inspiratione gratiae Dei, « formidolosa laudatio. » — « Formidolosa, » inquam, ita scilicet ut *Iudea* prohibere formidet. Unde scriptum est : « His auditis tacuerunt, et glorificaverunt Deum dicentes : Ergo et gentibus Deus pœnitentiam ad vitam dedit (*Act. xi.*). » Postremo Eliu incomprehensibilem Dei magnitudinem sentiens :

**Vers. 23.** — « Digne, inquit, eum invenire non possumus ; » — « Digne, » inquam, quia videlicet etsi invenire possumus, non tam dignus. Nam quidquid ex illo sentimus ex fide est, nondum ex specie. Et cur non dignus ? « Magnus, inquit, fortitudine, et iudicio, et justitia, » subaudi, est. « Fortitudine, » inquam, scilicet quia fortis adversarium superat. « Et iudicio, » quia videlicet et si hic electos suos deprimit, quandoque extollit. « Et justitia, » quia et si nunquam diu tolerat, quandoque reprobos damnat.

**Vers. 24.** — « Ideo timebunt eum viri, » id est in intelligentia fortis, « et non audebunt contemplari omnes qui sibi videntur sapientes. » Non ait, sapientes; sed, « qui sibi videntur sapientes, » id est periti quidem, sed arrogantes, « non audebunt eum contemplari, » ino seipso damnabunt vocibus suis. Eliu ergo, dum multa fortiter sentit, in locutionis sua fine scipsum tetigit. Viri namque arrogantes, scilicet docti sed non recte viventes dum prava agunt, ipsi damnationis sua præcones sunt. « Conversi, » scilicet « in arcum pravum (*Psal. lxxvii.*), » id est ita suis dannantes vocibus, quomodo arcus perversus ipsum percutit a quo tenditur.

**CAP. XXXVIII, VERS. 1.** — « Respondens autem Dominus Job de turbine. » In hac responsione Dominicæ illa est intepatio consideranda quod *Idcirco* B. Job discutiat ne per elationis gladium ipsa illum sua Victoria sternat, et ob hoc per districtam increpet justitiam, ut servet ad vitam. Non profecto velut

**A**t tuba duotilis ex percussione producta in laude Dei tanto elevatus est, quanto majore est castigatione percussus. Sed humiliandus erat qui prostratus ulceribus sicut virtutibus stabat. « Respondens, » ergo, id est estimationem ejus, quæ forte oboriri poterat, quid enim pejus plerunque animam, quam conscientia virtus, interficit ? « Respondens, inquam, de turbine, » id est de terribili ac metuenda potestate, sub qua flagellatus Job magno utique erat in turbine, « dixit, » id est locutus est interius per semel ipsum vim sententia cordi ejus sine verbis insonans. Qui modus divinæ locutionis omnibus modis, quibus sive per angelum, sive per aliam quamlibet creaturam, vel visionem loqui consuevit, efficacior est, quo interius sine strepitu sermo fit qui et auditum aperit, et habere sonitum nescit.

**Vers. 2.** — « Quis, inquit, est iste involvens sententias sermonibus imperitis, » id est bonas quidem sententias loquens; sed tempus, locum, personam non ostendens, et arrogantiæ levitate cuncta confundens ? Dum dicit, « quis est iste, » profecto se indicat illum reprobare. Nam, « quis est iste, » non dicimus, nisi de eo utique quem nescimus. Scire autem Dei approbare est; nescire, reprobare. *Hoc ergo* respectu ad erudiendum Job verba vertens :

**Vers. 3.** — « Accinge, inquit, sicut vir lumbos tuos, » id est luxuriam refringe, « sicut vir, » id est fortis. Sed cum B. Job tanta castitate prædicta fuerit, quid ei jubetur nisi ut restringat luxuriam cordis, id est gloriationem reprimat quæ nonnunquam subrepit ex conscientia virtutis ? Ac si dicat : Qui prius luxuriam vices corruptionis, nunc luxuriam restringe elationis, ne patientia vel castitate superbe glorieris, quod est circumcidere, sicut in lege jubetur, præputia cordis (*Jer. iv.*). « Interrogabo te, » inquit, id est verbis meis discussio quid nescias, ostendam tibi, « et tu responde mihi, » id est intellige et humiliter agnosce quantum de perfectione scientiae tibi desit.

**Vers. 4.** — « Ubi eras quando ponebam fundamenta terræ, » id est quando præscivi, et prædestinavi prædicatores et rectores sanctæ Ecclesiæ, de quibus scriptum : « Fundamenta ejus in montibus sanctis (*Psal. lxxxvi.*), » quia videlicet sic ipsi in fide vel doctrina sua portant Ecclesiam, quomodo materialē fundamenta sustinent fabricam. « Indica mihi si habes intelligentiam. »

**Vers. 5.** — « Quis posuit mensuras ejus, » subaudi Ecclesiæ, « si nosti ? vel quis tetendit super eam lineam ? » Quod videlicet tunc factum est, quando fines Ecclesiæ Dominus occulti judicii subtilitate distinguens prædicatores sanctos ad alias mundi partes vocabat, juxta illud quod Paulo per visum dictum est : « Transiens in Macedoniam adjuva nos (*Act. xvi.*), » ab aliis arcebatur, sicut cum apostoli tentarent ire in Bithyniam, non permisit eos Spiritus Iesu. Si habes, inquam, intelligentiam, quam videlicet multi non habent dum sibi arrogant measuram quam forte non habent absque humilitate formidi-

mis, non considerantes omnia pendere in potestate  
mensoris.

VERS. 6. — « Super quo, inquit, bases ejus » subaudi Ecclesie, « solidate sunt, » id est cui doctores sancti innixi sunt, ut sic omne pondus Ecclesiae fixa morum suorum gravitate sustentent, quomodo bases columnas? Columnæ autem totius fabricæ pondus portant. Quæ videlicet bases apud Mosen argento vestitæ sunt, dicente Domino: « Facies columnas quadrato, et bases earum vestitas argento (*Exod. xxvi.*), quia videlicet prædicatores Ecclesiae divino eloquio decorati, quatuor evangelistarum dicta et ore et operibus portant. Vel bases prophetæ quoque sunt, qui dum primi aperte de Dominica Incarnatione locuti sunt, ipsi quoque superpositam ecclesiasticæ fidei fabricam portant. Sive itaque prophetas, sive **499** doctores significant, « super quo, » inquit, « bases illius solidatæ sunt, » subaudi nisi super me, qui cuncta mirabiliter teneo, et bonis exterioribus intus principaliter originem præsto? « Aut quis demisit lapidem angularem ejus? » Omnia quæ supradicta sunt quasi de mundi origine narratione historica contexta viderentur, nisi hoc sic repente subjungeretur quod non in mundi origine factum est, per quod ostenditur, quia illud superius de mundi origine dictum non est. « Quis, » inquit, « demisit lapidem angularem, » id est, quis misit Christum ad ejusdem Ecclesiae salvationem, qui veniens ita plebi Israeliticæ nationes gentium, imo beatiss angelis homines in cœlo sociavit, quomodo in fabrica materiali lapis angularis diversos parietes conjungit. Nam de hoc lapide per Prophetam dicitur: « Lapidem quem reprobaverunt ædificantes, hic factus est in caput anguli (*Psal. cxii.*). » MORALITATE: « Ubi eras, » inquit, « quando ponebam fundamenta terræ, » id est, fidem in peccatoris corde? Per terram enim peccator valet intelligi, quia videlicet peccanti dictum est: « Terra es et in terram ibis (*Gen. iii.*). » Cui terræ tunc fundamentum ponitur, quando peccatori convertendo prima virtus fides in corde aspirante Deo tribuitur. « Ubi eras? » inquam. Ac si dicat: Recole ubi te inveni, quando in eo te timore solidavi, et noli contra me de meo inunere extolli. « Indica mihi, si habes intelligentiam, quis posuit mensuras ejus, » subaudi nisi ego, quando videlicet alii sermonem sapientiæ, alii sermonem scientiæ, alii fidem dedi? etc. (*I Cor. xii.*) « Indica, » inquam, id est, recognosce unde habeas, « si habes, » id est, humilitatem vel discretionem, qua reprobabat se sub manu mensoris ille qui dicebat: « Neque ambulavi in magnis, neque in mirabilibus (*Psal. cxxx.*). » Mensuras ergo cordis humani, id est terræ, posuit, scilicet ut nostra opera, vel minora perficiantur, vel majora moderentur, et tendentiam super eam lineam, id est, Patrum præcedentium exempla, monstravit ad sumendam vivendi regulam. « Super quo bases illæ « solidatæ sunt, » subaudi nisi super me? « bases, » inquam, id est, intentiones ejus, a quibus virtutes, tanquam

a basibus columnæ portantur, quæ vere tunc, quasi bases in fundamento sunt, cum in Christo roborantur. Alioquin nisi in hoc fundamento consistant, tanto graviora ruinæ super se damna ædificant, quanto altiora ædificia extra fundatum portant. Vel « quis demisit lapidem angularem ejus, » id est, intellectum in sacro eloquio duplicem, scilicet litteram simul et spiritum suscipientem atque congentem? « Quis, » inquam, « demisit, » id est dedit, subaudi nisi ego ipse qui humanam naturam suscipiens duos in me populos conjungo, et litteralem legis sensum spiritualiter intelligendum aperio? Et quasi querens quando hæc fecerit, tunc, inquit,

VERS. 7. — « Cum me laudarent simul, » id est concorditer, « astra matutina, » id est prima in tempore, quasi mane, condita rationalium spirituum natura, scilicet angelii, « et jubilarent omnes filii Dei? » id est homines electi, videlicet cantantibus astris matutinis, scilicet angelis, mane, id est in principio, ut jam dictum est, creatis, cantantibus, inquam, Gloria in altissimis Deo, et hominibus electis jubilantibus (*Luc. ii.*), id est, tantam de Incarnatione Christi latitudinem habentibus, quanta per oris angustias exprimi non poterat. Quæ quia certo futura Dominus noverat, non tam facienda insinuat, quam facta narrat. Quia vero bonis ita jubilantibus econtra malos inflammat invidia, quam tamen Dominus pro nostra restringit custodia:

VERS. 8. — « Quis, » inquit, subaudi nisi ego, « conclusit ostiis mare, » id est, amarum sæculum sanctorum virorum oppositione, ut eorum miraculis atque reverentia persequentiū iræ quasi maris frangerentur undæ, « quando erumperat quasi de vulva procedens, » id est, sœviebat opere, perficiens iniquam carnalis cogitationis conceptionem:

VERS. 9. — « Cum ponerem, » inquit, « nubem vestimentum ejus, » id est, stultitiae suæ velamento obtenebrare faciem cordis ejus, « et caligine, » subaudi ignorantiae, « quasi pannis infantiarum obvolverem? » videlicet, ne tantum persequi valeret quantum vellet, quomodo infantis pedes et brachia pannis constringuntur, ne hac atque illac dissoluta libertate jactent. Quis, inquam, hæc fecit, nisi ego?

VERS. 10, 11. — Ego « circumdedi illud terminis meis, » id est, undas irarum ejus quasi piano fregi littore occultæ dispensationis. « Et posui vectem, » id est, fortem Incarnationis meæ fidem, « et ostia, » id est, prædicatores sanctos eadem Incarnatione mea roboratos, quomodo vecte roborantur ostia. Qui et idcirco ostia merito vocantur, quia et sequentibus aperti et resistentibus clausi sunt, verbi gratia, ut Petrus, qui et Cornelium investigantem sacramenta fidei recepit (*Act. x.*), et Simonem pretio miracula quærentem repulit (*Act. viii.*). « Posui, » inquam, « vectem et ostia. Et dixi. Usque huc venies, » id est, usque ad istos Incarnationis meæ prædicatores quandoque credendo pertinges, « et hic confringes tumentes fluctus tuos, » id est, contra fidem nequiter egisse te crubesces.

Quia in hac conclusione maris secundo de ostiis dicitur, secundo contra hoc mare ostia Dominus apposuit, quia et prius dando præcepta legis humum genus ab idolorum cultu coercuit, et postmodum dato novæ gratiæ Testamento a carnali legis intellectu correxit. Verbi gratia: Per legem dixerat: « Non moechaberis (*Exod. xx.*), » per Evangelium autem: « Omnis, » inquit, « qui viderit mulierem ad concupiscendum eam, jam moechatus est eam in corde suo (*Math. v.*). » Quis ergo, inquit, conclusit ostiis mare, » id est, genus humanum coercuit præceptis legis antiquæ, « quando erumpentebat quasi de vulva procedens, » id est, excurrebat ad libitus suos in proiectum vitæ carnalis succrescens. Cum ponerem, » inquit, « nubem vestimentum ejus, » videlicet ut et pristina pravitatis acta relinquerent, et tamen ventura bona certius non viderent. « Et caligine illud quasi pannis infantiae obvolverem, » id est, nondum aperta spiritus prædicatione edocere, sed figurata locutione et præceptis litteræ sensui ejus competentibus astringerem. Et quia præceptorum limite populum suum ab immoderatis animæ evagationibns cinxit: « Circumdedi, » inquit, illud terminis meis. « Quia vero misso quoque Mediatore motus humani generis coercuit: « Posui, » inquit, « vectem et ostia, » id est, misi Redemptorem, et novæ vitæ dedi prædicamenta. Nam sicut ostia vecte, sic nova præcepta Redemptoris qui illa dedit, rorborant auctoritate. Moraliter:

Sed quis idcirco hoc ad beatum Job dicitur, ut de tot virtutibus cordis ejus gloria premeretur, moraliter quoque hoc ipsum diss'eramus. « Quis, » inquit, subaudi nisi ego, « conclusit ostiis mare, » id est, constrinxit suo timore cor tuum, vel cujuslibet hominis, post occultas tentationum fluctuationes tandem a suis motibus ferventis, « quando erumpentebat quasi de vulva procedens, » id est, quando solutum erat ab adolescentia prava cogitare incipiens. Vulva enim pravae cogitationis adolescentia est. Nam « sensus et cogitatio cordis humani, » inquit Dominus per Moysen, « prona est in malum ab adolescentia sua. » — « Cum ponerem, » inquit, « nubem vestimentum ejus, » scilicet ut needum quondiu mortalitis est homo immortalitatis gloria patet ejus obtutibus, « et caligine illud quasi pannis infantiae obvolverem, » videlicet ut a contemplandis sublimibus adhuc teneris sensibus suæ infirmitatis 500 ligetur. Quibus pannis obvolutus Paulus: « Videntur, » inquit, « nunc per speculum in ænigmate (*I Cor. XIII.*), » etc. « Circumdedi illud terminis meis, » id est, sub mensura contemplationis humiliavi, ut licet plus appetat, ultra tamen quam sibi conceditur non ascendat. « Et posui vectem et ostia, » id est charitatem et virtutes cæteras, quas videlicet virtutes hoc mare sæviens dissiparet, nisi as ex occulto mentis opposita charitas astringeret, juxta ut Apostolus ait, « vinculum perfectionis est Coloss. III). » — « Posui, » inquam, « et dixi: Isque huc venies et non procedes amplius, » id est,

A tantum illo vel illo vitio tentaberis, et tamen sugesta mala non perficies. « Et hic confringes tumentes fluctus tuos, » id est, post tantam vel talem temptationem respectus timoris mei tumidos motus tuos per obserata virtutum claustra compescet. Hæc ita ab illo requiruntur, ac si aperte dicatur: Incassum te exterius in bonis operibus pensas, si non me qui interius tentationis undas compesco, consideras.

**VERS. 12.** — « Nunquid post ortum tuum præcepisti diluculo, et ostendisti auroræ locum suum? » subaudi ut ego. Perspicuum est quod divinitatis ortus ante et post non habet. Unde de ortu humanitatis ejus melius hoc accipitur, quæ cœpit et desit, et ante et post habere a tempore cœpit. « Nunquid » ergo, ait, « post ortum tuum præcepisti diluculo, » subaudi ut ego, qui præcepta dedi novæ Ecclesiæ post tenebras erroris, quasi diluculo post noctem albescenti, quæ in praesenti vita tantum minus habet a futuræ vitæ claritate, quantum diluculum a meridiani solis fulgore. « Et ostendisti auroræ, » id est eidem Ecclesiæ, « locum suum, » subaudi, ad quem de praesenti sæculo transitura est, sicut ego illi dico: « Ubicunque fuerit corpus, illic congregabuntur et aquilæ (*Math. xxiv.*). » Et illud: « Volo ut ubi ego sum, et ipsi sint mecum (*Joan. xvii.*). » Hoc bene post ortum suum se fecisse perhibet, quia videlicet eum humanæ nativitatis infirma suscepit, prius a paucis intellectam notitiam venturæ claritatis in multitudinis innumeræ amore dilatavit. Hæc dicta sunt de illuminatione electorum; sequitur de damnatione reproborum.

**VERS. 13.** — « Nunquid, » ait, « tenuisti concutientem extrema terræ, et excussisti impios ex ea? » subaudi ut ego, qui in fine sæculorum ad Synagogam veniens paucos ex illa abjectos et humiles, et ideo extrema terræ dictos, elegi? « Tenui, » inquam, « concutiens, » id est, immensa formidine etiam reproborum corda movi, dicentium: « Ecce mundus totus post eum vadit (*Joan. XII.*), » et similia. « Et excussi impios ex ea, » scilicet Pontifices et Pharisæos quos renuentes spiritualia fidei prædicamenta repuli etiam a carnalis sacrificii gloria. Quibus excussis, flet quod sequitur:

**VERS. 14.** — « Restituetur ut lumen signaculum, » id est eadem plebs Israelitica, quam cognitionis mesæ prophetica impletam scientia servandi mysterii signaculum feceram, quasi ad eos rediet lateres, quos in Ægypto reliquerat, quia scilicet me adveniente plus terram quam me diligit, et per infidelitatem ad spiritualem Pharaonem rediens in luto et latere terrena sapiendo servit. « Restituetur, » inquam, « ut lumen. Et stabit sicut vestimentum, » id est, mihi per charitatis intelligentiam non adhærebit. Sicque stabit, quomodo impolita et grossiora vestimenta tunc stare dicuntur, cum induentis membris non bene coaptantur. Quia vero stare illud ex superbia est:

**VERS. 15.** — « Ausferetur, » inquit, « ab impiis lux

sui, » id est, a Judaeis illa de qua superbunt legis scientia, « et brachium excelsum confringetur, » id est, superba legis operatio reprobabitur, dicente Paulo, quia « ex operibus legis nostra justificabitur omnis caro (*Rom. iii.*). » MORALITER: « Nunquid, » ait, « tenuisti concutius extrema terrae, » id est, nunquid tu sicut ego tenebris ultima tempora Ecclesiae sub Antichristi persecutione « concutius, » id est, immanissime turbari permittens, et excuties « impios ex ea, » id est, in infidelitatem cadere permittes ab Ecclesia quosdam, qui « consententur se nosse Deum, factis autem negant (*Tit. i.*), » ut aura temptationis communovente in acervum palearum transeant? Sicque fiat quod sequitur. « Restituetur ut lumen signaculum, » id est, qui nunc videntur in Ecclesiae siu per fidem esse signaculum, tunc ante oculos omnium restituentur ut lumen, quia iniqui esse patebunt. Sollet enim Scriptura sacra pro fide appellare signaculum, pro iniquitate lumen. « Et stabit sicut vestimentum, » id est, confactus atque abjectus jacebit. Sicut vestis quæ induita per corpus tenditur, exuta vero frangitur et complicatur. Vel ita: « Stabat sicut vestimentum, » id est, brevi perdurabit in hæc vita quam diligit. Brevi enim perdurat vestimentum. Unde scriptum est: « Omnes sicut vestimentum veterascunt, et sicut opertorium mutabis eos et mutabuntur (*Psal. ci.*). » Nunc verbis apertioribus subdens de eisdem: « Auferetur, » inquit, « ab impiis lux sua, » id est, ipsa sua qua male utuntur intelligentia, juxta quod ait Dominus, « Ab eo autem qui non habet et quod videtur habere auferetur ab eo (*Math. xxv.*). » Quod maxime tunc fieri, quando pulsante illo ultimæ persecutionis articulo iniqui omnes quod rectum credere videbantur, amittent. Mox autem de eadem persecutione Antichristi territos consolans: « Et brachium, » inquit, « excelsum confringetur, » id est superba Antichristi celsitudo, qua in tantum erigetur ut Deum se super homines esse mentiatur, extollendo se supra omne quod dicitur Deus, aut quod colitur (*I Thess. ii.*), illustratione adventus Domini destruetur.

Cuncta tamen hæc et aliter adhuc intelligi possunt. Verba enim Dei, quo magis exponendo contarimus, eo amplius juvamus. Sicut pigmentum quanto plus teritur, tanto in poculo ejus virtus augetur. « Nunquid, » ait, « tenuisti, » id est, ad te retraxisti « concutius, » scilicet salubri timore « extrema terræ, » id est, peccatorem hominem, qui per terram designari solent? « Nunquid, » inquam, « tenuisti? » Et excussisti impios ex ea, » subaudi ut ego qui in suis ultimis sæpe peccatores terrendo concutio, convertendo tempe, atque ab eorum cordibus impios cogitationum motus evello. Ac si aperte dicat: Misericordie meæ potentiam respicio, et tuæ justitiae elationem preme. Et quia conversum quoque per carnis mortem antiquæ culpaæ pena comittatur: « Restituetur, » inquit, « ut lumen signaculum, » id est, homo quem Deus ad suam similitudinem condens (*Gen. i.*) quasi quoddam suæ potentiae

A signaculum fecit, revertetur in terram de qua sumptus est (*Gen. iii.*), « et stabit sicut vestimentum, » id est, usque ad resurrectionis tempus inane extenuque perdurabit corpus, quo quasi quoddam involucro, dum vivit, spiritus induitur. Sed hæc pena superbis et humiliibus communis est. Specialis autem superbientium poena hæc est: « Auferetur, » inquit, « ab impiis lux sua, » id est, vita præscia gloria. « Auferetur, » inquam, scilicet per mortem carnis, quæ electos suæ luci, videlicet æternæ, restituit, et reprobis lucem suam, scilicet præsentem volvit. « Et brachium excelsum confringetur, » id est, celsitudo cordis contra naturæ ordinem violenter abrepta divinæ justitiae mole opprimente dissipabitur. Et quia nullus hominum quid post mortem se queretur agnosceret, nisi vita Conditor ad mortem usque veniret, protinus adjungit:

VERS. 16. — « Nunquid ingressus es profunda maris. » Subaudi ut ego, qui non solum mare hujsæculi, sed et profundum maris hujus, id est, inferni claustra penetravi, et « posui, » ut ait propheta, « profundum maris viam, ut transirent liberati, (*Isa. li.*), **501** scilicet omnes electi? « Et in novissimis, inquit, abyssi deambulasti, » id est, inter mortuos liber existens (*Psal. lxxxvii.*), insuper et alios absolvesti a vinculis peccati? Quam descensionem suam quanto mirabilem respicit, tanto eam redemptio homini crebrius infundit. Nam adhuc replicas subdit:

C VERS. 17. — « Nunquid aperte sunt tibi portæ mortis, » id est adversariæ potestates superabiles sunt, subaudi, ut mibi, qui fortitudinem moriendo superavi. « Et ostia tenebrosa vidisti, » id est earumdem adversiarum potestatum fraudulentam malitiam respiciendo pressisti, vel mortis præpositos moriendo damnasti? Quæ tenebrosa ostia, id est malignos spiritus, qui in insidiis dum nos videntur viam mortis aperiunt, nos etiam cernimus dum supernæ lucis radiis illustrati dicimus: « Dominus mihi adjutor, et ego despiciam inimicos meos (*Psal. cxvii.*). » Quia vero post mortem resurrectionemque ejus cunctis in gentibus Ecclesia dilata est,

VERS. 18. — « Nunquid, ait, considerasti latitudinem terræ, » subaudi, ut ego, qui dum angustias mortis petui, fidem meam in cunctis gentibus dilatavi, ut juxta prophetam dilataret Ecclesia locum tentorii sui, et pelles tabernaculi sui extenderet (*Isa. liv.*), et quæ ante in una gente Israel arctabatur, ad dextram levamque penetrans dilataretur. MORALITER: Qualiter in singulis nobis hoc commune bonum agatur intuendum est. « Nunquid, ait, ingressus es profundum maris, » id est absconditum humanae mentis, quæ tanquam mare fluctuans variis cogitationibus suis ipsa celribus confunditur? « Nunquid, inquam, ingressus es? » Et in novissimis abyssi, » id est ejusdem mentis, « deambulasti, » subaudi, ut ego, cui soli mens vel spiritus hominis penetrabilis est? Qui tunc profundum ejus ingreditur,

quando per cognitionem meam ad pœnitentiam cocturbans concutio, et quasi in novissimis abyssi deambulo, dum obscurum cor penetrans fluctus invisibilis vitiorum calco. « Nunquid aperte sunt tibi portæ mortis, » id est nunquid nota sunt tibi præ cogitationes cordis? Quæ idcirco portæ mortis dicuntur, quia per illas ad mortem introitum. « Et ostia tenebrosa vidisti, » id est easdem latentes cogitationes malas cordis humani? Vidisti, iaqam, subaudi ut ego, cuius solius oculi vident quæ sunt in corde hominis? (II Par. vi.) Nunquid considerasti latitudinem terræ, id est bonas cogitationes vel virtutes ejusdem mentis humanæ? Nam sicut omne vitium angustat, sic omnis virtus animum dilatat. Idcirco autem beatus Job utrum terræ latitudinem consideraverit inquiritur, ut exemplo alienæ latitudinis humilietur. Ac si aperte dicatur: Eos quos innumera mala præsentis vitæ nequeunt angustare considera, et de statu cordis tui inter verbera gloriarri cessa. Deinde gravi quæstione eundem Dominus discutit. « Indica, inquit, mihi si nosti omnia, » id est si plenam te habere scientiam putas.

VERS. 19. — « In qua via, » id est in cuius corde, habitet lux, » id est illuminaris [illuminans?] justitia, « et tenebrarum quis locus sit, » id est in quo perduret cæcitas iniquitatis.

VERS. 20. — « Ut ducas unumquodque ad terminos suos, » id est dijudices si is qui nunc iniquus cernitur, in iniquitate vitam finiat, vel qui justus videtur vitam suam cum justitiae perfectione concludat. « Et intelligas semitas domus ejus, id est quis in æterno regno mansionem, quis in poena æternam accipiat damnationem. Ac si diceretur: Sicut qui de malis convertantur ad bona, vel qui de bonis ad mala redeant nescis; ita etiam nec de te quid tuis meritis exigentibus agatur intelligis. Ac ne conqueratur cur sinein suum nesciat, commemoratur etiam quod nec initium suum intellegat.

VERS. 21. — « Sciebas, inquit, tunc, » subaudi antequam fores, « quod nasciturus es? aut numerum dierum tuorum noveras? » scilicet quibus super terram vivere habebas, subaudi ut ego, qui me nascitarum novi, qui et ante humanitatis ortum in divinitate semper substantialiter vivens prescivi de me hoc quod per initium sumptorus eram in utero Virginis.

Vers. 22. — « Nunquid ingressus es thesauros nivis, aut thesauros grandinis aspexisti? » Subaudi, ut ego, qui frigida ac dura corda pravorum, quæ per thesauros nivis ac grandinis figurantur, comprehendo, et utilitati electorum deseruire facio, quam illos servientes cruciant, sed nescientes purgant?

Vers. 23. — « Quæ præparavi, inquit, in tempus hostis, » scilicet hoc quod nunc est, quando adversarius diabolus tanquam leo rugiens circuit (I Petr. v), « in diem pugnae et belli, » id est tam occulte

quam aperte tentationis. Potest tamen hic ingressus in « thesauros nivis » in bono accipi quia videlicet frigida corda pravorum nonnunquam Deus ingreditur, ut ex ipsis operatores justitiae ac defensores rectæ fidei facere dignetur. Nam, verbi gratia, quantam in manu sua grandinera impedit, dum per Saulum, qui utique nix vel grande fuerat, per frigidam insensibilitatem, tot resistantium sibi corda prostravit? Hanc denique nivem vel grandinem præparavit « in tempus hostis, » id est diaboli vel totius mundanae sapientiae contradicentis sapientiae Dei, « in diem pugnae et belli, » ut contra omnem inordinationem decertaret tam candore justitiae quam districti eloquii correptione. Quod quia per adventum mediatoris agitur, recte subjugatur.

B VERS. 24. — « Per quam viam, » subaudi, nisi per me, qui « sum via, veritas et vita (Joan. xiv), » « spargitur lux, » id est late fulget prædicationis vis emicans apostolorum vocibus? Spargitur, inquam, lux. « Et dividitur æstus super terram? » id est gratiarum divisio per Ecclesiam, quibus omnia membrorum ejus necessario sibimet juncta acoendantur. Sed quia postquam spargi lux dicitur, divisio æstus sub-jungitur, potest intelligi quod per æstum persecutio designetur. Nam sparsa luce, id est vita fidelium clarescente, æstus super terram divisus est, id est perfidorum crudelitas accensa est, divisus, inquam, quando nunc Jerosolymis, nunc in Damasco, nunc in aliis longe regionibus persecutio sæviebat. Alter:

C « Per quam viam spargitur lux, » id est Spiritus qui spirat ubi vult, et vocem ejus audis, « sed non scis unde venias et quo vadat (Joan. iii). » Spargitur, inquam, videlicet nulli ejus cuncta dona tribuuntur. Ex hac luce sparsa dividitur æstus super terram, id est super animam, quia videlicet hostis callidus, quos enitescere tace justitiae conspicit, eorum mentes illicitis desideriis inflammare contendit. Dividi autem æstus dicitur, quia non singuli omnibus, sed quibusdam viciniis ac juxta positis vitiis fatigantur. Nam prius perspecta uniuscunque consparsione, alii latet ex rebus, alii ex tristibus tentationis ligeos opponit adversarius. Et notandum quod per eamdem viam per quam lux spargitur etiam dividi æstus indicatur, quia videlicet eadem Spiritus sancti gratia, quæ tace sua nostras mentes irradiat, etiam tentationes adversarii dispensando modifcat, ne multæ simul veniant, animamque plus quam possit perferre contingant. Et quia sparsa luce divisusque æstu, sicut dictum est, exteriora quoque prædicationis verba conferuntur, recte subditur:

D VERS. 25. — « Quis dedit, inquit, vehementissimo imbri, » id est prædicationi cum impetu eunti, « cursum, » scilicet ut inter ipsas persecutionis angustias sermo Dei curreret, non solum tanquam vehemens, sed et tanquam vehementissimus imber? Nam suadere hominibus **502** ut credant aeterna vel invisibilia, vehemens quidem sed non vehementissimus prædicationis imber est; suadere aetem ut pro-

pler spem futurorum rem contemnunt presentium, A vel diversa non timeant genera mortuum, non tantum vehemens, sed et vehementissimus imber est. « Quis ergo, inquit, dedit vehementissimo imbri cursum, » scilicet ut electi tam multi non solum res deserent, sed et membra in cruciatis ponerent, « et viam sonantis tonitru, » id est effectum prædicationis superni terroris; quæ dum ex antiquorum Patrum convenienter prophetia processit, quasi tonitruum ex nubium concussione terribiliter insonuit. « Quis, inquam, dedit hanc viam, » subaudi nisi ego? « Nam neque qui plantat, » inquit Paulus, « est aliquid, neque qui rigat; sed qui incrementum dat Deus (*I Cor.* iu). » Et si quæras ad quid derit?

VERS. 23. — « Ut plueret, inquit, super terram absque homine, » id est super gentilitatem viventem absque ratione, in deserto, scilicet nullam boni operis speciem ostendente, « ubi nullus mortalium, » id est hominum, « commoratur, » quia videlicet dum nullus in ea rationabiliter Deum quereret, quasi solis erat occupata bestiis:

VERS. 27. — « Ut implaret inviam et desolatam, » id est eamdem gentilitatem, ad quam verbo Dei via non patuit, quæque rationem consilii et boni operis fructu destituta fuit. « Et produceret herbas virentes, » id est doctrinæ scientiam et congruas operationes, quia videlicet dum sanctæ prædicationis imbre gentilitas percepit, et vitæ opera et doctrinæ verba germinavit. Sieque juxta prophetam in cubilibus in quibus prius dracones habitabant, id est in populis quos maligni spiritus possidebant, ortus est viror calami et junci (*Isa.* xxxv), id est et scriptores magni qui significantur per calatum, et auditores pusilli, qui intelliguntur per juncum. Hæc eadem, quæ universaliter de gentilitate dicta sunt, in singulis agunt intra sinum sanctæ Ecclesiæ, dum sicca dudum mens gratia veniente compluitur, et post ariditatem pristinam scientiæ viriditate quasi productis herbis vestitur. Quam Conditor noster gratiam adhuc altius commendans:

VERS. 28. — « Quis est, inquit, pluviae pater? vel quis genuit stillas roris, » subaudi, nisi ego? qui coelestis pluvia doctrinam temperatamque prædicationem velut stillas roris quasi pater genui, id est paterna gratia siccis hominibus effudi? Postquam de munere dixit quo gentilitas vocatur, subdit de distributione qua Judæa repellitur.

VERS. 29. — « De cuius utero, inquit, egressa est glacies, » id est de cuius quasi secreto sinu Judæa per infidelitatem frigi projecta est, « et gelu de cœlo, » id est eosdem Judæos per malitiam congregatos « de cœlo, inquam, quis genuit, » id est de sanctis Patribus nasci permisit. Nam cum de Abraham, Isaac et Jacob, quorum vita sullimis atque coelestis fuit, Caiphas et tota Judæorum plebs impia processit, quid aliud nisi gelu genitum est de cœlo? De quorum dura obstinatione subditur

VERS. 30. — « In similitudinem lapidis aquæ durantur, » id est sicut gentiles qui adorando lapides recte et ipsi lapides dicuntur, ita mollia quondam et penetrabilia fidei corda Judæorum in insensibilitatem vertuntur. Et dum ad fidem gentilium corda molita sunt, Judæorum corda per infidelitatem obdurantur. « Et superficies, inquit, abyssi constringitur, » id est in his quæ dicta sunt, incomprehensibilitas divini judicii; unde scriptum est: « Judicia tua abyssus multa (*Psal.* xxxv), » humanæ mentis oculo nullatenus penetrantur. Aliter: « De cujus utero egressa est glacies, » id est de cuius secretis coelestibus frigidus iniquitatis magister Satan projectus est? « Et gelu de cœlo quis genuit, » id est eundem Satan bene in coelestibus conditum in culpe

B frigore mentes sequacium quasi gelu de cœlo cadentem astringere permisit? Quo ad terram veniente, « in similitudinem, inquit, lapidis aquæ durantur, » id est ad imitationem ejusdem diaboli duri utique et tenebrosi lapidis homines indurantur, qui per aquas designantur. Aquæ namque sunt populi. « Et superficies abyssi constringitur, » id est fraudulenta ejus consilia deprehendi non possunt a seductis hominibus, et dum quasi bona suasionis ejus species velut solida desuper ostenditur, in profundum latens ejus malitia non videtur. Aliter: « De cujus utero egressa est glacies, » id est, de cuius occulto iudicio actu est, ut nonnunquam is qui intra sinum sanctæ Ecclesiæ signis aut scientia sive prophetia polletat, postmodum rejiciatur, ita ut dicam talibus. « nescio vos unde sitis? » (*Luc.* xiii.) Glacies enim sunt, et quasi de utero egrediuntur, dum in virtutibus, quas acceperunt, laudes ab hominibus querentes, a visceribus pietatis supernæ separantur. Hoc ideo beato Job dicitur, ut de virtutibus humilietur, ne in hoc quod bene vivendo caluerat superbendo frigescat. Unde adhuc subdens: « Et gelu, inquit, de cœlo quis genuit, » id est perfidiam hæreticam de sacro eloquio, quod utique cœlum est, dum diem intelligentiæ nobis aperit, exoriri permittit? Hoc gelu Dominus semetipsum gignere perhibet, eodem modo quo ait: « Ego indurabo cor Pharaonis (*Exod.* iv). » Nam et illud durare est misericorditer nolle emulire, et hoc gignere est gigni juste vel utiliter permettere. Oportet enim et hæreses esse, ut et qui probati sunt manifesti fiant (*I Cor.* xi). Quo facto,

C « in similitudinem, inquit, lapidis aquæ durantur, » id est cum sint fluxi, et molles hujusmodi homines, fortes et stabiles se esse mentiuntur, et cum ex proposito virtutem deserunt, fortes se in bonis operibus per hypocrismum ostendunt. « Et superficies abyssi constringitur, » id est per superductam sanctitatis speciem fluxa et instabilis eorum conscientia hominibus tegitur. Vel si in bonam partem quis hæc accipere velit, Dominus qui prius patrem se pluvia insinuat, idcirco postmodum de suo egredi utero glaciem, seque gelu gignere de cœlo pronuntiat, ut designet utilem esse interdum tarditatem profectibus virtutum. Nani veluti semen jactatum si post plu-

viam gelu premitur, quanto foras citius apparere repellitur, tanto secundius radicatur, et quo velatur progredi, eo cogitur multiplicari: sic nimirum suscepta verbi semina postquam occultae gratiae pluviis sunt infusa, interuum si disciplinae rigor astringat, tandem fortius exuberat, et per castigationem perficitur opus bonum, quod si priusquam oportet ostenditur, a grano perfectionis inanit. « De cuius ergo, inquit, « utero, » id est internæ dispensationis secreto, « egressa est glacies? » Scilicet, ut voluntates electorum etiam in bonis desideriis infirmitas frenet. « Et gelu de cœlo quis genuit? » id est, repressionem virtutis confirmavit, ut velle quidem homini adjacoat, perficere autem non inventiat (*Rom. vii*). Et quia per excitationis usum sese electi in quodam vivendi rigore componunt, « In similitudinem, inquit, lapidis aquæ durantur, » id est in soliditate virtutum mentes infirmæ roborantur, « et superficies abyssi constringitur, » id est motus fluctuantis animi superducto rigore sanctæ deliberationis premitur. Sed et tunc Dominus quasi glaciem de utero suo, vel gelu de cœlo gignit, dum electis suis adversitatem vitæ præsentis evenire permittit, qua dum illos aspere comprimit, profecto valentiores reddit. Et tunc « in similitudinem lapidis aquæ durantur, » quia videlicet mentes quæ per prospera **503** molliter fluxerant constrictæ adversantibus durescunt, « et superficies abyssi constringitur, » id est profunda mens eisdem adversis supervenientibus maliiter tenetur, ne per latitudinem, quod evenire solet, arcana mentis aperiat, atque aperiendo amittat. Quod timens propheta dicit: « Secretum meum mihi, secretum meum mihi (*Isa. xxiv*). »

**VERS. 31.** — « Nunquid, » ait Dominus, « conjugere valebis micantes stellas Pleiades, » scilicet quæ vicinitate sibi conjunctæ sunt tam disjunctæ, et simul quidem sitæ sunt, sed tamen lucis suæ variatim radios fundunt? Id est nunquid sanctos omnes qui aliis atque aliis ad prædicandum temporibus apparentes, et disjuncti sunt per visionem suæ imaginis, et conjuncti per intentionem mentis; verbi gratia: Abel, Isaiam, et Joannem, qui divisi quidem fuerunt tempore, sed non prædicatione: « nunquid, inquam, hujusmodi Pleiades, » id est sanctos, « conjugere valebis, » subaudit ut ego? Non. Quia videlicet solius divinæ virtutis est et disjunctis temporibus missos, et dissimilibus virtutibus præditos fulgore intentionis unire. Una namque intentio est Joannis dicentis: « Ecce Agnus Dei (*Joan. i*), » et Isaïe dicentis: « Sicut agnus coram tondente se obmutescet (*Isa. lxxiiii*), » et Abel (*Gen. iv*), qui hoc idem Agnum offerendo locutus est: « Aut nunquid gyrum Arcturi poteris dissipare? » qui videlicet per gyrum suum nocturna spatha non occasurus illustrat, quique septem stellis ita volvit, ut modo tres ad summa elevet, atque ad ima quatuor inclinet, modo quatuor superius erigat, et tres inferius premat. « Nunquid, inquam, hujusmodi Arcturum, » id est

A sanctam Ecclesiam, quæ per totam noctem hujus sæculi gyrum laborum tolerans nunquam occidit vel deficit, « dissipare poteris, » quin semper ita volvatur, ut modo quidem Trinitatis quasi tres stellas elevet, opera vero quæ quatuor virtutibus, id est prudenter, fortitudine, temperantia, atque justitia constant, quasi quatuor stellas inclinet? Verbi gratia dum dicit per Paulum, quia « non ex operibus Abraham justificatus est, sed credit Deo et reputatum est ei ad justitiam (*Rom. iv*), » modo autem fidem deprimens et opera efficiens quasi tres stellas inclinat et quatuor eleval, cum dicit per Jacobum: « Fides sine operibus mortua est (*Jac. ii*). » Hunc Arcturi gyrum quandoque Dominus dissipat, quia labores Ecclesie ad requiem permittat, Pleiadesque jungit, quia sanctos omnes sibi copulat per speciem visionis. Potest tamen per Arcturum, qui a plaga frigoris nascitur, lex rigida et aspera; per Pleiades vero, quæ ab Oriente surgunt. Novi Testamenti designari gratia. At vero Conditor noster dum septiformis spiritus operationes simul in se et cunctas et manentes habuit, quasi Pleiades Novi Testamenti junxit, et Arcturum prisca legis dissipavit, id est spiritualem intelligentiam aperiendo litteralem legi labore solvit. « Nunquid, » ergo, ait, « conjugere valebis? » etc., ut dictum est. Quia vero in ipso Dominicæ incarnationis mysterio aliis lux veritatis ostenditur, aliorum vero per scandalum corda tenebrantur,

**C VERS. 32.** — « Nunquid, ait, producis Luciferum in tempore suo, » subaudi ut ego, qui Christum meum in plenitudine temporis mitto? qui tanquam Lucifer diluculo surgens a mortuis, fulgore sui luminis caliginem premat humanæ mortalitatis, « stella splendida et matutina, » ut Joannes ait (*Apoc. xxii*). « Et vesperum super filios terræ consurgere facis? » id est in cordibus infidelium Judæorum dominari Antichristum eorum merito exigente permittis. Quia videlicet nequaquam super hos filios terræ vesper ille consurgeret, si filii cœli esse voluissent. Quod occultum Dei judicium ne homo perscrutari audeat,

**D VERS. 33.** — « Nunquid, ait, hosti ordinem cœli, » id est supernarum dispositionum occultas prædestinationes comprehendis, « et pones rationem eius in terra? » id est considerando discutes, aut manifestabis ante humana corda? Singularem tamen ob causam beatus Job nunc de judiciorum incomprehensibilium investigatione requiritur, ac si aperte dicatur: Cuncta quæ patetis tanto tolerare patientius debes, quanto secretorum cœlestium ignarus cur haec patetis nescis. Quod mire a Domino fieri non ignoratur, inde divina voce Job multipliciter requiritur, cui adhuc dicitur:

**VERS. 34.** — « Nunquid elevabis in nebula vocem tuam, » id est ad caliginosa infidelium corda prædicatorum tuorum linguam, « et impetus aquarum operiet te? » id est turba resistentium populorum persecutus te, subaudi, ut me, quem sibi prædicant-

tem iniqui et indigni auditores, scilicet Judæi, quo-  
rum cæcitas per illam quoque nebulam significata  
est in libro Regum, quæ implevit domum Domini  
(III Reg. viii), circumdantes, « Quousque, inquiunt,  
animam nostram tollis? » (Joan. x.) Et deinceps omnes  
iniqui tanquam impetus aquarum me sibi operiunt,  
quia neque per prædicantes sanctos loquentem in-  
telligunt, neque per morientes patientem vident.  
Hæc idcirco narrat quæ ab hominibus patitur  
Deus, ut dolor afflicti hominis mitigetur. Ac si illi  
aperte diçat : Mea subtiliter pensa, et tua æquani-  
miter tolera. Protinus, quia pravi homines prædi-  
camenta despiciunt, adjungit etiam miracula quæ  
venerentur.

VERS. 35. — « Nunquid, ait, mittes fulgura, »  
id est coruscantes in miraculis prædicatores, « et  
ibunt, » id est superna reverentia corda transfigent  
auditorum, « et revertentia dicent tibi: Adsumus? »  
Quod videlicet mihi dicunt, dum non suis viribus,  
sed mibi quod operantur attribuunt. It namque ful-  
gur cum præparator miraculum facit, redit cum  
non sibi sed auctori tribuit quod fecit. Unde alias  
scriptum est : « Ad locum unde exirent flumina re-  
vertuntur, ut iterum fluant (Eccl. i), » id est in au-  
ctorem prædicatores sancti respiciunt, ut gratiam  
quam percepérunt præsumendo de se non per-  
dant. De eisdem præparatoribus percunctando sub-  
ditur :

VERS. 36. — « Quis posuit in visceribus, » id est  
in corde hominis, « scientiam? » scilicet divinitatis  
inspiratam, nec in solis vocibus, sed etiam in sen-  
sibus datam. Quam videlicet sapientiam per simile  
pulchre commendat subjungendo : « Vel quis dedit  
gallo intelligentiam? » id est, ut sicut gallus prius  
nocturnis temporibus horas discutit et tunc demum  
vocem excitationis emittit, ita sanctus præparator  
prius in auditoribus suis qualitatem vitæ conside-  
ret, et tunc demum ad erudiendum congruam vocem  
prædicationis formet, et quasi gallus cantando voci-  
bus suis somnum torporis executiat venturam lu-  
cem nuntians; verbi gratia, dum dicit : « Nox præ-  
cessit, dies autem appropinquavit (Rom. xiii). » Et  
ut cum auctoritate prædictet, luxuriam restringere  
sabit, sicut scriptum est (Prov. xxx) : « Tria sunt  
quæ bene graduntur : ... leo fortissimus bestiarum  
ad nullius pavet occursum, » videlicet quia leo de  
tribu Iuda Christus : « Venit, inquit, princeps  
mundi hujus, et in me non habet quidquam (Joan.  
xiv); » leo, inquam, fortissimus, et gallus succinctus  
lumbos, id est castitate præfulgens prædicator; « et  
aries, nec est rex qui resistat ei, » id est prælatus  
quisque cui populum subsequentem, quasi ovium  
trahenti gregem quilibet persecutor obvians præpe-  
dire non valet ejus intentionem. Præparator itaque  
quasi gallus succinctus lucem præcinit. Et sicut  
gallus profundioribus horis noctis valentiores et pro-  
ductiores, mane autem appropinquante leniores et  
minutiores solet formare voces, sic et ipse dum ini-  
quis adhuc mentitus prædicat, altis et magnis voci-

A bus æterni judicis terrorem **504** quasi profunda  
nocte dormientibus, scipsum prius bonis actibus  
quasi quibusdam alis excitans, annuntiat, cum au-  
tem in auditoribus jam adest lux veritatis, clamoris  
sui magnitudinem in lenitatem vertit dulcedinis.  
« Quis, inquam, gallo dedit hanc intelligentiam, » sub-  
audi nisi ego

VERS. 37. — « Quis enarrabit cœlorum rationem, »  
id est supernorum vim secretorum, « et concentum  
cœli quis dormire, » id est concordem prædicantum  
sermonem conticescere, « faciet? » subaudi, nisi  
ego. Ipse enim Conditor noster cum cœlorum ra-  
tionem narrare cœperit, concentum cœli dormire  
facit, quia cum jam nobis per speciem ostenditur,  
prædicantium verba subtrahuntur. « Nec docebit,  
inquit propheta, ultra vir proximum suum dicens :  
Cognosce Dominum, omnes enim cognoscent me,  
dicit Dominus (Jer. xxxi). » Quis, inquam, hæc  
fecit?

VERS. 38. — « Quando fundebatur pulvis in ter-  
ra, » id est in resurrectione, quando pulvis mortua-  
rum in solida reducitur membra, « et glebæ com-  
pingebantur, » id est firma ex pulvere membra col-  
ligeabantur? Futura quasi præterita divinus sermo de-  
scribit, vel ita, ut ad supradictam galli intelligentiam  
continetur : « Quis, » inquit, subaudi nisi  
ego, « enarrabit cœlorum rationem, » id est sci-  
entia secretorum cœlestium mentes illuminabit electo-  
rum, « et concentum cœli quis dormire faciet? » id  
est concordes hymnos angelorum, et cœlestium ga-  
dia virtutum justo judicio reproborum cordibus abs-  
condit, subaudi, nisi ego qui hoc tunc facere cœpi;  
« quando fundebatur pulvis in terra, » id est quan-  
do me apparente per mysterium Incarnationis peccato-  
res, quos omnis tentationum status rapiebat,  
ratione fidei solidati sunt in Ecclesia, « et glebæ  
compingebantur, » subaudi ex eodem peccatore, id  
est idem peccatores uniti sunt ex charitatis collec-  
tione, sicut pulvis in glebas coagulatus ex humore;  
ac si diceret : Tunc primum secreta spiritualia, et  
non sine misericordia, aliis aperui, et non sine ju-  
stitia aliis clausi, cum alios respiciens alios in-  
tra Ecclesiam per concordiam charitatis adorna-  
vi. De qua Ecclesia multas gentes rapiente sub-  
ditur.

VERS. 59. — « Nunquid capies leænae prædam? »  
illi scilicet leænae de qua et Job superioris loquens  
contra superbientem Judæam, « Nec pertransi, » inquit,  
per eam leæna (Job xxviii). — « Pra-  
dam, » inquam, id est numeros, de gentibus « nun-  
quid capies huic leænae? » subaudi ut ego. « Aut  
aniam catulorum ejus impletis, » id est per ani-  
marum lucrum esurientia apostolorum vel prædicatorum  
cæterorum vota satiabis? Apostoli namque  
quasi catuli, id est teneri, vel per formidinem infor-  
mi vocantur, utpote qui passo Domino clausis for-  
ibus residebant propter metum Judeorum (Joan. xi).  
Unde et sequitur :

VERS. 40. — « Quando cubant in antris, et in se-

lunc insidianter, » id est mundi impetum formidantes congrua doctrinæ præstolantur, quomodo catuli leonum landiu et cubant in antris, » donec accedente tempore ad aperte rapiendum roborentur, et quia gentilitas ipsa, quæ pro apostolorum ore capta est, alios item capere esurit.

**VERS. 41.** — « Quis præparat, inquit, corvo escam suam, » id est peccatis nigræ gentilitati Dei scientiam, « quando pulli ejus ad Deum clamant, » id est predicatores ejus orant, « vagantes, eo quod non habeant cibos, » id est astuentes in desiderio dum cunctos in sinum Ecclesiæ recipere ambiunt populos? Vel ita : « Quis corvo præparat escam suam, » id est cuilibet docto prædicatori, qui apud se niger est sicut corvus, id est humilis, Verbi divini tribuit intelligentiam, « quando pulli, » id est discipuli ejus, « ad Deum clamant, vagantes eo quod non habeant cibum suum, » id est discurrentes eo quod doctrinæ sibi competentis indigeant alimento? Corvus enim pullos suos priusquam plumescendo nigriscant inedia affici patitur, quoadusque in illis per pennarum nigredinem sua similitudo videatur. Sic et doctor discipulis in fide sibi natis non ante prædicamentorum sublimium alimenta tribuit, quam illos præterita peccata deflere cognoverit, quia fortasse adhuc considerare infirmitatem propriam nesciunt, et per hoc contra hujus mundi gloriam humilitatis nigredinem non ostendunt. « Quis ergo, inquit, præparat corvo escam suam quando pulli ejus clamant? » subaudi nisi ego. Quia videlicet dum prædicta discretio caute a prædicatoribus custoditur, ei divinitus largior copia prædicationis datur.

**CAP. XXXIX, VERS. 4.** — « Nunquid nosti, ait, tempus partus ibicum in petris, » id est quo tempore ad pariendum spirituales Deo filios prædicatores mittendi sunt, qui petrae vocati sunt propter soliditatem fidei, « vel parturientes cervas observasti? » id est eorumdem sanctorum Patrum affectus perpendisti. Verbi gratia, quorum unus ait : « Filioli mei, quos iterum parturio, donec formetur Christus in vobis (Gal. iv). » Nam hujusmodi patres similia quædam habent ibicibus quæ in petris pariunt, et si quando de altis saxorum cacuminibus ruunt, in suis cornibus illæsa suscipiunt, cervis quoque quibus moris est inventos serpentes mortis dilaniare, et si quando flumina transeunt capita sua dorsis præcedentium superponunt, et invitem succelendo laborem non sentiunt. Siquidem et ipsi quasi in petris pariunt, dum in doctrina Patrum, qui petrae ut jam dictum est pro soliditate vocati sunt, ad conversionem animas gignunt, et quidquid eis ruinæ temporis accesserit, in testamentis Scripturae sacræ quasi quibusdam cornibus excipientes salvantur. Ipsi nihilominus « sicut cervus desiderant ad fontes aquarum (Psal. xli), » et vite præsentis momenta labentia quasi quadam flumina transeuntes caute illud observant quod scriptum est : « In vicem onera vestra portate, et sic adimpiebitis

A legem Christi (Gal. vi). » Possunt vero per cervas doctores, per ibices autem quia minima animalia sunt intelligi auditores, qui quasi in petris pariunt, quia ad exercenda sancta opera secundantur per exempla Patrum præcedentium. Quorum videlicet auditorum tempora, id est profectus, doctorum quoque labores quasi parturientes cervas cauta consideratione observare solius Dei est. Unde et subditur :

**VERS. 2.** — « Dinumerasti menses conceptus earum? » id est longiturnitatem vel multiplicitatem sollicitudinis vel desiderii quo afficiuntur sancti Patres de profectu spiritualium filiorum, quos quasi conceperunt et solliciti sunt de salute illorum. « Dinumerasti, » inquam, « menses conceptus, » et scisti tempus partus earum? » id est quando hoc quod appetunt implere valeant, subaudi ut ego. Qui in illis considero et illud quod sequitur :

**VERS. 3.** — « Incurvantur ad setum, » id est ab illa immensitate contemplationis quam capiunt condescendunt ad infirmitatem auditorum; verbi gratia, ut ille qui ait : « Non potui vobis loqui quasi spiritualibus, sed quasi carnalibus (I Cor. iii), » et similia. « Incurvantur, inquam, et pariunt, » id est hoc modo magis auditoribus proficiunt, « et rugitus emitunt, » id est cruciantur præ dolore pericitantium parvulorum. Rugitum enim cerva parturiens emitit, cum Paulus dicit : « O insensati Galatae, quis vos fascinavit (Gal. iii), » et cætera. Quia vero ipsi qui Patrum prædicatione nascuntur, aliquando eosdem doctores suos ad regnum præveniunt, et eis in hac vita durantibus consummuntur per martyrium, sequitur :

**VERS. 4.** — « Separantur filii earum : » quam separationem protinus exprimens, « et pergunt, inquit, ad pastum, » id est ad illud **505** æternæ viriditatis pabulum ubi nihil deerit : Egrediuntur et non revertuntur ad eas, » quia videlicet angustias vitae præsentis evadentes ultra a doctoribus prædicationem vitae accipere non requirunt. Postquam figura incurvatione cervarum multa de magistrorum virtute narrata sunt, sequitur de his qui secreta remotæ conversationis appetunt.

**D****VERS. 5.** — « Quis dimisit, » inquit, « onagrum liberum in solitudinem, » id est, vitam illorum qui remoti a populorum turbis conversantur? « Quis, » inquit, « dimisit liberum, » id est, quis, nisi ego, talem dedit gratiam, ut calcatis terrenis desideriis, a temporalium rerum appetitu secura mens exoneretur? « Et vincula ejus quis solvit, » id est, voluptatum carnalium retinacula dirupit, ut angustum propositum dilatato corde currere possit?

**VERS. 6.** — « Cui dedi in solitudine domum, » in solitudine, inquam, non tantum corporis sed et cordis. Nihil enim prodest solitudo corporis absque solitudine cordis. « Dedi, » inquam, « in solitudine domum, » id est, in solitaria vita silentium. « Et tabernacula ejus in terra salsuginis, » id est, conversationem ejus in accensione sitis; salsugo enim

solet accendere sitim, et sancti viri in hujus vita tabernaculis accenduntur ut sitiant, sitiunt ut saientur, sicut scriptum est: « Beati qui esuriunt et sitiunt justitiam (*Matth.* v). »

**VERS. 7.** — « Contemnit multitudinem civitatis, id est, prava studia devitat humanæ conversationis. » Clamorem exactoris, id est violentas tentationes diaboli non audit, videlicet, quia non consentit. Nam hujus exactoris sermo mala suggestio est, clamor vero ejus est violenta tentatio. Idcirco autem diabolus exactor dicitur, quis semel in paradiſo homini malæ persuasionis nummum contulit, et hujus debiti reatum quotidie exigit. Potest per hunc exactorem etiam venter intelligi, cujus quasi clamantis verba viri abstinentes contempnunt, dum violenta vitæ desideria reprimunt. Nam cum contra innumera vitia, multa sint virtutum certamina, congrue tamen hic solus venter exactor dicitur, quia elianat solus. Neque enim ad confictum spiritualis agonis assurgitur, si non gulæ prius appetitus edomatur, qui dum non restringitur, simul cunctæ virtutes per concupiscentiam carnis obruuntur. Sicque princeps equorum destruit muros Jerusalæm (*IV Reg.* xxv), id est, venter, cui a coquentibus diligentissima cura servitur, virtutes animæ perdit, dum non restringitur. Sermo hujus exactoris est necessaria postulatio naturæ, clamor vero ejus est mensuram necessitatis transiens appetitus gulæ. Quæ hic onager contempnens, ut dictum est:

**VERS. 8.** — « Circumspicit montes pascuae suæ, » id est, ascensiones virtutum in corde suo disponit per altas contemplationes refectionis æternæ (*Psal. LXXXIII*), per quas nititur sublimioribus angelorum virtutibus interesse. « Et virentia quæque perquirit, » id est, bona æterna quæ nulla temporalitate marcescunt desiderant. Cuncta hæc, quæ de onagro dicta sunt, intelligi etiam aliter possunt, videlicet, ut ostendatur per quem supradicta virtus prædicationis detur, illico commemoratione de Dominica Incarnatione subnectitur, ut dicatur: « Quis dimisit onagrum liberum in solitudine? » nec indignum est per hoc animal Dominum figurari, cum dicat etiam: « Ego autem sum vermis, et non homo (*Psal. xxi*), » et per prophetam juxta LXX interpretes dicitur: « Scarabæus de ligno clamavit. » — « Quis ergo, inquit, dimisit onagrum liberum, » subaudi, nisi ego, id est, misit Christum quasi agri animal, id est, agresti quondam gentilitati profuturum, « liberum, » inquam, « in solitudinem, » id est, omni peccato carentem et idcirco inter mortuos liberum (*Psal. LXXXVII*) in ea quæ quondam deserta erat gentilitate, « et vincula ejus quis solvit? » id est, infirmitates passionis commutavit in gloriam resurrectionis, suscitando eum solutis doloribus inferni (*Act. ii*). « Cui dedi, » inquit, « in solitudine domum, » in gentilitate corda hominum ad possidendum. Gentilitas namque solitudo extitit, in qua patriarcha non fuit, propheta non fuit, ad intelligentiam Deum qui ratione uteretur non fuit. « In solitudine, » inquam,

A « domum, et tabernacula ejus, » id est, diversas Ecclesiæ, quæ in hac vita quasi tabernacula ad tempus figuntur, « in terra salsa ginis, » id est, in eadem gentilitate, quæ nullam viriditatem boni intellectu proferens perversa sapiebat. « Contemnit multitudinem civitatis, » id est, eorum vitam ad quos venerat, scilicet Judæorum despicit imitari, ita ut cum eum regem facere vellent, refugerit (*Joan. vi*), et cum eum interficere quærerent, sponte ad crucem venerit (*Joan. xviii*). Et quia « peccatum non fecit nec inventus est dolus in ore ejus (*I Petr. ii*), » — « clamorem, » inquit, « exactoris non audit, » id est, antiqui hostis insidias despicit, qui, ut supra dictum est, recte exactor dicitur, quia suadendo intulit culpam, sœviendo exigit poenam. Cujus sermo est astuta persuasio ante hominis mortem, clamor vero violenta jam rapina post mortem. Quem clamorem exactoris hic non exaudit, id est, non timet cum dicit: « Venit enim princeps mundi hujus, et in me non habet quidquam (*Joan. xiv*). » Imo et juxta prophetam, sceptrum exactoris hujus superavit, sicut in die Madian (*Isa. ix*), id est, regnum diaboli gentilitatem eripiendo diruit, juxta quod similitudo præsignata in die Madian, scilicet quando Gedeon pugnavit cum ccc viris contra Madian novo genere belli, ita et dextris tenendo tubas, sinistris autem ardentes lampades intra lagunculas, fractisque lagunculis in tabarum sonitu illinc lampadum coruscatione terrui hostes in fugam converterentur (*Judic. vii*). Sic enim in adventu suo Redemptor noster, qui significatur per Gedeon, quod interpretatur *circumspicit uterum*, etiam et ipse Virginis uterum mira potentia introivit. Redemptor, inquam, cum ccc viris, id est, cunctis cultoribus Trinitatis, quibus et dedit tubas, id est, terribilia cœlestis doctrinæ verba, et lampades intra lagenas, id est, clare sancti Spiritus lumen intra corpora fragilia, ita ut verbi tubas in dextera, et lagenas ferrent in lœva, id est, verba Dei in nazore cura, suisque corporibus haberent pretiosiora, cum his, inquam, et talibus viris regnum hujus exactoris invasit, et inita pugna sonantibus tubis, id est, emisso sonitu prædicationis, fractisque lagenis corporum per multa genera passionum miraculorum claritas splenduit quasi lux, fugitque hic exactor diabolus, quem suo quoque nomine designat Madian, interpretatur enim *declinans iudicium*; fugit, inquam, de cordibus hominum victus in iudicio, nec valens resistere victori Christo. Illic itaque clamorem hujus exactoris non audit, ino vincens et ejiciens illum, circumspicit montes pascuae suæ, id est, erigit altos et elatos homines, de quorum pascatur conversione et humilitate. Unde et scriptum est: « Altitudines montium ipse conspicit (*Psal. xxxiv*), » id est, elationem superhorum ab iniquitate in melius convertit. « Et virentia quæque perquirit, » id est, eos diligit quorum caro per prædicationem ejus in virtutibus reslorescit, qui tanto vere virent sunt, quanto in hæreditatis immarcessibilis sorte radicem cogitationis signunt.

**Superato** exactore, ut supradictum est, quia pauperatum per insirma mundi confusa sunt fortia (*I Cor. 1*), et dum in veneratione vita surgit humilitum, elatio cecidit superborum, de eisdem superbis vel potentibus saeculi tandem leve jugum **506** Christi suscipientib[us] subditur :

**Vers. 9.** — « Nunquid volet rhinoceros servire tibi? » subaudi ut mihi, cui potentes mundi dudum in elatione sua confisi tandem sunt subditi. Rhinoceros enim qui omnino indomitæ naturæ est, et si captur ex impatientia moritur, habens unum tantum in aere cornu, unde et rhinoceros dicitur : rhinoceros enim in lingua Latina sonat *in nare cornu*. Rhinoceros, inquam, per suam feritatem et per uarem cornutam potentiam elationem vel elatam designat fauitatem, quæ quia non viribus humanis, sed tam divinis miraculis mansuescere, vel subdi potest : « Nunquid, » ait, « volet rhinoceros servire tibi? » subaudi, sicut per eos quos misero servit mihi. « Aut morabitur ad præsepe tuum? » id est, queret vel expectabit a te pabula Scripturarum. Nam quasi ad præsepe Domini moratur hic rhinoceros, cum ad verbi pabulum quasi clausus stare squanimiter tollerat, ut edendo et permanendo pinguecat. Et quia pastus sic etiam prædicando postmodum operatur,

**Vers. 10.** — « Nunquid, » ait, « alligabis rhinocerotum ad arandum loro tuo? » id est, prædicare facies præcepto tuo. Nam lora Ecclesiae præcepta sunt disciplinæ, quibus hic rhinoceros non solum ligatus, sed etiam ad arandum, id est, ad proscindendam vomere lingue humani pectoris terram subjugatus est. « Aut confringet, » inquit, « glebas vallium post te? » id est, illos qui per duritiam suam nec ipsi semina verbi recipiunt, nec alios fructum de suscepto semine ferre permittunt, sicut solent excultæ terræ super jacentes glebae jacta semina premere et nascentia suffocare. « Confringet, » inquam, hujusmodi « glebas vallium, » id est, oppressores humilium, « post te, » subaudi, sicut post me, qui postquam mentem cuiuslibet elata potestatis ingredior, etiam ad conterendos fidei hostes exerceo.

**Vers. 11.** — « Nunquid fiduciam habebis in magna fortitudine ejus? » subaudi, ut ego, qui vires quas temporaliter terreno principi confero ad culum meæ venerationis inclino. « Et derelinques ei labores tuos? » quod videlicet ego facio, dum converso principi terreno eam quam sanguine meo mercatus sum Ecclesiam credo.

**Vers. 12.** — « Nunquid credes illi, » id est, nunquid de secretis cordis ejus certus eris, « quod se mentem reddat tibi, » id est, quod fideliter incorruptum servet, « et ad aream tuam congreget? » subaudi, sicut ego credo et scio quod Ecclesiam meam recte gubernet, quam aliquando superbo cornu dispergendo ventilabat. Audit B. Job quid gentilitatis principes faciant, ut nequaquam se apud semetipsum de gloria tantæ suæ virtutis extollat. Sed sancta Ecclesia ei quando foris apertos hostes non habet, intus

A tolerat fictos fratres. Unde Dominus quia rhinocerota hunc loris ligatum dixit, illico pravorum hypocrisim subdidit.

**Vers. 13.** — « Penna, » inquit, « struthionis, » id est, exterior habitus hypocritæ, « similis est pennis herodii et accipitris, » id est, spiritualium virorum veræ religionis. Hypocrita, qui bonorum vitam simulat, sed veritatem sanctitatis non habet, per struthionem designatur, qui pennis herodii vel accipitris similes pennis habet, sed volatus eorum celeritatem non habet, et sicut accipitris et herodii parva sunt corpora sed pennis densioribus fulta, et idcirco cum celeritate transvolant : struthio vero raris pennis induitur et immanni corpore gravatur, sic et electis parum quid inest quod deprimit, multa autem quæ in superna sustollunt, hypocrita vero et si qua facit pauca quæ elevent, perpetrat multa quæ gravent. « Penna, » ergo, inquit, « struthionis similis est pennis herodii et accipitris. »

**Vers. 14.** — « Quando derelinquit ova sua in terra, » id est, quia hypocrita negligit auditores suos per bona nutrire exempla. Nam dum hypocrita recta suis auditoribus dicit, quasi ova struthio parit, sed dum illos a terrenis actibus per bona exempla non suspendit, quasi ova sua eadem struthio in terra derelinquit. « Tu forsitan, » inquit, « in pulvere calefacies ea? » ac si dicat, ut ego, qui quasi ova struthionis calefacio dum parvorum animas et in medio peccantium, qui merito pulvis dicendi sunt, amoris mei igne succendo.

**Vers. 15.** — « Obliviscitur, » inquit, « quod pes conculcit ea, » id est, non curat si transitus malæ operationis pervertat auditorum suorum animas, « aut bestia agri conterat, » id est, diabolus prædo mundi rapiat vel corruptat. « Obliviscitur, » inquam, et absque pietate vivens :

**Vers. 16.** — « Duratur ad filios suos quasi non sint sui, » id est, proximum suum, etiam si ipse hunc Deo genuit, extrancum respicit, videlicet longe dissimilis ab illo qui mollia viscera gestans erga filios, « Nunc vivimus, » inquit, « si vos statis in Domino (*I Thess. iii*). » Ita negligens hypocrita torpens quidem a coelestibus, sed anxie flagrans terrenis rebus : « Frustra, » inquit, « laboravit nullo timore gente, » id est, stulto labore terrena curando « illic trepidavit timore ubi non erat timor (*Psal. xiii*). » Sciendum vero est quod nonnunquam aliqui et sanctitatis habitum tenent, et perfectionis meritum exequi non valent. Hos nequaque credendum est in hypocitarum numerum currere, quia aliud est infirmitate, aliud malitia peccare. Sed cur hypocrita celestia deserens terrenis incumbat, sub struthionis adhuc nomine subjungitur :

**Vers. 17.** — « Privavit enim eam, » inquit, « Deus sapientia, » id est, non dedit illi sapientiam. Sequitur enim : « Nec dedit illi intelligentiam. » Quamvis aliud sit privare, aliud non dare, hic tamen quod dixerat, « privavit, » repetit subdendo, « non dedit. » « Privavit, » inquam, id est, « non dedit, » sicut di-

citur indurasse cor Pharaonis (*Exod. xx*), quia A  
meritis ejus exigentibus non emollivit.

**VERS. 18.** — « Cum tempus fuerit, » id est, si qua eruperit tentatio fidei, « in altum alas erigit, » id est, hoc tempore pressas et quasi complicatas cogitationes superbiendo manifestat. « Deridet equitem, » id est, sanctam animam despicit corpus suum bene regentem, et ei quasi equo frenato præsidentem. « Deridet, » inquam, « equitem, et ascensorem ejus, » id est, usque ad injuriam prosilit Creatoris, qui dum animam possidet cujusque electi bene, ut dictum est, corpus suum regentis, profecto equitem ascendet. Ita succrescentibus defectibus hypocrita ad graviora pervenit, dum prius bonam se quod non est ostendit, postmodum vero bonos aperte despicit, ad extremum quoque usque ad injuriam Creatoris exsiliens in pejus proficit. Rursus etiam aliter posthabita mortalitate tam fera et superba rhinocerotis virtus, et struthionis hujus duræ atque obliuiose fatuitas exponitur. Rhinoceros iste, qui in Græcis exemplaribus etiam monoceros nominatur, tantæ tamq[ue] indomita fortitudinis dicitur, ut nulla venantium virtute capiatur aliquatenus, sed virgo ei puella proponitur, cui sinum aperienti, mirum in modum omni ferocitate deposita, caput deponit, sique decepta fera repente velut inermis repperitur et capit. Buxei quoque coloris esse describitur, qui etiam cum elephantis certamen aggrediens, eo cornu quod in nare singulariter gestat, ventrem adversantium seriens vulnerat, ut impugnantem se facile sternat.

Potest ergo per hunc rhinocerota populus ille superbiae singularis intelligi, de quo Dominus per Prophetam, « Libera me, » inquit, « de ore leonis, et a cornibus unicornium humilitatem meam (*Psal. xxi*). » Itaque B. Job sanctæ Ecclesiæ typum **507** tenenti dicitur : « Nunquid volet rhinoceros servire tibi? » subaudi ut mibi, qui et contra me illum singulari cornu extolli conspicio, et tamen mihi cum voluero subdo. Sed hoc ut melius pateat, ille ex hoc populo ad medium ducatur Paulus, in superbia primus, et postmodum in humilitate præcipius. Hic in nare cornu gestabat, cum placitum se Deo de crudelitate confidebat. Hunc rhinocerotem omnis venator extimuit, quia saevitiam ejus ominus prædictor expavit. Sed ad capiendum illum virgo sinum suum expandit, quia videlicet dum pergeret Damascum incarnata Dei Sapientia sese illi manifestavit (*Act. ix*). « Nunquid » ergo « volet rhinoceros servire tibi? » subaudi ut mihi, « aut morabitur ad præseptum? » subaudi ut iste a me per Ananiam, ad baptismatis religatus ex sacramentum. « Nunquid alligabis eum ad arandum loro tuo? » id est ad prædicandum constringes præcepto tuo, videlicet ita ut dicat : « Væ enim mihi est si non evangelizavero (*I Cor. ix*). » — « Aut confringet glebas vallium, » id est impedimenta humilium, « poste, » scilicet sicut post me, verbi gratia, dum dicit : « Si circumcidamini, Christus vobis nihil proderit (*Gal. v*). » Qui

A enim in humili mente fidelium legis duritiam redarguendo contrivit, quid aliud quam in valle posse glebas fregit? « Nunquid fiduciam habebis in magna fortitudine ejus, » subaudi ut ego, qui longe ad gentes mitto eum « ut portet nomen meum coram regibus et gentibus? (*Act. ix*). » — « Et derelinques ei labores tuos? » subaudi ut ego, qui hoc facio, ut dicat : « Adimpleo ea quæ desunt passionum Christi in carne mea. » (*Col. i*.) « Nunquid credes illi quod reddat semente, » id est fructiferam prædicationem tibi, « et aream tuam congreget? » id est Ecclesie latitudinem in unam fidem amplificet, subaudi non credes. Nam et Ananias, « Domine, inquit, audivi a multis de viro hoc quanta mala fecerit sanctus tuus, » etc. (*Act. ix*.) Non enim credebat quod aream Domini congregaturus esset, qui illam hactenus elationis cornu ventilaverat. Quod in Paulo actum est, et in aliis quoque factum esse credendum est. Multi quippe ad humilitatis gratiam ex illius populi elatione conversi sunt. Sed ex maxima parte Synagoga in infidelitate permanxit, de qua et subditur : « Penna struthionis, » id est vox Synagogæ in infinitis repetitis et nunquam se a terra sublevantis, « similis penitus herodii et accipitris, » id est patribus antiquis, qui ad ea quæ potuerunt intelligendo propiscere, valuerunt etiam vivendo pervolare. « Similis, » inquam. « Nam super cathedram Mosi sederunt Scribe et Pharisei (*Matth. xxiii*). » — « Quæ dereliquit in terra ova sua, » id est de sua carne editos apostolos ad gentes effugat. « Tu forsitan, inquit, in pulvere calefacies ea? » id est in abjecta genitilitate suscitabis fetus illorum, in quibus spes illorum qualis in ovo esse poterat, ad vitam multorum proficiat. « Obliviscitur, » id est non curat, « quod pes conculeat ea, aut bestia agri conterat, » id est vitam non solum filii non dedit, sed etiam postmodum invidit, quos pes conculeat et agri bestia conterit, dum persecutione edicta insurget in eos bestialiter saevitia cujuslibet, tyranni. Imo et ipsa conculcans atque conterens : « Duratur ad filios suos quasi non sint sui, » videlicet quos alter quam se vivere deprehendit. Et hoc faciens frustra laboravit, quia videlicet non ut ipsa arbitrata est persequendo illos obsequium Deo præstitum (*Job. xvi*). Laboravit, inquam, « nullo cogente timore, » subaudi, sed sola crudelitate. Non enim ut simulabat idcirco illos persecutus est, quod timeret ne religio divina deperiret, sed quod eum livor invidiæ torquebat. « Privavit enim, inquit, eam Deus sapientia, » id est justo judicio posuit velamen super cor ejus. Illoc est quod sequitur : « Nec dedit illi intelligentiam, » scilicet qua spiritualiter intelligeret legis literam.

**VERS. 18.** — « Cum tempus fuerit, » id est cum Antichristus venerit, « in altum alas erigit, » id est aperta cum superbia persecutionem exercit. « Deridet equitem et ascensorem ejus, » id est blasphemat non solum humanitatem Domini, quæ profecto eques est divinitatis, sed ipsam quoque divinitatem, quæ

tunc eq̄item ascendit, quando animatam carnem sibi univit, quam de utero Virginis condidit.

Sane equi nomine aliquando lubrica pravorum vita signatur, sicut scriptum est : « Nolite fieri sicut equus et mulus (*Psal. xxxi*), » aliquando dignitas temporalis, sicut Salomon ait : « Vidi servos in equis (*Eccle. x*), » aliquando hoc ipsum præsens sæculum, sicut Jacob de colubro Dan, id est de Antichristo, « mordens, inquit, ungulas equi, » id est stringens finem sæculi, « ut cadat ascensor ejus retro (*Gen. xl ix*), » id est, in ea quæ ignorat æterna tormenta corrut quisquis elatus est in hoc sæculo. Aliquando sanctus quisque prædictor equi nomine accipitur juxta illud : « Misisti in mare equos tuos, turbantes aquas multas, » id est misisti in hunc mundum prædicatores tuos, ut excitarent gentes multas sub vitiorum tempore male sopitas. Hac si-  
guificatione nunc dicitur :

VERS. 19. — « Nunquid præbebis equo fortitudinem, » id est sancto prædictori adversa tolerandi constantiam, « aut circumdabis collo ejus hinnitum, » id est prædicationis, qua ad superna vocat blandimentum? « Circumdabis, inquam, collo, » scilicet ne extra sermonem actio trauseat, ne vita voci contradicat?

VERS. 20. — « Nunquid suscitabis eum quasi locustas? » id est sic illum, scilicet prædicatorem sanctum, in persecutionis ardore ad cœlestia facies subvolare, sicut locustæ matutinis quidem horis, id est teporis tempore vix a terra se sublevant, cum vero æstus exarserit, tanto altius quanto alacrius volant. Tunc enim locustæ calore solis excitatae crura figunt et alas exerunt. Sic sancti in persecutione recta agendo se stabiliunt, et ad alta videnda exsiliunt. Ita ego suscitato equo : « Gloria, inquit, narium ejus terror, » id est visionem districti judicis gloria spe quasi de procul odorans exspectat, et cum injustus venire formidat, justus vehementer desiderat. Dumque in suis naribus, id est in sua spe gloriatur, quæ tamen exspectatio terror est peccatoribus :

VERS. 21. — « Terram, inquit, ungulo fodit, » id est ab auditorum cordibus terrenas cogitationes ejicit, seque primum, ut illis exemplo sit, sæcularibus evacuat curis, dicitque : « Imitatores mie estote sicut et ego Christi (*Philipp. iii*), » et his similia. Unde bene Isaac apud alienam gentem puteos fodisse describitur, quos tamen puteos Allophyli insidiantes replent (*Gen. xxvi*), quia nimirum immundi spiritus cum nos studiose cor fodere conspiciunt, congestas nobis tentationum cogitationes mergunt, ne ibi ab ira Dei abscondamur, juxta prophetam dicentem : « Abscondere in fossa huino, a facie timoris Domini (*Isa. ii*), » id est egestis cogitationibus terrenis quiesce in humilitatem mentis. « Terram, inquam, fodit, » et hoc faciens, « exsultat audacter, » id est gaudet in adversis constanter, juxta illud : « Ibant a conspectu concilii gaudentes, quoniam digni habitu sunt pro nomine Jesu contumeliam pati

A (*Act. v*). — « Exsultat, » inquam. « Non enim contristabit justum, quidquid ei acciderit (*Prov. xii*). » Nec solum exsultat, sed et « in occursum pergit armatis, » id est pro defensione justitiae perversis erumpentibus, ac sævientibus semetipsum objicit. V. g. ut Paulus, quando Ephesi ad irrumpendas theatri turbas zeli flamma rapiebatur, nisi eum frena charitatis tenuissent, rogantibus amieis ne se daret in theatrum (*Act. xix*).

VERS. 22. — « Contemnit, inquit, pavorem. » — « Quis enim separabit nos a charitate Dei? » (*Rom. viii*). — « Contemnit, inquam, nec cedit gladio, » id est nullo deterretur genere mortis ab exsequendosessoris 508 sui imperio.

VERS. 23. — « Super ipsum sonabit pharetra, » id est contra illum parabit machinatio pravorum insidiosa, sicut per Prophetam dicitur : « Paraverunt sagittas suas in pharetra (*Psal. x*). » Hæc pharetra super Paulum sonuit, cum quadraginta viri, qui ejus mortem conjuraverant, dolo quærebant eum de carcere educi (*Act. xxiii*). Sed quia prædictor sanctus talibus minime terretur, « vibrabit, inquit, hasta et clypeus, » id est persecutorum crudelitas ad supplicia manifesta producitur. Atque vir sanctus ut seriri debeat, hasta vibratur, sed ne audiri possit, clypeo supponitur, id est dum corpus torquetur, os loquenter opprimitur adversis responsionibus, quia videbit, hi qui in persecutione sæviunt non tam dolent quod cor prædictoris non emolliunt, quam quod per ejus verba etiam alios amittunt. Sed nunquid prædictor sanctus, verbi gratia Paulus sæpe dictes, a fervore suo per ista compescitur?

VERS. 24. — « Fervens, inquit, et fremens, » id est sancto Spiritu inflammatus et eloquens, « sorbet terram, » id est in ipsis poenis suis trahit ad se peccatorem. « Nec reputat tubæ sonare clangorem, » id est non audit, nou curat vocem sæcularium protestatum : « Obedire, inquit, nos oportet Deo magis quam hominibus (*Act. v*); » dejici potest, superari nou potest. Imo adhuc magis exsultat in adversis. Unde sequitur :

VERS. 25. — « Ubi audieris bucinam, dicit : Vah, » id est cum certum passionis sibi propinquare considerat, de exercitio virtutis exsulat. Desiderium enim habet dissolvi, et esse cum Christo (*Philipp. i*). Et sicut homo non nihil ex infirmitate trepidat, per spei tamen certitudinem ad præmium remunerationis gaudenter properat : « Dicit, inquam, Vah, » quod profecto dicere non potest brutum animal. Ergo de rationali equo sermo est. Et idecirco quodlibet certamen hic equus exsuperat, quia videbit « procul odoratur bellum, » id est mentem certamini ante certamen parat, quod admonebat discipulis Paulus cum diceret : « Vosmetipsos tentate, si estis in fide, ipsi vos probate (*II Cor. xiii*). » — « Bellum, inquam, odoratur; exhortationem dicum, et ululatum exercitus, » subaudi « procul odoratur, » id est longe ante considerat quid vel auctores errorum contra electos valcent præcipere,

vel turba eis subdita quam possit unanimiter insinare. Duces ait exhortari, exercitum vero ululare, quia videlicet hi qui infidelibus praesunt, quasi ex ratione persuadent prava quae præcipiunt, turba vero subdita bestiali insaniam perstrepens sequitur voces eorum. Hunc ululatum Paulus odorans : « Intrabunt, inquit, post discessum meum lupi graves in vos (Act. xx). » De exhortatione vero ducum : « In avaritia, inquit, fictis verbis de vobis negotiabantur (II Petr. ii). »

« Nunquid, ait, præbebis equo fortitudinem ? » subaudi ut ego, qui unicuique animæ cui præsideo ante omnia fidei fortitudinem præbeo. « Aut circumdabis collo ejus hinnitum ? » id est ejusdem fidei confessionem, videlicet ut quod credit ad justitiam, ore consiteatur ad salutem (Rom. x). « Nunquid suscitabis eum quasi locustas, » scilicet ut quamvis veterem adhuc vitam ex usu retineat, nova tamen per intentionem agat, more locustæ quæ flexis quidem poplitibus terræ inhæret, in quibusdam tamen expansis alis a terra se suspendit ? Cum autem sic bene vivere incepit : « Gloria, inquit, narium ejus terror, » id est in spe quidem gloriatur : spes enim per nares exprimitur; sed dum futurum iudicium mente conspicit, hoc ipsum timet unde gloriatur. Quid ergo agit ? « Terram, inquit, ungula sodit, » id est per districtam abstinentiam domat vitia carnis. Quo facto, « exsultat, inquit, audacter, » id est qui prius timebat, jam domitis vitiis adventum judicis exspectat. Sique exsultans : « In occursum, inquit, pergit armatis, » id est insidias longe prævidet, quas intentant spiritus maligni, quibus tunc « in occursum pergit, » cum dolos illorum mirabiliter deprehendit. « Contemnit pavorem, » scilicet nullius habens tentationis formidinem, « nec cedit gladio, » id est non ad hoc usque terretur ut taceat, vel curam proximorum relinquat, quos ab eodem gladio, id est peccato prohibet dicendo : « Non regnet peccatum in vestro mortali corpore (Rom. vi), » et similia. Sed antiquus hostis contra tam durum militem tanto acutiora tentationum spicula perquirit, quanto se despici robustius conspicit. Hoc est quod sequitur : « Super ipsum sonabit pharetra, » id est contra ipsum parabitur tentatio occulta. « Vibrabit hasta et clypeus, » id est tentatio quoque manifesta scienti objicitur. Equum enim Dei sagitta per insidias impedit, quando ei callidus hostis sub virtute vitium abscondit, verbi gratia, dum elationem de servata castitate suggestit : hasta eum cominus vulnerat, cum manifesta nequitia, verbi gratia, libido vel ira etiam scientem tentat. Sed quid contra haec agit equus Dei ? « Fervens, inquit, et fremens, » id est nimio ardore semetipsum discutiens, « sorbet terram, » id est proficiendo in cœlestibus consumit terrenitatem suam. « Et clangorem tubæ sonare non reputat, » id est virtutes suas de quibus inanis gloria suggestur quasi videre recusat. « Ubi audierit vocem buccinæ, » id est ubi cœpit eum tentatio pulsare, « Dicit : Vah, » id est gaudet et exsultat, quia

A videlicet utilitatem supernæ dispensationis considerans, ex ipsa validius temptationis adversitate confudit. Multos enim sua pejus securitas stravit, et quia nonnunquam impropositus tentator adesse conatur, « Procul, inquit, odoratur bellum, » id est longe ex unaquaque re prænotat cuius vitiæ pugna succrescat. « Exhortationes ducum, » subaudi prænotat, id est simulationes principalium vitiorum, « et ululatum exercitus, » id est irrationalabilem turbam vitiorum eorum quæ de ipsis nascuntur, verbi gratia, primus dux vitiorum superbia; radix quippe cunctæ malitiæ superbia est, devictum cor quasi ex ratione solet exhortari cum dicit : Debes majora appetere, ut quo potestate valueris excedere, eo etiam valeas prodesse. Sed equus Dei naso, id est virtute discretionis, « odoratur, » id est perpendit quod si lac exhortatio ducis admissa fuerit, mox ululans exercitus sequitur, id est cætera vitia, quæ de superbia nascuntur, scilicet inanis gloria, invidia, ira, tristitia, avaritia, ventris ingluvies, luxuria. Septem hæc principalia vitia, contra quæ Redemptor noster septiformi Spiritu plenus venit, singula contra nos habent exercitum suum, id est turbam vitiorum, quorum ululatum, id est confusionem equus Dei dum virtute discretionis, ut dictum est, deprehendit, recte procul bellum dicitur odorari. Jam qui per equum didicimus sancti prædicatoris fortitudinem, etiam per avem discamus illius contemplationem.

VERS. 26. — « Nunquid, ait, per sapientiam tuam plumescit accipiter, et alas suas expandit ad austrum ? » id est nunquid cuilibet tu intelligentiam contulisti, ut, flante sancto Spiritu cogitationum, alas expandat, quatenus pondera vetustæ conversationis abjectat, et virtutum plumas in usum novi rotatus sumat? Agrestibus enim accipitribus moris est ut, flante austro, vel si ventus desit, contra solis radium alas expandant, sique apertis poris vel veteres pennæ exsilient, vel novæ succrescant. Ita per singulos annos pennam veterem accipiter nova nascente projicit. Et quidem domesticis accipitribus, quo melius plumescere debeant, munita ac tepentia loca requiruntur. Potest autem per hunc accipitrem renovata gentilitas designari. Ait ergo : « Nunquid per 509 sapientiam tuam plumescit accipiter ? » Ac si beatus Job aperte diceretur : Futuras virtutum pruinias in gentilitate respice, et vetustas superflue pennas amitte. Sequitur :

VERS. 27. — « Nunquid ad præceptum tuum elevabitur aquila, » id est jussionibus tuis sicut meis obtemperans in supernis suspendetur fidelium vita ? « Et in arduis ponet nidum suum ? » id est suæ mentis habitationem, et dicit : « Nostra autem conversatio in cœlis est (Philipp. iii). » Hoc videlicet ad mei solius præceptum faciens.

VERS. 28. — « In petris manet, » id est in dictis antiquorum et fortium Patrum mentis stationem collocat, qui dicti sunt vivi lapides (I Petr. ii), vel in contemplatione cœlestium virtutum, quæ jam per æternitatis suæ fortitudinem certa soliditate fixæ

sunt. « In petris, » inquam, « manet, et in præru-  
ptis silicibus commoratur, » id est eosdem fortissi-  
mos angelorum choros contemplatur. Qui prærupti  
sunt, quia videlicet pars eorum cecidit, pars reman-  
sit: et integri quidem, stant per qualitatem meriti,  
sed per numeri quantitatrem prærupti. « In præru-  
ptis, » inquam, « silicibus, atque inaccessis ru-  
pibus. » Nimirum qui prærupti silices, ipsi sunt in-  
accessæ rupes. Cordi enim peccatorum hominum  
valde inaccessa est claritas angelorum.

**VERS. 29.** — « Inde, » inquit, « contemplatur  
escam, » id est ex illis chorus angelicis tendit ocu-  
lum mentis ad contemplandam gloriam supernæ ma-  
jestatis, qua non visa, adhuc esurit. Et quia per in-  
terpositionem corruptibilis carnis gravatus Deum  
sicut est, videre non potest: « Oculi, » inquit,  
« ejus de longe prospiciunt, » id est needum per  
speciem videt Deum, sed per enigma et speculum  
(I Cor. xiii). Hæc et illa verba Isaiae uno spiritu  
mire probata sunt: « Iste in excelsis habitabit, mu-  
nimenta saxonum sublimitas ejus: panis ei datus  
est, aquæ ejus fideles sunt. Regem in decoro suo  
videbunt oculi ejus, cernent terram de longe  
(Isa. xxvii). » Nam quod ille ait, « in excelsis  
habitabit, munimenta saxonum sublimitas ejus, »  
hoc dictum est hic: « in petris manet, et in  
præruptis silicibus commoratur, atque inaccessis  
rūpibus, » et quod ibi dictum est, « panis ei  
datus est, aquæ ejus fideles sunt, regem in de-  
coro suo videbunt oculi ejus, » hoc dictum est hic:  
« Inde contemplatur escam; » et quod ibi dictum  
est, « cernent terram de longe, » hoc dicitur hic:  
« Oculi ejus de longe prospiciunt. » Sed prædictor  
sanctus coelestia, ut dictum est, contemplans, cum  
auditores suos ea capere non posse consipit, ad  
sola Dominicæ incarnationis verba descendit. Unde  
illio subinfertur:

**VERS. 30.** — « Pulli ejus lambent sanguinem. »  
Ac si aperte diceretur: Ipse quidem Divinitatis con-  
templatione pascitur, sed auditores ejus quia Deita-  
tis secreta percipere nequeunt, cognito crucifixi Do-  
mini cruento satiantur. Quibus et dicit: « Non enim  
judicavi me aliquid scire inter vos nisi Christum  
Iesum, et hunc crucifixum (I Cor. ii). » Et « ubi-  
cunque fuerit cadaver, » inquit, « statim adest, » vi-  
delicet sicut alias dicitur: « Ubicunque fuerit cor-  
pus, ibi congregabuntur aquile (Matth. xxiv; Luc.  
xvii), » id est ubi qui passus et mortuus est sedet  
Christus, ibi suspensa mente conversatur. Vel ita:  
« Ubicunque cadaver fuerit, » id est ubicunque pec-  
catorum esse cognoverit, « statim adest, » scilicet  
ut ex eo quod jam spiritualiter vivit, aliis in morte  
peccati jacentibus proposit, velut Paulus jam sepe di-  
ctus, qui nunc Judream, nunc Corinthum, nunc Ro-  
manum, nunc Ephesum, nunc Hispanias tendebat, ut  
in peccati morte jacentibus æternæ vite gratiam  
nuntiaret. Auditio tot virtutibus sanctorum, beatus  
Job obstuuisse intelligitur, et sub admirationis  
terrestris suis. Nam sequitur:

**A VERS. 31, 32.** — « Et adjecit Dominus, et locutus  
est ad Job: Nunquid qui contendit cum Deo tam  
facile conquiescit? Utique qui arguit Deum, debet  
respondere ei. » Hic subaudiendum est: Tu autem  
facile conquististi, et non respondes mihi. Ac proti-  
nus inferendum: Non ergo sicut amici tui criminati  
sunt contentiose cum Deo disputasti, neque adver-  
sus me erecto collo cucurristi, quia quæcumque  
quasi arguendo Deum protulisti, non ex tumore su-  
perbiae, sed ex qualitate vitæ tuae collegisti, scilicet  
sciens non esse in te vitium, quod tanto deberet fla-  
gello resecari. Contentiosus enim sapientiori non ac-  
quiescit.

**B VERS. 33.** — Beatus iratus Job humanum genus  
virtutibus transiens, amicos loquendo superavit,  
sed loquente Deo sublimius eruditus semetipsum co-  
gnoscendo reticuit, quia videlicet ad verba locutio-  
nis intimæ reum se juste cognovit. Ait enim.

**C VERS. 34.** — « Qui leviter locutus sum, respon-  
dere quid potero? » Ac si dicat: Quod ego dispu-  
tando requisivi cur me tuis flagellis cinxeris, cum  
ego juste vixerim, tantæ levitatis est, ac si dicat  
figmentum ei qui se singit: Jam satis me informa-  
sti, cur adhuc tam asperos mihi digitos imprimis?  
Vel si dicat sigillum sculptori: Jam placeo videnti-  
bus et laudor a cunctis, cur adhuc scalpello tuo me  
impetus? « Qui, » ergo « tam leviter locutus sum, »  
et hanc levitatem meam ex verbis tuis recognovi, te  
scilicet per multiplices similitudines ostende quod  
tuum sit, non meum, sanctos perlicere vel quantum  
cuique desit prospicere, « respondere quid pos-  
sum? » Subaudi nihil. Ergo « manum meam ponam  
super os meum, » id est conticescam, et victimum me  
in causa confitens, continebo os meum « Manum, »  
inquam, « meam ponam super os meum, » id est  
virtute boni operis quod per manum solet significari  
terram culpas incautæ locutionis. Illoc est quod se-  
quitur:

**D VERS. 35.** — « Unum locutus sum, quod utimani  
non dixisse, et alterum, » id est: et ante flagella  
rectum me inter homines credidi; hoc est unum: et  
post flagella rigidum me inveni; hoc est alterum.  
« Quibus, » inquit, ultra non addam, » quia videlicet  
jam nunc quanto te loquentem subtilius intelligo,  
tanto memetipsum humilius investigo. Universaliter  
tamen per unum et alterum liquido ostendit  
quod peccator omnis in penitentia duplē habere  
gemitum debet, nimirum quia et honum quod  
oportuit non fecit, et malum quod non oportuit  
fecit.

**CAP. XL, VERS. 1, 2.** — Respondens autem Do-  
minus Job de turbine dixit: Accinge sicut vir luxi-  
bos tuos, interrogabo te, et indica mihi. » Hoc pri-  
mo jam diu sermone tractatum est, quod idcirco  
Dominus nunc repetit, ut attentionem renovet au-  
dientis, quia videlicet qui superiori sermone de mi-  
sericordia vel gratia sue operibus multe protulit,  
ipse hoc alio sermone de terribili judicio suo ma-  
gna et mira dicturus est, ut digno et probato ho-

mini universas indicet vias suas, quæ sunt misericordia et veritas (*Psal. xxiv*).

VERS. 3. — « Nunquid », ait, « irritum facies judicium meum, et condemnabis me, ut tu justificeris ? » Ac si aperte dicat : Tua quidem bene acta considerans, sed mea occulta judicia ignorans, dum ex tuis meritis contra mea flagella disputas, quid aliud quam me addicere te justificando festinas ?

VERS. 4. — « Et si habes brachium, » id est si dignis cuncta operantem Filium, « sicut Deus. Et si voce simili tonas ? » subaudi voci meæ qui toti mundo consubstantiale mibi Filium terribiliter demonstro.

VERS. 5. — « Circumda tibi decorem, » subaudi ut ego, de quo solo scriptum est : « Dominus regnabit, decorem induit (*Psal. xcii*). » — « Ei, ta sublimē erigere, subaudi ut ego, qui me in natura mea mentibus humanis demonstro impenetrabilem esse. » Et esto gloriosus, » subaudi ut ego, qui me ipso perfruens accendentis laudis non sum indigens. » Et speciosis induere vestibus, » subaudi ut ego, qui sanctorum angelorum choros in usum decoris mei assumpsi, et velut quandam vestem exhibeo mihi gloriosam Ecclesiam non habendo maculam **510** aut rugam (*Ephes. v*). Hæc dicendo beato Job Dominus mira dispensatione pietatis eum dum increpat exaltat, quia videlicet eum quem sua comparatione supererat, superiorum cunctis demonstrat.

VERS. 6. — « Disperge, » inquit, « superbos in furore tuo, » subaudi ut ego, qui eos et tranquillitatis tempore unitos contra me tolero, et districtus quandoque veniens in meo furore eos dispergo. » In furore, » inquam, non quod in me ultra furoris inæqualitas serpat, sed quia incommutabilis manens apud me, et tranquillus justis, et iratus parebo in justis. » Disperge, » inquam, « superbos. Et respi ciens omnem arrogantem humilia, » subaudi ut ego, quia arrogantes quos nunc juste respicio ut corrumpantur, quandoque respicio ut puniantur.

VERS. 7. — « Respic cunctos superbos et confunde eos, » subaudi ut ego, « et contere impios in loco suo, » id est in peccato suo. Impiorum enim locus ipsa superbia est, quæ initium omnis peccati est (*Ecli. x*).

VERS. 8. — « Absconde eos in pulvere simul, » id est justo iudicio cæcari permitte, ut terrenis negotiis opprimantur, sintque, juxta prophetam, « subcinericus panis, qui non reversatur (*Ose. vii*), » id est intentionem qua Deum querere debent inferioribus occultent curis, sicut subcinericus panis mundiorem partem inferius premit. Qui et reversarentur, si desideriorum carnalium cinerem repellent. » In pulvere, » inquam, « absconde eos. Et facies eorum demerge in foscam, » scilicet ut ad ima corruant, cum altiore locum superbiendo appetunt. Hæc et hæc fac quæ dixi :

VERS. 9. — « Et ego confitebor quod salvare te possit dextera tua. » Ac si aperte dicat : Si potes terribilia hæc facere quæ ipse protuli, tibi et no-

A mihi deputo bona omnia quæ fecisti. Jam tandem servo bono Dominus nequitiam antiqui hostis ostendit, ut cognita calliditate discret quantum timeret, juxta prophetam dicentem : « Leo rugiet, quis non timebit ? Dominus locutus est, quis non prophetabit ? » (*Amos iii.*) Cunctas enim ejus machinations insinuat, omne quod opprimento rapit, omne quod insidiando circumdat, omne quod minando terret, omne quod suadendo blanditur, omne quod desperando frangit. Cuncta ergo tergiversationis ejus certamina exorditur dicens :

VERS. 10. — « Ecce Behemoth, » quod interpretatur *animal*, scilicet diabolus, « quem feci tecum, » id est rationalem sicut te, nullum quippe animal in cuncta conditione rerum rationale est nisi angelus et homo, « quem, » inquam, « feci tecum, » quidquid enim ratione uti non potest cum homine factum non est, « fenum quasi bos comedet, » id est sicut bos feno non nisi mundo vescitur, ita illos tantum pro magno habebit rapere, qui mundam, id est spiritualē videntur vitam ducere, sicut per prophetam dicitur : « Esca ejus electa (*Habac. 1*), » id est hi qui apud humana judicia electi videntur, sed apud subtile examen Dei fenum sunt, illi incorporantur. Tali cuiilibet et per quendam sapientem dicitur : « Transi, hospes, et orna mensam (*Ecli. xxix*), » id est laudem altaris Dei extende, ut aliis opinio tua proficiat, qui ipse tanquam hospes transis; quia videlicet in gradu sanctitatis stare ad sacra non vis.

C « Comedet, » inquam, « fenum. » Et quomodo vel unde prævalebit ?

VERS. 11. — « Fortitudo, » inquit, « ejus in lumbis ejus, et virtus ejus in umbilico ventris ejus, » id est uterque sexus, scilicet virilis pariter et femineus, ex luxuriæ infirmitate illi substernitur. Viris enim luxuria in lumbis, feminis autem in umbilico ventris est. Et illi nimis propriæ corporis ejus sunt, qui suggestorum turpium blandimentis decepti ei per luxuriæ fluxa succumbunt. » Fortitudo ergo ejus, inquit, in lumbis ejus, » id est in viris sibi adhaerentibus, « et virtus ejus in umbilico ventris ejus, » id est in feminis quæ unitæ corpori ejus per mollietatem suam sunt quasi umbilicus ejus. Et ita fortiter agens per omne labentis sæculi tempus magis in fine mundi confortabitur. Hoc est quæ sequitur :

VERS. 12. — « Stringit caudam suam quasi cedrum, » id est extremitatem suam, quando vas proprium, scilicet illum perditum hominem ingreditur, qui specialiter Antichristus nuncupatur, modo honoribus sæculi, modo signis et prodigiis fictæ sanctitatis et potentiae tumore elevabitur, ita ut recte cedro debeat comparari. Sicut enim cedrus arbusta cætera in altum crescendo deserit, ita tunc Antichristus mundi gloriam ultra mensuras hominum temporaliter obtinebit. Hæc de ipso iniquorum capitæ dicta sunt. Sequitur de membris ejus. « Nervi testiculorum ejus perplexi sunt, » id est assertiones prædicatorum nequitiae ejus sub duplicitibus argu-

mentis, verborum scilicet et operum, latentes cor- rumpunt animas innocentium. Tot enim Behemoth iste testes habet, quod iniquitatis sua prædicatores possidet. Quos si quis redarguat, mox se sub quodam defensionis velamine occultant, quia vide- licet et nervi perplexi sunt, et male impliciti nequaquam correctione solvi possunt.

Vers. 13. — « Ossa, » inquit, « ejus, » id est valentiores quilibet in corpore ejus, quorum duritia multitudines diabolo adhærentes ita fulciuntur, sicut ossibus carnes : « ossa, » inquam, « ejus sicut fistulæ æris, » id est efficaces sunt in persuasionibus perniciosis, utpote qui more metalli insensibilis sonum bene loquendi habent, sed sensum bene vivendi non habent. Qui tamen ex eo loquendi habent auctoritatem, quod dum rebus subnixi sunt et opibus, quasi ærea fortitudine solidantur. « Cartilago illius, » id est qui non adeo fortes sunt, sed per ambitionem tendunt videri quales non sunt, sicut cartilago ossis, quidem speciem habet, sed ossis duritiam non habet : « Cartilago, » inquam, « illius, » id est hi qui in eo deliliores sunt, « quasi laminæ ferreæ, » id est sicut cæteris metallis durius est ferum, ita ipsa ad perpetranda mala nequiores existunt. Sed jam secundum hæc verba Conditoris, quid antiquus hostis in hominibus etiam nunc antequam assumat illum damnatum hominem exploramus. « Stringit, » inquam, « caudam suam quasi cedrum, » id est finem vitii vel consummationem ita roboret, ut a captivo homine vix possit superari peccatum. Nam caput hujus Behemoth, id est prima suggestio quasi mollis ac tenera est et facile contenda : cauda autem, id est consummata vel in usu homini habita nequitia quasi cedrus est, quia vide- licet prava consuetudo pene insolubiliter innodatur. Et caudam suam tunc quoque stringit, dum plerumque eis quos cepit tunc graviores culpas ingerit, cum præsentis vita termino illos appropinquare cognoscit. Cujus astutiora argumenta panduntur cum subditur : « Nervi testiculorum, » id est pestifera argumenta machinationum ejus, « perplexi sunt. » Testes quippe sunt ejus suggestiones pravæ, quibus in mentis corruptione fervescit, atque in constuprata anima iniqui operis prolem gignit. « Perplexi, » inquam, sunt testes ejusmodi, quia videlicet plerosque ita peccare faciunt, quatenus si peccatum for- fasse fugere appetant, hoc sine alio peccati laqueo non evadant. Quorum tamen nervorum perplexitas solvit, dum ad virtutes maximas per commissa minora transitur. « Ossa, » inquam, « ejus sicut fistulæ æris, » id est consilia ejus dum dulcia sicut fistulae resonant, ad noxia mentem inclinant. Hoc enim suggestiones a consiliis distant, quod per suggestiones aperte noxia inserit, per consilia vero quæ naturalis ejus ingenii subtilitas roborat, quasi ex bono consulens ad culpam trahit, verbi gratia, dum avaro dicit : Ea quidem quæ sunt in præsenti sufficiunt, sed his deficientibus quid acturus es? 511 Deesse potest citius quod est, si non provide paras

A quod deest. Similiter dum cuique vitio suum accommodat consilium, « ossa ejus sicut fistulæ æris sunt, » quia videlicet perniciosa ejus consilia audi- tori suo consulentis vocis suavitate blandiuntur. Sed et tunc Behemoth iste duriores tentationes ex- citat, quando ante tentati oculos iniquitatis laqueos sub specie virtutis occultat. Unde et subditur : « Cartilago ejus, » id est vitia quæ rectitudinis spe- ciem prætendunt, sed ipsam rectitudinem non ha- bent, velut cartilago ossis ostendit speciem, sed os- sis non habent firmitatem. « Cartilago, » inquam, ejus, « id est vitium quod virtus esse creditur, « quasi laminæ ferreæ, » id est quo sub prætextu boni calliditatem suam fraudulentius exhibet, eo in culpa mentem durius tenet. Sed jam nunc iste qui ad decipiendum in tanta insidiarum tergiversatione se exhibet cujus naturæ sit audivimus, cujus sit conditionis audiamus.

Vers. 14. — « Ipse, » inquit, est principium via- rum, » id est, actionum vel creaturarum Dei. Prin- cipium, inquam, quia nimur cum Deus cuncta creans ageret, hunc primum condidit quem reliquis angelis eminentiorem fecit. Ac si aperte diceret : Idecirco ad tam multa fortiter sufficit, quia in natura rerum hunc creando per substantiam Conditor pri- mum fecit. Unde propheta dicit : « Cedri non fue- runt altiores illo in paradyso Dei, abies non ad- æquaverunt summitatem ejus (*Ezech. xxxi*), » etc., id est, illa virtutum cœlestium agmina quæ proceræ celsitudinis, quamvis excelsa sint condita, huic tamen nec prælata sunt nec æquata. Auditis tot anti- qui hostis virtutibus vel magnitudine conditionis ejus, ne quis immensa formidine vel desperationis percussione corrut, infirmitatem nostram patesfacta gratia sua dispensationis resovet. « Qui fecit eum, » inquit, applicabit gladium ejus, » id est restringuet malitiam ejus, videlicet ne ferire tantum mentes ho- minum quantum appetit permittatur, verbi gratia : quomodo in te quoque gladius ejus replicatur me dicente : « Ecce in manu tua est, verumtamen ani- mam illius serva (*Job ii*). » Malitia quippe ejus gla- dius quam sit replicatus, in Evangelio ostenditur, quando si potestas summa licentiam non præbuis- set, grassari illi nec in porcos licuisset (*Marc. v*). Antiquo hosti superbi quique quanto familiarius serviunt, tanto vita hujus successibus apud semet- ipsos altius intumescunt. Unde et subditur :

Vers. 15. — « Illic montes herbas ferunt, » id est superbi fluxas ac lubricas voluptates suas offe- runt, quæ profecto voluptates herbæ montium sunt, quia gignuntur ex cordibus superborum, quibus in- ventis Behemoth iste resectum suæ malitiae ventrem tendit. « Omnes bestiæ, » id est omnes immundi spiritus, « bestiæ, » inquam, agri, » id est vastatores hujus sæculi, « ludent ibi, » id est in montibus il- lis. Ludere namque est spiritibus immundis animam humanam diversis subjungare vitiis, dicendo juxta prophetam : « Incurvare ut transeamus (*Isa. li*). » Et ubi per prava desideria requiescit?

VERS. 16. — « Sub umbra, inquit, dormit, » id est in torpore frigidæ mentis in qua abundante iniquitate charitas refriguit (*Matth. xxiv*), secure cubat et quiescit, quia videlicet nullis poenarum actionum vel cogitationum inquietatur stimulis, nullo satiagatur æstu cœlestis desiderii. « Sub umbra, inquam, et in secreto calami, » id est in occultis et contextis cogitationibus illorum, quia quamdam habent similitudinem calami, quia videlicet per fatuatatem sunt vacui, sej foris per speciem et ostentationem pulchri. Et miro modo ibi ipse quietus dormit, ubi eos quos possidet sicut levis ventus calamum quiescere non permittit. « In locis, inquit, humeribus, » id est in terrenorum hominum mentibus carnali concupiscentia fluentibus, quia nulla disciplinæ fortitudine a vitorum humore siccantur, qui si quando a virtutum magistris redarguuntur, invicem se justorum increpationibus obviando tueruntur. Hoc est quod sequitur :

VERS. 17. — « Protegunt umbræ umbram ejus, » id est nequissimorum facta nequiores perversis patrocinis tueruntur. Dum enim nequier agentem nequior alias defensat, quasi umbram ne a veritatis lumine illustretur obscurat. « Circumdabunt, inquit, eum salices, » id est familiariter illi obsequuntur infructuosi homines, de quorum sterili vita contra Babyloniam dicitur : « In salicibus in medio ejus suspendimus organa nostra (*Psal. cxxxvi*), » id est, ideo quia fructum non reddunt auditores, cessat prædicatio nostra. « Salices, inquam, torrentis, » id est amatores hujus saeculi labentis Deo ut dictum est infructuosi. Quid illi a suis clientibus impendatur audivimus, nunc etiam quid in illis ipse agat audiamus

VERS. 18. — « Ecce, absorbebit, inquit, fluvium et non mirabitur, » id est a mundi origine humatum genus vix paucis electis evadentibus in ventrem malitiæ suæ trahens hoc pro magno non habet, sed illud magnum reputat quod sequitur : « Et habet fiduciam quod influat Jordanis in os ejus, » id est quod illorum quoque quosdam qui baptismi sacramentis signati sunt deglutire se posse confidit. Jordanis enim nomine, in quo Dominus noster baptizatus est, recte omnes baptizati designantur. Et toties Jordanis in os illius fluit, quoties Christianus quisque ad iniquitatem defluit. Jordanis nomen secundum interpretationem ad enm sensum respicit. Interpretatur enim *descensio*. Quam videlicet descensionem tunc iste Behemoth se posse deglutire confidit, dum illos insidiando rapere appetit, quos pro amore supernæ patriæ a præsentis vitæ gloria semetipsos dejicere agnoscit. Quod etiam toties efficit, quoties hi qui ejusmodi sunt inanis gloriæ te lo percussi pejus de alto ruunt. Quid ergo? Nullum erit consolationis adjutorium? Erit certe; nam sequitur :

VERS. 19. — « In oculis suis hamo capiet eum, » subaudi, qui fecit eum, ut supra dictum est. Hamo, inquam, capiet eum. Repente Dominicæ Incarnationis

**A**nis nuntiat adventum. Quis enim nesciat quod in hamo esca ostenditur, aculeus occultatur? Esca enim provocat ut aculeus pungat. Ibi autem, id est in Incarnatione Dominica humanitas inerat, quæ ad se devoratorem duceret, ibi divinitas quæ perforaret. Quasi hamo ergo captus est in oculis suis, id est, in eo quem ante se positum vidit, quia dum in illo appetit escam corporis, transfixus est aculeo divinitatis. Hoc per se caput nostrum fecit. Protinus subditur quid per membra sua facit. « Et in sudibus, inquit, perforabit nares ojus, » id est acutis sanctorum consilio callidas ejus insidias penetrans enervabit. Nam per sues, qui exacuantur ut figurantur, sanctorum consilia signantur, quibus hoc præcavent ne a Satana circumveniantur. Per nares autem, quibus res etiam longe posita odorando sentitur, astulæ ejus exprimuntur. Quas videlicet nares tunc sudibus perforamus, quando subtiliter circumspicimus ne hoc quod mens bene inchoat, ipse in malitiæ sinem vertat. Quod si illum is qui Deus et homo est non capiat, an qui homo tantum est capiet? Non. Unde et sequitur:

VERS. 20. — « An extrahere poteris Leviathan, » id est, eumdem diabolum « hamo? » Leviathan interpretatur *additamentum eorum*, subaudi, hominum, videlicet per irrisiōem, quia dum homini divinitatem se addere perhibuit, immortalitatem tulit. Vel ideo quia culpam prævaricationis quam intulit, usque ad mortem quotidie pessimis suggestionibus extendit et superaddit. Hunc, inquam, Leviathan ad omnium mortem inhiantem, « an extrahere, **512** inquit, poteris hamo? » subaudi, sicut ego supradicto Incarnationis mysterio? Cujus videlicet hamo linea illa est per Evangelium antiquorum Patrum memorata propago : « Abraham genuit Isaac (*Matth. 1*), » etc. « An extrahes, inquam. Et fune ligabis linguam ejus, » subaudi, sicut ego? Tunc namque illo de quo scriptum est : « Funiculus triplex difficile rumpitur (*Eccle. iv*), » fune, inquam, id est fide Trinitatis indissolubili, ligabo linguam ejus, ut videlicet veritate cognita falsæ doctrinæ conquiscent, verbi gratia, error academicorum, superstitiones mathematicorum.

VERS. 21. — « Nunquid, ait, pones circulum in naribus ejus, » id est omnipotentia virtutis ambies vel circumplete insidias ejus, subaudi, ut ego? Nam sicut per nares insidiae, ita per circulum designatur omnipotentia virtutis divinae. Cujus occulti judicij adjutorio dum a callida crudelitate Behemoth refrenatur, quasi circulus in naribus ejus ponitur. « Aut armilla, inquit, perforabis maxillam ejus, » subaudi, ut ego, scilicet, ut eos quoque quos jam cepit amittat, et quasi ab ore illius cadant, dum post perpetratas culpas ad innocentiam redeunt? Sane ab intellectu circuli armilla non discrepat, quæ ubi ponitur ambiendo constringit, significans et ipsa propensiorem circa nos occulti judicij protectionem: videlicet Petrum iste Behemoth in ore tenuit, eum negavit. David cum in adulterium simul et in ho-

micidum incidit. Sed dum uterque ad vitam per poenitentiam abiit, Leviathan iste eos quasi per maxilla sua foramen ammisit.

VERS. 22. — « Nunquid, ait, multiplicabit ad te preces, aut loquetur tibi mollia? » subaudi, ut mihi cui dicit: « Si ejicis nos, mitte nos in gregem pororum (*Matth. viii*) : » imo cuius corporis vox erit in die judicii: « Domine, Domine aperi nobis (*Matth. xxv*). »

VERS. 23, 24. — « Nunquid feriet tecum pactum: » subaudi, ut mecum a cuius iudicio etiam discordando non discrepat, et adversando non minus proficit quam si juraverit se cooperari velle utilitatibus meis? « Et accipies, inquit, eum servum sempiternum, » subaudi, ut ego, qui utor illo pro velle meo, verbi gratia, sicut faber malleo suo? Servus, inquam, sempiternus, scilicet non solum in hac vita dum electos perseguendo purgat, sed etiam in futuro saeculo, dum justi, conspectis cruciatibus ejus quos evaserunt, crescunt in lande mea? In hoc profecto magna ejus fatuitas illuditur, quod semper eidem prodest, cui semper obesse nititur. Unde et sequitur: « Nunquid illudes ei quasi avi? » Notandum quod qui prius Behemoth, quod est animal [bellua], postmodum Leviathan per quod intelligitur draco, nunc avis dicitur, videlicet propter brutum sensum quo cœlestia deseruit bellua est, propter malitiam qua hominem decepit draco est, propter naturam suam subtilitatem de qua superbit avis est. In illis quoque quos per luxuriam polluit jumentum est, in illis quos malitiosos efficit draco est, in illis quos per superbiam erigit avis est. « Nunquid illudes ei ut avi, » subaudi, ut ego, qui in passione unigeniti Filii escam illi ostendo, sed laqueum abscondo? « Aut ligabis eum ancillis tuis, » subaudi, ut ego, qui dum non per fertia, sed per infirma mundi illum debello, quasi non per servos sed per ancillas meas illum alligo? Quas videlicet ancillas juxta Salomonem (*Propr. ix*), sapientia misit ut vocarent ad arcem id est ad illum quam de carne Virginis ipsa sibi ædificavit dominum, quia videlicet incarnata Sapientia Dei infirmos abjectosque prædicatores habere studuit. Quid ergo fit de illo sic illuso, sic alligato?

VERS. 25. — « Concedit, inquit, eum amici, » id est, prædicatores sancti. Concedit, inquam, gladio verbi Dei, « dividit illum negotiatores, » id est idem amici. Nam qui amici per fidem, ipsi negotiatores sunt per actionem. Concedit, ait, et dividit, quia videlicet prædicando membra illius ab eo separabunt.

VERS. 26. — « Nunquid implebis, ait, sagenas pelle ejus, et gurgustium piscium capite ejus? » subaudi, ut ego, qui vocans pescatores homines et faciens eos fieri pescatores hominum (*Matth. iv*), sagenam illam de qua scriptum est, « Simile est regnum cœlorum sagenæ missæ in mare, et ex omni genere piscium congreganti (*Matth. xiii*), » primum pelle ejus impleo, id est extremos atque insimos

A colligo, et postmodum prudentes mihi adversarios subdendo quasi gurgustium piscium capite ejus impleo.

VERS. 27. — « soncs super eum manum tuam, » id est potentiam tuam? Ac si aperte dicat: Nunquid virtute propria illum reprimes, subaudi ut ego? Quod cur interroget subdendo manifestat. « Memento belli, nec ultra addas loqui, » id est memento quod fortis sit is contra quem te oportet prælari, et quod tu manum tuam super eum ponere non possis, nisi me adjuvante sustenteris. Ad quod tunc maxime adjuvaris cum flagello cingeris, quia videlicet dum exterioribus cruciatibus cingeris, ab interna passione liberaris. Hoc, inquam, « memento, nec ultra addas loqui, » quia videlicet melius tibi est duris in corpore flagellis subjici, quam blandimento occultæ tentatiois decipi. Quia autem Leviathan hujus irremissibilis reatus est, et ab altitudine quam sibi arroget, ruit ad ima, dejectus infra omnia.

VERS. 28. — « Ecce, inquit, spes ejus frustrabitur eum, » illa videlicet qua superbo præsumens, dixit: « Similis ero Altissimo (*Isa. xiv*). » Imo: « Et videntibus cunctis præcipitabit, » scilicet æterno iudice terribiliter apparente, astantibus legionibus angelorum, cuncto assistente ministerio cœlestium potestatum, atque electis omnibus ad hoc spectaculum deductis; tunc, inquam, ista bellua crudelis et fortis deducta in medium captiva æternis gehennæ incendiis cremanda præcipitalitur, diente quoque iudice cuncto corpori ejus: « Discedite, maledicti, in ignem æternum, qui paratus est diabolo et angelis ejus (*Matth. xxv*). » Nune quasi quereres cur tam fortis in certamine nostræ infirmitatis suscitetur?

CAP. XLI, VERS. 1. — « Non, inquit, quasi crudelis suscitabo eum, » subaudi, sed quasi justus, videlicet quia non contra subditos, sed contra resistentes mihi illum grassari permitto. Et ideo time nec addas loqui, ut supra dictum est: « Quis enim, inquit, resistere potest vultui meo, » subaudi impune?

VERS. 2. — « Aut quis ante dedit mihi ut reddam ei, » id est, quis de suis meritis contra me potest gloriari? Nemo quippe prior aliquid mihi contulit, neque boni quidquam operatur aliquis, nisi illum misericordia mea prævenerit. « Quis, inquam, dedit mihi ut reddam ei? » Omnia quæ sub cœlo sunt, mea sunt. Sub cœlo, inquam, videlicet, quæ sola contingere aut videre potest homo. Et idcirco cum aliquid de his servitium vel munus impendit, non prior dat ipse mihi, cum a me cujus omnia sunt illud acceperit. Mea sunt, inquam, omnia, quæ sub cœlo sunt. Ergo et ipse Leviathan qui sub cœlum ruit, quia videlicet, beatitudinem quidem meam perdidit, sed dominium meum non evasit.

VERS. 3. — « Non parcam, inquit, ei, et verbis potentibus, » illoc ad corpus ejus, id est, ad omnes iniquos referendum est, quia culparum suarum doloribus veniam non est petiturus. Sed et ille homo peccati, quem Dominus Jesus interficiet spiritu oris

sui (*II Thess. ii.*), tortasse territus ad preces inclinatur. Sed non parcam, inquit, ei, verbis potentibus et ad deprecandum compositis, id est non proderunt ei vel universo corpori ejus verba potentia et ad deprecandum composita, quin, ut supra dictum est, videntibus cunctis precipitetur. Et quia nobis Dominus ejus insidias quanto subtilius occulti considerat, tanto misericordius manifestat :

**VERS. 4.** — « Quis, » inquit, subaudi, nisi ego, « revelabit faciem **513** indumenti ejus, » id est fraudem simulationis ejus, quæ tanta est, ut se in angelum lucis transfiguret? (*II Cor. xi.*) Quod videlicet simulationis ejus indumentum tunc ipse revelat, quando se vis suis inspirat ut caveant malitiam quam sub habitu sanctitatis occultat. Unde adhuc subditur : « Et in medium oris ejus quis intrabit, » id est verba ejus discussit et falsitatem ejus reprehendit et manifestavit, subaudi, nisi ego?

**VERS. 5.** — « Portas, inquit, vultus ejus, » id est doctores iniquos, per quos quisque deceptus ingreditur ut Leviathan iste quasi in potestatis suæ principatu videatur; « portas, inquam, quis aperiet, » subaudi, nisi ego qui electis meis magistros errorum sub specie sanctitatis absconditos perspicua cognitione manifesto? Quas portas cur impossibile sit cuiquam præter ipsum aperire subdendo manifestat. « Per gyrum, inquit, dentium ejus formido, » id est in circuitu et quasi in præsidio doctorum erroris ejus sæcularium potestatum est protectio. Nam hic per dentes insinuare voluit quos superius portas vocavit : nam et portæ sunt, quia ingressum perditionis aperiunt, et dentes sunt, quia quos in terrore capiunt, a veritatis soliditate confringunt. Circa quos formido est, quia videlicet circa ipsos sunt qui mentes infirmorum affligunt, et quod ab ipsis verbis blandientibus dicitur, hoc ab illis gladiis ferentibus imperatur.

**VERS. 6.** — « Corpus illius, » id est iniqui omnes, quorum ipse caput est, « quasi scuta fusilia, » id est, per obstinationem duri sunt, sed per vitam fragiles, quemadmodum scuta fusilia in suscipienda sagittarum percussione robusta sunt, sed casu fragilia. Sic, inquam, verba correctionis impenetrabiliter excipiunt scuto superbæ defensionis, sed suo lapsu dissolvuntur, et franguntur casibus suis. Et bene scutis comparantur, quia scutati sunt, id est, defendentes se in omni peccato quod faciunt, sicut de Judicis juste obduratis propheta dicit : « Domine dabis ei scutum cordis laborem tuum (*Thren. iii.*), » id est, ideo repellunt a se verba prædicantium, quia dedicantur in te labores passionum. « Corpus, inquam, quasi scuta fusilia, compactum squamis se prementibus, » id est, defendens se et excusans, dum corripitur, quibus valet tergiversationibus, quemadmodum draconis corpus squamis tegitur, ne citius jactatione penetretur. Nonnunquam etiam a similibus suis fulcitur, cum in suis excessibus malitiosus quisque comprehenditur. Unde et sequitur

**VERS. 7.** — « Una uni, » id est squama squamæ,

**A** conjungitur : quia videlicet quos similis reatus sociat, concordi quoque pertinacia defensio perversa constipat. « Et ne spiraculum quidem incedit per eas, id est nullatenus ad se intrare vermitum sanctæ exhortationis spiracula.

**VERS. 8.** — « Una alteri, » id est similis simili, « adhæredit, » ita ut per Salomonem dicatur : « Stuppa collecta synagoga peccantium (*Ecclesi. xxi.*). » — « Et tenentes se nequaquam separabuntur, » id est, invicem defendantes ab invicem corroborabuntur.

Descripto corpore, ad caput sermo reducitur, et quia antiquus hostis semetipsum exerceat nuntiat.

**VERS. 9.** — « Sternutatio, inquit, ejus splendor ignis, » id est extrema commotio, qua damnatum hominem ingreditur, multis prodigiis quasi quodam **B** ignis lumine resplendebit. Et quemadmodum in sternutatione inflatio a pectore exsurgens, porosque apertos ad emanandum non inveniens cerebrum tangit, moxque per nares exiens totum caput concutit : sic ille homo peccati dignitate præsentis sæculi inflatus, dum quantum appetit contra justos prævalere nititur, quasi Satanæ cerebrum, id est, sensum elatum in fine mundi arctius percutit, et turbato capite, id est, illo qui in se habitat universæ iniquitatis auctore, quasi per nares egreditur, dum tota superbia ejus apertis malitiæ flatibus cum claritate miraculorum quasi cum splendore ignis demonstratur. « Et oculi ejus, » inquit, id est consiliarii vel provisores ejus, scilicet antichristi; « oculi, inquam, ejus, » id est, potentes sæculi, qui adhærebunt illi, « ut palpebræ diluculi, » id est, simulantes se esse nuntios veræ lucis, quia videlicet fidem quam in Christo inveniunt quasi erroris esse noctem afferrunt, et venerationem antichristi verum esse mane pollicentur.

**VERS. 10.** — « De ore ejus, » id est, de eisdem consiliariis ejus, qui et oculi vocantur, quia prævident, et os quia prædicant : « lampades procedunt, » quia videlicet mentes audientium ad amorem perfidiae succendent. « Lampades, inquam, sicut tæda ignis accensæ, » id est, sanctitatis sibi speciem arrogantes, sed tamen opera iniquitatis exercentes, sicut tæda cum accenditur odorem quidem suavem habet, sed lumen obscurum. Olen per simulationem D justitiae, sed obscurum ardent per penetrationem nequitiae.

**VERS. 11.** — « De naribus ejus, » id est de insidiis miraculorum ejus, « procedit fumus, » id est, caliginosa dubietas generatur, tanta videlicet, ut si fieri potest, etiam electi in errorem inducantur. « Fumus, inquam, sicut ollæ succensæ atque ferventis, » id est, ita efficiens animas cogitationum suarum impetu quasi spumis undarum ardentes, quomodoolla succensa aquas bullientes intrinsecus tenet, quia videlicet per tot se servores afflata ejus tentationibus conscientia erigit, per quot intra se cogitationes intumescit. Unde adhuc subditur :

**VERS. 12.** — « Halitus ejus, » id est, occulta suggestio ejus, « prunas ardere facit, » id est, succensæ

internis concupiscentiis reproborum mentes ad delictiones illicitas pertrahit. Nisi enim ignis, id est, concupiscentiae scintillam in se haberent, halitu, id est, suggestione diaboli prunae ardentes non flerent, et flamma, inquit, de ore ejus egreditur, id est, instigatio locutionis occultae animo ingeritur, quia videlicet ardet in desideriis animus, cum ejus suggestionibus instigatur.

Antiquus hostis extrema mundi, ut saepe jam dictum est, atrocius aggreditur tentatus, quia fit severior ad saevitiam, quanto se vicinorem sentit ad penam. Tunc cervicem superbiæ altius erigit, et per damnatum illum quem gestat hominem, omne quod temporaliter prævalet, nequiter ostendit. Unde nunc dicitur :

Vers. 15. — « In collo ejus morabitur fortitudo, id est, in elatione qua contra Ieum erigitur : sicut per prophetam dictum est : « Dolus in manu ejus dirigerat (*Dan. viii*), quia videlicet omne quod nequiter volet hoc ad tempus executi etiam fortiter potest. Et quia omnis qui perversis moribus amicitias ejus innotescit, prius veras mentis divitias amittit : « Et faciem, inquit, ejus, id est noilitiam ejus, præcedit egestas, quia videlicet nullus illi adberet, nisi cui sicut angelo Laodiceæ per Joannem dicitur : « Miser est, et miserabilis, et pauper, et cærus, et nudus (*Apoc. iii*). » Et quia nulla sibi sui corporis discordant membra

Vers. 14. — « Membra, inquit, carnium ejus coherenter sibi, id est, saevitiam suam tanto robustius exerit, quanto carnales omnes, qui utique membra ejus sunt, quo contra spiritualibus Paulus dicit : « Vos estis corpus Christi et membra de membro (*I Cor. xii*). » — « Membra, inquam, carnium ejus, id est, omnes carnalibus vitiis subjacentes unitate perniciosa ad impugnandam vitam bonorum esse cum illo durius opponunt. Trepidantem ad hæc infirmitatem nostram Dominus sublevat, cum proditionis subdit quid de tanta bellua faciat. « Mittet, inquit, contra eum fulmina. » — « Mittet, inquam, subaudi, judex venturus, fulmina, id est, tremendi judicii sententias. « Contra cum, inquam, et alij locum alium non transferuntur, quia videlicet, receptio tritico in horrea, solæ paleæ in ignem mittentur, id est, justis gaudentibus, soli 514 tunc reprobi ferientur. Sed quia Leviathan istum poenam non corrigit,

Vers. 15. — « Cor ejus, inquit, indurabitur quasi lapis, quia videlicet nulla unquam conversione penitentiae molietur. « Et stringetur quasi malleatoris incus, id est, solis ictibus æternæ damnationis aptabitur, sicut incudem malleator fingens solis apertis percussionibus. Ad hoc namque incus statuitur ut crebris ictibus feriatur.

Vers. 16. — « Cum sublatus, inquit, fuerit, sciens adveniente districto judice, extrema damnatione præcipitus : « cum, inquam, sublatus fuerit, timebunt angeli, id est, supernæ patris nuntii. Cum enim judicii turbine rapitur, hi qui in corpo-

ribus reperiri potuerint, prædicatores sancti quamvis fortes atque perfecti contremiscent immenso terrore concussi, et territi purgabuntur. Quod tamen de sanctis angelis, id est, cœlestibus spiritibus nihil intelligi sic tamen ut sub futuri temporis modum præterita describantur. Cum enim sublatus est cadendo ab arce beatitudinis, timuerunt angelii, et terrore purgati sunt, quia nimis isto cadente unde punita est culpa superbientis, inde inventa et solidata sunt augmenta meritorum humilibus angelis. Erit ergo, et quando præcipitabitur, ut jam dictum est, erit, inquam, in eis, sive in sanctis prædicatoribus, quia et ipsi angeli dicuntur, quia virtutis nuntii sunt, tremor latus, et timor securus. Sed quia de Leviathan istius sine cognovimus, interim prius

B quam pereat audiamus :

Vers. 17. — « Cum, inquit, apprehenderit eum gladius, id est, cum eum suscepit in se ille suus homo quem per malitiam fraudis exacuit et infirmorum corda transfigit; sive ira ipsius, quæ gladii nomine recte signatur, quæ in tantum apprehendet eum, ut dominari omnibus appetens, nequaquam suæ iræ dominetur : « cum, inquam, apprehenderit eum gladius, subsistere non poterit neque hasta, neque thorax, id est, neque prædicationis jaculum, neque fortitudo patientium. Per bastam namque qua vulnera infligimus prædicatio, per thoracem qua tegimur patientia recte signatur. « Non, inquam, subsistere poterit, subaudi, si supernum adjutorium desit.

C Vers. 18. — « Reputabit enim quasi paleas ferrum, et quasi lignum putridum æs, id est, et prædicantium vires velut paleas nequitiae suæ igne consumet, et patientium constantiam, quæ significatur per æs quod rubigine difficile solvit, quasi lignum putridum, in pulverem rediget, subaudi, nisi electos suos opitulatio divina roboret. Et ita reproborum mentes possidet, qui per paleas et lignum putridum designantur, ut nulla confossus veritatis jactatione derelinquit. Unde et subditur.

Vers. 19. — « Non fugabit eum vir sagittarius, id est, non recedit ab eorum quos possidet cordibus cuiuslibet prædicatoris invectionibus, quasi sagittas potentis acutas (*Psal. cxix*), id est, verba jam D prædicantium contemnit quisquis ab illo apprehenditur. « In stipulam, inquit, versi sunt ei lapides fundæ, id est, respectui sunt ei, velut infirmi omnes fortes Ecclesiæ : funda namque quæ in gyrum mititur, sicutne de illa excantes adversariorum pectora feriunt, sanctam designat Ecclesiam, quæ dum voluntate temporum per tribulationum circuitum ducitur, fortes ex illa viri proleunt, quibus quasi lapides ictibus tundantur verba iniquorum, propheta dicente : « Devorabunt, et subjicient lapidibus fundæ (*Zach. ix*), id est, confringent corda superborum per fortes viros Ecclesiæ. Sed quid mirum quod ei lapides in stipulam versi sunt?

Vers. 20. — « Quasi stipulam testimabit malum, id est, pro nihilo contemnet desuper venientem

tis et se ferentis divinæ animadversionis judicium.  
« Et deridebit vibrantem hastam, » id est, ipsum Deum in interitu ejus districtam præparantem sententiā. Et cum talis sit :

**VERS. 21.** — « Sub ipso, inquit, erunt radii solis, » id est, famulabuntur illi nonnulli etiam docti viri, qui per acumina sapientiae quasi radius videbantur lucem aspergere, juxta quod in Apocalypsi scribitur : « Quartus angelus effudit phialam suam in solem, et datum est illi æstu homines affligere et igui, et æstuaverunt homines æstu magno (*Apoc. xvi*), » quia videlicet dum sapientes viri in errorem abducuntur, infirni amplius temporalibus desideriis illorum exemplo afficiuntur. De quibus adhuc subditur : « Et sternet sibi aurum quasi lутum, » id est, quorundam vitæ munditiam per illicita desideria conculcabit, ut solitis ejus vestigis serviant etiam hi, qui contra illum prius virtutum splendore rutilabant. Nam hoc loco aurum claritatem sanctitatis, lутum vero avaritiam terrenarum rerum vel carnalium sordes signal voluptatum. Sciendum tamen quia aurum quod quasi lутum sterni potuit, aurum ante Dei oculos nunquam fuit. Quid autem faciet de illis qui omnino terrenis fluctuant concupiscentiis?

**VERS. 22.** — « Fervescere, inquit, faciet quasi olata profundum maris, » id est, vitam sacerdotum studebit contra electorum vitam per flammam crudelitatis excitare. Tunc enim profundum mare quasi olla fervescit, cum corda dilectorum sæculi valide succedit. « Et ponet, inquit, quasi cum unguenta bulliunt, » id est, faciet eos arbitrari quod Deo præsent obsequium (*Joan. vi*), et velut unguenta bullientia bonum odorem mittunt, sic bonam sibi videbuntur exhalare opinionem. Et ut magis in illo fiantur :

**VERS. 23.** — « Post eum, inquit, lucebit semita, » id est, dictis vel malitiæ ejus operantia splendebunt prodigia; et ut deceptos ad presentes voluptates rapiat. « Estimabit abyssum quasi senescentem, » id est æstimari faciet infernum quandoque finiendum. Sunt enim nunc etiam, qui idcirco peccatis suis finem ponere negligunt, quia habere finem quandoque superna suspicantur judicia, cum Veritas dicat : « Ibunt hi in supplicium sempiternum : justi autem in vitam æternam (*Matt. xxv*). » Et dum Deum satagent perhibere misericordem, non verentur prædicare fallacem. Nunc immanitatem virtutis illius Dominus breviter insinuans subdit :

**VERS. 24.** — « Non est super terram potestas, quæ comparetur ei, » quia videlicet, et si actionis suæ merito infra homines cecidit, omne tamen humanum genus naturæ angelicæ conditione transcendit, cuius magnitudinem amissa dignitate non perdidit. « Qui factus est, » inquit, subaudi, sua perversitate talis « ut nullum timeret, » id est, ut ei quoque a quo conditus est, quem caste timere debuisse, subesse despiceret. Cujus albus superbia describitur dum subinfertur :

**VERS. 25.** — « Omne sublime videt, » id est, cun-

A ctos velut infra se positos quasi de sublimi respicit quia dum per intentionem contra auctorem nititer existimare sibi quemlibet similem designatur. Et aperte antiquus hostis, qui per corporeum animal signatur, quasi de sublimi omnes videre describitur, quia videlicet superbia usque ad corpus prodiebat, apertius oculis principatur. Nunc in fine locutionis Dominicæ unum aliiquid manifestius exprimitur, unde membra illius brevi nobis designatione monstrantur. « Ipse, inquit, est rex super universos filios superbiam. » Quasi tyrannus quidam obsessam civitatem intercipit, cum per superbiam vitium mentem irrumptit. Quia ergo Redemptor noster corda regit humilium, et Leviathan iste rex dicitur superbiorum, aperte cognoscimus quod evidentissimum signum B reprobatorum superbiam est : at contra humilitas electorum. Cum ergo quam quisque habeat notam cognoscitur, sub quo rege militet invenitur.

**CAP. XLII, VERS. 1, 2.** — Postquam fidelis simul Dominus Leviathan hostis ejus, quam sit et fortis et callidus, ostendit, beatus Job ad utraque respondit, videlicet **515** contra immanes vires ejus. « Scio, » inquit, « quia omnia potes, » contra occultas machinationes illius, « et nulla, » inquit, « te latet cogitatio. » Unde et mox eidem Leviathan exprobrat dicens :

**VERS. 3.** — « Quis est iste, qui celat consilium absque scientia? » id est fraudes suas contra infirmitatem nostram occultat, tamen protectori nostro celebre ignorat. Scio, inquam, quod nil te lateat : « Ido insipiente locutus sum, » id est in comparatione tue sapientiae stultum est omne quod sapere visus sum. Hoc modo et Moyses eruditus omni sapientia Ægyptiorum, ex quo Dominum loquentem audivit, impeditioris et tardioris lingua: se esse deprehendit (*Exod. iv*). Et Isaías postquam Dominum vidit, irrum pollutum labiis se esse cognovit (*Isa. ii*). Sc omnes sancti viri quanto magis contemplando proficiunt, tanto amplius despiciunt quod sunt. « Insipiente » ergo, inquit, « locutus sum, et quæ ultra modum excederent scientiam meam, » quia videlicet in verbis tuis plus quam existimaveram sapientiam tuæ secreta agnovi, et inde me ultra modum meum excessisse deprehendi. Quid ergo ?

**D VERS. 4.** — « Audi, » inquit, « et ego loquar, » id est desiderium meum percipe, et ego promptus desideriis inhibabo ad te. « Interrogabo te, et responde mihi, » id est stultitiam meam utiliter agnoscam, et tu docce me.

**VERS. 5.** — « Auditu auris audivi te, nunc autem oculus meus videt te, » id est quantum visus superior est auditu, tanto illud quod post flagella profectus differt ab eo quod prius exstisti.

**VERS. 6.** — « Idcirco ipse me reprehendo, » videlicet quanto magis me video, tanto magis mihi dispicio. « Et agd penitentiam, » videlicet quia nullus est recognitio reprehensionis, nisi sequatur etiam lamenta penitulinis. « Ago, » inquam, « penite-

nam in savilla et cinere, » id est recognosco me A fuerant Job duplia, » videlicet ut temptationis dispendium vincerent suffragia consolationum.

Vers. 7. — « Postquam autem locutus est Dominus, » etc. Ecce assistentibus partibus et sententiam inspectantibus, profert Dominus ex invisibili regula sue discretionis examen, ostendens quasi in contentione ista rectius locutus sit. « Non estis, » inquit, loculi rectum coram me, sicut servus meus Job. » Ecce Deo judice beatus Job victor laudatur, qui loquendo peccasse putabatur, et eodem judice addicuit sunt qui ejus merita se transcendere pro Deo loquendo crediderunt. « Sicut servus meus Job, » inquit, videlicet dum interpositione servitutis eum quasi sub quadam peculiaritate commemorat, cuncta que cum defensione sua dixerat, non contumaci superbia sed humilitate dixisse comprobavit. Deinde amicos ejus et per justitiam districte redarguens, et per misericordiam benigne convertens,

Vers. 8. — « Sumite, » inquit, « vobis septem tauros, » etc. Notandum quod conversionis suae sacrificium Domino non per se, sed per Job, jubentur deferre, quia videlicet haeretici, quorum speciem illos tenere saepe jam dictum est, cum ab errore redirent, Deum sibi placare non possunt, nisi precibus catholicæ Ecclesiæ, quam beatus Job significat, saltem suam obtineant, cuius lumen perversis assertiōibus impugnabant. « Septem, » inquit, « tauros et septem arietes sumite, » id est qui taurinae suistis superbie, et arietes, id est gregum diversorum errantia duces, septiformi Spiritui vos ipsos humiliante, « Job autem servus meus orabit pro vobis, faciem ejus suscipiam, ut non vobis imputetur stultitia. » At si aperte haereticis dicat : Sacrificia vestra non accipiam, petitionum vestrarum verba non audiam, nisi per intercessionem Ecclesiæ, cuius professionis verba de me veracia recognosco. Sola quippe est per quam sacrificium Deus libenter accipiat, sola quæ pro errantibus fiducia litter intercedat; sola, inquam, domus est, in qua vera hostia Redemptoris immolatur, sicut de agni hostia per Moysen dicitur : In tua domo comedetur, nec effteris de carnibus ejus foras (Exod. xii). » — « Orabit, » inquit, « pro vobis. » Neque enim locuti estis coram me rectum sicut servus mens Job. » Quod semel indicando duxerat, iterum replicando confirmat, quia videlicet quidquid in eloquio divino repellitur, robustius confirmatur.

Vers. 9. — « Abierunt ergo Eliphaz Themanius, » etc. Florula interpretatio nominum in exordio diserta est. « Et suscepit Dominus faciem, » id est charitatis intentionem, « Job. » Et quia quisquis intercedere pro aliis nescit, sibi potius ex ipsa charitate suffragatur, recte subditur :

Vers. 10. — « Dominus quoque conversus est ad penitentiam Job, cum oraret ille pro amicis suis, » id est, etiam pro semetipso paenitens tanto citius caudiri meruit, quanto devote pro aliis intercessit. Et quantum pro se obvinerit illico demonstratur et subditur : « Et addidit Dominus quæcunque

fratres sui, » etc. « Et comederunt, » inquit, « cum eo panem in domo ejus : et moverunt super eum caput. » In comeditione panis charitas, in motione capitum admiratio designatur. « Et consolati sunt eum super orani malo quod intulerat Dominus super eum, » id est super eo gavisi sunt. Percussi enim mœrem consolari, est ei post percussionem de venia congaudere. « Et dederunt ei unusquisque ovem unam, et inaurem auream unam. » Licet cuncta haec juxta historiam veraciter dicta sint, ipsis tamē muneribus quæ oblata sunt cogimur ad allegoriam mysterium. « Addidit, » inquit, « Dominus omnia quæcunque fuerunt Job duplia, » id est sanctæ Ecclesiæ, quæ cum capite suo una persona est, nunc solas gentes habenti, in fine mundi omnis quæ inventa fuerit Iudeæ consentient, vel certe sanctæ Ecclesiæ in fine suo duplum recipere, est in singulis nobis et de beatitudine animæ, et de carnis incorruptione gaudere. Unde scriptum est : « In terra sua duplia possidebunt (Isa. lxi), » quia videlicet in fine mundi binas stoas habituri sunt, id est cuncta mentis beatitudine etiam carnis gloriam possidebunt. Sed ea quæ subnexa sunt, in fine magis humani saeculi conversionem Judaici populi nuntiare testantur. « Venerunt autem, » id est venient ad eum, credendo, « omnes fratres sui, » id est quotquot ex plebe Judaica fuerint inventi, « fratres, » inquam, « sui, et universæ sorores, » id est vel qui fortis futuri sunt velut fratres, vel infirmi velut sorores, « et cuncti qui noverant eum prilus, » scilicet per legis et prophetarum notitiam, quem passionis suæ tempore dum despicerent ignorabant. Et comedentes cum eo panem in domo ejus, id est in sancta Ecclesia quæ domus est ejus. Sacri eloqui frugo pascuntur, et movebant super eum caput, id est principale quod est mens per formidinem veritatis ab insensibilitate sua patietur. Et consolabuntur eum super omni malo quod intulerat Dominus super eum. Consolabuntur, inquam, scilicet illa consolatione quæ in passione sua non inveniens : « Consolantem me, inquit, quæsivi, et non inveni. » Consolatio quippe magna est prædicanti subsequens profectus auditoris. Et dabunt ei unusquisque ovem unam, id est inclinabunt ei innocentem vitam, et inaurem auream unam, id est pretiosam virtutem, obedientiam De qua Samuel : « Melior est, » inquit, « obedientia quam victimæ (I Reg. xv). » Et notandum quod cum inaure ovis, cum ove offertur inauris, quia himirum innocuis mentibus ornamentum semper obedientiæ jungitur, juxta illud : « Oves meæ vocem meam audiunt (Joan. x). »

Vers. 12. — « Et facta sunt ei quatuordecim milia ovium, » etc. Dum dicitur : « Addidit Dominus quæ fuerunt Job duplia (v. 10), » de animalibus palam quidem est quod duplicata **516** sint : de filiis autem quod dupliciter addiderit sic constat, quia dé-

cem postmodum in eam rem restituit, decem vero qui amissi fuerant in occulta animarum vita servavit. Juxta allegoricum sensum eodem modo de animalibus intelligendum est, quo et in prima parte libri expositum est, quia videlicet per Psalmistam Patri dicitur: « Omnia subjecisti sub pedibus ejus, oves et boves universas, insuper et pecora campi (*Psal. viii.*). » Sancta vero Ecclesia, quæ in exordiis suis innumeris temptationibus pressa, tam Israeliticum populum quam multos ex gentibus amisit, videlicet quos lucrari non potuit, in fine duplicita recipit, quia ex omni natione fidelium numerus in ea multiplicior excrescit.

Vers. 13. — « Et fuerunt ei septem filii et tres filiae, » etc. Septem quoque filios et tres filias recipit, quia mentibus eorum, quos septem virtutibus generat, ad perfectionis summam, fidem, spem, charitatemque conjungit, ut tanto verius proles sua gaudeat; quanto suis fidelibus nil de virtutibus deesse pensat. Nominibus quoque filiarum universum genus humanum designat, quod benignitate Conditoris, atque ejusdem misericordia Redemptoris eligitur. Quæ videlicet nomina subjunguntur:

Vers. 14. — « Et vocavit, » inquit, « nomen unius Diem, et nomen secundæ Cassiam, et nomen tertiam Cornustibii. » Nam quia et conditum genus humaanum luce innocentiae claruit, et redemptum exercitio bonorum operum odorem suavitatis aspersit, et prima filia recte Dics, et secunda non incongrue Cassia nominatur: et quia tertio ordine, genus humaanum etiam carnis resurrectione renovatum in illum concentum æternæ laudis assumitur, tertia filia Cornustibii vocatur. Qui enim lux vel dies sumus conditi, et nunc sumus Cassia redempti, erimus quandoque Cornustibii in exultatione æternæ laudis assumpti. Hæc nomina, pro eo quod a virtutibus sumpta sunt, apte curavit interpres non ea sicut in Arabicō sermone inventa sunt ponere; sed in Latinum eloquium versa apertius demonstrare. Cornustibii ex cornu et tibia composuit, et quo voluit generare licite produxit.

A Vers. 15. — « Non sunt autem inventæ mulieres speciosæ sicut filiae Job in universa terra, » quia videlicet priusquam ad nuptiarum thalamum sponsa perveniat, omnem a se vitæ fidelitatem respici, et amori sponsi preparans sese per species virtutum componit. De qua animæ pulchritudine in Psalmo dicitur sancta Ecclesia: « Concupivit rex speciem tuam (*Psal. xliv.*). » Et paulo post: « Omnis gloria ejus filiae regis ab intus (*ibid.*). » — « Deditque eis, scilicet filiabus, » pater suus hereditatem inter fratres carum. » Usus vitæ veterie non habebat ut hereditatem feminæ inter masculos sortiretur. Sed pio Redemptore nostro, cuius hic typus est, attingente, nullus infirmitatis suæ conscientis de sortienda coelestis patrimonii hereditate desperet, quia in domo Patris mei mansiones, » inquit, « multæ sunt (*Joan. xiv.*), » ut sorores cum fratribus, id est infirmi admittantur cum fortibus. Ubi nemo disperditati damna sentit, quia tanto sibi quantum percipit sufficit.

B Vers. 16. — « Vixit autem Job centum quadraginta annis, » id est vivit Ecclesia post resurrectionem in perfectione æternitatis, quæ per hunc numerum recte signatur. Nam si quatuordecim per denarium ducimus, ad centesimum et quadragesimum numerum pervenimus. Quatuordecim autem ex decem et quatuor compositus perfectionem decalogi legis et Evangelii designat. Ecclesia ergo tam secundum legis decalogum quam secundum quatuor Evangelii libros usque ad perfectionis culmen extensa vivit in perpetuum. « Et vidit filios suos, » scilicet quos Deo acquisivit, « et filios filiorum suorum, » videlicet quos genuerunt successores apostolorum; « vidit, inquam, usque ad quartam generationem, » id est usque ad resurrectionem. Primum namque tempus ante legem, secundum sub lege, tertium sub gratia, quartum in resurrectione futura. Et quasi quarta generatione Ecclesia moritur, id est praesenti mundo penitus auferitur. Plena dicram, id est plene remunerata mercede bonorum operum. Expektit iste liber Job feliciter. Amen.

# R. D. D. RUPERTI

ABBATIS TUITIENSIS

## IN LIBRUM ECCLESIASTES

### COMMENTARIUS.

INCIPIT EPISTOLA SEQUENTIS OPERIS AD GREGORIUM.

**517** Domino Gregorio clariussem memorie viro, S. humilis atque Dominicum periprema salutem. *Beati*, ait Psalmista, « qui scrutantur testimonia Domini, ut in toto corde exquirant eum (*Psal. cxviii.*). Hanc, ut reor, beatitudinem, dilectissime, invenisti, et ideo aequipollenissimum arbitratus ut, qui eam in-